



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

PROPERTY OF THE

*University of
Michigan
Libraries*

1817



ARTES SCIENTIA VERITAS





1

1

1







JACOBI CRUCI
SUADA DELPHICA

Sive
ORATIONES LXX
Varii Argumenti
*Studiose Juventuti inductio
ad Artem Oratoriam*



Crucque, Jacques de
**JACOBI CRUCI
SUADA DELPHICA**

**SIVE
ORATIONES LXVIII**

Varii Argumenti,
STUDIOSÆ JUVENTUTI

Manuductio ad
ARTEM ORATORIAM.

Editio Nova
Revisa & emendata.



AMSTELODAMI,
Apud **JANSSONIO - WAESBERGIIOS.**

MDCCCIX.

PA

8475

.C95

1709



Reg. p. 9. Brundvold

1-4
3-28 Ornatiſſimis, Doctiſſimiſque Viris,

DIONYSIO SPRANCHUSIO,

Et

DIONYSIO CRUCIO,

*Illi in Eccleſia Delphenſi, huic in ea, quæ eſt
Noviomagi, Verbi divini Miniſtris
fideſſimiſ,*

J. CRUCIUS dedico, confecroque.



N rebus humanis nihil eſſe
mente, ac ratione divinius,
unanimi ſemper conſenſu,
Sapientiſſimi judicarunt.
Quin etiam Veterum nonnul-
li, cum expreſſam in ea Divinitatis i-
maginem animadverterent, admirabilem
quandam eſſe humanæ mentis præſtan-
tiam, neque in iis omnibus quæ infra Lu-
nam ſunt, mente de ratione ſuperius quid-
quam poſſe reperiri ſtatuerunt. Ea genus
humanum cætera quotquot ſunt animantia
longè ſuperat, quamvis in aliis, ab eorum
plerisque ſuperetur. Vincit enim hominem
celeritate cervus, taurus robore, lynceſ &
aquilæ viſu, apri auditu, canes & vultures
odoratu. Sed mentis acrimonia aliis longè
antecellit. Cujus ut variæ ſunt dotes, ita non
minima earum eſt ELOQUENTIA,
quæ conceptas animo rerum imagines,
grandibus verbis, & minimè vulgari di-
cendi genere efferre apta eſt, & idonea, or-
nat

nata ingenuarum artium, ac disciplinarum
splendido comitatu, quibus oratio tanquam
modicè adpersusale, suavissimè conditum
Hac via veteres illi quos admiramur Sa-
pientiae Proceres, vulgo se exemerunt; ha-
se supra ceteros mortales extulerunt; ha-
gradientes, non modo floruerunt inter a-
quales suos, sed in omnem posteritatem, no-
men sibi, ac decus immortale pepererunt. I-
LOQUENTIA enim paces componit
tur, inter remotissimas gentes constituunt
societates, foedera feriuntur, amicitia quae
condimentum vitae est, nullo magis admini-
culo, nullo ferrumine validius quam el-
loquentia inter dissidentes consolidatur ac c-
alescit. In theatris, foro, curia, tribunali ca-
sas agere, cathedram conscendere, & ad po-
pulum verba facere, sententiam de publicis
negotiis dicere, legationibus defungi, totum
est ELOQUENTIÆ. Nullam vitae hu-
manæ partem immunem sui esse patitur. In
Aulis Principum locum habet, & in Co-
stris, & ubicunque consiliores geritur, dom-
foris triumphat Eloquentia. Sagum sibi, &
Togam vendicat, lauros & trabeas, sceptrum
& fasces, & in rebus arduis Regni, aut Re-
gis, militiæ aut pacis, lingua loquitur inde
animi, & interpres consiliorum, inter pre-
sentes, & longè remotos, & quum armis ne-
potest, verbis pugnat, & sine tumultu in-
ducias aut pacem, sine sanguine victoriam
sine cæde trophæa molitur. Ideo olim ar- &

*simo inter se vinculo jungi Mercurium, & Palladem, Antiquitas voluit sapientiae magistra, quod sine ELOQUENTIA, prudentia illa rerum humanarum Regina, & Civitatum Domina, atque Imperatrix, nulla sit. Non aliter de ea olim judicarunt Viri magni, & summi illi dicendi magistri, Cicero, Demosthenes, & ii qui Academicis, & Scholis unquam cum laude praesuerunt. De me liberè, & citra jactantiam hoc profitebor, in pretio semper à me habitam, & Juventuti sub disciplina mea, quàm praeceptis quàm ceteris, & orationum argumentis instillatam, ut primis istis dicendi tyrociniis animos ad eam excolendam accenderem & in hac voluntate perseverabo, donec usurpabo oculis γλυκερὸν φάσμα ἢ ἰλιόιο. Sed ut Ixion in fabulis pro Junone nubem, ita hodie multi pro Eloquentia amplectuntur inanem, & verbosam loquacitatem, & omis-
 sis rebus verba curant. Ergo non fucatam eloquentiam, non phaleratam, & ponderantem periodos, magni pendo, sed simplicem, masculinam, & perspicuam in qua emineant sententiae, & quæ sponte naturali pulchritudine exurgat, nullo verborum lenocinio leviter incrustata, sed penetrans succi ac sanguinis plena, & quæ gravitate sua se ipsa commendat. Ut Pythagoram ajunt è modulo pedis, quanta mole corporis fuisset Hercules judicasse: sic ego ex brevi, sed nervosa oratione, quæ sublimem & floridam
 * 3 simul*

simul Romanae dictionis elegantiam spe-
de ingenii alicujus magnitudine judi-
didici; Cretensium exemplo quos Plato
πολύνοιαν μᾶλλον, ἢ πολυλογίαν ἀσκήσαι. Ne
nihil. Ut enim in iis quae possidentur,
plurimi fiunt, quorum exigua moles est,
tium ingens: & ut in cibis ii maxime
dantur, qui plurimum succi habent: ita
ximi facienda Oratio, non jejuna illa, d-
ta, famelica per humum repens, sed quae
cunda, & facunda brevitate, multa &
gna complectitur, numerosè dicit & per-
cuè sensa mentis evoluit, quo nullum m-
elocutionis ornamentum est. Sub vestro
nomine Viri ornatissimi, quod has exerci-
tiunculas oratorias in lucem prodire vo-
non est quod miremini, humanitas ve-
impulit, & propensus in me animus, qui
pari affectu nisi rependam, ingratus
merito essem postulandus. De quo ut v-
constet ἱνὶ χυρὸν aliquod exstare volui in
munere chartaceo. Favete modo, & la-
rem hunc meum nomini vestro inscripi
sereno vultu suscipite, gratum vobis (ut
ro) futurum si non pretio suo, saltem Ai-
ris in vos affectu, & propensu tribue-
voluntate, quae in ratione officiorum utra-
que paginam facit. Valete & longum, l-
virtute, & doctrina venerandi, Reip. li-
rariae, & Ecclesiae bono vivite. Delphis
Kal. Jun. c15. 15c. LXXV.

INDEX ORATIONUM.

- I. In laudem Logicæ.
- II. In laudem Rhetoricæ.
- III. In laudem Divi Pauli.
- IV. In vituperium Regis Achabi.
- V. In laudem Lingux Hebrææ.
- VI. In laudem Lingux Græcæ.
- VII. Qua probatur adversus Judæos Jesum Mariæ filium esse promissum Mundi Messiam.
- VIII. Parænetica ad Studiosos, ut devoratis molestiis, constanter in studiis perseverent.
- IX. In Senectutem.
- X. Pro Senectute.
- XI. De Tranquillitate Animi.
- XII. De Tranquillitate Animi.
- XIII. De Invidia.
- XIV. De Invidia.
- XV. De Ira, & de ejus effectibus.
- XVI. De Causis & remediis Iræ.
- XVII. In laudem Alexandri Magni.
- XVIII. In laudem M. Scævola.
- XIX. Qua negatur Nobili discendas esse literas.
- XX. Qua affirmatur Nobili discendas esse literas.
- XXI. In vituperium Poësis.
- XXII. In laudem Poësis.
- XXIII. In vituperium Otii ignavi, carmine.
- XXIV. De Calumnia.
- XXV. Pro Ebrietate.
- XXVI. In Ebrietatem.
- XXVII. De Superbia.
- XXVIII. In vitam Aulicam.
- XXIX. Pro vita Rustica.
- XXX. De Concordia.
- XXXI. In vituperium Curiositatis.
- XXXII. Oratio in obitum Principis Mauritii carmine.
- XXXIII. In obitum Principis prosa.
- XXXIV. De mutationibus Rerump. earumq; causis.
- XXXV. De Literarum præstantia.
- XXXVI. In vituperium Loquacitatis.

* *

XXXVII. In

- XXXVII. In laudem Eloquentiæ Ciceronis.
 XXXVIII. In luxum vestium.
 XXXIX. In laudem Auri.
 XL. In contemptum Auri.
 XLI. Oratio qua ostenditur Resp. à nullis me-
 lius quàm à Sapientibus regi.
 XLII. In vituperium Chorearum.
 XLIII. In Avaritiam.
 XLIV. Oratio carmine habita de contēptu Mortis.
 XLV. Oratio consolatoria super obitu Amicorum.
 XLVI. De vulgi inconstantia.
 XLVII. Carmen quo hortamur de reddenda Deo
 gratia pro tantis Beneficiis. (missa.
 XLVIII. Oratio in laudē Græcæ linguæ loco strenæ
 XLIX. Exhortatio ad Studium Theologiæ.
 L. De Peccato declamatio.
 LI. In vituperationem tripudii, in genere cau-
 sæ demonstrativæ.
 LII. De Justa Belli Causa.
 LIII. De Liberalitate.
 LIV. In Sententiam γινῶθι σεαυτόν, Nosce te i-
 psum.
 LV. Pro Sententia γινῶθι σεαυτόν, Nosce te ipsum.
 LVI. De Ambitione.
 LVII. In Laudem Humilitatis.
 LVIII. De Eloquentia.
 LIX. De triplici Voto Augustini.
 LX. De Ludis & recreationibus Adolescentum :
 Ciceronis in Officiis loco, exercitii gra-
 tia explicato.
 LXI. In laudem Historiarum.
 LXII. De Patientia.
 LXIII. In laudem Medicinæ.
 LXIV. In laudem Scholarum.
 LXV. In laudem Peregrinationis.
 LXVI. De Vitæ termino.
 LXVII. In laudem Eruditionis.
 LXVIII. In laudem Eruditionis, altera.
 Virgo Batava.

ORA.

JACOBI CRUCII

Suada Delphica sive Orationes.

ORATIO I.

In laudem Logicæ, recitata ab

ISAACO SWANEVELDIO.



Non minus graviter, quàm verè alibi
Poëta:

Ἀπὸ τοῦ ἰσχυροῦ ἀνίμα, καὶ ψυχῇ βροτοῦς.
*Pecunia anima & sanguis est mortali-
bus.*

Tanta enim hodie multorum animos cepit dementia, ne dicam infania, ut posthabitis iis quæ unicè mentem adornant, & animam nobilitant, fluxis his, & caducis anxie corradendis incumbant; ac tum demum beatos se prædicant, si scrinia sua opibus, ac pecunia repleant; cetera scientiarum omnium, ac artium rudēs, adeo ut stipites potius, ac trunci censeridebeant, quam homines, qui à brutis animantibus, nulla alia de causa, magis dissident, quàm rationis usu. Hanc cum præ aliis artibus, ac disciplinis maxime perficiat, & informet LOGICA, mirari satis nequeo, quò fiat, quod non majoritàm studio amplectantur homines, in eaque unicè consequenda desudent, quæ artium omnium, & disciplinarum Domina est, & mentis humanæ moderatrix. Hujus grassantis erroris contagio, cumcurrere hac mea declamatiuncula, & dignitatem, ac præstantiam *Logica*, à multorum superbostidio vindicare sit animus, vos rogo, Auditores, ut de nobili hac materia apud vos dicentem, solvestra attentione, ac benevolentia complecti d dedignemini. Theseum ferunt Ariadnes ope, in
pe-

intactum relinquit : Divina cœ
& humana : Disputat de Deo , ejusque
in Mundi hujus regimine : inquit :
buta , sapientiam , justitiam , bonitate
tentiam : Disputat de Angelis , de hor
ma , de cœlo , & vario siderum , ac st
fu , de primâ rerum naturalium mate
mentis , plantis , metallis , mineralibu
animalium , de virtutibus , & vitiis , d
morbis , eorumque remediis. Nihil e
de quo non illa εις ἑσχατα accuratissi
tissimè , & enucleato indicio differat ,
nis incudem revocet , tanquam seduli
fessa veritatis omnis indagatrix ; nen
ctus à circumfusio aëre lumen accipit
Logica. Quid ? Annon tota circa intel
bilissimam illam animæ facultatem ,
tur , ut illum tanquam Magistra regat ,
Quid obsecro vos in philosophia , qu
pœdia , addo , quid in tota , & universi
quanta quanta est , sine hac feliciter ,
ctu præstari potest ? Nihil. Si ad sci
alias contendat . hæc ianna est . si .

opónit. Dicat *Empedocles*, *angustas esse sensuum* as, in via Logicæ nulla est via. Omnia perstruit, omnia penetrat & suis pretiis momenta rerum ponderat; hæc cæcitatis humanæ nebulas dissipat, & solida rerum cognitione mentes imbuunt. Icat denique *Socrates* omnium mortalium, *Apolonis* Oraculo, sapientissimus, *se unum scire quod nihil sciret*, hæc dat scientiam. Atque ut sol ortu suo tanquam magnus ille mundi oculus, obscurissima quævis loca illustrat: Ita hæc artes omnes. t ut viatores qui in externas regiones, & terras longe à patria distitas tendunt, & peregrinantur, isti ducem habeant, à via facile aberrant, & in devia feruntur & præcipitia: Sic liberalium ingeniorum lucubrationes, labores, studia à scopo suo & ne facile defleunt, nisi *Logicam* ducem habeant, inquam filum *Ariadnes*, in magno illo, & inextricabili artium labyrintho. Quid multa? Nesciens *logicam*, etsi scire aliquid videatur, nescit tamen um rationem sui sciti nesciat. Hinc est, Auditores, quod *Hipponensis* ille *Ecclesiæ* olim *Antistes*, *Logicam* vocat *disciplinam disciplinarum*, quia hæc illa est (inquit) quæ docet docere, & quæ locet discere. In hac se ipsam ratio demonstrat, & aperit, quæ sit, quid velit, quid valeat. Sine hac nihil aut cogitare prudenter, aut disputari cute, aut certe definiri ac statui potest. Verbo: quod naviganti est specula, aut pharus, scribæ calamus, Geometræ circinus, & norma, infanti serærastra: id Philosopho, Theologo, Jurisconsulto, & Medico, est LOGICA. Sine qua omnes disciplinæ, & artes velut *Ariadneo* filo destitutæ, *Errabunda legunt dubio vestigia gressu*.

Sed ne titulis quibusdam videar gloriari, Logicæ ponderemus utilitatem. Nulla est disciplina, quæ magis excitet, juvet, acuat ingenium hominis, *Logica*. Nulla ars quæ iudicium hominis ad solide percipiendum, quid verum, quid falsum, quid ordinatum, quid verò confusum sit, dexte-

bis ingenerat Logica, dubitationū
 ptima medica. Hinc sublata dubira
 gicæ medicinam, constantia in veri
 ab ea seducaris. Logica facit, ut or
 & scribas, quæ rectè cogitaſti. Hæc
 diſcas, quod alter te benè docet. H
 mnis generis erudita colloquia, & co
 nuductio. Hæc ſola facit, ut poſſis i
 quarum diſciplinarum ſcientiam ti
 Hæc velut è tenebris in lucem, veri
 hit. Nam veritas non niſi abſcondi
 Logicæ beneficio emergit tandem, &
 prodit quæ diu latuit. Illa eſt, quæ h
 dit judicioſum, & promptum in re
 ſcendis: quæ errantes in viam reducit
 rum omnium fraudes detegit, modo
 argutias eorum, qui in diſputando ne
 quæunt, ſed victoriam, eludit, ridet.
 difflat, quaſi ventus folia, & utur ἀλ
 Ⓐ, καὶ πολύσχιδες, magnamque v
 præ ſe ferat, adeo ut illi qui ſibi vide
 haud raro decipiantur, illa nunquam
 a errorum induci possunt. C. 16. 116

xit, idem de Logica dici possit, eam videlicet sapere solam, præ reliquis disciplinis.

Sed regerentes hic mihi audire videor; Alias quoque utiles esse artes & scientias. Sunt, Auditores, nec inficior, imò utilissimæ. Ut suus est stellis honos, sua lux, etiamsi à Solis splendore, & claritate vincuntur. Sed vestram fidem! unde illa utilitas, nisi à Logica? quæ indagine quadam inveniendi argumentorum locos circumdat, & captam ac *ἐκ τῆς ἀληθείας*, veritatem adducit, & in scenam omnium oculis intuendam, producit. Hæc est quæ judicandi rationem tradit, & de quavis materia disputandi modum. Definendum est aliquid? Huc accurras oportet. Et quid, obsecro vos Auditores, præstantius, quid utilius in tota Philosophia, hac ipsa definitione inveniri potest, aut excogitari, quæ rerum naturam ita declarat, ut nihil sine hac scire, omnia vero ejus beneficio cognoscere queas. Unde magnifica illa apud Aristotelem definitionis elogium: *πάντα, inquit, ἐπιστήμη ἐν ὁρίσκειν* & alibi, *ἐπιστήμη ἐστὶ τῆς οὐσίας γνῶσις*. Amplius: *ἡμεῖς γνῶσις ἐστὶ ὁρίσκειν*. Ex quo facile intelligi potest, nullam dari scientiam in quacunque etiam disciplina, quam non debeamus definitioni, quæ rebus lucem foenerat, & sine qua docti in rerum cognitione, talpæ sunt. Dividendum est aliquid? discere hinc modum oportet. Ratiocinandum est? hæc tibi Syllogismos, enthymemata, inductiones, soritas, dilemmata abundè subministrat. Declamandum? hæc tibi methodum præscribit. Resolvendus aliquis per analysin author? Hæc sola artem, quam Oratores tam studiosè tegunt, detegit, & omnibus quasi levato velo conspiciendam præbet, ad imitationem eorum, qui vel in Oratoria, vel aliis olim artibus excellere. O res præclaras, ardentissimo studio, summaque animi contentione dignissimas!

Sed quo longius in altum provehor, Auditores, eo mihi amplior, & patentior dicendi quali campus.

pus ostenditur. Quare ne diutius attentione vestra abuti videar, abrumpo. Audivistis quàm utilis, quàm necessaria sit homini ad doctrinæ, & eruditionis apicem adspiranti hæc scientiarum omnium, & artium Regina *Logica*: quod breviter quidem & compendiario à me factum. Sed ex ungue leonem. Et ut Pythagoram ajunt è modulo pedis, quanta corporis mole fuisset Hercules, judicasse: sic & vos ex hac oratiuncula facile de *Logicæ* dignitate, ac præstantia judicare potestis. Qua destituti quoties impingunt eruditi, & sub Veritatibus supparo falsum sibi obtrudi sinunt ab hac scientia imparati? Hæc enim cæteris non tantum disciplinis longe palmam præripit, sed & alias illustrat, informat, perficit. Adeò, ut totius Philosophiæ non solum manus dici possit, sed τὸ ὅλον, & τὰ πᾶν. nempe quod reliqua ad eam se habeant, ut singula ad omnia, & partes ad *TOTUM*. Quid restat? nisi ut illam ambabus (quod ajunt) ulnis amplectamini, vos præsertim adolescentes, optimis parentibus in spem Patriæ & Ecclesiæ nati, eruditionis Candidati, & scholæ hujus Seminaria non ingloria, qui vos totos studiis devovistis. O sapientem vere, qui hic sapit. Qui ad hanc segetem venit, manipulos frugum colligit, & in usum suum recondit. Rideo enim & jure, illos præmature sciolos, qui linguarum aliqua cognitiuncula sibi placentes, spreto philosophiæ præsertim *Logica* studio χερσὶν ἀνιπτοῖς & cæco quodam impetu, ad sublimiora sapientiæ adyta, puta Theologiæ aut Jurisprudentiæ, ita properant, ut vix Ladas aliquis, aut cum Pegaso suo Perseus; & tum demum egregios se credunt Theologos, aut Jurisconsultos, si superficiali aliqua cognitione imbuti, cætera ignorantissimi, primoribus (quod ajunt) labris, Biblia, aut Justinianum delibarint. Male.

Nam ut rosei quidam colores, recenti opere, ac arte belli, ac vivi, cum senio expallefcunt: sic ingenia illa præcocia, quibus cerebrum omne est in
lin-

lingua, tandem exsiccantur, ac deficiunt. Et ut qui fontem in origine sui secat, flumina exhaurit, & quidquid à fonte fœcunditatis affluit agris, quos macie sua paulatim emori senties, ac quasi fatiscere: ita qui ab hoc studiorum scopo aberrant, sublimiorem quam intendunt doctrinam emacerant, sterilitatem inducunt, speratam in semine suo messem soffocant, atque adeo à radice succidunt: cum omnis solidioris literaturæ adeptus, ac melior succus, à studio Logicæ tanquam à matutino rore, & imbre defluat. Molestiæ hic omnes, si quæ se offerunt devorandæ. In via virtuti nulla est via: sic nulla diligentia, & labori, qui omnia vincit improbus. Vestra res agitur: *vobis*, ut ille ait Comicus senex, *seritis, vobis occatis, vobis eisdem metitis, vobis denique iste pariet latissimam labos*. Hæc videlicet aurea ista vellera, hi thesauri ab ingenua omni Juventute petendi, hæ opes, hæ gemmæ, quæ omnibus aliis facultatibus, & possessionibus anteferendæ. Dignissimæ quarum gratia sudetur. Eruditionem autem amare vos scio, quod ipsa in se philtrum habeat efficacissimum. Sed ut natura gemmas altissime recondidit, tanquam subtrahat: vilia passim obvia sunt: ita quæ optima, non nisi summo studio eruuntur. Non alia, Studiosi, ad doctrinam via est, non alia ad honores. Hanc insistere, quotquot in excelsio illo famæ Theatro, unquam collocati. Philosophorum Principem *Aristotelem*, quo dubito rerum scientia, an scriptorum copia, clarius quis unquam extiterit, ita in studiis desudasse tentatur *Antiquitas*, ut quotiescunque decumberet, in manus ceperit globum æneum, pelvi supposita, ut cadentis in pelvim globi sono excitaretur. *Cleanthem* quæstu hauriendæ aquæ, nocturno tempore, inopia sua sustentata, diurno *Chrysippi* præceptis audiendis, & percipiendis, operam dedisse. Navigasse in Ægyptum laubabili curiositate, anxique sollicitudine, *Democritum*, ut melius philosopharetur. Solonem peregrina-

rum in Asia, Pythagoram in Italia, ut ex diversis variarum gentium placitis quæ optima essent colligerent, collecta ad usum suum transferrent unde præmia virtutis, & ornamenta literaturæ manare consueverunt. Exempla hæc, quibus plena est *Antiquitas*, juventuti æmulanda, nec committendum ut minor nunc, quàm olim Majorum in literis proficiendi sit ardor. Maestri ergo, magistri inquam animis Adolescentes, & in hoc ætate vere, felici auspicio agrum ingenii vestri colite fertilem si quid judico bonarum frugum, si conferatur, & in eum conjiciantur cum institutio aliena, tum propria industria, solidioris doctrinæ semina: Fruamini occasione, quæ sese nunc offert non reditura amplius, si negligatur, & aures vestras sepe feriat, imò mentem, laudata illa vox: *αυταίς ατον δαδλωμα χρόνῳ*. Nam ut in fluvio unda undam perpetuo pellit, nec unquam revocata elapsam: Sic in tempore, dies diem, nec reparatam amissam. Et ut à corrente flumine tantum quod habet, quantum haurit: ita ex annis semper euntibus, nihil accipiet nisi quod in res duraturas collocarit. Pulchra hic si usquam parsimonia, imò tenacitas, & avaritia, contra nihil temporis jactanturpius: cujus serio multi, sed serò nimis deplorant damna, omni æstimatione majora. Dixi.

ORATIO II.

In laudem Rhetoricæ, recitata à

JOHANNES LOSECATIO.

Quemadmodum olim Julius Cæsar, cum Hispaniam Juris dicundi causa perambulans, apud Gades, animadversa in Templo Herculis, Alexandri Magni imagine, ingemuisse dicitur: & quasi pertæsus ignaviam suam, quod ea ætate (agebat autem trigésimum annum) quæ jam Alexander

xander Magnus totum pene orbem terrarum subegisset, nihil laude dignum, laudis tamen avarus, præstitisset, missionem continuo efflagitasse, ad captandas quamprimum majorum rerum occasiones. Ita ego cum oculos in eos converto, qui antehac, nec pridem in frequentissima hac doctissimorum corona verba facere, & in palæstram hanc oratoriam descendere non dubitarunt, in qua profectus sui in eloquentia, specimina darent non contemnenda, non possum quin ad conspectum pene eorum erubescam, quod illis tam eximia, tam præclara tentantibus, ego hætenus latuerim, nec dignum quidquam præstiterim, quod aures doctorum, & publica hæc subsellia mereatur: sed nec propterea animum despondeo. Contrà subdit mihi stimulum & calcar hæc commilitonum meorum parhesia, & laudabilis audacia, ut Julii Cæsaris exemplum imitatus, ad eam quoque quam consecuti sunt laudem, pari passu contendam. Cogitanti autem mihi, de quo potissimum argumento declamarem, occurrit inter alia, artium, ac disciplinarum nobilissima RHETORICA; in cujus laudes nunc ire in animum induxi. Marcum ajunt Antonium Peripatetico Phormioni gravem imprudentiæ notam inussisse, quod rei militaris scientiam explicaret, audiente Annibale: & Julius Cæsar admirari solebat eorum ora qui in scena gestura agerent, spectante Roscio. Quod si videbor & ego fortasse minus aut prudens, aut pudens, qui cum tot hic adsint viri doctrina insignes, tot in eloquentiæ studio Demosthenes, Cicerones, Roscii, tenuitatem meam experiri hic audeam; cum tamen indubitati favoris vestri aura ad dicendum impellar, inconcinna profecto hæc orationis meæ structura, in mora mihi non erit, ut ab instituto dimovear. Ad vestram enim benevolentiam, tanquam ad sacram aliquam arcem supplex accuro, ut sub Achillæo benignitatis vestræ clypeo

intrepide lateam: Quod si me favore comp
haud dedignemini, nullo temporis spatio, i
loci intercapedine, hujus unquam in me be
cui vestri gratia, animo meo exolefcet.

Certe si artis, si disciplinæ, alicujus pretiui
dignitas, si præstantia, qua inter alias eminet,
tienda est, quis adeo ab omni ratione, & ab o
sensu est derelictus, qui hanc longe aliis pal
præcipere non videat, & tantum inter nobil
scientias efferre caput,

Quantum lenta solent inter viburna cupressi.

Eximie olim summus ille dicendi mag
Tullius; *Pudeat*, inquit, *illos qui ita se in literi*
diserunt, ut nihil babeant quod in communem usum
ferant. Docti hodie multi audiunt, pauci diser
eloquentes. Sine qua eloquentia, quid eru
nostra, quid litteratura? nisi inerudita loquac
imo mera balbuties, mera infantia. Puerilis e
pe illa est & muta rerum cognitio, quæ eloq
ria destituta, pauca vix commata, sine titub
ne, foedaque stribiligine, profari potest. It
Auditores. Totam ætatem nisi exerceas, bi
ties occupat: & nisi loqui puer orsus sit, etia
senectute puer erit. Irrito voto scientias disci
priusquam linguas, & animi exuimus squal
quàm oris. Ut sermonis iste thyrsus sine pru
tia non penetrat: sic absque sermone, pru
tia, illa rerum humanarum magistra, illa ci
tum domina, atque imperatrix obmutescit, &
pet. Non alia de causa, inviolabili, & sacro
nexu in unum velut numen coalescere *Mercu*
Minervamque, Antiquitas voluit: rata sine facu
sapientiam, prudentiamque nullam esse. An
siam hanc, regina RHETORICA, candi
suis benigne ac copiose subministrat. Quan
semel degustavit subactioris judicii palato, sat
ri ea nequit: sed ejus dulcedine quasi delib
curis omnibus aliis se submovet, solus ir
cura. Ut enim ferrum trahitur à magr

heliotropium à sole: sic ab illa, ingenia discendi cupida. Crescit eruditio? crescit & ejus augendæ magis ardor: ut vel hoc ipso, Palladia hæc *Suada* fercula ab aliis differant, quæ ventris & gulæ propria sunt, quod illorum nos capiat non satietas solum, sed nausea interdum, & fastidium. Hæc desiderium sui, quo magis frueris, acunt, novamque semper inducunt famem, nunquam satietatem. Adeo ut quod alibi de Eresichtone olim fabulatus est ingeniosissimus vates, verius huc flecti possit, qui pleno querens jejunia ventre, epulas quæsit in epulis: nos eloquentiam in eloquentia. In cujus penetrare adyta ut voti magis est, quam spei, ita mentis nostræ famem, intrata magis acuit, & irritat. Quæ tamen, quo longius progredimur, eo impensius placet, & minus molesta est,

Studio fallente laborem.

Viderunt hoc olim Romani, qui cum artes omnes summe excolerent, nihil se egisse admodum existimabant, nisi de re qualibet ornate & aptè dicere didicissent. Aristoteles, Philosophorum ille princeps, eam horis pomeridianis docuit in Peripato. Cicero eloquentiæ illud miraculum, licet proprietatem Romanæ linguæ simul cum lacte materno, purissimo seculo, ex ipso latinitatis penu hauserit, aliunde tamen divinum illum suum sermonem, posteris omnibus tam admirabilem, deprompsit, & alia longe quam latina exercitatione auxit, & aluit. Ille enim quo inter alios excelluit sermo, non in Italia natus, sed è Græcorum scholis, in Italiam translatus, fecit ut sola Ciceronis Oratio, præ reliquis omnibus Romanis, qui illo ætate aut superiores, aut pares fuerent, sub Regibus, & Decemviris, non colore solum nativo pure tincta, sed magnifico verborum ornatu, Atticarum Venerum succo plenè imbuta & librata sententiarum pondere, tantum emineret,

inter summos illius temporis Oratores , quantum

inter ignes

Luna minores.

Sed quid Ciceronem loquor ? Tantus artis Oratorix , tantus consequendæ eloquentiæ ardor doctissimorum virorum animos incescit , ut non paucas eos lustrasse provincias , novos adiisse populos , maria transfretasse neminem latere possit , qui vel à limine tantum historias salutavit , ut eos qui nobilem hanc artem profitebantur , & quos ex libris noverant , coram quoque audirent. Sic Pythagoras Memphyticos vates adiit , Plato Ægyptum , eamque Italiæ partem , quæ quondam magna Græcia dicebatur , laboriosissime peragravit : ut , qui Athenis summa cum laude sapientiam profitebatur , & cujus eruditionem publica subfelia personabant , foris , à peregrinis disceret , quæ domi sibi deesse credebat. Ad Titum Livium , eloquentissimum illum virum , & historicorum Latinorum facile principem , ex ultimis Hispaniæ , & Galliæ finibus , quosdam ventisse memoriæ proditum est : & quos ad sui contemplationem Roma non traxerat , unius hominis eloquentia pertraxit. Apollonius Philosophorum non è minimis , intravit Persas , Albanos , Schytas , Massagetas , pertransiit Caucasum , florentissima Indiæ regna perlustravit , & tandem trajecto amne Phison , Brachmanas adiit , ut Hiarcham ibi , virum disertissimum de motu Coeli , ac siderum , inter paucos discipulos docentem , ac facunde differentem audiret. Inde per Elamitas , Babylonios , Chaldaeos , Medos , Assyrios , Parthos , Syros , Arabes , Palæstinos , reversus Alexandriam , recepit se in Æthiopiam , & ad Gymnosophistas. Tanto nempe flagrabat desiderio vir altæ mentis , adeundi , & audiendi eos , à quibus & disertior redire posset , & melior. Videtis Auditores , quid illa artium Domina RHETORICA possit (quæ unica

scr-

sermonem nostrum à barbarie, & vocum sribilagine, tanquam à ferrugine ferrum vindicat) ut etiam longe diffitos, ut jam audivistis, potenter ad se trahat, non è trivio solum homines, sed & sapientissimos, quocumque illi terrarum, gentium, & locorum vixerint unquam, aut fuerint. Nec mehercule injuria. Vultis enim RHETORICÆ utilitatem, in Republica producam? Agite fiat. Sed quantus se mihi dicenti aperit campus, quanta eam deprædicandi copia. Hæc illa est Auditorum quæ omnium studia allicit, aures tenet, animos mulcet; à qua si quis abhorre se dicat, parum absit, quin ipse se ne hominem quidem esse fateatur. Hæc illa est quæ vages initio homines, & ferarum more in montibus, tesquis, antris, silvis, latitantes, sine lege, sine Rege, sine Deo, & nives, grandines, ventos, cœlique inclementiam, bestiarum pellibus non tam arcentes, quàm tolerantes, hujusmodi inquam homines blanda olim Orationis suæ suada demulcit, conciliavit, & ad melioris vitæ cultum Cimmeriis quasi tenebris erutos, & barbariæ squaloribus exutos, traduxit. Religionem erga Deum, pietatem erga parentes, erga omnes justitiam, & humanitatem invexit: illa quæ domos primum, & familias, postea pagos, & vicos, mox etiam urbes, postremo regna ipsa, & imperia, arctissimis animorum vinculis, & concordia stabilivit. Hoc Tragœdi, Comœdi, Satyrici, hoc historiarum monumenta, hoc Poëtarum, & Philosophorum scripta uno ore testantur. Tua hæc laus est, *Eloquentia*. Tu quamlibet in partem arbitrato tuo flectis audientium animos, eosque pulchritudinis tuæ splendore obstupefactos quibusdam velut habenis, numerosæ orationis regis, consolaris moerentes, afflictos excitas, jacentes erigis, sceleratis exitio es, innocentibus præsidio, improbis terrori, probis ornamento. Nihil tibi de ista laude Romulus, nihil Numa Pompilius, Nihil Servius

Tul-

Tullius, nihil sapientes illi legistatores Græci, Lycurgus, Solon, nihil Romani Decemviri decerpunt. Fuerint sapientes, fuerint virtute, & prudentia conspicui, tamen sine ope tua, sapientiam vere profiteri, nec alios in officio continere, nec ipsi regnare feliciter potuerunt. Tu hominum conciliatrix; Tu urbium, ac Rerumpublicarum conservatrix; Tu legum anima; tu propagatrix. Tibi hanc laudem defert Marcus ille Crassus apud Ciceronem, concedit Scævola, tribuunt Sulpitius & Cotta. Te sequimur, te veneramur, tibi uni fasces submittimus, quicumque operam nostram Reipubl. Ecclesiæ, Scholis devovimus. Quibus enim aut viribus, aut armis, Ecclesiarum antistites religionem, pietatem, concordiam hominum animis instillant? Non hic tubarum clangores, non litui, non tympana, non strepitus armorum, non ferocientium hominum clamores inconditi audiuntur; sed eloquentiæ vox omni armorum vi longe potentior. Qua qui armati sunt, hominum animis, & conscientiis imperitant, errorum monstra, tanquam Hercules redivivi domant, dejiciunt, necant, vitia proscribunt, virtutem inculcant, & aberrantes reducant in viam rectam. Fulmina illa Auditores, & flumina eloquentiæ, vobis ob oculos posite, Ambrosios, Lactantios, Chrysostomos, Hieronymos, Cyprianos. Hac arte instructi, quam disertis illi, & facunde ad populum conciones habuere? quot ignorantia, & superstitionis tenebris immerfos eloquentia sua ab interitu revocarunt? quot animas Deo lucrati sunt? quanto studio, & ardore pietatem omnibus inculcarunt?

Sed ad Principes venio, & Reges. Hic quid dicam Auditores? Non est profecto satis, solio Regem aut sceptro, & diademate conspicuum esse, ac formidabilem. Tractatissimum, & firmissimum est linguæ purpuræque præsidium. Assidet Themidi Minerva, ut in Republica, cum Justitiâ

sedeat eloquentia quæ cœlo possit deducere Lunam, & Regum flectere supercilia. Magistratum autoritate præditum esse, & imperio, magnum est, sed longe majus si eloquentia. Hac Periclem illum, cujus in labris persuadendi Deam sessitasse dictum est, fulminare, tonare, permiscere Græciam Comici veteres tradiderunt. Hac Cicero fretus, Catilinæ conspiracy in patriam repressit, & furores ejus, ac nefariè in Rempublicam inita consilia dissipavit. Hac, rogatus superavit armatos, ut vel inimicorum confessione, omnibus triumphis majorem adeptus gloriam videretur. Sic dum bellis asserenda fuit Græcia, prolatandi fines, arcendi Macedones & Persæ, viguere Oratores maximi. Scilicet dicendi splendide, acriter, & acute necessitatem ipsis imposuit, defendendi Imperii necessitas. Sed pergo. Quis in foro, quis pro tribunali, quis in curiâ, legum tuebitur auctoritatem, quis clientium, quis pupillorum, quis oppressorum causam, quis innocentiam defendet? aut apud exteros, in terris longè remotis, principis voluntatem, legatus aperiet, si eloquentia, aut RHETORICÆ præsidio destitutus sit? Ac ne Imperatores ipsos hic præteream, & belli duces, quomodo illi consiliis, & armis res magnas moliri, moderari, exequi poterunt, nisi hac arte polleant? cum acri ac vehementi Imperatoris concione erecti, & accensi militum animi ardua quæque tentare, & summa experiri non detreçant; & in præsentissima vitæ discrimina præcipites se dare, parati sint. Non sic tubarum clangores, equorum hinnitus, armorum micantium, & rutilantium splendor, non sic litui, non tympana, masculum militis animum ad pugnam acuunt, quemadmodum hortatrix ad virtutem, & gloriam oratio, diserte, & *μαλὰ ρητορικῶς*, intrepidas, & Martiales animas ad adversa pericula erigit, & accendit. Illa strages generose solatur, vulneribus medicinam addit, cicatricibus callum obducit, pulverem

non

non indecorum ostentat, sudores detergit, vires reparat, instillat, alit. Adeo admirabilis quædam, ac prope divina vis est eloquentiæ, meritoque sapientissimus Poëta scripsit Euripides, nihil esse quod ferro, quin idem Oratione confici possit. Viderunt hoc omni ævo strenui belli duces. Non alia de causa Cæsar terribos Germanorum adspectu Romanos, trepidantes, non solum oratione sua crexit, sed tantos eis sola voce addidit animos, ut victores tandem exstiterint. Quid Alexander nomine & re vere Magnus, cum relicta Macedonia trajecisset in Asiam, exigua militum manu bellum illaturus, potentissimo Persarum regi Dario? nunquam pene prælium iniisse, memoriæ proditum est, quin ante ad suos verba fecerit, mucronibus acumen, gladiis aciem, corporibus robur, animis vitam addendo; unde ardorem milites, à concione, inter bellorum furores, & tubarum strepitus, gladiis elatis, ac radiantibus significabant. Vultis exemplum Auditores? Primam illam, obsecro vos, Alexandri cum Dario primum pugnaturi ad milites orationem, mecum expendite. Quid illa gravius, quid acrius esse potest, ad concitandos militum animos? quid efficacius, quid validius ad perrumpendas acies, & phalanges hostium? *Anteprima*, ut fere moris ejus erat (Historici verba sunt) *signa ibat, identidem manum suos inhibens, ne suspensi, acrimis ob nimiam festinationem concitato spiritus caperent bellum. Cumque agrum eloquitarer varia oratione aut cujusque munus aptum erat, milites allocutus est. Macedones 161 bellorum in Europa victores ad subigendam Asiam, atque ultima Orientis, non ipsius magis quam suo ductu profectos inveterata virtutis admonuit. Illos terrarum orbis liberatores, emensæque olim Herculis, & Liberi patris terminos, non Persis modo, sed etiam omnibus gentibus imposuit jugum. Macedonum Bactra, & Indos fore: minima esse qua nunc intueretur; sed omnia victoria parari. Non præruptis petris Illyricorum, & Thracia sa-*

nis, sterilem laborem fore, spolia totius Orientis offerri.
 Vix gladio futurum opus. Totam aciem suo pavore flu-
 tuantem, umbonibus posse propelli. Victor ad hac Athe-
 nienfium Philippus pater invocabatur, dimissaque nuper
 Bœtia, & urbis in ea nobilissima, ad solum divina spe-
 cies representabatur animis: jam Granicum amnem, jam
 tot urbes aut expugnatas, aut in fidem acceptas, omnia
 quæ post tergum erant strata, & pedibus ipsorum subje-
 cta memorabat. Et hæc ad Macedones. Græcos
 adiens, in memoriam revocabat, ab iis gentibus il-
 lata Græcia bella, Darii prius, deinde Xerxis insolentia,
 aquam ipsam terramque populantium, ut neque fon-
 tium hamstum, nec solitos cibos relinquerent. Dein
 Deum Tempia ruinis & ignibus esse deleta: Urbes eo-
 rum expugnatas, fœdera humani divinique juris viola-
 ta referbat. Illyricos vero, & Trachas raptò vivere
 affectos, aciem hostium, auro purpuræque fulgentem,
 intueri jubebat, prædam, non arma gestantem. Irent &
 imbellibus fuminiis aurum vi eriperent. Aspera mon-
 tium suorum iuga, nudosque colles, & perpetuo rigentes
 gelu, ditibus Persarum campis, agrisque mutarent.
 Quis hujus tam acris, tam generosæ, tam magna-
 nimæ Orationis ad milites tandem eventus? Non
 me Auditores, sed historiam audite, aut potius
 Curtium in suâ nunquam satis laudata historia.
 Quid ille? Qui Darium, inquit, volebant equi con-
 fossi hastis, & dolore efferati jugum quatere, & Regem
 curru exentore carperant: cum ille veritus ne vivus ve-
 niret in hostium potestatem, desiluit, & in equum qui ad
 hoc sequebatur, imponitur, insignibus quoque Imperii
 ne fugam proderent indecore abjectis. Tum vero ceteri
 dissipantur metu, & qua cuique patebat ad fugam via
 erumpunt, arma jacentes, quæ Paulo ante ad tutelam
 corporum sumpserant: Sed omnium oculos, animosque
 in fœmet converterant captiva mater, conjunxque Da-
 riî. Illa non majestate solum, sed etiam atate venerabi-
 lis: hac forma pulchritudine. Quin & in gremio anus.
 avia jacebant adultæ virgines duæ, non suo tantum,
 sed illius matris etiam confecta. Ingens circa eam no-
 biliura.

bilium faminarum turba, laceratis crinibus abscissaque veste pristini decoris immemores Reginas, dominasque veris quondam, tunc alienis nominibus vocabant. Ac ne totius exercitus sortem quis meliorem fuisse credat quam Darii, in acie cesa sunt Persarum pedum centum millia, decem vero millia interfectaequissimum. Tanta vis eloquentiae Auditores, ut arte suâ Martem ipsum acuat, stimulet, fascinet, & pugnantem lauream imponat.

Sed ne attentione vestrâ, & patientiâ longius abuti videar, hic anchoram figo, & ut finiam, ad vos me converto Commilitones. Audivistis quid RHETORICA eximia illa dicendi magistra possit in animis principum: quid in societate humanâ, ad tutelam Rerumpublicarum, gentium, populorum: quantos eloquentiâ suâ aculeos figat, quam acriter illa percellat pectora etiam adamantina, & obfirmatos hominum animos, ut qui armis domari nequeant, domentur eloquentiâ, & in gyrum rationis, quovis ferro potentius eompellantur. Audivisti magnos in eâ olim consequendâ desudasse viros, & non alia magis compendiariâ viâ quemquam grassari ad honores, & dignitatum apices. Quæ quò illustriora sunt, eò diligentius excolenda; nec committendum ut sordidia vestra in neglectum veniant, aut contemptum Regina illa, & domina disciplinarum. Aliò vos ætas vocat, aliò parentum vota, aliò PATRIA, cui nati. Quid enim istis turpius, aut abjectius, qui torporem ac desidiâ amplexi vitam blandiente inertia transigunt, qui; ut Phæaces illi Homerici posthabitis nobilioribus studiis mensam & cithara strepitum dulcesque choreas Stragulaque, & molles curant post balnea lectos. Hæc Eloquentiæ nunquam satis laudandæ documenta non solum vobis contemplanda sunt ut ea memoriæ mandetis, & scientia comprehendatis ad pompam, atque ostentationem: quemadmodum numinis utimur ad numerandum: sed assidua meditatione per-

perficiendum est, ut inoleſcant animo, ut permanent ad imos ſenſus, ut vertantur in ſuccum & in ſanguinem, ut in actum educantur, & ad patriæ decus atque ornamentum proficiant. Olim trophæa Miltiadis excitabant e ſomno magnum illum Græciæ ducem Themistoclem: vos eloquentiæ ſtudio & amor. Ἀλλὰ γίνεται ἐπιμελεία καὶ πόνος ἅπαντα. Nec ſatis eſſe putate, naſci, & cæcam hanc naturam in tenebris ſuiſtorpere. Ἀξίωτον καὶ πάνυ θανάτου ὁμοῖον exiſtimo eſſe eam vitam, quæ abſque ingenii cultu traducitur. Quid quod, ut fructus, ut plurimum agreſtes, & ſeros gignit arbor, citra inſitionis curam? & agri ſi non colantur, carduos proferunt & vepres, culti vero omnis generis frumenta: ſic homo niſi naturam, nobile illud Dei depoſitum deterſa linguæ ſcabritie, doctrina excolat, tanquam rudis, & indigeſta moles, & informis maſſa, in magno hoc Mundi palatio verſatur, dum hominis uſurpat nomen, conditionem negligit. Nemo difficultatem mihi hic rege- rat. Quid enim uſquam terrarum pulchrum extitit, quod citra laborem comparatur? Quidquid obvi- um, & promptum eſt evileſcit, ac mox contemnitur. Ardua in honore ſunt, ac pretio. Arduum quoque ad Muſas, & aſperum eſt iter non roſis, non violis conſtrat. Sudandum hic Commilitones, & certandum ſtrenue in hac palæſtra, & quæ ſe offerunt adamantino propoſito, & forti animo, devorandæ moleſtiæ Demothe- nem, ſummum illum dicendi magiſtrarum, & O- ratorum principem, quo nemo unquam laborio- ſius, nemo per plura reſuſtantis naturæ obſtacula, ad culmen reptavit eloquentiæ, plus olci, quam vini conſumpſiſſe ferunt, omneſque artifices χει- ροῖς antelucana longe induſtria ſuperafſe. Quid? mentem illam vobis à communi omnium paren- te DEO datam, multo qualibet veſte pretioſiorem, ſitu ac ſordibus obſoleſcere, & quaſi rubigine ob- duci patieminis? Reipublicæ vos ingenium debere,

cogi-

Ex tali gente ortus hic heros, majoribus nempe Abrahamo, Isaaco & Jacobo: Viris pietate, & morum vitæ sanctimonia conspicuis, & nunquam sine honore, ac summa veneratione nominandis. Inter quos veluti gemma supereminet ille omnium credentium pater Abrahamus, cujus in immolando filio obedientia satis deprædicari nequit. His oriundus, mirum non est, si eorum exemplo, & vestigiis insistens, tantos in virtute progressus fecerit. Clara etenim majorum vita generosam imitandi necessitatem posteris, ferisque nepotibus imponere creditur.

Hoc animo Athenienses, & Romani rerum Domini, statuas publicas egregiis viris erexerunt, ut incitamenta essent aliis ad ea æmulanda, propter quæ essent collocatæ. Patria illi fuit Tarsus, quæ prima nascentem gremio in sinu excepit, sic appellata (si Josepho fides) à Tarso nepote Japhet. Urbs Ciliciæ clarissima, & regionis totius caput quæ ad amœnissimam Cydni ripam sita, omnibusque naturæ deliciis, omni jucunditate & copia cunctarum rerum affluens, longe tum Atticam, tum Alexandrinam scholam, quæ ad Nili ostia in populosissimis mœnibus constituta erat, iis rebus superavit. Hujus conditorem esse volunt Strabo, & alii, Perseum Jovis, & Danaës filium. *De qua, ut de re non prorsus dissimili nobilissimus Historicorum, Satius est tacere, quam pauca dicere.* Quantum verò faciat ad indolem & ingenium, natale solum, nemo credo negabit qui Platonis illud legerit, qui moriturus dicitur Dîs immortalibus egisse gratias, quod Græcus natus, & non Barbarus: quod Athenis, & non Thebis. Nascentibus, si quidem locus, nescio quos impetus, viresque inspirat, quibus apti redduntur homines ad res præclaras capeßendas, nonnunquam inepti. Haud aliter ac fructus, qui pro terrarum varietate, nunc exura feritate dulcescunt, nunc vero amarescunt. *Ægypti & Afri callidi*

quidem, & subtiles habentur: at imbelles, quod de Asiaticis quoque prodidit Philosophus in Politicis. Schytæ contra bellicosi & strenui, sed hebetes, & obtusa gestantes pectora: unde quaesitum à Medicorum principe, cur Græcia infinitos Philosophos produxerit? Schytia verò unum Anacharsin? Quid; quod Themistocles summus imperator, ac belli dux, patriam ad nobilitatem quoque plurimum facere crediderit. Cum paululum adolevisset, Tarso à parentibus Hierosolymam missus, sub Gamalielis viri prudentissimi disciplina fuit, ut ab ipsis ætatis incunabulis, literarum studiis imbueretur. Pio mehercule, ac laudabili parentum instituto! Nam ut speculum, sic ingenium est: & ut argilla, ita juvenus, quam capit imaginem, reddit; & dum ætas hæc mollis, & quasi cerea, signa melioris doctrinæ, & monitorum facile admittit. Quare ut membra infantis statim ab ipsis natalibus fingenda sunt, ut recta adolescant, non distorta; ita etiam, jam inde ab initio indoles ejus formanda est, principiisque ipsis invigilandum, à quibus tanquam à fundamentis, universa educationis fabrica pendet. Factum in Paulo, Auditores. Nam nactus juventæ suæ formatorem egregium, & in studiis Doctorem indefessum, quantos in iis progressus fecerit, testantur passim ipsius scripta, ingeniique monumenta:

— *qua nec ventura siluunt*

Lustra nec ignota rapiet sub nube Vetustas.

Sedulo enim, ac serio trivisse eum Poëtæ, vel ex eo apparet, quod non raro eorum meminit, & data occasione scriptis suis inspergit. Nam in epistola ad Titum, versum Epimenidis citat: in Actis Apostolicis, Arati hemistichium: in priori ad Corinthios Menandri jambum. Sciebat enim vir altæ mentis, ex Poësi, quam disciplinarum omnium interpretem, ducem, reginam esse docta olim judicavit Antiquitas, penitioris sapientiæ arcana copiose depromi. Adeo ut hanc odisse oport

teat qui ignorat reliquas, aut qui ignorat hanc, nescire omnes. Quam enim aliam fuisse causam arbitramur cur cum de singulis disciplinis agat paganæ sapientiæ fons Plato, ποῦσιν τὸ ὅλον vocat? quàm quod reliqua ad eam se habeant, ut singula ad omnia, & partes ad totum. Sed ut ad mores ejus veniam, consideremus, qualem sese gesserit: an vita doctrinæ ejus, ac eruditioni responderit? Quid enim præclara illa multarum rerum scientia, si non ad gloriam Dei, sed ejus contumeliam, non ad suam & proximi salutem, sed ad perniciem, illam convertat? nihil sanè. Quid ergo? Verbi Dei fuit observantissimus, numinis divini cultor assiduus. Adhæc quanta illi, οὐ γὰρ τ' ἀληθῆ λέγειν, in animo probitas! quanta in sermone majestas, quanta in ore eloquentia, ut ex tribus illis Augustini votis unum hoc fuerit, ut Paulum è cathedra publicè docentem audire potuisset. Quanta quoque in actionibus ejus supra quam dici potest, integritas & candor, in alloquio comitas, in moribus suavitas? quanta in vita pietatis cura, quantus veritatis Evangelicæ propagandæ zelus, puritatis conservandæ ardor? Religionis asserendæ fides? Quanta in maximis Ecclesiæ negotiis administrandis, altitudo animi, prudentia, dexteritas, in convertendis gentilibus μακροθυμία, lenitas, mansuetudo?

Sed regerentes hic mihi audire videor., vix ac ne vix laudem ullam mereri, qui tanto animi affectu, tanto odio Ecclesiam Christi persecutus est, & in eam sæviit haud aliter, quàm lupus in oves. Nam spirans (Sacra Scripturæ verba sunt) minas ac cadem adversus discipulos Domini, petiit à Pontifice epistolas perferendas Damascum ad Synagogas, ut si quos invenisset hujus sectæ tum viros tum mulieres, viñctos abduceret Hierosolymam. Esto: nemo enim id ibit inficias. Sed errori id tribuendum, & ignorantia. Quæ si crimen non tollit, saltem mollit. Unde etiam Deus pro immensa sua misericordia,

eius

eius misertus est, eumque in gratiam recepit, καὶ ὑπερελπίσας ἡ χάρις τοῦ Κυρίου, ὅτι ἀγνοῶν ἐποίησεν ἐν ἀπιστίᾳ, cum cælitus, & ἀπὸ μηχανῆς ei Christus apparuisset in via Damasci. Repetite quæso mecum & si placet expendite quam se obsequiosum, & docilem, quam se morigerum præbuerit. Non reluctatus est, non restitit, non latebras quæsit, non effugia, non pertinaciter, non mordicus errorem suum defendit, ut olim Scribæ & Pharisei & etiamnum hodie nonnulli, qui aures veritati tam protervè obturant, & mentem erroribus obsessam rationi præcludunt, ut citius clavam de manu Herculis extorferis, quàm eos redigas in veritatis semitam, & officii gyrum. Talis certè non fuit. Sed illo divinæ vocis Oraculo, tanquam penetrabili quodam jaculo usque ad ipsam animæ medullam transfixus ac transverberatus totus ad Christum & corpore & animo transiens, cessit veritati, tantoque arsit desiderio Deo serviendi, ut ilicò paruerit: Quid vis inquit faciam? quasi diceret, dic quid à me fieri velis, & da mihi quæ jubes, & jube quæ vis. O obedientiam admirabilem! ô promptitudinem animi, omnium literis, & linguis prædicandam! Laudabile est vincere alios, sed multo laudabilius seipsum. Vicit autem seipsum Paulus, Christo Servatori suo morem gerendo, adeoque mores suos immutavit, ut ex lupo repente factus sit ovis, ex filio iræ, filius Dei, ex persecutore Ecclesiæ, acerrimus ejusdem defensor, ac propugnator.

Sistite hic paululum, Auditores, tela donorum ingenii ejus nondum pertexta est. Quantus fuerit in ipso Apostolatu, qualemque se in eo præbuerit, nondum intellexistis. Si dixerò in iis, paria eum potuisse facere, cum primis ac summis Christi Apostolis, rem non auxero. Cujus enim tantum est flumen ingenii, cui tanta dicendi vis, tantaque copia quæ pietatem, candorem, fidelitatem, in obeundo munere constantiam, amorem erga

proximum , & patientiam illius in omnibus z-
 rumnis , non dicam exornare , sed dicendo com-
 plecti possit ? Dignæ sane virtutes tanto Dei lega-
 to ! Quò enim aliquis in digniore munere consti-
 tutus est , eò magis anniri debet , ut virtutibus mu-
 nus suum adornet & subinde illud ore tritum ex-
 pendat ; *Σπάρτην ἦν ἔλαχε παύτην κόσμῳ. Spar-
 tam quam passus es , hanc opta.* Factum. Quanta
 enim cura , quanta vigilantia , adhuc quanta elo-
 quentia , veritatem sibi concreditam asseruerit &
 vindicarit , vel duæ ejus solummodò Epistolæ
 luculenter demonstrant : quarum alteram Roma-
 nis , Galatis alteram inscripsit. Cum enim talem
 in his epistolis causam ipse defendat , quæ victo-
 riam per sese meretur , etsi ornatus nullus acce-
 dat , qui tamen in oratione ejus tori , qui lacerti ?
 quàm concludit acutè , quàm solidè , quàm nervo-
 sè refutat ? quàm argute crassos quorundam er-
 rores perstringit ? Fulminare , tonare , permiscere
 Græciam pro concione , Periclem solitum fuisse
 legimus. Magna profecto laus oratoris illius
 temporis eloquentissimi. Id enim significare opi-
 nor voluerunt , tanta cum gravitate Periclem di-
 xisse , ut summa cum delectatione , & voluptate
 etiam aculeos in animis Auditorum relinqueret.
 Utramque virtutem etiam Divi Pauli in scriptis
 animadvertere licet. Quàm enim , Deum immor-
 talem ! coram Agrippa , Festo , Felice causam suam
 egit præclare ? Quàm graviter , quàm acriter hanc
 quam profitetur doctrinam asserit ! nec Euange-
 lium aliud esse ullum , etiam si de cœlo Angelus
 aliquis descenderet , asseverat ? Quam splendide
 & magnificè , sed ostentatione omni remota ,
 Pseudapostolorum fraudes detegit , suam ipsius
 auctoritatem tuetur , nec ab homine ullo , nec per
 hominem , verum à Christo ipso vocatum se esse
 contendit ! Quanta cum *παρηγορία* orationisque a-
 crimonia iram Dei delinquentibus denunciat , ut
 Elymæ mago , Hymenæo , Phileto , Demæ , &

as iis imminentes comminatur ! Quanta li-
te Antiochiæ collegam suam, Petrum Apo-
m, non recto pede incedentem, reprehendit !
ita animi mansuetudine promissiones de
sto ejusque regno, de delictorum venia, de
æterna, & animorum beatitudine propo-
fractos consternatosque erigit, aberrantes &
illuc incertis opinionum fluctibus agitados,
cit, torpentes excitat, currentibus calcar ad-
ignorantibus scripturam enodat, non priva-
in angulo aliquo Judææ, aut urbis Hieroso-
æ, sed nusquam fere non gentium. Docuit e-
in Macedonia, Pamphylia, Syria, Cilicia, A-
a, Galatia, Phrygia, & in locis aliis quam plu-
is. Quo tempore, cum Æschine pugnavit De-
thenes, ad judicium istud, concursus è tota
cia factus esse dicitur. Nihil enim tam aut vi-
lum, aut audiendum esse judicabatur, quàm
rum summorum Oratorum contentio. At quis
Augustino non optaret accurrere, ut hunc sum-
m Oratorem, non de re levicula, utpote coro-
aurea, de qua cum Demosthene Æschini lis
, sed longe gravissimis, ac salutem nostram
tantibus rebus, dicentem audiret ?

Mirari vos video Auditores, magni hujus viri,
Herois in munere suo obeundo, diligentiam,
um, fidelitatem, bene est. Sed miramini quo-
ejus frugalitatem, ac temperantiam. Egre-
, & vere Patrum quidam Cl. Alexandrinus,
παιδαῖοι ὀλιγοδίνε. Vir bonus, & honestus paucis
est. Exemplum in Paulo, nam ne cuiquam
iri esset, nulli etiam offendiculo, arte sua ma-
ria parcere, ac duriter vixit, & in hac rerum an-
tia, quam angusto fuit animo, quàm genero-
veram magnitudinem metiens non spatius, &
fundis terrarum, ac regionum, sed horum o-
ium contemptu : quia ditior est qui divitias
mit quam qui possidet, & verè ille magnus,
in nulla res minorem facit. Miramini ejus

sobrietatem? sed magis vitz ejus (quod rarè sed magnè laudis) sanctimoniam, quæ tanta fuit ut pares forte habere potuerit, at non superiores. Neque enim satis esse putavit veritatem sibi de-mandatam tueri, quâ voce, quâ calamo, nisi vitz suæ exemplo, & morum probitate & modestia, eam quoque adversus impostores omnes, ac sy-cophantas stabiliret. Τότε γὰρ ἀνύει διδασκαλίαν καὶ πιστεύεται λέγων, ὅταν ἀφ' ὧν πρᾶττεται πα-
*desunt. Alioquin, quid nisi cithara similes sunt, quæ sonas
 edit, nec ipsa eos audis? sic illi egregia monita, & doctri-
 nas, ipsi ab iis expertes. At propterea idem illis vi-
 tio verti possit, quod olim objectum est Athe-
 nien-sibus, eos scire quæ recta sunt, sed non fa-
 cere, & fortia loqui malle, quàm factis exequi.
 Imo quid aliud est docere pietatem, quam tamen
 ipse non colas, quam eandem Auditoribus suspe-
 ctam reddere, aut propriis verbis fidem adimere.
 Non ita Paulus. Ecclesiam enim Christi dies no-
 tesque docuit, quâ publicè, quâ privatim, hor-
 tando, increpando, instando *ἐν καίρῳ, ἀκαίρῳ,*
 non doctrina solum, sed morum integritate, &
 vitz innocentia. Sciebat quippe *longum esse iter per
 præcepta, breve & efficax per exempla.* Jam quid de-
 patientia ejus in adversis? quid de constantia di-
 cam? ullus enim unquam Apostolorum graviori-
 certamina sustinuit? tetriora monstra expugnavit
 majores victorias reportavit, periculosa itinera
 confecit noctu, diu, per nemora, per silvas, te-
 qua, solitudines, frigora, nives? In periculis
 nim fuit in mari, in periculis inter latrones,
 periculis inter falsos fratres, in periculis inter E-
 clesiz Christi persecutores, quorum plures quæ
 octoginta in necem ejus conjuraverant. Habi-
 fuit seditiosus, turbulentus, sacrilegus, furiosus
 lapidatus, cæsus, bestiis obiectus fuit. Mi-
 commemoro, sed plura omitto. Omitto ei-
 eum ab hostibus veritatis circumventum
 sportam de muro urbis Damasci demissum*

illum subterfugisse. Omitto eum fame, siti, frigore, rerum omnium inopia, vigiliisque fuisse exhaustum, aliaque quam plurima quæ vobis auditoribus cogitanda relinquo: adeo ut *Herculi* leuissimum certamen cum *Caco*, *Cerbero*, *Leone*, & *Lernææ*. At quo animo quæso ista omnia sustulit? Magno sanè, & infracto: quia nihil illi fuit, nihil antiquius quàm pro Christo, & in eius Evangelica contumeliis affici, plagis cruciari, vulnerari, morte multari. Nam doctrinæ celestis veritatem sanguine suo obsignare tan non dubitavit. Decimo enim quarto anno ætatis à leone illo immanissimo, & tyrannico quoque terra sustinuit, crudelissimo obtruncatus in Christo beatissime obiit, qui Christo vivens. Καὶ τὸν ἀγῶνα καλὸν ἠγωνίσαι, τὸν δρόμον εὖ περὶ, τὴν πίσιν τετέλεκε· λοιπὸν, ἀπολείπεται αὐτῇ τῆς δικαιοσύνης σίφη· ὃν ἀποδίδωμι αὐτῷ ὅτι ἐν ταύτῃ τῇ ἡμέρᾳ ὁ δίκαιος κρίτης. Beata quæ tali morte finit: beata mors quæ tali principium dedit!

Ne attentione vestra Auditores, & benevolenti abuti videar, Orationis meæ vela contraham, & anchoram figo. Audivistis viri gentem, patriam: Audivistis educationem, vitam, & quot & quanta in obeundo munere sustulit: pericula, quàm strenuus fuerit veritatis assertor, quàm infracto animo mortem obierit, & Evangelicæ doctrinam sanguine suo obsignavit. Quid restat? nisi ut quisque nostrum Christi imitorem, & non satis laudandum veritatis antecessorem sibi imitandum proponat quæ fide, quæ pietate.

Quod tandem emenso vitæ suæ curriculo, cum in beatitudinis illius in cœlo hæreditatem perveniat, quæ nullis temporum spatiis circumscripta, & quam nemo cogitatione assequi, nemo comprehendi potest. Dixi.

JACOBI CRUCII ORATIO IV.

Habita à

JACOBO GRÓENEWEGI
In vituperium Regis Achabi.

NON minus eximiè, quàm verè Poëta ;
*Omne animi vitium tanto conspectius in se
Crimen habet, quanto major qui peccat habetur.*

Nam quò quis altius tiara, sceptro, purpura
pra alios eminet, eò magis graviusque delinquit
Dum quæ habet vitia, haud raro tanquam per con-
gium, in subditos suos, & in populum transfundit.

Regnorum, ac Rerum publicarum commune n-
lum ! nec hujus tantum ævi. Sic enim fuit, si
Annales eamus, & veterum replicemus mo-
menta, ab orbe nato. Ut inter alios, ne long-
abeam, videre est in impio illo Rege Achabo,
vitiis suis, ac perditissimis moribus, non se s-
tum, & purpuratos suos infecit, polluit, corrup-
sed eam pessimo suo exemplo, in populum de-
labem, ut multis apostasiæ, & defectionis à De-
causa exstiterit.

Dignus itaque mihi visus, qui suis coloribus
pingatur : quo alii quàm perniciofa sit generi hu-
mano Principum tyrannorum impietas, pers-
ciant ; & ab ea tanquam à scopulo sibi cavean-
qui Reipubl. habenas moderantur.

In qua suscipienda provincia quanquam ter-
ritatem meam, & infantiam non invitus agnos-
fretus tamen humanitate vestra, ac benevolent-
publicum hunc dicendi locum conscendere n-
dubitavi, ut qualiscunque styli mei aciem str-
gam in eum, qui præter sceptrum, & regium d-
dema, nihil habuit Principe, & Rege dignum.

Ut ab origine ejus incipiam, duxit illam à ge-
te omnium quæ unquam exstiterunt ingratissim-
nempe Israëlita. Quot enim, quantisque e-

Deus affecit beneficiis? quantis eam cumulavit victoriis, & triumphis? Quàm miraculosæ ejus liberationes? Educta enim potentissima Dei manu, e domo servitutis per mare rubrum, & ducta in desertum ibique quadraginta annorum spatio, alta inter tesqua, & solitudines, non pane ordinario, sed Angelorum, tandem debellatis hostibus, in terram Canaan, lacte & melle abundantem introducta est. Sed ô nefariam populi ingratitudinem! Quoties enim in Moÿsen magnum illum Prophetam, quoties in fratrem ejus Aharonem insurrexerunt, quoties in Deum ipsum rebelles, & omnium quæ ab eo acceperant beneficiorum immemores? Si ergo ex ingrata gente ortum esse, alicui dedecori est, certe potest, non nisi verti vitio, Achabo, ex ea gente hominem traxisse originem, quæ protervia, incredulitate, idololatria, turpi denique defectione, & apostasia, nullas non longe gentes à tergo reliquit. Patrem ejus si considerare sit animus, qui filio suo bono exemplo, & vitæ sanctimonia, morumque integritate, præluce debuisset, projectæ impietatis hominem, perditissimisque moribus fuisse, certum est. Fuit enim ille Homri, homo venalis animæ, & bipedum, quos sol vidit, & terra sustinuit nequissimus. Hic ille est, Auditores, qui condidit urbem Samariam, eamque habitandam dedit impiis, qui nec Abrahæ, nec Moÿsi, sed Jeroboami vestigia sequebantur. Quid mirum?

———— componitur orbi

Regis ad exemplum; nec sic inflectere sensus

Humanos edicta valent, quam vita Regentis.

Quia hæc fere est conditio Principum, ut quicquid faciant præcipere videantur.

Sub Principe aleatore passim luditur alea: sub bellicoso, bellaturiunt omnes; sub commessatore & prodigo, luxu diffuunt; sub libidinoso, libidinosi fiunt, in quos imperium exercet. Vixia enim quæ concipit, illicò velut per contagium, in civitatem propagat, plusque exemplo, quam

peccandi licentia nocet , adeo ut in corporibus gravissimus est morbus , qui à capite diffunditur ; sic qui à Principe.

Sed pergo ad educationem : nam illius cognoscendæ deliderio vos teneri video. Hujus quam S. Scriptura non meminit , tamen pessime cum educatum fuisse evincunt , imò clamant , vita , mores , & plusquam execranda ejus facinora ; quæ si recensere omnia examussim mihi esset animus ,

Icaria numerum dicere coner aqua.

Ne miramini , Auditores. Tantum scilicet potest educatio , ut nulla malignitas sit , quam non assidua virtutis exercitatio corrigat , & institutio. Ab hac enim mens lumen accipit , haud secus ac visus à circumfuso aëre. Et ut in semente posita spes messis est , ita totius reliquæ vitæ expectatio ab educatione pueritiæ pendet. Generosa indoles si accedat , recta institutio magno bono est patriæ , sin neglecta ad vitia degeneret , ingens adfert malum , imo quid expectandum tandem ab ea aliud quàm profunda vitiorum abyssus , & horrenda barbaries ? Viderunt hoc olim Principes in literis viri , Plato , Plutarchus , Xenophon. Ideò nulli rei majorem impendi curam voluerunt , quàm puerorum institutioni , more Matrum quæ membra infantis statim ab ipsis natalibus fingunt ut recta adolescant , non distorta. Quid ? an non arbores si negligantur , in gyros eunt , & curvamina ? Ager si cultura absit , nonne mox carduis ac tribulis inhorrescit ? At equus natura sternax , & intractabilis , admissio semel fræno , nonne totum incedit , & vel ad nutum sessoris paret , & virgæ umbram ? Adeò à teneris assuescere multum est , naturamque rebellem , recta educatione , velut rationis fræno compesci. Aut minus disciplina , & labor , in formandis puerorum ingeniis poterit , quàm in brutis industria. Quod incicures bestię cultu mansuescunt : sic pecoris generosi pullus ingenio humanitatis docetur , exuere feritatem , &

*Blandis parere Magistri
Vocibus.*

Cur non temera quoque puerorum ingenia , si liberaliter educantur? Sed educationem hanc neglexit pater , quia filium sibi similem habere voluit. *Redis nempe ad auctorem genus , Stirpemque invisam degener sanguis refert* , ut inquit Tragicus. Hinc factum , Auditores , ut patria vestigia premens , & licentiae omnis , ac impietati laxata fibula , se omnigenis vitiis immergeret. Nam ut primum aetatem virilem attigit factusque est juris sui , ac principii , ilico male agere coepit. Patre enim defuncto , & regio diademate , per hereditatem ad se devoluto , regnavit Samaria duos & viginti annos , totoque illo temporis spatio ita se gessit , ut monstrum potius hominis , quam hominem fuisse dixeris : 1 Reg. 16. 30. Quid multa? Nihil in illo animadverti potuit praeter libidinem , crudelitatem , idololatriam.

Ex his tot impiis flagitiis conflatus Achabus nihil unquam praestitit liberale , nihil ingenuum. Ac ne quis ex affectu me loqui arbitretur , producam , si vultis , praefractae ejus impietatis non exigua specimina , & documenta non obscura. Quid? Annon eam plus nimio convincit idololatria , quam perpetuo amplexus est? nonne cultus , quem Baali exhibuit , cum aram extruxit , festa , sacrificia , victimas destinavit , sacerdotes constituit penè innumeros , cum tamen Deus vel centies prohibuisset , ne fictitios deos veneraretur , coleret , adoraret ; sed ut deos hujusmodi extirparet , statuasque eorum , & imagines perfringeret.

Certe si qua pietatis scintilla in eo fuisset , Baalis cultum cum videret , fictitium tantum esse numen , & invocantibus se nullam praestare opem , ut nec sacerdotibus suis , gladiis ac cultris ad sanguinem se lancinantibus , an non eo abunde commoveri debuisset , ut potius Deo creatori coeli , & terrae , praestita obedientia , ad meliorem mentem

rediret? Adhuc si vel semunciam sani cordis habuisset, & in seriam aliquando descendisset cogitationem earum poenarum, quas antecessores ejus ob scelera sua, justo Dei judicio in se pertraxerant, aliqua saltem potuisset anteaetæ vitæ suæ poenitudine duci: sed pervicaci & obfirmato ad hæc fuit animo. Tantum scilicet potest effrænis morum licentia, & extremum malorum IMPIETAS. Quæ ubi dominari cœpit, & levato quasi velo, fractisque pudoris omnis, ac honesti repagulis, ferream semel frontem induit, nulla amplius ratione compesci potest, aut sufflaminari.

Sed fertur equis auriga, nec audit curvus habenas.

Hic factum Auditores; & inclinatis semel in vitium animis, nulla ruina deformis est. Sed ut unde digressa est, redeat oratio. Convincit eum quoque fœdus, quod cum impio Benhadad, 1 Reg. 20. 34. contra Dei mandatum inivit. Quid mirum? *Pares cum paribus*, ut est in verbo, facile congregantur; nihilque magis amicitiam etiam improborum conciliat, quam animorum, & morum similitudo. Crudelis fuit Benhadad, crudelis quoque Achab. Vultis exemplum? In quo sodes luculentius, quam in Nabotho, viro innocentissimo? Cum enim illi negasset vineam suam, tristitiam & animi ægritudinem simulans, lectum petiit, inque eo decumbens, à cibo abstinuit, & potu, 1 Reg. 21. 4. Quid Jesabel uxor ejus? Xantippe dicam, an una furiarum Megæra, aut Thïsiphone? Cubiculum ejus ingressa eum ita affata est: *Hocine imperare est, & regni Israëlitiçi habenas moderari? surge, cape cibum, leto & hilaris esto animo, ego tibi Nabothi vineam in manus tradam.* Dictum factum. Nam falsis subornatis testibus Nabothum lapidibus obrui jussit, tanquam blasphemum, & reum læsæ Majestatis divinæ & humanæ, atque ita sub speciosa, & plausibili obtentu, eadem sanguinemque sitiens, vineam ejus ad se pertraxit.

O facinus indignum! nam quid magis impium? quid immanius? quid belluinæ naturæ convenientius? quid crudelius & a natura humana alienius fingi aut excogitari possit non video. Siccine Regem se decet gerere erga subditum, siccine patronum erga clientem? minime gentium. Ille enim cum esset Rex, & in throno, regioque solio collocatus, nonne miseris, & afflictis asylum esse, & oppressam innocentiam defendere ac tueri debuisset? Quid enim jura, quid leges, quid Regina illa virtutum JUSTITIA nisi exerceatur? sine qua vivere inter nos, id est, in Societate non licet: nam vinclum est, & ut sic loquar, coagulum: solve, dissipamur, & ut feræ solitariae vagamur. Imo ea remota quid regna sunt, quid principatus nisi magna latrocinia? & conclamata nequitiae latibula? Quæ nequissimorum hominum in iis audacia? quæ scelerum omnium impunitas? qui furor, quæ ferri flammæque sævities, quæ cædes, quæ laniationes? Suavior contra dari non potest, in Republica harmonia, quàm si lex Regi succinat, & Rex legi. Ab eo enim ita prorsus omnia judicari oportet ut lex ipsa, si loqui posset judicaret, atque ita legem & Regem inter se conspirare, ut sit lex quasi anima Regis, & Rex quasi vox legis. Quæ honestarum actionum & virtutum omnium meta est, & quæ per universum Naturæ corpus diffusa, gentes, ac populos regit, & sine qua, nec humana societas, nec ipse mundus stare potest. Sed ut ægro capite omnia corporis membra laborant, & per *συμπύκνωσιν* in mali trahuntur consensum: sic sub vitioso principe, vitari, & corrumpi necesse est eos in quos dominatur: ut vel exemplo ejus deteriores fiant, aut sub violento ejus imperio gemant, suspirent, pereant. Videtis, Auditores, ne longius abeam in Achæbo. Sed ne in istius solum vita, orationem meam occupari existimetis, ad conjugem ejus me converto. Uxorem duxit

quis scepro propior, & folio regio, hoc est. Talium bracteata felicitas est, & non ab illis illis, quibus in scæna, personam Agamemnis, aut Priami gerentibus, scepra aut tiaræ riguntur, ut elati ad tempus, & cothurnati dant, sed post unum alterumve actum exuunt ad staturam suam redeant.

Idem hic. Regnent, minentur, imperent. na hæc mox sanguine diffluet, & volventur i purpureæ, aureæque vestes, ubi reducta hoc isto die, fabulæ quam agunt, cortina, cadunt in solido stare visi, & ut grande ædificium, sua desidunt. Tyrannis si seræ, non tamen veniunt poenæ: sicca morte non pereunt, nec sanguine, qui sanguinem aliorum fundere fuerunt. Ideo Thales interrogatus, *τι δύσκολον διαμένειν, γέροντα, ἢ τὸν τύραννον.*

Regibus omnibus, ac Principibus docume ut Deum, Regum omnium Regem, debitis noribus persequantur, nec unquam committit ut impietate sua, idololatria, tyrannide, ingrudine, Cyclopico denique numinis contem in eum insurgant, cui scepra sua debent & perii fasceis, ne quas ille in se justissimas pert poenas, in eas quoque tandem incurrant. *lento quidem & plumbeo pede Divina vindicta proced sed tarditatem supplicii gravitate compensat.* Dixi

ORATIO V.

In laudem linguæ Hebrææ,

Recitata à

J O H A N N E B E K I O.

CUM omnes mihi singulari quadam ac ex laude digni videntur, qui in capeffendis bus, & disciplinis operam, & industriam collocant; tum ii præcipuè, qui cæteris on

bus posthabitis, ad divinarum rerum intelligen-
 tiam, studia sua, & labores convertunt. Nam
 si eorum omnium quæ in hoc Universo cernun-
 tur, unumquodque naturali perficiendi sui desi-
 derio tenetur; & animus noster ad similitudi-
 nem divinitatis efficitur; tantò perfectior est,
 quantò propius ad illud, ex quo ducit origi-
 nem, exemplar accedit: dubitari profectò non
 potest, quin illa sit omnium præstantissima fa-
 cultas, quæ quoad fieri potest, mortalitatem
 nostram, quantum illius imbecillitas patitur,
 divinæ naturæ, arctissimo vinculo, & Herculeo
 quasi nodo devincit. Ad illius facultatis cogni-
 tionem hodie nemo non aspirat. Sed pauci illam
 (audebo dicere) ea qua par est soliditate conse-
 quuntur, dum neglecta tutissima ad eam perve-
 nienda via, nescio quo superbo fastidio, ea con-
 temnunt, & aspernantur, sine quibus in sacro
 hoc, & nobili studio, nec ὁρῶμεν, nec ver-
 sari feliciter; & cum fructu queunt. Inter quæ
 linguam Hebræam omnium linguarum principem,
 omnium judicem, omnium maximam, omnium
 antiquissimam, omnium matrem de principatu
 contendere, neminem credo esse qui ambigat.
 Quæ causa est cur de illius laudibus, hodierno
 die dicere demandatum mihi est, ab eo, cujus
 apud me plurimum valet, & valere debet autho-
 ritas, non ut eas sigillatim percererem, & ora-
 tionis meæ tela pertexerem (quod & imperare
 mihi iniquum esset, & suscipere temerarium) sed
 ut ex earum multitudine, pauca quadam selige-
 rem, de quibus, ex publico hoc loco, vobis
 audientibus verba facerem. Qua de re, cum me-
 cum initio ageretur, cogitavi sæpenumero, ani-
 mique incertus, non semel mecum expendi, an
 suscipi hæc Provincia à me debuerit, cui sustinen-
 dæ imparem me esse haud invitus agnosco; eam-
 que refugere in animo non semel habui, veritus,
 ne idem mihi contingeret, quod olim non è ple-
 be

quantum, subdidit mihi animum huius
vestra recordatio, qua nixus, i
possum animi demissione contendo
tem meam vestro favore, ac silentio
gnemini, quo mea oratio his velut
vestra ventis, quem sibi proposuit per
consequatur.

Solet verò inprimis, de rerum, si
das suscepimus, origine, & antiquit
tanto in maiore pretio sit quod lau
plura retrò secula numeret. Equide
rei dignitatem commendet, nihil d
Hebræa sit, oportet, ut quæ neque
neque à Cadmo, neque à Phœnicib
ptiis, neque à Simonide; sed vel à
tradit Eusebius, vel ab Abrahamo
Philoni (vel ut altius ascendam) à li
Josepho fides, originem suam trahi
vel hinc colligi possit, quam plane
& à veritate alienum, quod quidam
Efram invenisse Hebræas literas. Nec
tentia longè abest. Plinius, literas has
toribus vendicant.

re est inepte sciolos, qui non verentur barbaras non fugillare tantum, sed & er rejicere: atque ut sibi non videntur, ita cœco ac præpostero Græcarum lit- studio, Herodoti, Euripidis, & Homeri scriptis Prophetis longè antepo- ertè Josephus quem non immeritò, ob gravitatem, tum elegantiam, Græcum appellant, negat Græcas literas ante atatem extitisse. At quid horum ætas- uthi, Enoch, & Abraham ætatem com- lam quò antiquior est Hebræa, hoc & præ marium obtinere, & digniorem longè tar.

aim Optimi Maximi oracula hujus lin- uniculo, ad humanas olim aures perve- eo etiam tempore, quo neque Grajum, atinum nomen in orbe esset, nec ulla alia- uarum initia, nulla vestigia, ita ut Anti- laude celebritatem & gloriam suam a- mmentet. Admirari ea solent homines, præstantium artificum officinis prodire. idavit Verustas, quod à Lyſippo scul- 3 Apelle pictum, à Praxitele fictum, à Pe- t Demosthene dictum esset. Et non sub-

non dicam admiratio solum, sed & a- desiderium ejus linguæ, quæ linguarum mater est? & quæ nervosa sua brevitate upidos allicit, invitat, trahit. Nam ut in ossidentur ea plurimi fiunt, quorum exi- s est, pretium ingens, ut aurum, ut gem- ut in cibis ii maximè laudantur, qui mi- etrimenti habent, plurimum succi: ita facienda oratio, quæ paucissimis verbis complectitur. Talis præ aliis linguis om- bræa. Cujus si dignitatem spectes, si ne- 3, si usum, omnia ut in ea summa sunt, iè nos moveant oportet. Dignitas certe 3, quæ potest esse major, quàm quod ab
ipſis.

ipsis Mundi primordiis originem ducat, & natus sit cum orbe nato? Quod prima generis humani lingua, quod lingua Dei, lingua Angelorum, lingua Prophetarum? Necessitatem pono in magnitudine, & amplitudine hujus doni, usum in materia, quæ si aliquid ad linguæ hujus præstantiam confert, quid præstantius censeripotest eo, quod in ipsius Dei cognitionem nos adducit? quod æternæ salutis consequendæ rationem præmonstrat? Quod Deo summo omnium bonorum fonti, & auctori nos conciliat? ô studium vere dignum! ô industriam omni laude, & prædicatione majorem! qua homo id consequitur, ut sine interprete, eadem lingua cum Deo, cum Angelis, cum Patriarchis, cum Prophetis, diserte possit colloqui, & Dei mentem ex lingua Dei *dispalare* hominibus interpretari. Quisquamne est, qui alias omnes si in unum conferantur, scientias cum hac, quia ista tam eximia, tam sublimia, tam divina traduntur, ullo modo comparandas putet?

Viderunt hoc Majorum sæculo, & nostro, Viri magni; nec aliam fuisse causam arbitror, cur tanto labore, ac industria in linguæ hujus studio desudarint, inque ea ita excelluerint, ut vel hujus solius nomine doctorum omnium meruerint suffragia. Conrado enim illo Pellicano quid doctius, & Hebræa supellectile instructius? hujus discipulus Munsterus, vir indefessi laboris bone Deus! qualis & quantus fuit? Quid ille rerum Hebræarum non evolvit, excussit, penetravit? ut vel ad nomina librorum, eorumque encomia recensenda, libro pene sit opus. Victurum unquam speramus, qui melius de sacro hoc studio mereri, & strenuè magis harum litterarum gloriam tutari queat? Ita sacrarium quoddam hujus linguæ mihi esse videtur, & scientiæ exoticæ quoddam pelagus. Quales quoque olim fuere viri illi æternæ memoria dignissimi, Reuchlini, Merceri, Vatabli, Pagnini, Montani, & non ita pridem, Mornzi,

Marnixii, Drusii, Buxtorffii, quorum homina in albo æternitatis sunt: Nec non ille Scaliger, quem ultimum in scenam o., quod tanquam aquila in nubibus, & orati Imperator, ac eruditionis princeps, palmam præripere videatur, ita in Hebron ad stuporem, sed miraculum doctus. fidiis instructi, quid subit mirari; si tamen, tam solidè, tam doctè Scripturam enosi Spiritus Sancti mentem, si Prophetaylum, si phrasin tanta judicii *κρισις* interpretari? eoque Patribus ipsis (verbo absit) longe hac in parte sint præferendi, qui Hebrææ peritia destituti (Hieronymum linguem, & Epiphanium *πεντάγλωσσον*) solœcismis haud levibus, in sacrarum litterarum explicatione commissis, in errores se, dedere. In quos incidere & omnes eos est, quos hodie supina ignavia, & supernguar fastidium sacro hoc studio prohibet, & quidvis ignorare malint, quàm huic dihorulas aliquot elargiri, atque intermoliteras refugere. Cani Æsopico similes quies rerum captant neglecta re. Næ illi qui facta stola ambulant, & triarii audiunt in doctrinæque laudem sibi propriam esse, longè multos nostri ordinis homines,) & & profundum hic agnosco Sathanæ stratagem!) à tergo relinquunt, majoremque illi conferunt, ad prolatandos errores, quàm propagandam veritatem. Malè mehercule tinam serio nostra hic saperet Juventus! tum demum ego profecisse multum iudicium illi studium hujus linguæ placere cœpit. in cœlum, & micantia ista astra cum intuebis ad puram, & inaccessam lucem ducis à nativa & facili hujus linguæ simplicitathorem illius, fontem, Deum. Et quemadmodum sine luce cerni, multò minus discerni

nequeunt colores : ita nisi in Sacris facem praeferat hæc lingua, quæ foeta mysteriis, & arcanis Sapientiae, quid solidi, ne dicam certi, statui potest, in reconditis illis divinae Sapientiae adytis? Quis genium Prophetarum, quis Spiritus Sancti stilum, dictionem, phrasin capiet? quis mentem? Quis verè, & ex intimo sensu, Scripturam interpretari, quis rimari? si illi barbara est, nec eam suis lustrat oculis, sed alienis, velut per transennam, humanae versionis? ô lynceos & sagaces sacrarum litterarum interpretes! ô egregios populi mystas! ne dicam fucos ad aliena pabula, & veteri hebraeo verbo: **יִנְדְּעוּ מִן הַדָּבָר**

Itane in Divinis ignorantiae nostrae temeritas ludere audeat? Non alia nobis salutaris illius veritatis indaganda cura, non alia animarum? Sic einc ut urfos & bubalos, annulo in nares immisso, circumduci nos patimur? Nam si illi qui in terras longè remotas cogitant, peregrini sermonis ignari, alienas regiones male possint sine duce peragrarè. Quæ fides Deum immortalem! illorum est incogitantia (ne quid gravius dicam) qui dum ad Canaan illam ælestem tendunt ipsi, & alios ducunt, hufos tamen linguam ignorant, ejusque discenda rædia, & labores defugiunt?

Sine qua (iterum dico) friget lectio omnis Sacrae Scripturae, nec plus mihi sapere videntur iis qui aut alienis maxillis edunt, aut contemptis fontibus, turbidas rivulorum aquas hauriunt avidè, ac bibunt. Amplius. Sine his adminiculis Scripturam explicare, & pro dignitate sensum ejus eloqui, juxta puto, ac sine alis volare. Hæc enim sunt futuro Theologo fundamenta ad altioris facultatis cognitionem omnino necessaria: hæc remigia, atque alæ, sine quibus ad majora diviniopii illius Sapientiae cacumina evolare perquam difficile est. Vidistis cœcos istos qui in triviis, aut offitiam, cum stipem petunt, alienis oculis aut fide oberrant, nec tam cunct, quàm sequantur: Similimos

istimate, qui ex interpretatione sapiunt. dent, aliorum hoc debent oculis, & quæ habent, ab iis emendicare coguntur, qui etiam agant, nativam Scripturæ in stylo am, & rerum in ea sublimitatem, καὶ δια-
 rasso versionis suæ penicillo non satis ad-
 : sed puræ ejus simplicitati nubem ob-

itius longè peccant, & venia digniores
 & literas nesciunt quia nunquam eas di-
 obtulit occasio. Habent enim perfugium
 intia suæ patrociniū, quod alieno remi-
 gerant. Sed in tanta luce temporum, tanto
 in splendore, quæ passim in Academiis,
 is docentur, cæcutire adhuc homines, tot-
 is litteris proficiendi adminiculis, sacrum
 ium torpore, imò à plerisque contemni,
 sacramento se Ecclesiis devinxerunt, non
 olum, sed & perfidiæ crimen est, nulla a-
 ne expiandum, quàm si non ante Theo-
 quæ summa Academiæ, & simul Religionis
 . est) nec sacris concionibus initientur,
 i contempta, aut neglecta hac litteratura,
 is sui progressus dederint specimina. Nam
 am plebeji cum vident, nihil præter colo-
 i aspiciunt, nullo autem modo penetrant,
 int essentiam : Ita Sacræ Scripturæ authen-
 :ritatem hi tales quidem agnoscunt, at in-
 :jus sensum non assequuntur, quia ut her-
 lam non adoptivæ, sed innatæ sunt : ita hic
 i, & arcana in versione verba ; hic fructus,
 nam partem imperceptibiles illis qui He-
 gnorant. Spiritus Sanctus enim, qui non
 materiam, sed & verba suis amanuensibus
 it, ejusmodi characteres majestatis, gravi-
 : ἐνσπυρίας, huic authentico textui impres-
 s nulla interpretario satis valeat exprime-
 l, quod aquæ in fonte suo aliter, aliter in-
 iunt : & metalla illa opulentissima sunt ,
 quo-

quam vobis praeponere,
praestantiam audivistis, ambabus (quod
vultis amplectimini: in eam incumbite
vobis familiarem reddite. Auctorem ejus
bonorum nempe omnium fontem Deum
is antiquitatem longissima multarum et
intercapedine insignem, audivistis necessitas
, utilitatem, tot doctissimorum studia, lucubrati-
ones, consilia, monita, luculenter demonstran-
tum virorum premere vestigia, non minime
seculo laus est. Hos vobis imitandos proponit
ut animi magistris, in sacro hoc, & laudat
studio; huc animos, huc curas convertite; jungite
diebus, noctibus dies, & eruditionis de-
votio incensi, omnes voluptatum illecebras
inveniem laboris asperitatem praesacra hac litera
contemnite. Et si venatores in nivibus sub
frigido pernoctant, famem, sitim, vigiliis fe-
rum apris, ursis, aliisque indomitae feritatis
animalibus de vita saepe numero decernunt ac-
cedunt. Vos si quanto illi ad praedam, tanto
viam ardore feramini, nullam vobis ne a-
licuius difficultatem ob stare patiamini

ſi avertat : δύσκολα γὰρ τὰ καλὰ. Et fundamen-
 ſi ſemel jactis, quod non annos, non menſes,
 ſed ſeptimanas tantum aliquot exigit, à diligenti,
 diſcendi cupido, creſcet indies nobilis hujus
 ſtudii amor, cum amore delectatio, cum delecta-
 tione proficiendi ardor, & φιλομαθία, cum φιλο-
 εδία progreſſus, & cum progreſſu ſolida, & e-
 cleſta Scripturarum interpretatio, quæ quam
 ſeologo neceſſaria ſit, notius eſt, quàm ut ſi-
 ne hac re prolixius diſſertare ſit opus.

O R A T I O VI.

In laudem linguæ Græcæ, habita ab

E S A I A C O E R T E N I O

Gefilaum illuſtriſſimum illum Spartanorum
 Regem dixiſſe ferunt, tunc cum ex curſu
 rum ſtrenue geſtarum in Aſia, domum à lega-
 to revocatus eſſet, omnibus ſe triumphis meri-
 anteponere obedientiam Patriæ debitam : &
 graviffimâ deliberatione apud Thucididem, Ar-
 idamus inquit hanc eſſe Patriæ diſciplinam, ut
 res ſtudeant non ſubterfugere, aut eludere le-
 ges, ſed his ſine ullâ tergiverſatione morem ge-
 re. Ita & mihi arbitror eſſe honeſtum, ut D.
 ætoris, qui mihi hanc dicendi provinciam im-
 poſuit, voluntati non invitus obtemperem, &
 iuxta laudabilem Scholæ noſtræ morem, ex pu-
 blico hoc loco ad vos verba faciam. Multa fateor
 e ab hoc inſtituto deterrire potuerunt, impri-
 mis tenuitatis meæ conſcientia, & quod rudis ad-
 ſpectu, parumque in dicendo exercitatus, nihil quod
 vobis veſtris dignum ſit, & expectationi veſtræ
 ſpondeat, à me adferri poſſit : tamen cum cer-
 timi perſuadeam, vos majorem ponere in obe-
 dientiâ laudem, quàm in eloquentiâ, haud gra-
 tæ, hac quoque in parte, Gymnaſii hujus legi-
 bus,

haud dedignemini.

Ut qui fontem in origine sui secat ,
exhaurit , & quiddam à fonte fœcundit
fluit agris , quos macie suâ paulatim em-
nimus , ac quali fatiscere : ita mihi longè
diorum suorum scopo aberrare videntur , &
miori quam intendunt doctrinæ sterilitate
cere , speratamque in semine suo messem
re , atque adeo à radice succidere , qui
hanc quam laudandam suscepi superbe fati
& aspernantur : cum omnis solidioris li-
adeptus , ac melior succus , ab ejus studio , &
à matutino rore , & imbre diffuset. Nam
huius præstantiam recto judicii oculo æsti-
quid hæc unâ splendidius ? quidve ad dis-
capessendas utilius , ac magis necessarium
pe quâ velut Delphico gladio ad omnia ,
que uti conveniat. Latina enim eruditio cit-
cismum manca est , nec illam recipit solis
fam Atticis Venerem Apud Latinos rivuli
dam sunt , & lacunæ lutulentæ : apud Græ-
tes purissimi , & flumina aurum volventi-
Ceterum ut nulla diffidia quædam sunt in

inde, & facunde repræsentat. Quæ enim vis illi, : quæ dictio? quantum etiam inserit? Neminem
 te unquam jejunum dimittit, nunquam gratiam,
 & leporum expertem. Illam qui serio co-
 at, non in Patria sua, sed in ipsa Græcia, cum
 agnis illis viris, quorum sapientiâ, ac eruditio-
 : non minus, quàm virtute suâ, Populus Roma-
 us incrementum cepit, quotidie versari videntur.
 ignant cum Homero, rusticantur cum Hesiodo,
 nant cum Anacreonte, plorant cum Euripide,
 in Aristophane rident, in cœlum assurgunt cum
 ndaro. In Theocrito autem, Moscho, & Bio-
 : , verbis nullis dici, nullâ exprimi oratione po-
 st, quantum rustice procacem illam Musam,
 in simplicitate, & suavitate linguæ maximâ
 junctam, depereant. Donec tandem more Ro-
 anorum, ad privatum in scribendo usum, atque
 imitationem, quidquid ibi legunt, conferant,
 uberrima tum rerum tum verborum fruge, pa-
 re, ac imbuere sermonem suum incipiant. Quid
 irum? cum omnis doctrinæ elegantia, omnis
 gnitio digna hominis ingenui studio, verbo,
 nequid usquam est politiorum disciplinarum
 illis aliis quam Græcorum libris, ac literis con-
 ceatur. Viderunt hoc olim Poëtæ, magni illi
 dentis magistri. Vidit Maro qui non aliâ de
 usâ, ex Homero magnam Æneidos suæ partem
 nsumpsit: quàm verò feliciter Georgica sua,
 Hesiodi imitationem composuerit. Bucolica
 ti successu ad Theocriti expresserit facilitatem,
 itici omnes uno ore testantur. Vidit & hoc
 quentis illud miraculum CICERO, qui licet
 prietatem Romanæ linguæ, simul cum lacte
 terno purissimo seculo, ex ipso Latinitatis pe-
 hauferit, aliunde tamen divinum illum suum
 nonem majoribus incognitum, posteris omni-
 : tam admirabilem, deprompsit, & aliâ lon-
 quam Latinâ exercitatione & auxit, & aluit.
 : enim quo inter alios excelluit sermo,

ne corroborata, tantum emineret inter
illius temporis Oratores ,

Quantum lenta solent inter viburna C

Quis enim sententiis illo aut acutior
brior? quis verbis aut ornatior , aut ele
quis investivis acrior? Docere vis? non al
rone probat vel efficacius , vel apertius.
nemo illo facundior , nemo qui Auditor
mos rapiat magis , aut stimulet. Copia:
nusquam supellex uberior: tori hic , ac q
rens lacinia dictionum. Sublimitatem?
sublimior , nusquam altior. Insigni omni
literas amoeniores amant , documento
quam committant , ut Græci illi sapient
unquam apud se in despectum veniant ,
maximè interest , his Musis Græcanicis
Nam si ipsa Latinitas florentissima suâ
ipso puræ , id est Romanæ locutionis cer
MA , domicilio Imperii , in ipso Cicero
nium suffragiis uberrimo , & inexhausto
fonte , ad summum perfectionis apicem ,
câ linguâ non assurrexit , quæ illa sodes
tia est , in solâ Latinâ quærere , quod C

declamare solitus, linguas sibi reipsa utili-
 liis exemplo prudentissimè conjunxit, & si-
 jungendas injunxit, non in Philosophiâ so-
 sed & in ipsâ etiam dicendi exercitatione,
 & earum studium, & amor nostris unquam
 exoleseat, aut aliqua in contemptum ve-
 quæ summam laudem merentur. Sacra e-
 ra, & quæcunque altioris notæ studia sunt,
 cris nituntur, his deliciis ornantur. Quæ
 obsecro vos, lingua plures vel scientias,
 nè vivendi præcepta tradidit, & ad posteri-
 transmisit? Amplius: Quotæquæque plures,
 clarissimos, in omni disciplinarum genere
 res exhibuit? non in Græcia tantum, sed
 Italia ipsa, & media Româ, regina orbis,
 ilio Legum, & gymnasio literarum. Ubi
 rum lingua ipsa propemodum Latina vul-
 fuit: & in ea viri magni, & celeberrimi
 scripserunt: ut Ælianus, cujus quamquam
 n nunquam egressus sit, Græcæ exstant hi-
 : item Plutarchus, Strabo, Dionysius, Ap-
 s, Diodorus, & innumeri alii, qui Romæ
 unt, illicque scripta sua Græco sermone e-
 unt: quemadmodum in Syria, & Ægypto
 hus, & Philo Judæi Græco quàm nativo
 aluerunt. Et ut rem verbo complectar, quæ
 m lingua est, quæ disciplina, quæ huic Co-
 non duxerit? & indidem ceu è publico quo-
 mercatu doctrinæ, scientiæque suppellectilem
 compararit? aut potius tanquam ex uberrimo
 Sapientiæ fonte rivos non deduxerit? Hic
 elegantix, hic literarum promptuarium,
 um Orbis, eruditionis emporium, & Musæ-
 ac Graciarum omnium augustissimum
 lam Sacrarium fuit. Et ut Homerus ille
 inæ paganæ fons, de Oceano canit:
 Εἰς (inquit) ποταμοὶ καὶ πάντα θαλάσσα,
 ὡς πάντα κρῖναι, καὶ φρεῖατα πάντα ναυσι.
 ex hac lingua, veluti quodam bonorum o-

que solas prope professi sint, nullas ignorasse vere dici possunt, nominisque sui famam, quandiu hic mundus stabit, perennitati consecrassent.

Horum (ut tandem Adolescentes, ad vos mea se convertat Oratio) horum, inquam, vestigia premitte, hos spectate, hos intuemini, & ad eam laudem vestra industria exæquandam contendite. Quam sine hoc subsidio, (aut vehementer fallor) nemo unquam consequetur. Cavete tanquam scopolum, consuetudinem eorum qui cruda studia, ac immatura, in Rempublicam, in Forum, in Ecclesiam protrudunt. Amate Græcas literas, omnium ingenuarum artium, omnium scientiarum liberalium altrices unicas, ac vindices. Ubi enim quæso istam egregiam indolem, quam in plerisque vestrum videmus; ubi istud ingenium ad omnia summa natum, ubi istam partem ætatis ad concipienda literarum semina omnium aptissimam aut honestius, aut fructuosius, collocare potestis? Hæc enim remigia sunt, atque alæ sine quibus ad majora illa scientiarum cacumina evolare perquam difficile est. Quid? non tanti vobis est Plato, non Aristoteles, quo homine Græcorum nemo plura novit, non ipsa denique Sapientia, ut illius linguam addiscatis? Plurifne vobis erunt interpretes? Pluris vobis desidia, eruditionis omnis, ac doctrinæ profligatrix? Aut eruditionem esse creditis verba, & voces; ut ligna lucum? Catonem imitamini, qui esse maluit, quàm videri. Doctrinam amatis? non oscitando, & pandiculando; sed agendo, sudando, vigilando, acquiritur. Non de nihilo, Musas Poëtæ in arduo montis sedem suam habere fabulati sunt, & labores, sudores, vigilas, ad earum artium excubare voluit Antiquitas sapientiæ magistra. Scribunt enim viri prudentissimi, non alia lege, & conditione obtineri. Hæc viâ Veteres illi quos admiramur ac suspicimus sapientiæ procures, vulgo sese exemerunt: hæc se supra cæteros mortales extulerunt; hæc gradien-

dientes non modo floruerunt inter æquales suos, sed in omnem posteritatem nomen sibi ac decus immortale pepererunt. Græci enim qua alia ratione evaserunt toto Orbē tam laudabiles, quā quod cæteras quas illi barbaras vocabant, nationes omnes doctrinā, & ingenio antecirent? Unde tantum nomen, *Qua fidus currit mirumque* fortitæ sunt Athenæ? nempe quod haberent eximios literatura ac sapientia viros. Vos viam hanc insistite, & quæ summus ille naturæ Parens doctrinæ semina in vos contulit, fovete, colite, maturate, nihil enim est, quod non assidua meditatio facillimum reddat. Quò emenso tandem feliciter studiorum cursu, operam vestram Patriæ, ac Reipublicæ, cui crescitis, devotum eatis, & communi amicorum applausu, parentum gratulatione, bonorum denique omnium voto, non civium solum partes sustineatis, sed & boni Magistratus. Nam & vos ex eo ligno estis, unde tales fabricantur Mercurii. Animum meum videtis, quem pleno modio in vos effundo: vos fruimini, & me amate. Dixi.

ORATIO VII.

Quo probatur adversus Judæos, Jesum Mariæ filium esse promissum mundi Messiam,

Habita à

JOHANNES LOEDINGIO.

Quæ tria plerisque ad dicendum paratis metum incutere solent, ea mihi hodierno die animum addunt universa. Sive enim ipsa Orationis materia, quam habendam suscepi, ponderis aliquid habet, & momenti, de Christo Salvatore dicendum est; Sive Auditorum conditio, apud viros humanissimos dicendum est: Sive denique di-

centis qualitas, adolescenti dicendum. De Christo verba facere, si quis difficile censet, & operosum, cum illo quidem non pugno, mihi tamen ipsi gratulor, tale oblatum mihi hodie dicendi argumentum, in quo materia nemini deesse potest. Quæ enim ad dicendum uberior, ad meditandum utilior, ad studia nostra accommodatior; huic verò loco convenientior, in quo ab ineunte ætate, prima Religionis Christianæ fundamenta, & vera salutis in Christo consequendæ ratio Juventuri instillari solent? de illa porro apud vos dicentem extimescere, esset id hominis, parum humanitatem vestram experti, & insignis illius benevolentia, quâ dicentes ex hoc loco complecti consuevistis, prorsus ignari. Qui enim non summâ animi propensione, de Christo dicentem audiat, qui Christianam Religionem jam pridem amplexi, unicam eam & solam profitemini, nec in alio quàm in Christi nomine servari quenquam, vobis exploratissimum est. Adolescentem denique me apud vos dicere, idem me minus sollicitum habet, quod sciam non solum non invideri solere huic ætati; sed etiam faveri, & videam à vobis Juventutem hujus Scholæ, ad optima, & præstantissima quæque honorificâ præsentia vestra, & applausu, haud parum concitari. Quamobrem consuetudine magis, quàm quod ita necessarium judicem, Auditores humanissimi, à vobis quâ possum animi demissione contendo, ut mihi causam Christi, contra Judæos agenti, & salutarem nobis tot jam retrò seculis adventum, qualicunque Oratione asserenti, exigui temporis usuram, & attentionem largiri, ne dedignemini. Et ut sine longis verborum ambagibus in arcem causæ penetrem, & libere id quod sentio eloquar, posthabitis Judæorum deliriis, qui Messiam promissum olim Patribus, expectant adhuc, & desiderii penè rudio contabescunt: nos Christiani in meliori longè Scholâ edocti, advenisse eum jam pridem credimus, & palam profi-

profitemur, Scripturarum quæ apud utrosque valere debet, authoritate nixi. Quæ ut nobilis hujus controversiæ arbitra sunt: ita adventus ejus signa ἀνὰ μυστήρια, nec non tempus, locum, modum, aliasque circumstantias, non obicure commonstrant. Insignis locus est apud Mosem capite 49. Geneſeos, ubi inter cygnas illas voces, quas Jacobus Patriarcha edidit, paulò post moriturus, has quoque Dei spiritu afflatus, protulit. *Non recedet ſceptrum à Juda, & Legislator e medio p: dum ejus, donec venerit Siloh*, Gen. 49. 10. Hanc prophetiam quis sanæ mentis non videt impletam eſſe in Chriſto? qui in ea nſciturus incidit tempora, quæ ſi unquam ablatum à Judæis eſt ſceptrum. Romani enim redactâ ſub poteſtatem ſuam Judæâ, Herodem Antipatri Idumæi, id eſt exteri filium, Regem conſtituunt, qui ut facilius rerum potiretur, ſplendidiores quoſque, ex tribu Juda enecat, Archiva, & Genealogias confundit, aut comburit: adeo ut nemo hodie Judæus (ipſorum conſcientiam teſtor) genealogiam ſuam proferre certo poſſit: Sacerdotes pro arbitrio, nullo legis, nullo tribuum diſcrimine creat: Sanhedrin denique, id eſt ſeptuaginta & duos Senatores, ex domo Juda, Regibus aſſidere ſolitos, è medio tollit, inque eorum locum exteros ſubſtituit: imo quod monſtroſum plane, & prodigioſum, ne proprio quidem filio parcit, ut Meſſiæ adventum intercludat. Ac ne quis forte hanc aliquot dierum, aut annorum eclipſin, ac deliquium fuiſſe arbitretur, ab eo tempore, quod ſuprà mille & ſexcentos annos excurrit, nullum apud Judæos, Judæum extitiſſe docent Annales, docet experientia, qui vel in minimo Orbis terrarum angulo, ullum exercuit imperium: adeo ut vel in hunc diem adhuc, ſine Legge, Republicâ, Sacerdote, Judice, nullis genealogiis, turbatis ac diſjectis tabulis, incertiſque tribubus vivant, contemti apud omnes, & exoſi. Addamus, quod ab eo tempore, apud Judæos,

verius dici, aut credi queunt? Conciones enim ejus quo spectant, nisi ad remissionem peccatorum, ad regnum coeleste? Discipuli quidem importunè, *Domine quando restitutus es regnum Israël?* Luc. 17. 20. imaginantes sibi imperium aliquod Cyri, aut Alexandri, & in eo honores, dignitates, triumphos, spolia. Sed ad hæc quid Jesus? de Regno cœlorum respondet: *Imò, inquit, minimus eris, qui maximus esse volueris, ducemini ante magistratus: ubi jam imperia? vexabimini, ligabimini, crucifigimini,* Lucæ 12. 11. ubi jam triumphi? *facciam ut intelligatis quot & quanta meo nomine pati oporteat,* Actor. 9: 16. ubi jam spolia? ubi dividenda bello subactæ provinciae? interim *beati eritis, qui hac omnia meo nomine patiimini, & qui perseverabis usque ad finem servabitur,* Matth. 10. 22. Hæc doctrina ejus Auditores: & quis sibi ab eâ splendidum quid, quid augustum polliceatur! Cujus prima lex est, abnegare se ipsum, odisse patrem, matrem, consanguineos, benedicere iis, qui nobis maledicunt, bona, fortunas, opes contemnere, vitam denique non periclitari solum, sed perdere Christi causâ. Quid dissentaneum magis rationi humanæ? quid à sensu communi (ὃ γὰρ εἴργει λίγισιν τὸ πικρότερον) quid à natura magis alienum? & tamen doctrinæ hujus adeò despectæ, atque odiosæ tanta fuit vis, tanta efficacia, ut viginti plus minus annorum spatio, Orbem universum Christianis repleverit. Quin & ipsa Imperia, quæ de venturo Christo nihil audiverant, ad obsequium Jesu convertuntur, & prædicationi Evangelii obsecundant, antequam nomen, saltem nominis causam intelligant. Illi ipsi denique Imperatores, sub quibus dira omnia passus est, convitia, sarcasmos, torturas, verbera, mortem denique ipsam, eamque maxime ignominiosam, honores ei divinos, & templa, sacella, aras meditantur. Hic quid dicam Auditores? Certè divina hic esse omnia, & supra sortem humanam

alios Esaias: *Ecce, inquit, Virgo concipiet, & pariet filium, & vocabunt nomen ejus* מְיֻדָּהּ Esai. 7. 14. Evangelium, Mariam matrem ejus, virginem asserit. Prædixerunt nasciturum in oppido Bethleëm, & quidem inopinatò. Factum. Aliquot à nativitate diebus, narrant Evangelistæ, Jesum in Templum allatum fuisse, Luc. 2. 25. Deo secundum legem offerendum, atque ibi Simeonem virum pietate, ac vitæ innocentia insignem à Spiritu Sancto admonitum, non visurum mortem, antequam Messiam Domini vidisset. Jesum adhuc infantulum ulnis amplexum erupisse in has voces: *Oculi mei viderunt salutem tuam.* Jam antequam sese patefaceret Messias, præcursores pollicentur Prophetæ. Inter alios Malachias: *Ecce, inquit, ego mitto legatum meum, & verret viam ante faciem meam, & statim veniet ad Templum suum Dominator, quem vos queritis*, Mal. 3. 1. Hæc Prophetia in nullo alio impleta, quàm in Christo. Nam paulò antequam prodiret in publicum Jesus, Præcursoris munus obiit Johannes Baptista, tanto cum populi applausu, tanto concursu, ut Procerum omnium odia, & invidiam in se pertraheret. Sed quod admiratione dignum, non ita multo post, hic qui populi vota, & studia in se unum converterat, Jesu adveniente, & quidem ignoto, cedit ultro, & fasceis submittit digniori: adcò ut magni illius Magistri, prodeunte Jesu, nusquam discipuli compareant, omnibus ad Jesum, instinctu ejus, & hortatu, certatim confluentibus: quia non sibi illos instituerat, sed Christo. Cujus si vitam consideremus, quid nisi umbrarum Veteris Testamenti est corpus, & eorum omnium, quæ de Messia prædicta sunt olim, substantia vera, & effectus? Expendite quæso mecum, quis adventus Messie finis? certè non alius, quàm humani generis salus. Quæ regni ejus natura? non aliud quoque quam sanctum, & spiritale. Hæc si ad Jesum referas, in quem melius convenient, & de quo

mysterium, Deus manifestatus est in carne, 1. Tim. 3. 16. quem & in actis Apostolicis Ecclesiam suo sanguine redemisse affirmat, Act. 20. 28. O cœcam ergo, & plus quàm cœcam, & impiam Judæorum gentem! O pertinacem! quæ in tam claro lumine, Solem justitiæ DN. JESUM CHRISTUM pro vero olim promisso sibi Messia non agnoscit. Ille enim est semen illud mulieris, promissum in Paradiso, ille semen illud Abraham, in quo omnes gentes benedictum iri prædixerat: ille filius Davidis, ut affirmat Apostolus in epistola ad Romanos, Rom. 1. 1. Qui ut nasci, sic mori, & pati etiam pro nobis voluit. Et de passione ejus, ac morte, quàm præclare, quàm eximie propheta Esaias, adeo ut Evangelista potius, quàm Propheta esse videatur, ita ad amussim omnia commemorat, non tanquam futura, sed præsentia. Nam de Christo loquens: Non forma ei neque decor; despectus fuit, & contemptus inter viros: verè langores nostros ipse tulit, & vulneratus est propter prævaricationes nostras: omnes nos sicut oves erravimus, sed JEHOU A conjecit in eum iniquitates omnium nostrum, quamvis iniquitatem non fecerit, nec dolus fuerit in ore ejus. Quis in hoc textu non videt carcerem, dolores, vulnera & mortem JESU? Quis non humilitatem ejus, & innocentiam? carceres inquam nobis in libertatem versos? dolores in gaudium? vulnera, in clementiam, & medicinam animæ? mortem in vitam? Justitiam denique in justificationem? Supplicium in remissionem?

Scio hic multa nobis à Judæis regeri, quibus testimonia, & loca Scripturæ tam peremptoria eludant, & fucum faciant veritati. Sed inter alia, nihil est, quo magis offendi solent, quàm humiliatione Christi, carneis hisce oculis despicabili. Ecquis verò, inquit, JESUM eo habitu Christum aut Messiam esse, unquam suspicatus esset? Imò ejus, qui humiliandus veniebat, qui crucifigendus

gendus expectabatur, quis aptior, quis convenientior habitus esse debuit dum major homine Divinitatis opera per carnem edidit? Expectarunt magnificum: promittebatur pauper. Prælia meditantem, & pugnas, victoriis, ac triumphis insignem: prædixerant Prophetæ convitiis, plagis, & verberibus excipiendum, Matth. 26. 27. Magno comitatu: asino vectus Hierosolymam ingreditur. Luxu, & opibus diffluentem: panis vero ejus aceto maceratus, calix amaritudine permixtus. Finxerunt sibi aut pacem Salomonis, aut Alexandri victorias: Sed venit ut iram Dei placaret, nosque ei reconciliaret; ut Sathanam armis exueret, & Judæos cum Gentibus sociaret. Horum adventuum uter quæso, tum ad gloriam Dei, tum ad Messias decus, facit magis? Mundum certè Messias imperio suo subicere debuit. Sed utrum gloriosius erit, utrum divinam ejus Majestatem, & potentiam patefaciet magis, si imperio accinctus, an si omni ope humanâ destitutus, munus suum perfecit? Si poenarum, si suppliciorum metu, an sola Verbi sui prædicatione, homines sibi tributarios fecerit? Splendidus triumphabundus, an cruci affixus? Vivus an mortuus? hostes cædens, an ultrò cedens? Res ipsa loquitur Auditores, & quid opus lucernâ Diogenis, ubi sol meridianus? Dicamus igitur, non potuisse Divinitatem suam splendidiorē reddere, quàm in adventu suo vili, & contemtibili: virtutem, quàm in infirmitate suâ, & ~~ap̄p̄s̄la~~ potentiam, quàm in debilitate: gloriam, quàm in contemptu: æternitatem, quàm in morte: resurrectionem, quàm in sepulchro: omnipræsentiam, quàm in absentiâ. Et si aliter ad nos venisset, gloriæ partem homo sibi vendicasset, & quò potentior, eò levior victoria foret, & quò in oculis hominum splendidior, eò Divinitas ejus minus emicuisset: ac eo etiam tum Judæi, tum Ethnici & remotiores à culpâ, & propiores veniæ, & excusationi fuissent. Eant nunc,

&

& humilitatem ejus quantum lubet, obtendant, hanc unam traducant, sugillant, rodant: nos nos Christiani eam colimus, veneramur, amplectimur, & in hac summâ Christi humiliatione, Majestatem ejus suspicimus, Divinitatem adoramus. Nam si natus eâ die, loco, modo, stirpe, parentibus, quibus dilucidè, disertè, præcisè, multis ante seculis, multis ante seculorum decadibus, à Prophetis erat designatum, quæ nec homo per se nosse poterat, nec ulla creatura aut docere, aut addiscere, quis quæso dubitare jure potest, aut debet, quin illi præcones fuerint verè *Διόπυσοι* qui Regem mundi, in Mundum adventantem, prænunciarint? Et CHRISTUM, non alium, verum illum esse Messiam, qui prophetias illas suo adventu impleverit? Cujus quidem ortus, & natiuitas ut ut primâ fronte alicui obscura, & ignobilis videri possit, si matrem pauperculam famâ obscuram, opibus tenuem, fabro nuptam, si præsepe, si fascias, si locum & occasionem nascendi consideres: at non item, quin longè aliter videbitur, si eundem qui sic natus est, Deum fuisse cogites, natum ex virgine, loco & tempore jam ante designatis à Prophetis, eundemque ab Angelis Pastoribus euangelizatum, tum à Magis ut Regem Judæorum adoratum, atque ob id ab Herode martyrio destinatum, & Angelo monitore in Ægyptum ablegatum, moxque à morte Regis inde revocatum quo omnes de se & in se typos adimpleret. Nam si natus ex Virgine, si natus in stabulo, depositus in præsepi, vilibus pannis, & fasciis involutus, ut infans vagiit. Angelos habuit Natiuitatis suæ præcones, & nuncios: Si esuriit, millia aliquot hominum paucis panibus, ac pisciculis saturavit. Si sitiit: aquas vivas siti restinguendæ propinavit. Si defessus à viâ: defessos mole, ac pondere peccatorum ad se vocavit, & refecturum promisit. Si vestigal solvit: didrachma pisci imperavit. Si obmutuit ut agnus, libertatem loquen-

di

di nobis dedit, apud Patrem. Si spinis coronatus; Reges, & Imperatores ad genua sua prostratos habet, & ad ipsius pedes diademata ultro abjicientes, dzmonas ipsos vinctos, & revinctos, frangatos, & obmutefactos. Quæ hic Auditores elucet in singulis Majestas, quæ Sapientia, & quam omnia Mysteriis foeta? Si denique obiit, & spiritum emisit: potestatem resumendi habuit. Si morte ignominiosâ, at quot & quanta in ea Divinitatis signa se prodidère, ruptura Aulæ, inaudita ante, & invisâ Solis obscuratio, & terræ motus? Totidem in summâ humiliatione Majestatis ejus argumenta. Unde enim illa? nisi à virtute plus quam humanâ, plus quam Angelicâ, plus quam quæ in creaturam ullam, in creaturas simul omnes cadere possit.

Hunc ergo, ut finem dicendi faciam Auditores, tanquam unicum MESSIAM amplectamur, omnemque in eo fiduciam repositam habeamus. Nihil nos ab ejus professione deflectat, nihil deterreat.

Non si terra mari miscetur, & mare Calo.

Quid enim Christi cognitione dignius? quid salutaris? Dignius? in eo enim absconditi sunt omnes thesauri sapientiæ. Salutaris? Hæc enim vita æterna, ut te cognoscant esse illum solem verum Deum, & quem misisti *JESUM CHRISTUM*. Hæc cura igitur curis omnibus longè antistat, Christum cognoscere, cognitum amplecti, amplexum venerari: Huic soli vivere, huic mori. Humana enim hæc quid sunt, nisi jactationes, & fluctus? in quibus nihil firmum est nisi ad anchoram ea alliges veræ Pietatis, quæ magis corde quam ore; factisque magis exerceri debet, quam verbis. Donec tandem emenso vitæ curriculo, nos æternæ illius beatitudinis consortes faciat, quæ nullis temporum spatiis circumscribi, & quam nemo mente assequi, nemo cogitatione complecti potest. Dixi.

ORATIO VIII.

Parænetica ad Studiosos, ut in studiis,
devoratis omnibus molestiis, constan-
ter perseverent,

Habita à

J A C O B O N I S A.

MIdam ajunt, illum Phrygiæ Regem pecunio-
sissimum, quod Bacchum hospitio excepisset,
à Diis immortalibus impetrasse, ut quidquid
vellet optaret, optatumque referret quod pete-
ret. Optasse autem illum, quâ erat *πλεονεξία*, &
immensâ auri cupidine, ut quidquid attigisset, in
aurum illicò verteretur. Stultum mehercule vo-
rum, & ea quæ secuta est, pœna dignissimum!
Nam cum cibus, & potus manibus attrectatus, &
ori ingestus, in aurum protinus converteretur,
sensit tandem homo fatuus, medias inter opes
inops, quàm imprudenter optasset; petiitque à
Libero patre, ut munus illud quantumvis specio-
sum, sibi adimeret. Istud verò Caligulæ quale est,
quem identidem cædes, famem, pestem, incen-
dia, terræ motus, inundationes optasse, queri
etiam solitum fuisse, memoriæ proditum est,
quod non calamitate aliqua inaudita tempora
sua insignirentur. Quanto laudabiliora Augusti,
& Tiberii Imp. vota extiterunt? quorum ille
Scipionis fortitudinem, & Cæsaris fortunam à
Diis contendit: hic tantisper ut viveret, optavit,
dum Reipubl. ac Patriæ suæ prodesse posset. Ve-
rum hos post se omnes longo intervallo relin-
quere mihi videntur illi, qui vota sua aliò con-
vertunt, quibusque nihil adeò cordi est, & curæ,
quàm ut in studiorum suorum cursu ad doctrinæ,
& eruditionis fastigium enitantur.

Quo nihil ego in rebus humanis dignius esse cenſeo, nihil præclarius. Illa enim eſt, quæ mentem perficit, iudicium format, ingenium acuit, & quantò brutis longè præſtat, animalium nobiliſſimum, homo: tantò hominem homine ipſo præſtantiorem facit. Illa eſt, & quidem ſola, quæ adoleſcentiam alit, ſenectutem oblectat, ſecundas res ornat, adverſis perſugium, ac ſolatium præbet, delectat domi, non impedit foris, ubivis terrarum nos comitatur, & vel cum naufragio enatat. Sed quia multos cottidie video, ſtudioſorum difficultate, à laudabili illo conſequendæ eruditionis propoſito deterri, haud abs re me facturum putavi, ſi qualicunque hac mea Oratiuncula manum cunctantibus porrigerem, & multorum hac in parte tarditatem ſtimularem. Vos interim Auditores, quæ poſſum animi ſubmiſſione, obnixè rogatos volo, ut favore veſtro, & ſolita in eos, qui ex hoc loco declamare ſolent, benevolentia dicentem complecti dignemini, ut ſi forte in obvias navicula mea Syrtis, minus ſetundis Euris impulſa, illiſerit, æquitatis veſtræ remigio, & cynoſura, naufragii periculo integra emergat.

Ariſtoteles Philoſophorum ille princeps craſſo cuidam, & obefcæ naris homini percontanti: *quid eſſet discriminis inter doctos, & indoctos*, non inſcite reſpondit, *quod inter viventes, & mortuos*; haud obſcurè innuens, qui corporum modò vita fruenter, quam habemus cum pecudum genere communem, & externis tantum oculis Solem intuerentur, quem acutius longè cernunt aquilæ: animis verò quibus lucem, ac vitam donat literatura, nihil cernerent, eos ne hominis quidem appellatione dignos, & mortuos eſſe verius, quàm vivos, minimoque intervallo à lapideis diſferre ſignis: hoc nomine etiam inferiores quod ſtatux ſic delectant oculos, ut nemini noceant. At illi ſi vivunt, vivunt tantum, & aura omnis doctrinæ vacui, æthereâ ſolum veſcuntur, quæ & aſini, tan-

maximis difficultatem proposuit Deus, nec alia ad doctrinam via est. Quid? Eruditionem citrà laborem parari, quis censet? disciplinas oscitantibus in ora delabi? venire in sinum dormientibus?

Errat. Laudis Herculeæ fundamentum labor fuit. Nec alio fine prudentissimis Lycurgi consiliis, ac legibus olim instituta Spartanorum gymnica certamina, palæstræ, saltationes Pyrrhicæ, currus Achaïci, labores Isthmici. Nulla quoque re magis Ulysses, quàm labore cognoscitur, quantalibet prudentia fingatur. Si otiosus fuisset, lauisset. Labor Romuleos duces, Scipiadas, Camillos, Fabios, Curios, Fabricios, Metellos, aliaque periculis nota nomina in excelsum Famæ theatrum extulit.

Labori cuncta venalia sunt: &

Ἰδρωτα θεοὶ προπάροιθεν ἔθηκαν
Ἀθάνατοι.

Opes istas vulgares aurum, gemmas, argentum nonnunquam largiuntur ignavis, & immerentibus; sed quæ veræ sunt Opes voluerunt parari laboribus. Ut gemmas Natura altissime recondidit sic quæ sunt optima, non nisi summo studio eruntur: & ut una hirundo non facit ver: sic nec una dies eruditionem. Latissimum est scientiæ spatium, latius ignorantia. Nulli præclusa doctrinæ via est, omnibus patet, omnes invitat. Sed sudandum hic si usquam, & certandum strenuè in hac palæstra. Ingenium ut ferrum est, splendet, si utaris: rubiginem contrahet, si recondas. Fateor quidem ad doctrinam capeßendam plurimum momenti naturam habere: Sed ingenium sæpe labor vicit: & naturam industria: hæderæ hac in parte imitatrix, quæ cum imbecillior sit, quam ut suis se viribus erigere & sustentare possit, altioribus sese pampinis, & ulmis involvit, involuta arctius se astringit, atque hoc modo per amplexum ab infimis ad suprema arripit. Soli natura, si cultura deficiat, sterilefcit: quantoque melior terra.

terra, tanto deterior fit neglectu. Contrà solum quod per duritiem, ligones vix admittit, aut aratri dentem, subactum jam, illicò fructuum ubertate luxuriat. Exempla vultis adducam? intuemini mihi Ciceronem, Demosthenem, Platonem, Aristotelem, & alios penè innumeros, quorum mentionem facit Antiquitas: quos non illi labores, quas non vigilias, lucubrationes, incommoda perpeffi sunt? quas non devorarunt molestias? quas denique non susceperunt peregrinationes: alii in Græciam, alii in Ægyptum, alii in Italiam, ut doctiores tandem redirent? Ita est Auditores. Ambrosiam hanc qui vel tantillum delibavit, satiari ea nequit: quia mentis nostræ famem gustata semel magis acuit, & irritat, & quò altius in nos descendit, eò (ita me Musæ ament) impensius placet, & minus molesta est. Quod si cui hoc fortè mirum videtur, prodeat in medium Chrysippus, seculi sui decus, qui studiis intentus, tanta sæpe voluptate perfruebatur, ut extrà se raptum, & velut extaticum, cibi cum, & potus caperet oblivio. Prodeat Mathematicorum Coryphæus, & solertissimus ille Orbium cælestium scrutator, Archimedes, qui in Urbis suæ Syracusanæ directione, ita affixus erat libris, ita defixus in studiis, ut prius hostilis gladii cuspidem corpore exceperit, quàm urbem in hostium potestatem venisse sentiret. O animum literarum amantem! O industriam hominis indefessam! O factum omni laude, prædicatione, monumentisque decorandum! diripiebatur Urbs ea tempestate opulentissima, effusi per vias milites, ut in quemque inciderant, sine ullo ætatis, sexus, ordinis discrimine obvios contrucidabant, undique gladiatorum radiantium fulgor perfringebat oculos: undique armorum sonitus, tubarum clangor, equorum fremitus, cadentium tectorum fragor audiebatur: puerorum ejulatibus, mulierum lamentis, morientium singultibus, ac suspiriis, militum clamoribus, priva-

ta, publicaue omnia, circumsonabant: ipsa Urbs penè dimota, & convulsa sedibus suis, suorum civium in cæde ac sanguine natabat, cum unius hominis mens, in media civitate, dulciliterarum illicio, ne patriam quidem Urbem captam esse, nec hostem stricto gladio, effractis musæi foribus, cervici suæ imminere sentiret. Prodeat denique Solon, ex septem Græciæ sapientibus unus, qui cum in lectulo, morti proximus decumberet, inaudissetque assidentes amicos, de re quapiam submisè, ne ipsi molestiam pararent, disputantes, ille caput sustulit, & flexit ad audiendum: Interrogatusque, Quo fine tunc aut fructu? nobilem illam vocem edidit, *Ut, cum istud sciero, doctior moriar.*

O discendi cupiditas! quid non efficis, ubi semel generosa ingenia occupasti? & quid in vita, aut ejus flore faciendum, cum ille hæc in morte? tenebatur homo sapientissimus, gravissima vi morbi, dejectus pene, & attritus jam vicinitate mortis, ab omnibus pene corporis partibus sensus abscesserat, egregius ille animus, mox liber ab angusto corporis tugurio, exilire cupiebat, cum quidquid supererat virium eò contulit, ut deficiente fere lingua, vocibusque interruptis, suum doctrinæ, cognitionisque desiderium indicaret. Quid mirum? Nam ut apes ad mellificium, aves ad volatum, aranei ad texendas telas, formicæ ad grana frumenti congerenda tacito quodam naturæ instinctu ducuntur, ita homines quasi genio quodam, atque animi impetu ad rerum scientiam propendere, & ad eam tanquam ad Jasonis prædam, & ad Colchicum thesaurum ferri videmus.

Sed ut altius provehar, nec literarum deliciis solum, & amœnitati immorari videar. Quid? compendiosiore ullam existimamus esse viam ad honores, quàm per literaturam? Non arbitror, Illa enim est quæ homines etiam obscurissimos, *umbraticos, tenebriones ante, & humili loco na-*

tos, nobilitat, & in famæ theatrum producit. Illa quæ contemptos antè & abjectos, ad summas dignitates evectos, in augusto honoris folio collocat, & favorem Regum, ac Principum, benevolentiam populi & applausum, vel ringente invidia, demeretur. Exempla obvia sunt, Auditores, & in omni ævo. Socratem Sophronisco patre marmorario, & matre obstetrice natum, commemorant. Hic tamen admiranda sua in divinis & humanis scientia, ad tantum famæ & laudis fastigium assurrexit; ut nullus unquam extiterit, non solum hominis consensu, sed & Apollinis Oraculo, hoc viro sapientior. Euripidem quis ignorat non generis quidem splendore (matrem enim habuit olera venditantem) sed doctrinæ præstantia & ingenii monumentis ita inclaruisse, ut nominis sui famam æternitati consecrarit: Demosthenis verò patrem, cultorum venditorem extitisse, memoriæ proficuum est. Et quis hoc Oratore tamen disertior? quis eloquentior? ut vel hinc facile intelligi possit, veram gloriam non in opibus, & spoliis Pluti patris: sed in doctrina, sed in eruditione positam esse. Quid Æschinem tympanistrizæ filium? quid Epictetum, moris philosophiæ principem, quondam servum? quid Pindarum tibicinis filium? quid Anacharsin gente Barbarum, & crasso Schytarum aere; atque ex vervecum patria oriundum? quid Demadem, olim piscatorem? quid denique Lucianum lapicidam? quid innumerabiles alios in scenam producam? quorum ignorata nunc essent nomina, & æterno oblivionis tumultu recondita, nisi pennato hoc literarum curru, evecti se ostendissent per ævum, & scriptis suis famam ab interitu vendicassent.

Hæc igitur, hæc inquam exempla, quorum pleni omnes sunt libri, plenæ Sapientium voces, plena Scriptorum vetustas, Juventuti Musarum Sacris initiatæ, & virtutis purpura tinctæ, æmulandæ.

nec committendum, ut minor nunc quàm olim Majorum in litteris proficiendi sit ardor. Sed nimis multa fortassis de re minime dubia. Quis enim nescit, nihil esse tam excelsum, tam splendidum, tantaque laude dignum, quod cum doctrina comparari possit? Itaque ut portum subeam, & vela Orationis meæ contraham, monet me, Auditores, insignis vestra humanitas, & patientia, qua ne diutius abutar, hîc pedem figo, illud prius à vobis commilitones mei, quo possum animi affectu contendens, ut mea non in aures tantum vestras, sed in animos descendat Oratio: cumque vos ad omnem laudis cumulum natura genuerit, ratio formarit, voluntas & studium accenderit, ne patiamini tantas dotes ulla negligentia labe deformari. Expendite quæso mecum, quid valeat Eruditio, quem præbeat usum. Et si qua vos cepit unquam gloriæ, atque æterni nominis cupiditas, si studium virtutis, ac honoris, si clarissimorum virorum exempla vos movent, si doctrinæ vos præmia alliciunt, si honores, si purpura, si trabea, si insula, date, date quæso animum ad studia, litteras colite, eruditionem sectamini. Alios vulgaria atque obsoleta delectent, vos recondita hæc Sacra Musarum: illos humilia, vos sublimia: illos vilia, & abjecta, vos ardua: illos deterreat difficultas, vos acuat, vos exstimulet: illos frangat, vos reficiat labor. Videris Athletas? oculi semper illis in metam: sic vobis mens in eruditionem, & in eum ceasum, quem ex Patriæ ruinis secum asportavit magnanimus Bias: non aliam quærite studiorum vestrorum, & laborum palmam. Cætera enim quæ fortunæ arbitrio tum dantur, tum eripiuntur, fluxa omnia sunt, & lubrica; nec tam egregium existimo, illa habere, quàm contemnere, ad quæ non rarò generis humani cæca cupiditas obstupefcit. Quid enim stirps, Patria, genus? quid forma, ætas, ingenium, quid honores? quid aurum illud quod tantopere admiramur? aut aurea

rea ista Colchorum vellera, quæ laboriosissima veterum Græcorum navigatione olim quæsitæ? Quid Colossi, quid marmora, quid Mausolæa? Fumus sane, & funus sunt rerum mortalium omnia, & in ancipiti hac mutatione temporum, abeunt, abeunt, inquam, nec eximere nos queunt, aut nostra, mortalitatis lege. Sola hîc fama perennat, virtutis, & bonarum artium studiis comparata. Et hæ propriæ hominis sunt opes quæ non furto eripi, non incendio absumi, non naufragio absorberi possunt; quæ in pectore, & animi scrinio struntur, non in arca: quippe quæ usu augeri solent, non minui, meliores fieri, non deteri, non senescere, non contingere malis ut opes: non ignavis, & immeritis ut honores; non etiam avocare homines à virtute, sed instruere: imò parata semper esse præsidia, & compendia: quæ nos tandem vitæ hac gloriose defunctos, ad vitam meliorem commitantur, quam vobis omnibus, & mihi adprecator, opto, voveo. Dixi.

O R A T I O IX.

In Senectutem, habita à

P E T R O D U S S E N I O.

CUM multa præclare, summaque omnium cum laude ab *Heraclito* dicta, factaque sunt, tum haud scio quicquam ne sit præclarius eo, quod in seriam descendens contemplationem miseræ humanæ, in lachrymas indefinenter erupisse dicitur. Nec mehercule injuria. Et enim cum nihil in hoc Universo firmum sit ac perpetuum, nihil quod non crebris fortunæ mutationibus obnoxium sit, quis tam natura ferus, ferreusque inventi potest, qui si cogitare de his incipiat, à lachrymis temperare sibi queat, animumque non identidem tristitia, atque ægitudine conficiat?

ciat? Non mihi Auditores, inpræsentiarum omnes ad amussim inſerias, ac calamitates recensere decretum, quæ hominem aut circumſtant, aut incurrunt, ſenſum tantum in mentem conditio veniat. Ecquid obſecro vos, in ea ætate non ingratum, triſte, luſtuoſum? quæ Sapientium iudicio, morborum omnium & ægritudinum ſentina eſt, & vitiorum officina? quam ut omnes optant, ita nemo conſecutus, ea gaudet. Optima cum expectatur, oneroſa ſibi, aliis moleſta eſt. Adeo ut qui olim omnibus eam votis expectebat, jam imago ſui tantum, aut cadaver vivum, inter homines oberret. Ut enim ex amphora primum, quod eſt ſinceriſſimum effluit, graviſſimum quodque, turbidumque ſubſidit: ſic in ætate illa decrepita, meliora prætervolant, deteriora ſuccedunt. Ea quid triſtius excogitari poſſit, non video, quæ hominem à rebus ſtrenuè gerendis avocet. Et quem mihi dabitis Auditores, cui vel minima tantum ineſt virtutis militaris ſtriſtura (eos enim hîc, *quæis lava in parte mamilla nil ſalis, miſſos facio*) qui eam non merito exhorreſcat, ſi quam ſemper reformidavit, imminentem ſibi ſentiat? aut aliqua tantum ejus ſubeat cogitatio, fore ut per eam præclara ejus obliterentur facinora, & perpetuo involuta ſilentio, in oblivionem veniant? Quemadmodum iis, quibus angina præcluduntur fauces, cum alios edentes conſpiciunt, accenditur in iis cibi ſumendi appetitus, ſed fruſtra: ſic Senibus, cum aliorum res geſtas audiunt, ſimulque, quid in adoleſcentia ipſi, quid in adulta ætate præclari geſſerint, recordantur, ſubit quidem ira cadentem *ulciſci patriam, & ſceleratas ſumere parvas*: ſed vetat ſimilis imbecillitas, & querula valetudo, vetant tremulæ manus, ægritudines, morbi, deliquia animi, vetat corporis ſenio attriti languor & *μαλακί*: ut vere in ſenes ad unum omnes quadret illu *Hecubæ ad maritum Priamum*, in enervi & decrepita ſeneſta, *Trojam* captam irritò conatu, *fruſtra* defendere volentem:

*Non tali auxilio, nec defensoribus istis
Tempus eget.*

Quod si forte cuiquam dubium videri posset, res ipsa palam clamitat, audiat enim *Entellum* jam senem, apud *Virgilium* profligatæ ætatis suæ deplorantem incommoda. Quid ille?

—— *Gelidus, inquit, tardante senectæ
Sanguis habet, frigentque effusa in corpore vires.
Si mihi quæ quondam fuerat, quæque improbus ille
Exultat fidens, si nunc foret illa juvenæ,
Haud equidem pretio inductus, pulchroque juvenco
Venissem.*

At in Juvenibus contrà,

—— *integer avi
Sanguis adest, solidaque suo stant corpore vires.*

Magna spirare, audere, moliri, integræ ætatis est, non attritæ, non fractæ: sublimia, & ardua suscipere vegeti corporis est, non decrepiti, non humo affixi, & vel minimo impulsu nutantis, ut illud in capularibus illis seniculis, & silicerniis videre est. Uno atque altero exemplo Auditores res fiat illustrior. Intuemini mihi magnum illum belli ducem *Alexandrum*, qui nescio an quemquam rei militaris peritia, an vigilantia, & animi fortitudine unquam parem, ne dicam superiorem habuerit. Quo vitæ suæ tempore, expeditionem in *Asiam* confecit? Orientem pene totum sub potestatem suam redegit? ingentes regionum tractus, immensa terrarum latè patentium spatia, flumina, montes, insulas, quæ interventu suo maria distinguunt, Imperio suo adjecit? Hæc tam splendida, & pene stupenda, in senio ne aggressus est, misera valetudine, evirato corpusculo, & ætate decrepita? minimè gentium. Alia longe tot tantæque facinoræ exigunt vitæ tempora, aliam animi fortitudinem, alium mentis vigorem, aliam manum, aliam pedum agilitatem. Specimina si vultis eorum quæ dico. En vobis in hoc ipso *Alexandro*. Qui cum collatis signis (ut reliqua præteream) & exercitu haud numero-

illia inter-
atuor solum, & qu-
ita omnino, & duo ex pecu-
equitum centum quinquaginta interie-
impendio eam consecutus est victoriam, o-
i tantum Monarcham eo adegit, ut filiam se-
itissimum Imperii partem in dotem illi
conjugem, & Imperii non
erre non dubitaverit. *Scipiones* hic, aut *Car-*
Marcellos, *Emilios*, *Coriolanos*, aliaque non
ria nomina, ordine hic in theatrum induci
mihi esset animus, quis tandem foret dicen-
Unus, unus Auditores, in medium prodeat
qui nobis erit instar omnium, ingenii ejus
pritudinem, & acrimoniam quis satis
deprædicet? scribere & legere simul, di-
audire; Epistolas magnarum rerum qua-
riter Amanuensibus dictare, aut si nihi-
ptenas, solitum accepimus. Idem si
quinquagies dimicavit: solus *Marcu-*
transgressus, qui undequadrages p-
hoste inierat *Cæsari* propria fuit & p-
entia: Idem & magnanimitatis se-
bilis invicti ar-
pom

dicam cursibus, sed victoriis illustratae sunt. Domuit enim gentes immanitate barbaras, multitudine innumerabiles, locis infinitas, omni copiarum genere abundanteis: ita ut nullius tantum sit flumen ingenii, tanta dicendi vis, tantaque copia, quae non dicam exornare, sed enarrare res ejus gestas possit. At qua aetate, tot tantaque ab eo edita facinora, tot pugnata bella, tot reportatae victoriae? non senili certe, non decrepita, sed vegeta integra, illibata, quae montium cacumina, perpetuis obsita nivibus superare, vias adire invias, & squalentia solitudine loca, tesqua, nemora penetrare potuit, nec Ducis solum, sed & militis officio fungi. In utrumque enim paratus, seu imperare, seu manum, si opus, conferere, certaque potius occumbere morti, quam à proposita sibi victoria, frustrari.

Sed ut à profanis ad Sacra mea transeat Oratio. *David* fratrum suorum natu minimus, puer adhuc & inberbis, magnum illum & formidabilem *Goliathum* adoriri sustinuit, non gladio instructus; aut hasta, sed lapillis tantum aliquot & funda. Impar certe congressus, si gigantem cum nano, *Polyphemum* cum homuncione, militem exercitatum cum Adolescentulo compares. Sed quanta animi fortitudine, quanta fiducia *μονομαχίας* illam subiit? quanto successu, portentum illud hominis, viribus suis, plus nimio fidentis, dejecit, factum compefcuit, & in uno *Philistaeo* debellato, multa hominum millia profligavit? 1. Sam. 17. adeo ut non minus in eum, quam in Romanum illum Imperatorem quadrarit *Caesareum* illud Apophthegma; *Veni, vidi, vici*. Ac ne forte viribus eum solum eminuisse putetis, tanta in eo fuit ab ineunte aetate prudentia, tanta doctrinae & scientiae praestantia, ut doctores omnes suos, & quidem Senes longè à tergo reliquerit Psal. 119. 99, 100. Exhaustire coner Oceanum, si exemplorum quorundam in sacra pagina finem,

Turmatim enim nobis hic occurrunt rariores illi Sapientiarum Principes, & magni diviniore doctrinæ, qua excelluerunt, *Atlantes*: quorum laudibus recensendis si immorer, tempus me citius, quam materia deficeret. Quis enim *Salomone* adhuc adolescente, qui exercitissimos etiam senes consilii maturitate superavit, sapientior? apparuit inter alia, in ea quam tulit sententia, de filiolo mortuo, duarum matrum, inter se litigantium? *1. Reg. 3. 12.* Quis *Danielle* Propheta, in explicandis somniis sagacior? Quis *Paulo*, magno illo Doctore gentium, eloquentior? quis eo potentius movere Auditorum animos? quis strenuius veritatem asserere potuit? quis errores convellere? Quis denique *Timotheo*, à puero sacris litteris imbuto, salutis mysteria, & cœlestis doctrinæ oracula enucleare aptior? & qua sodes ætate? non decrepita, & vergente ad occasum, sed vegeta & juvenili. Tantus, tantus est, Auditores, hujus ætatis vigor, solertia, sagacitas, quæ collata cum senio

τίσιν διαφέρει
 ὅσον ἔρανό ἐς' ἀπὸ γῆνός,
 tantoque se hæc integra & florida effert, supra decrepitam illam & attritam, quanto supra imas, maximeque depressas convalles, editissimorum, cœloque, ut poëtæ loquuntur, minantium montium cacumina.

Expendite quæso mecum senectutis incommoda. Animi dotes, mentis acies, ingenium, memoria, judicium, quæ in ætate juvenili omnia vigent, in senio claudicant, torpent, languent, & inveterata in dies contabescunt. In animo non ea generositas, prudentia, fortitudo, quæ ante fuit: in mente caligo mera & amentia, ingenium delirio proximum, & rebus arduis aggrediendis ineptum: memoria fluxa & labilis, quæ audita, lecta, meditata transmittit, ut cribrum aquas, ut ex *amne Lethæo* senes longa bibisse videantur *oblivia!* adhuc judicium hebetatum, fractum, iners.

Quo fit ut nec sibi senex, nec aliis utilis esse queat.
Quia in hoc fatifcentis ætatis deliquio lucro vivit,
& (ut verba Comici mea faciam)

Terra odium ambulas, animal semireptile.

Et nil sapiens, tanti est, quanti fungus putridus.

Quæ causa, credo, Romanos impulit, cur leges annarias tulerint in senes & decrepitos, eosque omnibus muneribus publicis abdicarint tanquam emeritos: quia videbant obesse magis, quam prodesse Reipublicæ, nec magni quidquam sperari posse ab iis, quorum virtutes in vitia degenerarunt. Quid enim senibus magis est querulum, morosum, suspicax? quid iis importunius, aut imperiosius? quis supra quam sat est tenacior, sordidior, & ad rem attentior? *Erasichthonas* esse dixeris, & totidem *Encliones*: quis iracundior, quis animi impotentior, & vindictæ cupidior? ἀμφ' ἀσπαραγαλοῖσι χαλῶδόντες, si diceres fas. Similes navi, quæ sine clavo medio mari, huc illucque jactata fertur, ventis, & undis ludibrium: sic illi affectibus suis violenter abrepti, nihil circumspectè agunt, nihil considerate. Quia in iis imbecillitas judicii, & in sensibus Euripus. Septies in die mutant. Raro altum aut honestum spirant; sunt in vanis aut vilibus curis. Jam quæ corporis in senibus habitudo? non me Auditores sed Poëtam audite, graphicè, & suis coloribus depingentem senectam; ut nullus eam melius Apelles.

— Quam, inquit, continuus, & quantis longa senectus (vultum)

*Plena malis: deformem & satrpn ante omnia
Dissimilemque sui: deformem pro cute pellem,
Pendentisq; genas, & taleis aspice rugas,
Quales umbriferos, ubi pendit Tabraca salus.
In vetula scalpit jam mater simia bucca.*

*Plurima sunt Juvenum discrimina, pulchrior illi
Hec, atque ille alio: multum hic robustior illo,
Una sexus facies, cum voce tremantia membra,*

*Et jam lave caput, madidique infantia nasi:
Frangendus misero gingiva panis inermi:
Usque adeò gravis uxor, gnarisque sibi que,
Ut captatori moveat fastidia Cosso.
Non eadem vini, atque cibi, torpente palato
Gaudia.*

*Præterea minimus gelido jam in corpore sanguis
Febre calet sola: circumfilit agmine facto
Morborum omne genus: quorum si nomina quæra.
Promptius expediam, quot amaverit Oppia mæcho
Quot Themiso agros Autumno occiderit uno,
Quot Bafius socios, quot circumscripserit Hirr.
Pupillos.*

*Ille humero, hic lumbis, hic coxa debilis, ambo
Perdidit ille oculos, & luscis invidet: hujus
Pallida labra cibum accipiunt digitis alienis.
Ipse ad conspectum cana diducere victum
Suetus hiat tantum, cœn pullus hirundinis, ad que
Ore volat pleno mater jejuna: sed omni
Mæmbrorum damno major dementia: qua nec
Nomina servorum, nec vultum agnoscit amici,
Cum quo præterita cenavit nocte, nec illos
Quos genuit, quos eduxit.*

Ita est Auditores. Repuerascunt senes, cum
tate crescit delirium, & gravitate, ac prudenti
virili posita, ad vitia redeunt, & mores pueroru
quibus omne Judicium in pretio est, pueros
mant, puerorum consortio delectantur, pueris
omnia similes victu, imbecillitate, morum inco
stantia: inconspècti denique, improvidi, deger
res Mundi incolæ, & in medio Orbe cum sin
quæ in eodem gerantur, quæ gesta sint, non p
spiciunt, non intelligunt, libenter miseri, q
sint minus miseri, sed levia hæc sunt. Senectæ
si consideres, quid nisi morborum omnium,
ægritudinum sentina est? imò ipsa, si Comico
des, senectæ morbus, quis dies in ea latus, aut l
ra, cui non denæ aliæ succedunt tristitiæ plenæ,
doloris? Sicut in mari etiam extra tempestates,

procellas, fluctus, semper & undæ: Ita in tristī hoc vitæ senilis salo, turbæ semper, & motus; semper alia ex aliis mala, gravedo capitis, aut hemicrania, oculorum rubor, & lippitudo, aurium surditas haud absimilis eorum qui ad *Nili* catartas habitant, capillorum defluvium, linguæ balbuties, & titubantia, manuum tremor, cordis palpitatio, hienteria, carnifex calculus, morbus colicus, podagra, virium dejectio, tota denique corporis *anæsthesia*. Quis mortalium, si recto iudicii oculo rem æstimet, tales beatos judicet qui afflictum, ægrum, mutilum morbis corpusculum trahunt, sarcinam, & vehiculum imbecillitatis? quis non contra miseros, qui tot-tantisque indies miseriis consistantur? Accedit malorum omnium pessimum, quod morti proximi sint, & tanquam viva cadavera, macie & squallore confecta, alterum pedem habeant in cymba *Charontis*. Philosophum interrogatum quid esset vita? cubiculum ingressum ajunt, & iticò egressum, hoc actu tanquam penicillo egregie depingentem humanæ vitæ non fragilitatem solum, sed *ediviam*. Certè si hæc omnium mortalium fors est, quanto magis eorum qui tanquam mortis victimæ, diem illum quo vivunt, quid ajo? imò punctum illud temporis, in quo versantur, cum morte dividunt. Nam ut adolescentibus mors in insidiis est, sic senibus in januis: quia similes igni qui sua sponte, nulla vi adhibitâ, consumptus extinguitur, & pomis quæ ex arboribus natura decidunt. Quid enim vita eorum aliud, quàm continuum mori, dum magnis passibus, & concitato gradu, ad metam tendunt, & vitæ finem? qui longè abesse non potest tam afflictâ valetudine, tam attrito, & dejecto corpusculo. Similes iis, qui damnati capitis, singulis pene horis, lictores expectant, rapiendi ad supplicium, nec aliud habet ætas illa, quo se fulciat, nisi adsit vitæ innocenter actæ recordatio, ac spes vitæ melioris.

Scio, Auditores, non omnes hanc ætatem contingere, sed ut in agris fruges satas, alias crescere, florere, maturefcere, meti videmus: alias in herbam surgere, aut in aristam, & in ea perire: alias vix natas atque è terræ sinu prodeuntes concidere: sic homines. In quoscunque tamen senectæ incurrit, monitos volo, ut patienter eam ferant. Optimum enim malorum antidotum est Patientia, &

Leuius, ut inquit Poëta, sit patientia

Quidquid corrigere est nefas.

Vos itaque Adolēscētes, & Juvenēs, ut finem dicendi faciam, Senectam in via illa vernantis ævi lubrica, vobis meditandam proponite, ut si non effugere, protollere saltem eam, & remorari possitis. Et fiet, si sobrietatem ametis, si temperantiam; Luxuriosa enim Juventus effœtum corpus tradit senectuti, & plures occidit gula, quàm gladius. Et hanc Studiosi pestem velis equisque, quod ajunt, non fugerētis, hanc non detestaremini, quæ vos ab omnibus societatis humanæ officiis excludit, libertate exuit, & mancipia reddit tot dominorum, quot vitiorum? in promptu exempla sunt. *Alexandrum* tot prælia, tot itinera, tot hiemes, tot flumina ex ignoto cadentia, tot maria tutum dimiserunt, sed intemperantia bibendi, & ille *Herculanus* scyphus concidit. *Hannibalem* indomitum illum navibus atque *Alpibus* virum enervarunt vina, & fomenta *Campania*, & qui armis vinci non potuit, à vitiis victus in potestatem fortunæ venit. *Marcum Antonium*, magnum virum, & ingenii nobilis, quæ alia res perdidit, quàm ebrietas? qui si sobrii fuissent, non diutius solum vivere, sed & prospera frui valetudine potuissent, vel in extremam senectam. Vetustas, curvas quasdam esse animas, memoriæ prodidit, quæ in cœlum nunquam suspiciunt, sed in terram semper cogitationes defigunt. Mittamus fabulas. Intemperantes, curvæ istæ sunt animæ, quæ in corporis voluptates demersæ, nec Solem unquam vident, nec

nec Lunam. Quid mirum? nihil illi altum, nihil magnificum, ac divinum suscipere possunt, qui pecudum ritu suas omnes cogitationes abjecerunt, in rem tam humilem, tam contemptam, Voluptatem. Et hoc credo, quod *Valerio Maximo* memorabile illud expressit dictum, quo docuit luxuriz, & libidinis vitiis nihil foedius, nihil damnosius esse: quippe quibus virtus atteritur, actiones honestæ languescunt, sopita gloria in infamiam convertitur, animique pariter, & corporis vires expugnantur, adeo ut nescias ab hostibus ne, an ab illis capi, perniciosius habendum sit, Dixi.

ORATIO X.

Pro senectute, habita à

JOHANNES COSTERO.

Sapientis Hebræi aurea verè sententia est :
PROV. 25. 11.

תפוחי זהב נמשכית בָּסֶרַךְ
דְּבַר רָכָר עַל-אִפְנֵי:

Vel ut mala aurea in figuris argenteis, est verbum dictum incommode. Et Plutarchi in Placione laudata similitudo est: ὥς ἢ τῷ νομισματικῇ ἀξία πλείστην ἐν ἱγρῇ βραχυτάτῃ δυνάμει ἔχει, ἔτω λόγος δεινότης πολλὰ σημαίνειν ἀπ' ὀλίγων. Quemadmodum numismatis præstantia tantò major, quantò in minore massa, plus valoris continet: Sic orationis illius vis, & acumen majus est, quia plurima paucis significat. Optassem Antagonistæ meo hæc venissent in mentem verba, tanta profecto dicendi licentia, filii sui dentem stringere non sustinuisse in Senectutem. Qua nihil ego unquam majori honore dignum esse censeo, si pietate, & prudentia, si eruditione comitata sit. Sed abripuit Adolescentem juvenilis

nilis ardor, & incogitantia. Cui ut nunc adversari in animum induxi, partesque Senum inpræsentiarum defendere: ita mihi in dicendo addit apimum, argumenti suscepti veritas, quæ amicitia omni, necessitudini, & studiorum commilitio longè antistat. Nam ut *Aristotelis* verba mea faciam: *Amicus Plato, amicus Socrates, sed magis amica VERITAS*. Ingenuè fateor, non contradicendi studio hanc Cathedram conscendi, non etiam altercari mihi propositum, & λογολαχεῖν, sed quod æquum, quod verum est tueri, & quantum mea quidem feret tenuitas, strictim, ac breviter iis respondere conabor, quæ in hoc publico confessu, ad venerabilem illam Senum canitiem traducendam, in medium allata sunt. Quæ cum ita se habeant, mihi que ipsa per se ad dicendum materię dignitas, magnam satis audientiam factura videatur, consuetudine tamen magis, quàm quod ita necessarium judicem, petam à vobis, ut mihi causam Senum (quales non paucos inter vos esse video) brevi oratione defendere meditati, exiguï temporis attentionem ne denegetis. *Senebrus* inquit

*Exspectata diu, votisque optata malignis,
Obijcit innumeris corpus lacrymabile morbis.*

Et vel hoc nomine odiosam esse volunt, ac formidabilem. Sed ô hominum dementiam! quasi ulla dari posset ætas, quæ malorum immunis sit. Agite si lubet Auditores, intuemini mecum, & oculis mentis vestræ omnes hominum ætates percurrite, factoque ab ipsis incunabulis, & crepundiis puerilibus initio videamus; an aliqua vitæ humanæ pars sit, quæ hanc sibi audeat immunitatem polliceri. Primum se nobis offert hominis in lucem prodeuntis infantia. At illa quid? liberamne eam dicemus ab omni malo? & doloris expersem? Immane quantum discrepat! Summa quidem fateor in hac ætatula est simplicitas, & innocentia: sed quanta interim laborat ignorantia?

quan-

quanta ejus est imbecillitas, & *de Divia* cum fasciis involvitur, in cunis rotatur, & mater garrula lallare, & pappare eum docet? Quanta corporis, quanta membrorum omnium teneritudo? nec mirum, nam *—————* *Ut satis projectus ab undis*

Navita, nudus humi jacet infans, indigus omni

Vitali auxilio, cum primum in lumen oras.

Nixibus ex alvo matris, natura profundit;

Vagituque locum lugubri complet.

Ut longe deterior, ac infelicior infantis videatur esse conditio, quam animalculorum quorundam, quæ simulac ex ovo prodierunt, aut in lucem edita sunt, non incedere solum, sed & victum quæritare sponte sua possunt, tanta cum industria, ac sedulitate, ut vix matrum opera indigere ulla in re amplius videantur.

Infantes vero, qui sese nesciunt, fame & inedia perituri essent, nisi parentes ipsis irent suppetias & præmanfis buccellis victitarent: ab aqua senec ab igni tueri, imò ne muscam quidem, aut culicem se pungentem abigere queunt. Ut vero infirmam illam ineuntis ætatu læ teneritatem robur Adolescentiæ exceperit, molles, ætate fluxi, pullis equinis similes, ephippio, & habenis carentes, huc illuc discurrunt, & laxata intemperantiæ fibula abripiuntur in freto illo adolescentiæ, libero nimis pede, quocunque eos cæcus libidinum impetus trahit, nulla modestiæ, aut honestatis habitatione. Leonum, ganeonum, aleatorum, & id genus hominum consortio pudoris atque opum prodigi, delectantur, convivii, choreis, & tripudiis indulgent, cuticulam curare, molliter, ac luxuriosè vivere, certare poculis, hilarescere vino, tædia temporis discutere, mimis ac histrionibus, una indies eorum cura, una sollicitudo: de virtutis sectandæ studio, & artibus liberalibus capefendis, altum inter eos silentium; aut si quid forte bonæ mentis habent popinis & commensationibus

bus deteritur. Adhæc cui tanta, Auditores, dicendi vis, tanta copia, ut pericula, casus, vitæ discrimina, in quæ temeritate sua, primæ lanuginis annis, incauti se præcipitant, enumerare queat? Quis prodigiosos sumptus? quis pecunias luxuriosè decoctas? rem patrum turpiter oblimatam? quis morum proterviam, quis vitia & luxum in quæ se effundunt, ferocientibus equis non absumiles? quis denique infamiz notam, quam familiis suis æternum inurunt? cum ob flagitia sua interdum ad supplicium rapti, vitæ anteaactæ poenas dare, & tremulam cervicem gladio carnificis submittere coguntur? Adolescentiæ succedit ætas virilis, quæ tantum abest ut malorum immunis sit, ut contra innumeris curis, & laboribus nos opprimat. De Sisyphio saxo multa commentum sunt prisca vates; hoc illud est quod adulti in vita volvunt. Privatis curanda sunt domestica, rei familiaris gerenda cura, educandi liberi, famuli in officio continendi. Quæ levia certè non sunt munia. Sed longè graviora sustinent qui publicis muneribus præsumunt, ut Reges, Principes, Magistratus. Nam ut universi populi cura iis concredita est: ita quod majora eorum sunt Regna, imperia, ditiones, eò majoribus implicantur curis. Tenentur enim curare primum, ut Deus piè ac purè ab omnibus colatur, & tanquam utriusque tabulæ custodes, ut Religionem factam testam tueantur ac defendant, bene institutam conservent, justitiam fideliter administrent, *προσωποληψίας & δαροφάρια*; capitales Reip. pestes, sanguine viperino cautius fugiant, ditionis suæ limites firmis præsiidiis muniant, militibus stipendia solvant, confœderatorum amicitias foveant, bonos defendant, malos puniant, omnibus denique virtutis ac pietatis exemplar se præbeant. Hæc aliaque Regum ac Principum munia, quæ nunc prætereo, quàm onerosa, quàm gravia, & curarum plena sint, nemo est qui non videat, & quàm vel maximis ingeniis occupandis & *distinendis* sufficiant.

Ite nunc vos *μικρόνους* quotquot estis, & in hanc ætatem, quidquid malorum est, curarum, & sollicitudinum petulanter conjicite, hanc fugillate, hanc dicteris, & convitiis proscindite, quo omnibus in frontem odiosa reddatur, & invisâ, cum nulla hominum ætas, nulla conditio mortalium, nulla denique vitæ pars malorum expers sit & libera. At vero si rem accuratius indagemus, manifestum evadet, nihil senectute tranquillius esse, nihil jucundius, si studiis juventutis stipata sit, ut inquit Romani pater eloquii *M. Tullius*. Interroganti cuidam:

Cur tibi tam levis est, cur tam jucunda senectus?
Haud inscitè responder Poëta:

Libera quod vitiis juventa fuit.

Bona Conscientia dulcis nutricula est Senectutis, & candida virtutum nostrarum, ac innocentie trutinatrix. Quamvis corporis vigor Senes non raro destituat, animo nihilominus suæ constant vires, & ut cygni quo seniores, eò suaviores. Quod si fortassis alicui dubium videatur, prædeat in medium *Fabius Maximus*, hic & bella gerebat, ut adolescens cum planè grandævus esset, & Annibalem juveniliter exultantem, non Lybieo telo, non *Achillis* hasta, non *Herculis* clava, non *Cephalis* jaculo, sed consilio, patientia, & cunctatione domuit, vicit, attrivit. *Tarentum* verò quo consilio, qua vigilantia, qua animi fortitudine recepit? Cum *Salinatori*, qui amisso oppido fugerat in arcem, gloriam: Mea quidem opera *Fabi Tarentum* recepisti. Certè inquit ridens: Nam nisi tu amisisses, ego nunquam recepissem. Nec verò ille in luce modo atque in oculis civium, magnus fuit, sed & intus, domique præstantior. Qui sermo? Quæ præcepta? quæ notitia Antiquitatis, quæ rerum scientia? quæ Juris, quæ Augurii? Omnia memoria tenebat, non domestica solum, sed etiam externa bella, adeo ut cum ætate ipsa lustrari videretur.

Quid

Quid *Masanissa* nonaginta annos natus? Notant historiarum in eo incredibilem, & inauditam corporis *virtutem*, etiam supra ætatem. Nam iter pedibus ingressus, in equum non ascendit: cum equo ex equo non descendit: nullo imbre, nullo frigore adduci potuit, ut laborum omnium longè tolerantissimus, & frigoris ac æstus juxta patiens, annosum suum caput operiret. Et quorsum hæc tam multa de *Fabio*, *Masanissa* & aliis? quia profecto miseram, & formidabilem fuisse talem senectutem, nefas esse dictu, luce hac quam spectamus, manifestius apparet. Rara hæc quidem esse fateor. Non enim omnes *Scipiones* esse possunt, aut *Fabii*, aut *Masanissa*, ut urbium expugnationes, ut pedestres, navalesque pugnas, ut bella à se fortiter gesta, ut expeditiones in exterarum gentes, ut denique triumphos, & reportatas ab hostibus victorias reeordentur. Sed non uno modo se commendabilem reddit Senectus. Ea etiam laudanda est, quæ studiis delectatur, & *Musarum* commercio, quæque eruditionis canitie venerabilis est. Qualem fuisse accepimus Senectutem *Platonis*, qui uno & octogesimo anno scribens, mortalitatem explevit. Qualem *Isocratis*, qui cum librum qui Panathenæicus inscribitur, quarto & nonagesimo anno scripsisse dicitur, & vixisse quinquennium postea. Cujus Magister *Gorgias Leontinus* centum & septem complevit annos, neque nunquam in studiis cessavit: Qui cum ex eo quæreretur, cur tamdiu esse vellet in vita? nihil (inquit) habeo, quod accusem Senectutem. Præclarum mehercule responsum, & docto ac sapiente homine dignum! Sed regerentem hinc audio, memoriam Senibus, & judicium minui, & quæ aliæ naturæ dotes in alia ætate crescunt, in hac decrescere, adeò ut delirare potius, quam serios sermones cadere, & pueris propiores, quàm adultis esse videantur. De delirio nihil judico: nam qui maxime delirant, sibi maxime interdum sapere videntur, Sed si delirant senes,

nes, maxime delirabat *D. Hieronymus* qui major annis octoginta aut nonaginta, ut quibusdam placet, plurima scripsit, eaque multò absolutiora iis quæ scripsit florenti ætate. Credo Auditores, memoriam, & alia naturæ dona, nisi colantur, in senio, ut in alia ætate minui. At si eam exerceas, in omni ætate firma est, & sibi constans. *Themistocles* ipsa senectus venerabilis, jam omnia Civium perceperat nomina, tantaque in eo viguit vis consilii, ut sententia ejus de rebus gerendis difficillimis etiam, ac periculosis temporibus, in Oraculi propemodum loco, ac numero habita fuerit. Nunquam (ait *Cicero*) audiui senem oblitum, quo loco thesaurum recondidisset. Omnia quæ curant, meminerunt, vadimonia constituta, qui sibi, cui ipsi debeant. Manent ingenia Senibus, modò permaneat studium & industria: nec ea solum in claris & honoratis viris, sed in vita etiam privata: si corpus annis infirmum, ingenium sapientia validum est: & ut bene *Comicus*, *αυτὸς τῆς Σοφίας κοσμήτην*. *Sophocles* ad summam usque Senectutem, Tragoedias fecit, qui in libris & studiis assiduus, cum rem familiarem negligenter habere videretur, à filiis in judicium vocatus est, ut quemadmodum olim malè rem gerentes Patres, à bonis arceri solebant; sic illum quasi delirantem à re familiari removerent Judices. Tum Senex dicitur eam fabulam quam in manibus habebat, & proximè scripserat recitasse Judicibus, quæsisseque num illud carmen delirantis videretur? Quo recitato, sententiis Judicum est liberatus.

Cicero summus ille dicendi magister, in eximio illo quem de Senectute conscripsit dialogo, inter alias causas, ob quas vulgò male audiat, & multis misera videatur, hanc unam notat quod homines à rebus gerendis avocet. At quibus? An iis quæ in juventute geruntur? Nullæne igitur res sunt seniles? Nullæ occupationes, nulla negotia, quæ vel infirmis corporibus, animis tamen admini-

strantur?

strentur? Nihil ergo agebat *Quintus Maximus*? Nihil *L. Paulus*? Nihil ceteri *Senes*, *Fabricii*, *Curii*, *Coruncani* consecrata ad omnem posteritatis memoriam nomina, cum Rempublicam consilio & authoritate defendebant? Nihil *Licurgus* inter Lacedæmonios, aut inter Athenienses *Solon*, aut inter Locrenses *Zaleucus*, aut eorum quisquam qui civibus suis leges tulisse memorantur? qui quanquam viribus corporis inter suos non excellerint, vi tamen mentis ac consilii illam sibi tantam auctoritatem, potentiamque pepererant. Ut *Aprii*; *Claudii*, *Masanissa*, *Catonis*, *Phocionis* exempla in præsens nunc præteream, quæro num *Moses* & *Josua* anno ætatis centesimo, num *David* in extrema senectâ rerum curam, & administrationem deposuerint? *Atheniensibus* olim ad electionem ducis convocatis, cum Oratores *Charetem* quendam juvenem & robustum, *Iphicrati* valde seni præferrent, *Timotheus* ex Principibus viri unus, Talem, inquit, non ducem eligite, sed qui duci suas stragulas portet: Significans, rebus gerundis non lumbos fortes, non validos lacertos sufficere, sed magis requiri judicium atque experientiam: Ut idcirco rutius Senibus, quàm aliis earum administratio committatur, ut qui plerumque sapientia, & peritia juvenes longe superent. Nihil igitur asserunt, qui in re gerunda versari senectutem negant, similesque sunt, ut si quis gubernatorem in navigando nihil agere dicat, cum alii malos scandant, alii per foros cursitent, alii sentinam exhauriant, ille autem clavum tenens, quietus sedeat in puppi: Non facit ea quæ juvenes, at vero multa majora & meliora. Non viribus aut velocitate corporis, non clypeo solum, non hasta, non gladio, res magnæ geruntur, sed consilio, auctoritate, sententia, quibus non modò non orbari, sed muniri senectus solet. Quæ nisi essent in Senibus, non summum Reip. consilium Majores nostri appellavissent SENATUM, nec Roma-

ni qui semper Senes, quibus corpus annis infirmum, ingenium vero sapientia validum erat, Reipublicæ clavo admovissent. Apud *Lacedæmonios*, qui summo fungebantur Magistratu, morum & annorum canitie venerabiles erant. Nempe quod prudentia Respublicas gubernare, & periclitantes tueri Consilio, non juvenum sit, sed eorum qui longo pollent rerum usu. Quod si cui legere, aut audire externa sit animus, maximas Respublicas, à junioribus in ruinam actas: sed à Senibus ab interitu vindicatas, & conservatas reperiet.

Vultis exempla? Intuemini *Agésilæum* patriæ suæ præsidium, & decus. Solus ille prudentia sua cavet, ne post *Leuctrinam* pugnam, Sparta à *Thebanis* capta diriperetur. Intuemini *Q. Flaminium*, *Scipiones*, & alios, quibus viribus *Pyrrhum*, quibus *Philippum* Macedoniæ regem, quibus *Amilcarem*, & *Syphacem*, quibus *Nabidem* tyrannum, quibus *Antiochum*, aliosque quam plurimos Romanorum potentissimos hostes profligarunt? vultis dicam Auditores? plus bonis consiliis quam armis. Quid igitur miramur in *Poëtarum* fabulis lupum victum à vulpecula? & immani illa vastitate, atque incredibili robore gigantem ab *Ulyssæ* domitum, ac oculo privatum *Cyclopem*? Prudentia est, quæ fortunam ac virtutem moderatur, quæ insuperabiles munitiones expugnat; sine qua quid armatæ legiones? quid phalanges? quid innumerae cohortes? quid nisi consilio, & prudentia sustentetur vis etiam maxima? Nihil. At ubi illa, nisi in Senibus? Principum enim negotia consilio suo regunt: Ut illud in *Nestore* videre est, cujus consilium *Agamemnon*, in decennali illa obsidione *Troja* pluris fecit, quàm belli ducum & militum quotquot haberet, fortitudinem. Nec mehercule injuria.

Σοφὸν γὰρ ἐν βέλεσμα, τὰς πόλλας χέρας νικᾷ.

— Ne semper viribus agamur

Fidore, saps acri potior Prudentia dextra est.

Qua

Qua nisi magnorum Principum æstuantes impetus, & calorem juvenilem, quo nonnunquam abripiuntur, consilii sui moderamine temperarent, & intra rationis, & bonæ mentis repagula coercerent, levissimas sæpe ob causas, maxima pessum irent Imperia, & florentissimæ funditus interirent Respublicæ. Ut olim *Roboamo* contigit, qui maximam Regni sui partem, juvenili temeritate, brevissimo temporis spatio amisit. Minutius, exercitus *Romani* ductor, in quantum exitium rem Romanum præcipitavit, cum *Fabii Maximi* consiliis, quæ per invidiam, atque odium cunctationes appellabat, obstreperet, cum libidinem suam, & temerarium pugnandi æstum sequeretur? Quæ clades? quæ strages? quæ populi calamitas? quæ lachrymæ, quæ per Deum immortalem, auditæ querelæ? cum jam nimis ille quidem serò sese respiceret, & quantum semel neglectum consilium, unicuique in acie admissus error mali traheret; cum summo Reip. suæ discrimine cognosceret, atque cum magna suorum clade addisceret, plus in consiliis quam in armis momenti & potentie esse constitutum. *Ludovicus* ejus nominis undecimus, *Galliarum* quondam Rex, similem ob causam, Regno suo pene excidit, & ipse moriturus, id coram filio non dissimulavit, jubens, ut quos senes relinquebat consiliarios, in consilium adhiberet, & illorum sententiam sequeretur, sceptri sui pene dispendio, ac jactura doctus, quid sit cæco voluntatis suæ arbitrio regi, & eorum aspernari consilia, qui emunctæ naris, exactique judicii sunt, & longo rerum usu ingruentis mali pericula longè prospiciunt, & prudentia sua eadem aut præveniunt, aut declinant. Quid plura? Nonne Patrum nostrorum memoria, *Rex Ungaria*, juvenis cujusdam Episcopi inductu, cui de Regni administratione plane fidebat, bellum adversus *Turcas*, nec viribus par, nec satis munitus, & veteribus ducebus, ac consiliariis dehortantibus susce-

fufcepit. Unde factum eft, ut mortuo Rege, florentiffimum illud Regnum, quod totius Orbis Christiani propugnaculum erat, in *Turcarum* potestatem venerit.

Sed formidabilem effe Senectam clamitant quod morti proxima fit.

Quali vero quenquam ulla ætas mortis immunem faciat: Homines ex quo nati fumus carpi-mur; finguli dies aliquid subtrahunt viribus, & non dicam mori possumus, sed morimur: & omnis hora, omne momentum ad metam illam ducit, & cui nasci contigit, restat mori.

*Omnes eodem cœsumur, omnium
Versatur una, serius, æquus,
Sors exitura, & nos in æternum
Exilium impositura cymba.*

Cottidie, ut eximiè Romanus ille Sapiens & optimus Dux si quisquam Veterum, ad bonam Mentem, *morimur*, cottidie pars aliqua vitæ demitur, & dum crescimus, vitæ decrescit: nempe

Ὅτι περ φύλλον γενεὴ, τοῦνδ' ἐκ καὶ ἀνδρῶν.

Ut folia nascuntur & cadunt, sic homines. Nec frustra cum iis comparavit maximus Poëtarum. Videmus arbores, quæ primo Vere foliis, & frondibus pulchræ virent, & gratam sui umbram præbent. At quàm levia hæc & caduca! Illas nebula una, ventus, eruca, æstus amœno conspectu spoliant: Nos pituita, catarrhus, febricula, tabes. Atque ita

— *Sua funera secum*

*Circumfert moriturus homo: suspiria, tusses,
Et luctus, fomenta malis, & prævia præbent
Instantis documenta regi:*

Suntque τῆς θανάτου παντοκράτορος veredarii. In caveâ quis se claudat, ferro, & ære condât, *Mors tamen inclusum protrahet inde caput*. Quæ enim tam munita, & in altum subducta vitæ quies, quam non territet? quæ latebra quam non per-rumpat?

Ite nunc Juvenes, ætati fidite, & longam vobis vitam pollicemini, cras morituri. Quid enim hic certi? & quid hæc vita, nisi velut è stramine flamma in qua omnis dies, omnis hora, quam nihil simus offendit? Quid nisi mare, in quo semper aliqui alicunde fluctus, sæpe tempestates, & tandem ad mortis scopulum inevitabilem, cymbulæ nostræ, in qua sumus, naufragium? Sed pro brevi ista turbida, impacata vita, æterna nos manet, curarum omnium & turbarum experts. Beati ergo Senes qui saturi hujus scenæ post rot emensos humanarum calamitatum fluctus, ad ea loca eunt, ubi eadem semper erit, nec mutabilis cœlestis Scenæ facies: Ubi opes caducas & fluxas æternitate, vitam fragilem immortalitate, famam civis boni divinis honoribus, discessum ex hac vita secessu ad Deum, obitum abitu ad immortalitatem, amissionem præmissione in veram patriam commutant. Beati inquam quia portui huic propiores, quam adolescentes, quàm juvenes. In quem si quis cito delatus est, non magis queri debet, quàm qui cito navigavit. Nam ut fruges aliæ in herba pereunt, aliæ in culmo, aut in arista, aliæ denique maturescunt, & metuntur. Ita homines. Quidam in ortu, alii in pueritia, alii in juventute, alii in virilis ætatis ἀκμή, alii denique in ipsa Senectæ cadunt, & decedunt è vita, quemadmodum fessus viator, è semita, vel convivator satur, ab epulo. Ita profectò est. Nemo sapiens ex hac ætate repuerascere, in cunis vagire, & quasi decurso spatio à calce ad carceres revocari optet. Quid enim habet hæc vita commodi? quid non potius laboris? Sed non habeat sanè, habet certe tamen aut satietatem, aut molestiam, & commorandi natura diverforium nobis, non habitandi dedit. Quare si Agricollæ, cum messis appropinquat, lætantur, quod fruges brevi decerpendæ sint, & in horrea condendæ? Quid causæ est, cur *tristitia* afficiamur, imminente nobis Senectæ,
quæ

molestiarum omnium , & laborum clausula
& tempus spei, quam in *Deo* collocavimus ,
juendæ? Nemo enim eo animo navigat , ut
per naviget ; nemo militat , ut nunquam mi-
re desinat , nemo ea mente laborem suscipit ,
alios ex aliis labores perpetuo excipiat. Sed
qui navigat portum , & qui militat victoriam ,
qui laborat quietem ac orium spectat , quo qui
revenere , gratulari eis amici , non dolere illo-
rum vicem solent.

Sed ut faciam quod illi qui ex alto portum suum
ident , vela Orationis meæ contraho , & , vos
Adolescentes , vos inquam tandem compello. Se-
nectutem pietate , & doctrinâ venerabilem amate ,
colite , canos & rugas eo , quo par est honore , pro-
sequimini , *Romanorum* & *Lacedæmonum* exemplo ,
quos vel eo nomine laudant historiæ , usque adeo
ut in proverbium æbierit , ἐν Σπάρτῃ μὲν λυσί-
λῃσι γηράσκουσιν. Vos talium premite vestigia , nec un-
quam committite , ut Gentiles , solo naturæ lu-
mine ducti , ea in parte vos superent , qui in me-
liore longè Scholâ edocti , jam pridem didicistis
quid lex Dei , quid æquitas , quid ratio , quid na-
tura ipsa , à vobis postulet. Non alia certior in-
cundi à Deo gratiam via , qui longam vitam pol-
licetur , non iis tantum qui parentes colunt : sed
& iis qui parentum loco habendos , & omni re-
verentiâ , ac veneratione dignos debito honore ,
& affectu complectuntur. Dixi.

O R A T I O X I.

De Tranquillitate Animi ,

Habita à

P E T R O A L B E R T I M E S T I O .

Q Uanquam jam pridem omnium ore tritum
sit ; Quot capita tot sensus , & suum cuique pul-
chrum

chrum, istud tamen observare est, omnes quantumvis ingeniis, moribusque disparissimis, in hoc conspirare, ut vitam tranquillam, ac beatam sibi exoptent, nec alium in actionibus suis finem sibi proponant. Quantacunque enim sit judiciorum diversitas, morum discrepantia, cupiditatum pugna, in hoc tamen cardine omnis tam varius studiorum orbis vertitur, in hoc tam discors turba consentit, ut qui omnem hominum vitam, discordem concordiam appellarit, mea quidem sententia à vero nequaquam aberrarit. Quod ut clarius appareat, agite intuemini mihi vel ea ipsa humanæ vitæ genera, quæ ab otio, & tranquillitate maxime aliena sunt, quæque adeò ipsam inquietudinem velis remisque, quod ajunt, confectari videntur. Ecquod enim vitæ genus tumultuosum magis, quàm per mare furente Boreâ, volitantium? Ferum, inquam, istud ac barbarum elementum, semper inquietus ac turbidum, tum insito sibi æstu, tum ventorum turbinibus, ac procellis. Cui tot subsunt vada, brevia, syrtes, arenæ, scopuli, tot immania innatant monstra, quæ naves ipsas vastissimas tanquam pilas habent, & quas cauda vel per ludum disjiciunt, ac diffringunt: ipsos autem homines quasi milium, aut lentes deglutiunt. Hæc inquam aliaque pericula, atque incommoda pene innumera, cum ultrò ambient, sectentur, incurrant, qui illicis lucri spe, & auri insana cupidine, maria fulcant, & profectiones suscipiunt, in terras longe dissitas à patrio solo, sive nautæ ii sint, sive mercatores, *dolato confisi ligno, digitisque à morte remoti, quatuor aut septem si sit*, ut bene a libi Poëta, *latissima tada*, quis non abitretur, si qui uspiam, hos certe tranquillæ vitæ juratos esse hostes. At hi ipsi si forte in *Ææo* subita aliqua tempestate intercepti, decumanos inter fluctus & immensa viarum spatia, pelagi minas, ventorum rabiem & infames naufragiis scopulos, pecuniæ avidi, vitæ prodigi summo cum vitæ discrimine agiten-

agitentur, & jam malus crepet, antennæ gemant, vela funesque disrumpantur, latera laxentur, nescii qua cœli regione, & quò ferantur: nec solem interdiu, neque Lunam noctu conspiciant, aut sidera ulla ad quæ cursum teneant; nulla denique salutis spes affulgeat, sed *presentem intentent omnia mortem*, hi, inquam, tum quod intimis animi fibris latuit, ocyus expriment, tumultuarium illud, ac turbidum vitæ genus certatim execrando; otiumque deos flagitando, dummodo vel pane atro liceat in terris vesci, & salem, quod ajunt lingere. Sed ne de solis navigantibus loqui videamur quidem omnem felicitatis suæ spem pelago ac ventis credunt, avaritiam paupertate ac ignominia mulcant, relicto mari ad terram redeamus. Ecqua obsecro vos Auditores in terris hominum fex turbida magis, ac inquieta, quàm militum, quorum vita semper sub ictu est, atque in acie ferri versatur? Et militum, qui tandem in bello furibundi magis, ac truculenti, quàm aut in Europa Thraces, aut in Asia Parthi? quos tanquam Martis pullos ad prælia natos dicas, ita cum arcu, & pharetra conveniunt, quasi natura addidisset. Utrique tamen quamvis in armis, & ad arma educati, bella tantum & pugnas meditari, spirare, expetere videantur, quoties bonæ mentis intervalla nati, serio in se descendunt, otium summa animi, vocisque contentione à Diis suis efflagitant. Hinc est quod vel in medio bellorum æstu, cum pacem non possunt, inducias subinde contrahunt, unumque id sibi in bellis omnibus propositum esse profitentur, ut hostibus debellatis spoliisque ditati, securo tandem otio perfruantur, & detestata matribus bella, cantu, alea, *Tharide* solentur. Quæ cum ita se habeant, quid de reliquis vitæ generibus judicandum censemus, quæ quanta sint non nisi otio ac pace constant? Si enim in ipso turbarum regno otii laus, atque amor in eum modum obtinent, quanto igitur magis in vitæ civilis tran-

tur, perpetua siti enecari? Jam quid aliud e
fatiabilis illa opum cupiditas, quam effera
dam animi sitis quæ hydropici instar, quo p
bit, eo minus expletur: aut vehementis cuj
flammæ, cui quo majorem lignorum vim u
eo ferocius exardescit, visque ejus acrior e
ex majore incendio emicuit. Ut non im
Avari cum sepulchris comparari queant, quæ
quid in ea conjicies absumunt. Quidquid
uterque *Indus*, *Tagus*, *Nilus*, *Tiberis*, *Dan*
Rhenus, divite producit sinu, quidquid Oceano
ro, insulisque omnibus natum, non minori
re, quam periculo conquirunt, aut saltem
conantur. *Cleanthes* philosophus rogatus, q
ves evadere posset, cordate respondit, si cup
tum fuerit inops. Infinitum enim est quod
qui plus petit quam quod deest, & inter r
vota inopes sunt qui dum Orientem pari
Occidentem animo devorant, eam beatitudi
sibi fingunt, quam assequuntur nunquam. I
quod res est Auditores. Prorsus, ut qui al
ipsi sibi somnia fingunt, ita somniant hæc
mancipia, ubi, quam sperare primum ausi
pecuniarum summam nacti fuerint, tum a
saturos futuros nec vel obulum desideraturo
plius: sed proh dolor! miseros ne dicam a
mentes, qui tam vanis somniis se pascunt:
enim vero veritus est,

*Crescere amorem nummi, quantum ipsa pecunia
scit.*

Minusque hanc optare, qui non habet; imo
tenuiores ante sestertia, tot ditiores facti po
dum, sestertiorum millia experient, non mi
minori autem, imo flagrantiori quam ante
ditate. Exemplum vultis adducam? En vol
innumeros nunc alios præteream) in *Ale*
Magne, qui cum universo pene terrarum orb
potestatem redacto, majorem pecuniæ vim
sideret, quam cui vel numerandæ esset, in

gna plura , quàm alius peragraret , tamen cum *Anaxagoram* audiret differentem plures esse mundos , à lacrymis temperare non potuit , magna omnium admiratione , quippe tam subiti doloris causam ignorantium ; querentibusque familiaribus , nunquid illi accidisset lacrymis dignum ? etiam rogatis inquit ? An non videor merito flere , qui , quum mundi sint innumerabiles , nondum unius Domini facti sumus. Age vero infortunate Juvenis , etiam atque etiam lacrymare , ingemisce , plora. Me quod attinet ego sane ad satietatem te flere jubeam , cum dignus mihi videre quem serio deplorent omnes. Etenim qui Rex visus es omnium , & Rex opulentissimus , idem reapse omnium eras egentissimus , & vel satellitibus tuis pauperior. Nam omnes non dicam unico hoc Orbe qui tibi soli satis non erat , sed pauculis quæ quisque possidebat jugeribus abundè beati sibi videbantur. Nec injuria , cum non qui plurimum habet , sed qui minimum desiderat , ditissimus censeri debeat : nec pauper qui minus habet , sed qui nimis cupiat. Dives enim sat est qui , cum vel omnia desint , sibi non deest.

Quis vero Auditores tam misere lacrymantem , & querentem audiens , non judicasset hominem ad summam rerum angustiam redactum , neque habere quo latrantem stomachum placaret ? Dura enim profecto necessitas sit oportet , quæ vel mendico veras lacrymas extorqueat. Veras inquam ; quia fictas plus nimio frequentes , nihil hic moror. Enimvero si gregarius aliquis fuisset , aut è plebe , *Alexander* mediocribus instructus facultatibus , nonne arbitramini delirantem hunc *Anaxagoram* risurum fuisse potius , quam ut insanienti huic Sapientiæ aures præberet , & ad lacrymas usque his somniis se commoveri pateretur ? Profecto si tantum in eum hæc vana cerebri humani commenta potuere , quid facturum putatis , si de pluribus illis mundis (quis enim modum ponat

nunquam fatiscienti in vota cupidini) paulo certior fuisset , taceo si conspexisset ? Aliis hic recensendis exemplis supersedeo , cum nullum queat esse illustrius . Si enim quisquam brevi dextro *Hercule* , rem fecit , is certe præ omnibus est *Alexander* , ut qui vix annorum triginta , totum penè terrarum orbem , certe potissima ejus regna , imperio suo adjecit , terminosque sibi potentie fecit Orientem & Occasum . Quare & aliquot post seculis magnitudinis ejus inter Romanos , æmulus *Julius Cæsar* , cum Quæstor in *Hispania* apud *Gades* in templo *Herculis* vidisset *Alexandri* statuam , non tenuit lacrymas , atque ad amicos conversus : Hoc , inquit , ætatis quâ nunc sum , *Alexander* devicit potentissimum illum Monarcham *Darium* : mihi vero ad hunc usque diem (agebat autem trigesimum annum) nihil præclari facinoris gestum est . Neque est quod quisquam id doli *Alexandri* tribuat quasi supra alios avari . Nam si liberalis quisquam , imo prodigus extitit , omnium retro memoria Principum , is certe *Alexander* fuit , non talenta solum , sed prædia , agros , castella , urbes , provincias , imo integra regna in amicos passim distribuendo . Quare unus hic merito erit nobis instar omnium , in quo luce meridianâ clarius appareat , quantum ablit , ut vesana illa opum cupiditas , quantiscunque etiam possessionibus , exstaretur unquam , nedum ut sperarum beatitudinis scopum assequatur . Atque hoc primum esto erroris humani in Beatitudine confectanda divortium , sive anfractus potius inextricabilis labyrinthi . Promptum esset deinceps & alios subjicere , sed longissimam non modo Orationem , sed ingentem iliadem postularet . Quare ne solus sapere velle videar , & dicendi vices ceteris præripere , finem hic faciam , & quod in cursu solet lampada tradam sequenti . Dixi .

O R A T I O XII.

De Animi Tranquillitate,

Recitante

B R U N O N E R U Y V E N I O.

Q Uemadmodum rectum unum est, & simplex: Obliquum verò varium, atque multiplex; & jaculantibus scopus quidem unus, recessus autem à scopo multi: Ita & ab unico veræ tranquillitatis, & beatitudinis scopo dum aberrant homines, non uno id faciunt modo, sed perquam variis, ac pene infinitis. Et quidem errorem maxime vulgarem, ac communem demonstravit hæcenus, qui me dicendo antecessit. Ego vero nunc face ab eo accepta deinceps alterum illustrabo, illi affinem potius, quam cognatum. Est enim haud paulo generosior, sed pariter tamen infelix, atque operam ludens: imo infelicior quia impetu id facit, & conatu, addo & periculo longè majori. Quando igitur pecuniaria via parum ex voto, rem ultro procedere multi animadvertunt, aliam sibi ineundam esse arbitrantur, ductumque naturæ sequentes, cum stimulos nescio quos ambitionis in se sentiunt, & in alios dominandi cupidinem, tum demum beatos se fore credunt, si imperiis, atque honoribus potiantur. Ergo dies noctesque huic curæ incumbunt, hoc unum agunt & nullum non movent lapidem, ut magnos pecuniarum thesauros, redimendis corrupendisque suffragiis ultro profundant: vim etiam si opus est intentent, leonis instar, aut efferatæ tigridis, sanguine, ac cædibus grassando, aut ubi leonina non prodest vulpinam assuendo, hoc est fraudibus, & perjuriis in consilium adhibitis, adeo ut nihil tam sacrum sit, nihil tam sanctum, aut religiosum, quod violare

non audeant exemplo *Cæsaris*, aut *Lysandri*, quos artem hanc non puduit profiteri. Sed ambitiosis his, ut cadit fere hæc alea. Equidem Auditores quanquam isti *Phaëtonis*, aut *Titanum* æmuli nihil non moliantur, ut ad honores, quos intendunt, perveniant, magnis tamen suis conatibus haud rarò excidunt, & quo plus operæ impendunt, hoc se magis impediunt. Sed esto: fiant tandem voti sui compotes, quid tum postea? videlicet, jam Dynastæ sunt & Satrapæ satellitibus muniuntur, qui palatia eorum obsident, & latera stipant, turbam submovent, concurrentem undique & ad tantam gloriam obstupentem, alicubi etiam in terram pronam, & quasi Deos in terris adorantem. Palmarium certe hoc quidem alicui videri posset, sed quantò præclarius, si perinde ut domos & corpora, ita & animos satellites isti tuerentur ac custodirent, hoc est lethiferos animi dolores depellerent, furaces tranquillitatis curas arcerent, miseroque mentis tumultu composito, omnem concitatorum affectuum turbam summovent. Quid ergo? Præstare id possunt? perinde imo multo minus, quam ventum sistere. Ferunt *Africanos* quosdam ita olim insaniisse, ut damna multa ab Euro passi, in aciem contra eum prodierint: hi non multo sanius, istâ stipatorum vi, ac pompâ, lincinationes, & morsus conscientiæ, anxietates animi, mentisque ægritudines averruncare satagunt, & amoliri, atque inoffensæ beatitudinis sibi arcem munire. Quod si ventus ita tenuis est, ut ferro lædi non possit, ita subtilis ut oculorum aciem perstringat, & tamen effugiat, interim penetrans omnia, & validas quercus, celsasque turres dejiciens: certæ curæ, ac sollicitudines utroque superant, adeo ut nulla eas tela assequantur, nulla cuspis feriat, nullæ excubiæ quamvis densissimæ arceant. Sed quid ego cum ventis eas compono? istos enim certe effugere domi licet, septisque ac parietibus excludere. At hæc furia durissima mar-

ora pertumpunt, imo nusquam aequè nidulari, demque suam figere amant, quam in superbis incipum aulis, & laqueatis Magnatum palatiis, in famulorum, satellitum, pedissequorum innueris pene agminibus, & importuno purpuratorum comitatu, atria, coenacula, conclavia, pene alia denique omnia, & adyta perstrepunt. Atque delicatis Magnatum carnibus semel inescatae, appetere eas deinceps non cessant, à fronte à tergo, nocte, die, publice, privatim, quacunque occasione, & nusquam non, adoratum illum ynastam aureis ambulationis suae compedibus vinum, & servum tot dominorum, quot vitiorum, olidentes, involantes, vellicantes, lancinantes, mordentes, arrodentes, indignis denique modis exantes, excarnificantesque: prorsus, ut equos strata, aut scarabei, tanta pertinaciâ infestant, ut neque noctu, neque interdiu respirare patiantur: im casus rusticorum, & pauperum tuguriola praerolant, quasi angusta nimis, & fuliginem acimum redolentia.

Sed vero unde hæ lacrymæ dicat aliquis? & quarum intarum sollicitudinum, curarum, anxietatum usæ? Vultis mali hujus fontem vobis aperiam, auditores, & sine ambagibus, ac verborum involucris, quod res est dicam? cum per scelera fecerit ad eam dignitatem grassati sint, sit ubi furiosè indem, quod confestabantur nacti sunt, ut subleat paulatim ille ardor, & sedatiore jam animo, iteacta facinora ruminentur, evigilante ex profunda ambitionis, quasi crapula, conscientia: quæ si semel tribunal conscendit, causam agit, & crimina intentat accusatore quovis acrius, fortiusque vincit, quam vel mille testes. Ad hæc & iudicis sibi partes vendicat, & convictos damnat *hadamantè* severius, denique & carnificem agit ipsa, & quod mirare equuleus quoque, & supplium est.

Oculum gemitis animo tortore flagellum.

Quod vel taurum *Phalaridis* superat, aut alibi crudelius *Missageta*, aut *Scytharum* ge cogitavit. Quæ autem est hæc potestas, quæ licitudinum morsus, formidinumque acule tate nequit? & ubi malorum occurrentium modus est, nec finis. Accedit & alterum, cum sibi conscii sint per vim se & tyrannic alios sævisse, libertate erepta, quæ viris si vita potior est, & vel ipsa morte capitisque culo redimenda metuunt videlicet, ne opus & ad incitas redacti cives, patientia in se versa, in illos insurgant, & regno exta. Vetus enim & verum verbum est Stoici Ro. Multos timeat necesse est, quem multi t. Contra Principem in aperto tutum præstat clia: Hæc arx inaccessa, hoc inexpugnabile mentum, munimento non egere, & carit benevolentia Civium septum esse, non armis vero ne *Hercules* quidem contra duos, nedum tra tam multos, ne dicam omnes, quantumque præsidiiis muniti sint, & numerofo cussatellitio cincti. Quo pertinet aliud in *Maximo* peratorem (qui ob vastitatem & robur corporis mortalem se credebat) ab histrionibus decant

Elephas quidem grandis est, & occiditur.

Tigris acerrima est, & occiditur,

Leo fortis est, & tamen occiditur:

Cave multos, si singulos non times.

Et de plebe adhuc loquimur. Quid enim rationes Principum in medium adducam, cum gregarius aliquis de trivio, ne dicam mulier aut puer, plus satis nonnunquam valeant, & lio pariter & vita privandos? Præcorum temporum memoriam replicate, pleni sunt libri, plena omnium gentium, ac seculorum numenta, quæ tragicos tyrannorum exitus, & cruentas Magnatum mortes non vere, quam prolixè nobis commemorant, & *summe* talium instabilitatem, in tam ancipiti

• rerum humanarum. In altam enim illam fortunam quot nimbi, procellæ, fulmina incidunt, aut incurrunt? Etenim habet has vices conditio mortalium ut adversa ex secundis nascantur. Si quis lætioris *Fortuna* radius affulget, ecce minantis & novercantis simul umbra adest, & vestigia premit, aut excipit. Vultis exempla? *Jugurtham* in carcere, *Perseum* in custodia obiisse quis nescit? Intuemini quoque mecum, & ad animum revocate *Tarquinius*, *Philippos*, *Alexandros*, *Julios*, *Caligulas*, *Nero-nes*, *Domitianos*, aliaque Regum clarissimorum, ac Imperatorum nomina pene innumera. Quid? annon cum ad summum fortunæ fastigium pervenissent, ab uno, aut paucissimis subditorum, vita pariter & regno exuti sunt? Non quod Regicidia ista probem. Absit: sed pericula tantum ostendo, quibus isti regnorum Candidati passim obnoxii sunt. Sed verò id ipsi omnium norunt optimè. Hinc enim ita perpetuo solliciti sunt, ita anxii ut nulli se committere audeant, ne uxori quidem & liberis: nam & ab iis ipsis non raro proditi sunt, & obtruncati.

Longum esset hic *Ninos*, *Sanheribos*, *Candaules*, & nostra etiam ætate Reges, Principesque non obscuros in Theatrum producere, qui ab uxoribus, liberis, fratribus, consanguineis misere circumventi perierunt. Non possum tamen quin unum hic producam, ceteris omnibus, ut putabat, cautio-rem, *Dionysium* videlicet illum nobilem *Sicilia* tyrannum, qui ut omnium periculis ansam præcideret, ne à tonsoribus quidem tonderi voluit, sed tondere filias suas docuit, ita sordido ancillarique artificio regis virgines, ut tonstriculæ tondebant barbam, & capillum patris; imo ne his quidem cum jam adultæ essent, forfices, aut novaculam commisit, sed novam quandam artem tradidit à se inventam, voluitque ut candentibus juglandium putaminibus barbam sibi & capillum adurerent. Sed nequaquam profuere illi istæ artes

&

& curæ, quin haud multo post à sceptro ad ferulam sit devolutus, hoc est ex Rege potentissimo, pauperculus ludimagistellus *Corinthis* factus, in eo vitæ genere summo cum dedecore, & contemptu vitam finierit. O inopiam rerum humanarum catastrophën!

— *Quam nescit eodem*

*Stare diu fortuna loco! quam quicquid in alto est
Labitur, ingentemque trahit fors magna ruinam?*

Nempe, Auditores, hæc illa est purpuræ personata felicitas, post tot tantasque imperii curas, tot pugnata bella, & rerum fursum ac deorsum euntium vicissitudines. In quarum meditatione cum *Saladinus*, qui *Syriam*, *Aegyptum*, & magnam *Africam* partem subegerat, vicinus jam morti serio descendisset, suprema voluntate, pro omni pompa funebri, tunicam tantum interiorem in hasta sublimem circumferri iussisse, memoria proditum est, cum publica hac acclamatione: *Unum hoc ex amplissimis Regni opibus domitori Orientis restare, quod secum auferet.* At verò quia in mentionem istius Tyranni incidimus, operæ pretium est sanè, referre ludum memorabilem, qui inter eum, Regem adhuc, & *Damoclem* paralitorum coryphaum intercessit, quo tyrannus ipse, miseram sui ordinis beatitudinem expressit quovis *Apelle* efficacius. Cum ex assentatoribus *Dionysii*, *Damocles* commemoraret in sermone copias *Dionysii*, opes, majestatem, dominatus, rerum abundantiam, magnificentiam adium regiarum, negaretque unquam beatiorem quenquam fuisse. Visne igitur, inquit, ò *Damocles*, quoniam hæc te vita delectat, ipse eandem degustare, & fortunam experiri meam? Cum se ille cupere dixisset, collocari iussit hominem in aureo lecto, strato pulcherrimo textili stragulo, magnificis operibus picto, abacque complures ornavit argento, auroque calaturnum ad mensam eximiâ formâ pueros delectos sic consistere coactum ad nutum illius inuentes

genter ministrare. Aderant unguenta, coronæ, incendebantur odores, mensæ conquiritissimis epulis instruebantur. Fortunatus sibi *Damocles* videbatur. Sed in medio hoc apparatu, fulgentem gladium è lacunari, setâ equinâ appensum demitti iussit, ut impenderet illius beati cervicibus. Quid ille? nec pulchros illos administratores aspiciebat, nec plenum artis argentum, nec manum perurgebat in mensam, sed qua animi demissione potuit exoravit tyrannum, ut abire liceret, quod jam beatus diutius esse noller. Didicerat quippe suo experimento Parasitus, sceptrorum instabilitatem, quæ foris nitent, introrsus misera sunt, & in lubrico fortunæ fastigio, fragili stare loco Regum felicitatem, subitoque, ac non pravis turbine quasiari & everti. Nec mehercule injuria, nam ut Solem hunc quem videmus, assidue vel nubes aliqua subducit, vel nox condit: talis omnis hic purpuræ aut Pluti splendor cadit aut evanescit, imo omnia illa vitrea, aut si quid vitro fragilius, & si res dicenda somnium, umbra, nihil, si cum aternitate comparentur, quid enim nisi jactationes & fluctus, in quibus nihil firmum, nisi ad anchoram ea alliges veræ Pietatis? De me dicam, quod sentio, Auditores:

Siet quicumque volet potens

Aula culmine lubrico,

Me dulcis saturret quies

Obscuro posuius loco,

Leni persuar otio.

Nam majestatis illi apex & sceptrorum splendor quid nisi superbè exstructi carceres, atque aureæ compedes, quæ latentis animi torturas celant, & surda carnificis conscientix flagella, aculeos, fidiculas, uncos, sub nitido mentitæ felicitatis mantili? Et ut is qui spinas habet in pedibus, ubique spinas calcet: ita isti animum noxium, ac inquietum secum circumferunt, eumque differunt quidem, non tamen auferunt. Ideo,

Qua

*Quæ videntur fronte prima suavia
Eadem intueri propius, & intelliges
Condita fœlis acris amantudine,
Fortuna nulli sic refulsu prospera
Adversa ut illam lance non penset pari.
Tristitia secundis, & secunda tristibus
Vicissitudo acerba sortis temperat.*

Si, ut mendici vulnera sua, & cicatrice-
gunt, ad eliciendam populo misericordiam
cipes palam oculis hominum exponerent
& sollicitudines, quibus perpetuo inquiet:
non abundè miserari eos possent, quos tan
mirari non desinunt? Sed quid est? cœci pl
sumus, & caliginem amamus. Placent var
& ambitionis aucupia, placent tiaræ, corona
ptæ quæ per mille discrimina, & pericula
debent, & majori cum periculo possideri. C
riam supra omnium Crassorum, nisi virtute
sint, & huic innixæ, quid nisi levi moment
pantur ac pereunt? & si abeunt, quid auferi
semetipsas? Fulciri debent, ornari debent,
alio fulcro, quo ornamento, quam Sapienti:
non in auro, non in argento, vanitatis aut a
elementis, sed in animo consistit. Sine qu
qui habent, non tam eas possident, quam
possidentur. Quæritis Auditores, quæ Sa
hæc? Paucis expediam. Examinare seipsum,
cumspicere recessus omnes, & latebras co
tiæ excutere, severa cogitatione omnem li
impetum coercere, vitiis suis irasci, & quo
liquid ex iis demere, non efferri prosperis, r
jici adversis, in utraque sorte, utriusque e
morem. Numinis munificentia acceptum
quicquid obtingit in hac vita felicitatis, co
nis humanæ fragilitatem meditari, quam
totam vitam imbibit, huic optimè constat
ris, & impensæ ratio. Quid amplius? de aliis
honestè, de se modestè, neminem videre, a
se commutatum velit, denique id esse quæ

Strina suadet, Religio jubet. Quibus ducibus qui se regendum permittit, is vere sapit, & ut cum Plauto loquar, in vitiorum lucta, victor victorum cluet, quicumque etiam cum terrarum angulus habeat. Neque enim Sapiens ille, & tranquillo animo esse potest, qui intemperanter, qui sumtuosè, qui insolenter, qui ambitiosè vivit tectis laqueatis, veste superba, famulis decem, supellestiale ad invidiam exquisita: aut liber quisquis vitiorum servus est. Sed ille mihi verè tranquillitatis metam attigisse videtur, qui vitæ morumque innocentia inculpatum se præstat sibi & aliis, eamque insistit viam, quæ recta ducit ad summam illam beatitudinem omni humana cogitatione sublimiorem; qua ut æternum fruamur, faxit ille ÆTERNUS. Dixi.

O R A T I O XIII.

De Invidia,

Habita à

MICHAËLE BOGARDO.

CUM multa præclare, ac prope divinitus tradita ab iis réperiantur, qui à Sapientia olim nomen acceperunt, tum haud scio quidquam vel utilius, vel necessarium magis exstet monito illo *Diogenis*, qui cuidam sibi invideri querenti, suasit ut ultionis loco tanto studiosius virtuti operam daret. Salutare mehercule consilium, & tanto Philosopho dignum! Nulla enim certior compescendi invidiam ratio, nulla brevior rabiem ejus retundendi via, quam virtutum inire viam, & vitæ inculpatæ sanctimonia, tanquam clypeo, & scuto Achillæo invidorum quotquot sunt tincta veneno tela repellere. Sed cum sterili hoc virtutum sæculo, una fere, (quod fane deplorandum) præ aliis
sa-

favlat, dominetur invidia, & Bonorum, qui vel opum, & dignitatum, vel doctrinæ, aut virtutis nomine, alios longe supereminent, turpissima sit infectatrix, nihilque ea sordidius excogitari possit, in eam nunc declamare constitui. Vos Auditores, qua possum animi demissione rogatos volo, ut mihi de ea inpræsentiarum differenti aurem, & auram benignissimæ voluntatis præbere, & quia alios antehac benevolentia ex hoc loco dicentes audivistis, ea me quoque nunc audire haud dedignemini.

Cum omnes animi perturbationes vehementer homines commoveant, deque gradu, quod ajunt, sæpe deficiant, tum omnium gravissima illa mihi esse videtur, quæ ex aliorum rebus secundis & prosperis mœrorem, ex adversis latitiam & voluptatem capit. Nam licet aliquam cum irâ (quæ certe perturbationum minima non est) affinitatem habere videatur, invidiam tamen longè illa deteriorem esse neminem sanæ mentis credo esse qui ambigat. Justum enim aliquando se præbet irascendi argumentum, ut cum Majestatem Dei convitiis protervè impeti, gloriam ejus proscindi, ac sugillari videmus, opera ejus traduci, veritatem Evangelicam pedibus conculcari, innocentes opprimi, Justitiam violari, leges contemni, juventutem corrumpi, virtutem supplantari, hæc & id genus alia intueri nemo potest, citra iram, animique perturbationem. Quid Invidia? Nulla ei justa irascendi causa. Invidus enim aut virtutis tantum alienæ, aut felicitati invidet, parique dolore damna sua, & aliena commoda metitur. Quo profecto nihil turpius, & homine indignius excogitari potest, hacque in parte brutis ipsius longe deterior est: nam si tarditatem, & ignaviam communem habeat cum asino, maledicam mordacitatem cum cane, ingluviem cum porco, superbiam cum pavone, ridiculas ineptasque gesticulationes cum simia, garrulitatem cum pica, contentionis studium cum

hirco, cum aliis alia, nullum tamen brutorum invenire est quicum invidiam communem habeat. Est quidem, quod non inficior, est inquam inter ea quoque odium interdum capitale, ad galli enim gallinacei *Leo* cantum exhorrescit: *Elephas* vastum illud, & monstruosum in natura animal, conspectis formicis, & muribus vilissimis illis animalculis, totus quantus quantus est trepidat, adeoque illi exosi sunt, ut ab eo etiam pabulo abhorreat, in quo muremprehenderit. Est & inter *Ichneumonem* & *Crocodilum* pugna, & dissidium haud exiguum: & inter equum & aprum, *Panthera* (si naturæ speculatoribus fides) adeò terretur ab *Hyena*, ut ne congrédi quidem cum ea sustineat. Hinc narrant si quis secum ferat de corio *Hyena*, à *Panthera* non appeti, tam sagax est naturæ sensus: addunt & illud si pelles utriusque belluæ suspendas invicem ex adverso, *Pantheræ* pilos defluere. At non hoc inter homines fieri consuevit, unius ejusdemque generis animantes, odio sese invicem persequuntur, sed constantem inter se amicitiam, & concordiam colunt, invidia nulla vexantur. Armentatim vivunt Elephanti, gregatim pascunt oves, turmatim volant grues, mutuis officiis tuentur se *Delphini*: & nota est apum, & formicarum arcana inter se amicitia, & concors politia. Sed quid de his verba facio? cum & in ipsis quoque plantis amicitiae vim quandam *Deus* voluerit elucescere: sterile enim sunt quædam nisi maritum adjungas. Vitis ulmum amplectitur; olea si inferatur, non solum vegeta stat, & incolumis, sed novas etiam vires capit. Usque adeò Auditores illa quæ nihil sentiunt, occulto tamen amicitiae vinculo inter se conjunguntur. Quid æque brutum dari aut excogitari potest atque saxum? Dicis tamen & huic inesse aliquid amoris, & amicitiae colendæ studium. Magnes enim ferrum ad se trahit, attractum tenet, ejusque scobe quali pascitur. Quid?

quod

quod & inter immanissimas feras quoque convenit. Leonum inter se nulla est pugna: aper in aprum non vibrat dentem, draco non sedit in draconem, & luporum concordia adeo celebratur, ut in proverbium abierit.

Solus, solus inquam homo, ab homine, pertinaci interdum odio, & invidia dissidet: cum tamen solus præ cæteris animantibus, ad imaginem Dei conditus sit, solus erecto capite incedat, solus hilari fronte, oculis amicis præditus, solus denique ratione, & oratione, amoris, ac benevolentiae utraque conciliatrice optima instructus, adeoque multis quod ajunt parasangis hæc ipsa superet. At qualis interim? Invidus ex miseriis, ex calamitatibus latitiam, ex bonis moerorem capit. Et quorum obsecro? non aliorum animalium, sed hominum. Neque enim Leoni fortitudinem, & magnanimitatem, non velocitatem cervis, impetum tauris, atatis spatium corvis, non oculorum aciem aquilis, non sagacitatem canibus, non alii alia invidet: hominis æqua ferre mente commoda nequit. Fratri frater, affinis affini, vicinus vicino, figulus figulo, cantor cantori, faber fabro invidet, verumque illudprehenditur;

Τὸ συγγενὲς καὶ φθόνειν ἐπιστάται.

Consuetudinem Sapientes alteram naturam non immerito dixere: nam tanta ejus vis est, ut non hominem tantum mutet *συγγενής*, sed & in bruta animantia efficaciter agat. Est implacabile fere dissidium inter canes, & feles, ejusdem tamen domus *συντροφία* tandem ita consuescunt, ut naturam quasi exuisse videantur. Tigrim Romæ mansuefactum *Augustus* aluit, ursam *Pythagoras*. Verum nulla familiaritate, nullo convivu, nullo contubernio invidus melior redditur. Quid mirum Auditores? reliquæ enim omnes animi perturbationes a natura fere infirmitate promanant, hæc vero a perversa hominis voluntate, & præfracta malitia. Quos enim obsecro vos (ut rem dicam) nisi bo-

ac honestos incessit? quid nisi virtutem odio sequitur? & quam quæso mœroris sui causam texit? nisi quod nimia Dei sit liberalitas, nem- quod illum tot honoribus, hunc tot tantisque bus cumulet, alium tanta sapientia. At contra lissidia, si contentiones inter amicos, aut pro- quos animadvertat, si amulationes inter con- ges, factiones in Republica, si domum vicini ire, aut conflagrare, liberos corrumpi, bona ejus hastari, aut furto, inundatione, bello, rapina, niliam ejus ad summam egestatem, & inediam lactam videat, hæc unica latitæ ejus, & hilari- is argumenta sunt.

Quod ut luce meridiani clarius appareat, & vos rem quasi præsentem deducam, Auditores, in- emini mihi primum illum patriciam *Cannum*. Quid causæ fuit, cur manus suas sanguine frater- i cruentarit? non alia quam fratris pietas, & ius ejus nomine, in flagranti apud *Deum* esset atiâ. Cur optime de se meritum *Davidem*, *Saul* ex perdere conatus est? in causa fuerunt præ- ira ejus facinora, victoriæ, trophæa. Quæ causâ *Alexander Perdicam* tanto persecutus est o- o? præclaræ res bello geitæ. Cur *Lyfimachum*? i militaris scientia: Cur *Ptolomæum*? admiranda us in bellis gerendis felicitas. Quid *Caligulam*, onstrum illud hominis impulit, ut *Homeri* Poë- rum principis aureum illud opus abolere, *Virgi-* & *Livii* scripta perire voluerit? invidia. Quid immodum illum optimi parentis *Marcii Aurelii* :ssimum filium eo adegit, ut optimum virum *alium Proculum*, Asiæ præfectum, veneno necari sserit? Invidia. Longum esset *Scipiones*, *Epanimon-* is, *Phociones*, *Catonem* aliosque hic commemorare ros magnos, qui invidiam experti sunt. Longum *bernistoclem* in *Persia*, *Cononem* in *Cypro*, *Tymo-* eum in *Lesbo*, non aliam ob causam, quàm invi- iam à patria exulare coactos. Longum denique ic commemorare, non civitates solum, sed pro-
vix-

vincias, sed regna, & imperia in summum discrimen adducta, ab hac una furiarum, invidia. Quis enim ita veteris memoria ignarus, ita in superiorum temporum historiis peregrinus atque hospes, qui non Invidiæ tragicos eventus, si minus è scriptorum monumentis didicerit, aut auditione certe aliqua acceperit? Exempla tamen quædam si vultis producam. Prodeat in medium, & me tacente loquatur florentissima olim *Atheniensium* Resp. quæ *Periclis* & *Cimonis*, *Themistoclis* & *Aristidis*, crebris æmulationibus haud parum periclitata est. Prodeat *Roma*, illa terrarum, & gentium domina, quam misere, bellis civilibus *Marii* & *Syllæ*, *Pompeji* & *Cæsaris* jactata fuit, & concussa. Prodeat *Carthagenensis* illa imperii Romani amula, nonne factionibus, dissidiis, odiis *Hamilcaris*, & *Hannonis*, in ruinam penè acta; Prodeat denique *Italia a Guelphis*, & *Gybellinis* sub *Frederico* secundo diu multumque vexata. Exemplis his tam luculentis, tam memorandis, etsi vos commoveri haud parum videam, Auditores, non possum tamen quin unum adhuc adducam Servatoris nostri I. C. Quæ obsecro vos, causa fuit, cur tanta eum invidia, tanto odio sunt persecuti, non de plebe, aut de trivio homines, sed *Scribe*, *Pharisæi*, *Seniores*, *Sacerdotes*? quid commiserat, quod constantopere irritaret? quæ illius culpa, quod delictum, quod crimen, quod eos adeo offendere potuit? idcone quod vitæ suæ innocentia aliis præluxerit, veritatem evangelicam non minus sincere, quàm liberè prædicaverit, tot tantaque potentia suæ & *εὐαγγελισμῶν* dederit specimina, cecos, surdos, claudos, paralyticos sanando, dæmonia ejiciendo, mortuos suscitando, errantes in viam salutis reducendo, fractos & sensu suorum peccatorum consternatos consolando, lapsos erigendo, & pœnitentibus gratiam suam benignè offerendo. Illæne justæ fuerunt tantæ indignationis, & invidiæ causa? hæccine illa fuere delicta? hæccine cri-

mina, quæ tam acerbo, tamque internecino odio profecti sunt?

Belli profecto homines! Nempe ut lætioribus agris, rosisque maximè odoriferis cantharides innasci solent & meliori frugi lolium: ita ægris oculis alienam felicitatem intuetur, & optimos quosque, sanctissimosque fere insectatur invidia: & ut ex feris, & brutis animantibus alia gravi odore, alia veneno, alia esca cadaverum male olentium pasci, ac impendio delectari solent: Ita invidus sordibus simulcratum suarum, ac æmulationum. Sed & invidos etiam ipsos pestilens hæc lues conficit, non aliter quam rubigo ferrum exedit, caries & tereudo ligna, tineæ vestes: & ut signis suis non obscuris se produnt morbi, cum corporis tum animi: sic Invidia qua nullum tormentum gravius dari potest, nullus morbus, qui hominem magis vexet, maceret, devenustet: totidem nempe canes qui *Ælionem* suum comedunt.

Cum pallor (ut inquit Poëta) in ore sedet, macies in corpore toto,

Nusquam certa acies, livent rubigine dentes:

Pectora felle vident, lingua est suffusa veneno.

Risus abest nisi quem visi movere dolores:

Nec fruitur somno vigilantibus excita curis,

Et videt ingratos intabescitque videndo

Successus hominum, carpitque, & carpitur una;

Suppliciumque suum est.

Polypo non absumilis qui post devoratos alios pisces, sua quoque brachia tandem depascitur, maximamque partem veneni sui bibit. Hæc cum ita sint, Auditores, ut tandem Orationi mex finem imponam, valeat, valeat, inquam, & face fiat longe a nobis illa animarum pestis, ac contentionum, & dissidiorum mater invidia. Cogitetur nihil e turpius esse, nihil honesto, nihil liberali homine indignius, hoc vitio brutis ipsis deteriorem reddi, & natura à nullo alio magis vitio abhorrere, quam

Invidia quasi laboret, nunquam tamen eam agnosceret. Quia tanta ejus est enormitas, tanta turpitudine, ut eam fateri hominem etiam maximè impudentem pudeat. Aliter longè cum aliis vitiis comparatum esse, quis non videt? quæ virtutis sæpe nomen induunt, & non veniam tantum, sed laudem merentur apud ipsos. Sunt enim qui ambitionem generositatem vocant: avaritiam parsimoniam: audaciam fortitudinem: luxuriam, & bonorum profusionem, liberalitatem: dissimulationem prudentiam: crapulam hilaritatem. Nonnullis quoque vitiis affectos aliquo modo ferimus: quibusdam ignoscimus: quibusdam non nimis offendimur, quibusdam in hac vitæ & morum licentia etiam oblectamur: prodigos multi amant: avaros tolerant: multos aliena intemperantia non offendit: qui voluptates nimis refugiunt, etiam castimoniam, & severitatis laudem referunt: audacium in bello interdum aliquis usus est, timidis & nimis cupidis vitæ ignoscitur. Sed quid invidus? communi omnium mortalium odio flagrat, suis, alienis, civibus, peregrinis, notis, ignotis juxta omnibus invisus, exosus, intolerandus est. Quid invidia illa ærugo animæ, & nigrae succus loliginis? nullo colore, nullo fuce in crustari potest, nullo mangonio interpolari, ut si non grata, saltem odiosa minus appareat. Hanc igitur sanguine viperino cautius fugiamus, omni-que studio ac cura in id incumbamus, ne vel leviter saltem impressa invidiæ in nobis vestigia conspiciantur. Sed si ab hac liberi, cum aliorum invidia nobis colluctandum esse videamus, cogitur bonos fere ad invidiam, & obrectationem natos videri, horumque optimas actiones rapi in deteriore partem, aded facile est apud eam in speciem culpæ venire, si non in culpam? & vetus id mihi credite in Rep. malum. Nam ut in sole non sumus sine umbra: sic nec in fama, sine livoris aliqua nebula. Cuivis in proclivi est lædere: &

ut vitæ , ita famæ alienæ dominus est , qui suæ contemptor est. Nunquam tamen tantum malevolorum poterit conspiratio in Bonos , ut à studio honestatis recedant , & invidiam placare velint , virtute relicta , aut temerata conscientia. Invident , pallent , fremunt ut fere solent qui emergunt è sterquilinio ? Criminationem eis machinis volenter concutiunt , aut suspicionum cuniculis callide subvertunt ? ita nunc vivitur. At vero si iudicio examinas , quantula ista sunt ? Ut in via si canis aut equus luto me aspergat , non quod Plautus ait lapidem percussio , non excandesco statim , & vicissim in illum retero , sed eluo potius hoc lutum , quam ut respargam : ita hic faciendum , & omnes isti pro cuniculis & equuleis habendi , qui non iudicio , sed impetu & convicio lædant , quo meliorem me agnosco , & nec in nominis mei fama magis labem relinquunt , quam in flumine vestigium , cymba. Aurum etiam in sterquilinio aurum est ; & adamas in coeno non mutat naturam. Gemant Invidi , & infœlicem linguam Bonorum convicio exerceant. Instent , mordeant , multo citius frangent dentem , quam impriment. Imo ut picturæ lucem nihil tam commendat , quam umbra : sic non melius quàm petulantis linguæ obtreptioni creditur , quales , quantique sint viri in Republica magni : quorum dignitas , & amplitudo quia freti innocentie fiducia , quæ *non eget lauri jaculis nec arcu* , eò clarius enitescit , quò magis obnoxii sunt telis invidorum , qui simultatem eorum affectant , quorum similitudinem detrahant. Dixi.

Quamquam conspectus vester
 mus me excitare, animare
 dum ornatissimus debeat, tamen
 nulla veniunt, quæ ita me anxie
 reddunt, ut nisi singulari vestra
 rer, tacendum potius, quam dic
 se judicarem. Exploratum enim
 habeo, quanti sit laboris, quæ
 apud viros prudentia, eruditione
 ves verba facere. Et experientia
 ci, eloquentissimos, disertissime
 ad dicendum venissent, ita fuisse
 obmutuerint. Quæ si in viros &
 tissimos cadant, quid mihi tand
 portet, qui cum illis comparandi
 sitan ergo mirabimini cur in tant
 virorum corona, locum hunc pu
 dere non dubitarim, quem tot a
 quibus longè inferior sum, haud
 darunt. Sed causam, si placet
 Causarum Deorum divisa fore

matores. In qua non ad ostentationem, & jactantiam, instituta sunt publica hæc exercitia, sed ad stilum, & oratoriam in dicendo libertatem. Accedit quod commilitonis mei declamatiuncula, quam benevolis auribus audire dignari estis, non parum excitatus fuerim, ut pro ingenii mei modulo, aliquid etiam in simili palæstra tentarem: quia vero, ut est in veteri verbo, *nunquam satis dicitur, quod nunquam satis discitur*, delegi mihi quidem hoc ipsum argumentum, de quo jam unum ex vestris feliciter satis dissertantem audivistis. Sed ne ego, actum (quod ajunt) agere, falcemque in alienam segetem immittere videar, duo mihi nunc potissimum tractanda proposui. 1. Qui illi sint in quos invidia cadit. 2. Quæ huic malo adhibenda sint remedia. Ad primum quod attinet, certum est viros in summa dignitate constitutos raro hoc vitio laborare, & ut nullis invident, sic à nullis ipsis invideri solet. Quia magnitudini virtutis cedit invidia, cujus splendore fugatur, non aliter, quam solis radiis, cum altissimus est, umbræ. Quis enim invideat *Cyrō*, quis *Cæsari*, quis *Pompejo*? quod positi videantur extra metam ad quam mortalibus progredi licet. Multo minus invideri solet iis qui longè infra nos positi sint. Quæ enim invidiæ causa esse potest, si quem in eo rerum statu esse videamus, & ea sorte natum, quam nemo si ei contingere posset, unquam appeteret? Ita afflictis gravissimeque ab infelicitate fati multatis nemo invidet, quia commiseratione digni magis, quam invidia. Sed inter pares non raro moveri solet invidia. Æqualitas enim inter æquales (ut bene alibi *Cicero*) gratiam offendit, & amicitiam quæ animorum, & benevolentiae conciliatrix est, lædit & exulcerat. Sic figulus figulo invidet, vicinus vicino, olitor olitori. Invidet etiam qui alium se inferiorem fortunis, mutato ilico rerum statu, ad honores evectum videt: aut cujus utilitas suum est detrimentum, & gloria dedecus: aut si

ziam, tota enim illa laus antea Fa
jam senem se exui, ac spoliari vide
jum *Casari*. Hinc *Lucanus*:

———— *Stimulos dedit amula virtu*

Tu nova ne veteres obscurant acta
Magne times, te jam series, ususque
Erigit, impatiensque loci fortuna
Nec quemquam jam ferre potest, t
Pompejusve parem.

Sic *Dadalus Thalo* puero ob sum
tis peritiam, tantopere invidisse d
alta de turri præcipitaverit. *Dion*
abominanda invidia, Poëtam *Pind*
dicinas damnavit, quod tragœd
compositam corrigere jussus recusa
tua litura induxisset, nihil in ea pi
nus eximiis condecoratus fuit virtu
Imperatorum eruditione secundus
his animi dotes obscuravit invidia
tissimos quosque viros tanta pro
præter libros suos, nullos *Roma* le
nullumque Artificem, pictorem.

ptum putant. Sunt quoque ad invidiam proclives, qui angustum, pusillumque trahunt animum, quod illis omnia appareant magna: Invidia vero ad magna fertur: de quibus egregie ingeniosissimus vates:

Fertilior seges est aliene semper in agro,

Vicinumque pecus, grandius uber habet.

Certè *Anacharsis* interrogatus, cur homines tristitia subinde, ac mœrore conficiantur, & pari dolore aliena commoda, ac suas injurias metiantur; respondit id fieri, quia non solum propria iis mala molesta sunt, sed etiam aliena bona. Et *Bion* cum conspexisset invidum tristi vultu, *ἐκ οὐδ' αἰ-
ον πότ' ἔστιν σοι κακὸν γέγονεν ἢ ἄλλο ἀγαθόν.* In hanc sententiam *Λέων*, Lacedæmoniorum rex, cum illi à quibusdam nunciaretur, esse nonnullos *Sparta*, magni nominis Viros, qui ipsi inviderent: *Geminam igitur*, inquit, *habemus morositatem*, quod & sua ipsorum mala distraciant, atque insuper tum meum, tum amicorum meorum bonis torquebuntur: innuens eos, quos invidia occupavit, commiseratione dignos magis esse, quam ira, quod abunde sibi ipsis poenarum darent, etiam si nemo ulciscatur. Nam invidi, ut bene olim à Veteribus observatum, non eatenus solum cum viperis comparandi sunt, quod ut illæ semper in pectore venenum servant, sed quod ut illæ partu suo enecentur. Hoc solo discriminine, quod viperæ statim moriantur, & expi- rent, ut à foetu erumpente, dilaniatæ sunt. Invidi verò paulatim, à sua perturbatione, quam venis & intimis visceribus, animæque fibris pertinaciter a- lunt, ita conficiuntur, ut ii qui tabe aut lenta fe- bri laborant: nempe ut cruciarii olim Romano ti- tu crucem suam ferebant, ipsi ab ea mox feren- di: sic invidis omnibus, animi crucem *Deus* im- posuit, in qua poenas luunt, priusquam luant.

Quid sit invidia; Auditores, quæ ejus sint caulæ, in quos maxime cadat, hætenus audivi- stis: superest, ut quæ sint ejus sanandæ remedia videamus.

videamus. Solent qui boni sunt, & frugi œcor
 mi, ea, quæ ad alendam familiam requiri videntur, in ætate, non hyeme comparare. Naucleri
 necessariis ad futuram navigationem ante sol
 esse solliciti, quam in altum provehantur. For
 & strenui belli duces, non de militum tantum
 mero, verum etiam de pabulo, & comœatu
 parando, tum condendo, curam ac cogitatione
 suscipere, illudque observare quod de re milit
Vegetius scribit: in omni expeditione maximum istud
ut nobis victus sufficiat, hostes frangat inopia. Eti
 valetudinis suæ rationem qui habent non t
 quo pacto morbi jam orti profligantur, quam
 ratione metuendi avertantur, serio cogitare
 sueverunt: Quidni ergo & illa mature compare
 tur, quæ ad vehementiores animi perturbatione
 coercendas, & averruncandas conducunt, & q
 dem antequam altas radices egerint? At in
 animi ægritudines, & perturbationes, quæ foedi
 que nocentior, quæ inhumanior dari potest
 vidia? Quamvis enim omnia varia bonis viris
 diosa ac invisa sunt: Invidia tamen præcipue al
 nat ab iis, in quibus est, aliorum animos:
 mnumque sibi odia conflant, conciliant, collig
 Cæteris vitiis affectos aliquo modo ferimus: q
 busdam ignoscimus, quibusdam non nimis off
 dimur: quibusdam in hac vitæ ac morum cor
 ptela etiam oblectamur: prodigos multi amant
 varos tolerant: multos aliena intemperantia n
 offendit: qui voluptates nimis refugiunt, eti
 severitatis, ac castimonie laudem ferunt: audacit
 in bello interdum aliquis usus est: timidis, &
 mis vitæ cupidis ignoscitur: Invidia communi
 mnum mortalium odio flagrat, suis, alienis ci
 bus, peregrinis, notis, ignotis juxta omnibus in
 fa, exosa, intoleranda est. Ex hac enim æmulat
 nes, ex æmulationibus similitates, ex similitatib
 odia, ex odiis factiones, ex factionibus seditione
 ex seditionibus cædes, ac bella funestissima ori
 tu

tur, quæ bonorum crudelissimam lanienam, populorum excidia, Regnorum ac Rerumpubl. vastationes, & tristissimam tandem (ut verbo dicam) rerum omnium faciem inducunt. Gravia hæc sunt, Auditores, verum illud omnium gravissimum, quod magni illius Dei (in cujus manus incidere horrendum est) ira & vindicta in se concitata, non in temporarias solum pœnas, sed & æternas se præcipitent, nisi seria ad Deum pœnitentia convertantur. Quum igitur tam periculoſum, funestum, enorme sit hoc vitium, quanto studio, quanta sedulitate id à nobis amoliri debemus, & heroicam eorum generositatem imitari, qui quanquam se aliis virtute sua admirabiles reddiderint, in pretio tamen & honore quorumcunque hominum virtutem habuerunt: Vultis exempla? In promptu sunt. Cum *Eldad & Medad* in castris Israëlitis prophetarent, *Josua* juvenili quadam æmulatione abreptus, metuens nequid famæ ac dignitati Domini sui decederet, ab eo petiit, ut juberet illos compesci. Cui *Moses*, *An invidas*, inquit, *tu mea causa?* Atqui utinam universus Dei populus essent *Propheta*! Numer. 11. 27. Innuens tum demum beatam illam esse Rempublicam, beatum illum populum, in quo non unus, aut pauci, sed ad unum omnes cognitione Dei imbuti, eam propagare, & ubique Dei laudes prædicare studerent. *Johannes Baptista* præcursor ille *Christi*, referentibus ipsi Discipulis, *Christum* baptizare, & quam plurimos ipsius Doctrinæ audiendæ gratia, eum sequi, tantum abest ut ægre id tulerit, aut inique, ut contra inde occasionem arripuerit laudandi *Christum*, publiceque profitendi eum esse agnum illum Dei qui tollit peccata mundi, se paranympum esse, *Christum* vero sponsum: Baptizare eum Spiritu Sancto & igni, se aqua, & indignum qui soleaturum ejus corrigias solveret, se decreſcere, eum crescere oportere. *Padaretus* ex *Spartanorum* nobilissimis unus & meritorum suorum

securus interpretis, cum petiisset se adscribi in centorum virorum ordinem, qui honore apud *Stanos* primam dignitatem obtinebat, repulsam sus, discessit hilaris, ac ridens: revocantibus *Ephoris*, quidque rideret percontantibus (rati ab eo derideri ac contemni) *gratulor*, inquit, *Reipublice quæ trecentos habeat cives, multo me melius* indicans se plus voluptatis capere ex publico publicæ bono, quam percepturus erat ex hoc impetrato, & maxima lætitia perfundi, quod telligeret se virtute, & honore tot viris inferrem esse. *Cato* à terrarum victore populo reversus, pila dicitur lusisse, & *Vatinio* postpositus, non quam esse se minoris ideo putavit. *Aristides* iret in exilium, sublati in coelum manibus, *D*comprecatus est, ut *Atheniensibus* omnia sic prosperè succederent, ut illis *Aristides* nunquam iniret in mentem. *Alexander Magnus* cum præstissimo cursore certans, quum eum animadverteret de industria remisse currere ut ipsi cederet, irascens (inquit) se non esse ex eorum numero qui præ invidia dolent, si qua in re ab eis superentur: se intelligere Deos immortales, liberaliter quibus volunt, bona sua largiuntur non omnia in unum conferre, sed alia in aliis idque pro admirabili sua sapientia, ne hominum natura superbi se mutuo contemnant, sed ut ter alterius auxilio egens, concordiam ament, civitatem conservent, mutuo se complectantur festu, à potentioribus tenuiores accersantur, & tenuioribus vicissim potentiores observentur. Haec pauca quæ nunc produximus exempla, seriò vobis imitanda proponamus. Cogitemus quanta opum, & honorum, aliorumque quibus invidi solet, fragilitas. Quanti ista fortunæ ludibria consent, quanto labore, sollicitudine, molestiæ nec non vitæ periculo comparentur, ut ea potentium misereri potius, quam adeo brevem molestamque felicitatem iis invidere debeamus.

Dionysio è regno expulso, & *Corinthis* inter Philosophos sese oblectanti, occurrens *Diogenes*; lepide pro more inquit, se illi novam hanc felicitatem propemodum invidere, tacite innuens hujusmodi paupertatem quæ sua sorte contenta est, feliciorem esse omnibus *Persarum* gazis, *Arabumque* thesauris, ac proinde magis invidendam, quam omnes fortunæ delicias, quæ ut fulgura nihil quam oculos invenientium perstringunt. At si alicui tamen contingat esse in re lauta, & alios invidere sibi animadvertat, invidiam hoc modo subterfugiet, si facilem, humanum & affabilem se præbeat. Raro enim invidetur eorum honoribus, quos æquos esse novimus, & modestos. Contra quo altius ad honores everti, magis se demittunt, eo magis extolli solent & amari à populo, qui non tam homini, quam bonis quæ eum circumstant, invidet. Optimum quoque est beneficentiæ genus invitæ ac repugnantibus prodesse, quod nonnisi summarum mentium est. Cogitemus & illud, nos invidiæ morfu in officio contineri, & à fastu majorum omnium extremo avocari. Deus enim ut Medicus est omnium sapientissimus; ita non uno modo homines curare solet. Invidorum stimulos, aculeos, vexationes tanquam fasutaria quædam φάρμακα præscribit, invidiamque felicitati quasi comitem addit, ne altius quàm par est efferramur, sed ut ab ea lancinati intra modestiæ limites consistamus. Quo spectans *Themistocles*, doluit aliquando quod ἔξω τῆ φθόγου βελών in tuto consistens, in nullius esset invidia. *Thucydides* eam appellavit necessarium potentia comitem. *Pittacus* tam diu se fortunatum credidit, quamdiu sibi invideretur. Comitatur enim illa incedentes per gloriæ callem, ut umbra eos qui per solem iter faciunt. Sic *Pericles* *Simmiam* æmulum expertus est, *Themistocles* *Alcibiadem*, *Epaminondas* *Menculidem*, *Cicero* *Catilinam*, *Clodium*, & alios.

Cogitetur denique cum alios opibus, alios honoribus

noribus; alios eruditione, & nominis fama præ multis eminere videmus, omnium horum autorem: & largitorem esse *Deum*, qui ut non uni dar cuncta regioni, sed facit ut *hæc segetes, illæ veniant felicius uva*: sic non in unum omnia, sed in alios alia, atque alia transfert *Deus*, ne scilicet sibi soli natos esse homines opinentur, sed mutuis auxiliis vitæ humanæ societatem conservandam esse intelligant. Quin & illud haud exiguo solatio *Bennis* hac in parte esse consuevit, quod ita fere natura comparatum sit, ut quæ durius in hoc vitæ curriculo vivos premit, ac vexat invidia; gratos post obitum reddat, & acceptos;

Pascitur (enim) in vivis livor, post fata quiescit,

Tum suus ex merito quemque tuctur honos.

Et hi sunt (ut ille ait) invidia mores;

Praferat antiquos semper ut illa novis.

Neque *Atheniensibus* suus *Socrates* dum esset in vivis, placuit, etsi *Apollinis* oraculo *Gracia* sapientissimus judicatus esset, sed cicutam idem innocentissimus bibere coactus fuit. At quem vivum oderant, defunctum postea coluerunt, erecta statua, & in tanto apud eos pretio fuit, ut accusatorum illius quosdam damnarint ad laqueum, quosdam exilio multaverint. Hæc quæ dixi quicumque ad animum serio revocaverit, susque deque aliorum habebit invidiam, nec quicquam de studio aliis opitulandi, nec non publica Reipublicæ commoda promovendi remittit, sed judicio bonorum, & rectæ voluntatis conscientia fretus, res suas optimo esse loco tum statuet, cum aliorum invidiam experiri necesse habet. Ut enim mala conscientia sibi ipsi supplicium est, facitque ut domesticum tortorem circumferens, ad folii cadentis strepitum animus exhorrescat: ita contra vel frementibus omnibus invidis, murus aheneus est, & vitæ anteauctæ recordationem parit jucundissimam. Et ut apud *Homerum* herba, *Nepenthes* dicta, celebratur, quod addita poculis,

omnem illico animi tristitiam in conviviis expellat, moestosque exhilaret: ita mens humana, bonæ conscientiae præsidio nixa, licet invidia nunquam prematur, nunquam tamen opprimitur: Sed Palmæ instar se erigit, viresque laceßita capiens, strenuis, laudandis, & heroicis *crescis audacia captis*, Dixi.

O R A T I O XV.

De Ira, & ejus affectis,

Recitata à

C O R N E L I O van den B R O U C K.

CUM oculis intueor frequentissimam hanc doctissimorum virorum coronam, & mecum deputo, quam solida, & subacta sit eorum eruditio, quorum oculos undecunque in me conversos esse animadverto, non possum, dum oneris suscepti magnitudinem cum viribus meis sollicitè comparo, non infantiae, & tenuitatis meae sensu, ac conscientia vehementer commoveri. Nam dicendo consequi id neutiquam confido, quod hic locus, & nobilis ornatissimorum virorum confessus, non polliceri sibi tantum, sed & exigere videtur. Tamen cum amplissimorum Curatorum, & rectoris autoritas, laudabilisque hujus Scholæ multis jam retrò annis consuetudo, & officii mei ratio; hanc mihi provinciam imponant, ex hoc loco, de argumento aliquo declamandi, morem iis gerere non dubitavi, & de ea animi perturbatione impræsentiarum apud vos verba facere, quam IRAM appellamus, quæ tantum abest ut ulli affectuum cedat, ut omnium contra, vel ipsa experientia rerum magistra, violentissimus haberi: & dici possit. Nam quid illa aliud, quam *furor*, ut ille ait, *brevis*. Hac qui abripiuntur nihilo insanis saniores sunt, ut bene olim observatum à Poëta, *μανίματα πάντες ὀπίταν ὀργίζουσι*

μεθ' & ab alio, qui interrogatus, in quo ira à furore differret, haud inscite mihi respondisse videtur; ὀργιζόμενον τῷ μαννομένῳ, μόνῃ χρίσιν διαφύειν. Adimit enim illa rationem, tyranno similis quæ in nos, quàm ceteræ animi perturbationes, crudelius sævit, fascesque arripiens, arcem invadit, & mentem de sua sede contra jus fasque deturbat, inimica consilio & sanæ rationi. Nempe ut in præceps lapsis corporibus nullum sui arbitrium est, rapiuntur: sic animus in iram projectus, non sistit se ubi vult, aut cum vult, sed quo non vult, fertur. Nulla quippe vox, nullum consilium, nulla facultas animæ, nulla pars nostri, quæ non ab illa quasi compedibus, & numellis constringitur, ut suis cupiditatibus servire cogat: ut non immerito cum violenta quadam tempestate comparari queat. Quia ut illa in navi malum, antennas, rudentes, anchoras: sic hæc clavum vitæ frangit, nulla ejus recte gubernandæ ratione relicta. Torrenti quoque haud absimilis, & ingenti aquarum diluvio, quo obvia quæque abripiuntur, armenta, stabula, sata lata, boumque labores. Et ut fumus aciem oculorum mordicante vi præstringens, non permittit ea intueri quæ ante pedes sunt: ita hæc tollit consilium, pervertit judicium, planeque hominem sui dissimilem reddit, nec rationis lumen obnubilat solum, sed extinguit. Eximia est, & verè aurea magni illius Episcopi Hipponensis sententia: *quemadmodum, inquit, aceto vas in quo asservatur acescit, & corrumpitur: ita homines ab ira: & ut eos crapula in porcos, sic hæc quæ nulla celerior ad insaniam via, in leones transmutat. Quod ut luce meridiana clarius appareat, intuemini quæso, Auditores, hominem ira plus nimio abreptum. Bone Deus! quot eum mala, & incommoda, conferto velut agmine comitantur, quæ dignitatem ejus devenustant, & ad bestias prope dejiciunt. Ira stimulis accensum cor palpitat, tremunt genua, & manus ardent, & micant oculi,*
fron-

tem corrugat, supercilia attollit, labra mor-
 pallet, dentibus trendet, fremit, blaterat, in
 nam ruboremve effervescit, caput plenus mi-
 um identidem mover, manu gesticulatur, lin-
 titubat, barbam sibi, & capillos evellit, ve-
 m impatienter trahit, pileum versat modo in
 me, modo in illam partem, progreditur, regre-
 tur, pede terram instat equi ferocientis pulsat, &
 uatit, & quid non? non *Euripus* ipse tot æstibus
 reciprocatur, quot hujus animus; ne *Orestes* furiis
 gitatus fureret impotentius. A feris propter cor-
 nua, ungues, & dentes natura abhorremus: qui-
 bus obvia sibi quævis dejiciunt, dilaniant, discer-
 punt. Nulla tamen est homine irato formidabilior,
 nulla ferocior, cum thoracem induit, aut galeam,
 gladio se accingit, jaculum aut hastam manu vi-
 brat, nihilque aliud quam sanguinem, & eadem
 spirare videtur: si talis nasceretur, nullum profe-
 cto horribilius monstrum, ac portentum dari pos-
 set, aut excogitari, nulla *Sylla* tam rabiosa, nul-
 la procella tam calamitosa. Cætera vitia impellunt
 animos: ira præcipitat. Unde enim turbæ, unde se-
 ditiones, tumultus, bella, nonne ab ira? Quas illa
Læna prodiciones, quas insidias non inceptat? quæ
 consilia hosti non appetit? quas technas oppugnan-
 dis urbibus non supponit? quas non superbas æ-
 des evertit, urbes florentissimas solo æquat, re-
 giones fertilissimas devastat? quæ non multorum
 annorum pertinaci bello defensa moenia patefacit,
 & contumacissimos jugumque recusantes in alie-
 num agit arbitrium? Quæ eò perniciosior esse con-
 suevit, quò eos magis invadit, qui potentia in-
 structi, in alios dominantur, & sæviunt.

Ira Thyesten exitio gravi

Stravere, & celsis uribus ultima

Stetero causa, cur perirent funditus.

Ira est qua precudit enses,

Et miseras inimicat urbes.

Ubi hæc *Theſſiphone* cui pro conſilio eſt furor,
pro ratione impetus, ubi inquam hæc dominatur,

——— *Non Hoſpes ab hoſpite tutus;*

Non ſocer a genere: fratrum quoque gratia rara eſt;

Imminet exitio vir conjugis, illa mariti.

Lurida terribiles miſcent aconita noverca, &

Filius ante diem patrios inquiri in annos.

Vultis exempla Auditores? nonne *Theodoſius* clementiſſimus alias natura princeps, ira percutus, ad ſeptem hominum millia *Theſſalonica* immiſſo milite contrucidari, & tanquam ſi ageretur de capite papaverum, aut cucurbitarum, nullo discrimine fontes, & inſontes indiſta cauſa necari juſſit? Hac inflammatus *Alexander Lyſimachum* leoni objecit, haſta *Clytū* cariſſimum ſibi, & una educatum, inter epulas transfodit, *Betim* trajectis per talos loris, religatumque ad currum equis raptari juſſit, & horrendo ſupplicio vita privari, alioſque ſanctitate morum, & ſapientia ſtudiis inſignes viros per tormenta foede trucidari. Sunt *Alexandria*, *Caracalla* juſſu, omnes ii crudeliter interfecti, qui geſtus illius ridiculè per jocum expreſſerant. Iræ ſuæ monumenta plurima *Periander*, *Sylla*, *Lyſander*, *Caffius*, *Cambyſes*, *Totilas* & alii reliquerunt. Quid *Caligula* monſtrum illud hominis, & naturæ propudium, quo nihil tetrius & funeſtius Infernus exhalare potuit, ad tantam eum crudelitatem compulſit, ut nobiliſſimos Senatores Romanos ſibi inviſos, crebris mucronum acutiſſimorum fodicationibus necari, & lenta morte è medio tolli juſſerit: nec mirum, quia Tyranni nec lege coërcentur, nec metu: multos etiam honeſti ordinis viros, ſtigmate prius inuſtos, ad metallorum fodinas damnaverit, aut beſtiis dilaniandos objecerit, aut medios ferra ſecuerit, Equitem denique Romanum, feris expoſitum, cum ſe innocentem proclamafſet, amputata lingua rurfum induxerit. Quid Nero portentum illud, & fatale malum generis humani, terræ
ater-

æternum odium. Homo mille mortibus dignus , vestigia *Caligula* premens , nonne *Atticum Vestinum* Consulem , ut conjuge ejus *Statilia* potiretur , trucidavit ? *Antoniam* filiam *Claudii* recusantem post *Poppæa* mortem nuptias suas , crudeliter interemit ? privignum *Rufinum Crispum* poppæa natum , impuberem adhuc , mergendum mari dum piscaretur , servis ipsius demandavit ? *Tuscanum* nutricis filium relegavit : *Senecam* Præceptorem omni egregiæ virtutis laude cumulatissimum , & sapientiz admirabile exemplum incitis venis quasi per ludum aliquem & jocum , ad necem compulit ? *Cassio Longino* jurisconsulto oculos effodit ? *Romam* denique urbem patriam veterum ædificiorum deformitate offensus incendit ? & incendium omnis humani divinique juris oblitus , latis oculis , & hilari vultu è turri *Mæcenatica* prospexit ? Turpe profecto facinus , & furiarum ultricibus pœnis multandum ! Sed ut à profanis , ad Sacra transeam , *Simeon & Levi* , vehementi ira perciti , ob *Dina* Sororis suæ raptum , statuerunt quidquid futurum esset , *Sichemitas* omnes internicere , nulla nec periculi sui , & parentis ac fratrum suorum , nec innocentiz eorum qui ex *Sichemitis* infantes erant , habita ratione. *David* qui stationem ruebatur Regis nec seculo pœnitendi , nec animo dejectissimi , cum audiret se à *Nabate* , qui omnem humanitatis sensum à se penitus abdicaverat , repulsum , è vestigio ira accensus , sese ad illum , & quidquid ejus erat perdendum accinxit , præter naturam suam. Fuit enim ille si quis unquam , Princeps clementissimus , & in ferendis injuriis moderatissimus. Sed nullam non vincit , & domat virtutem hæc perturbatio , ubi in animo pedem fixit. *Abimelech* Judex populi Israëlitiæ devictis *Sichemitis* , & oppido *Thebes* obseffo , & expugnato , oppidanis in turrim confugientibus , adhuc furore ardens , cum ad eam obsidendam properaret , dejecto fragmine molæ in ejus caput à muliere

vitam

super ipsum cadentis pondere suffocati
que præcipitantia, insignis victoria
nibus excidit. Et quis tandem, Audito
plorum esset finis, si omnia quæ huc fa-
sere esset animus, me, & certe vos fa-
possum tamen quin unum hic in medi-
cam, non minus horrendum, quæ-
bile, quod de Majoracensi quodam c.
servo Historici referunt. Cum enim
suum indignis modis, levem quandam
excepisset, ira hinc & vindictæ cupidi-
sus, hero peragre profecto, domum
clausit, & matrefamilias vinctæ, filios
sublimiorem domus partem secum a
domum reversus, servo de culmine ses-
ti & ulcisci certo, minari cœpit, quo-
duos hic filios è tecto præcipites jeci
consternatus Pater, cum etiam tertio
eti veniam, & libertatem servo pollic-
nihil hic inquit efficies: nares oportet
das, si tertium filium servatum velis.
ditionem Pater, sed naso jam mutil-

veterum *Cycloppum* familia immanius excogitari? Et quæ tragœdia vel *Medea* aut *Thyestes* cum hac collata, Comœdia videri non possit?

Videris Auditores funestissima iræ effecta, ubi immissis semel furoris habenis, celsiores omnes modestiæ calles supergressa, impotenter dominatur, & furit. Harpius similis quæ contactu, & uingibus omnia diripiunt, & fœdant. *Marinus* egregius ille belli dux, cuidam ipsum reprehendenti, quod multa contra leges, & mores Reip. committeret, non audio inquit, quid dicas propter armorum strepitum: de ira idem mihi nunc dicere licet cum qua nihil rectè, nihil consideratè fieri potest, quamdiu enim illa furit, æstuat, debacchatur, nullus rationi locus est, nullus æquitati: Silent sub turbulento ejus imperio jura, statuta, leges, & si quid salutare suggeris, operam ludis, & surdo narras fabulam. Hanc ergo perniciosam animi pestem, ut orationi meæ finem imponam, sanguine viperino cautius fugite, & aditus illi omnes tanquam hosti capitali præcludite: nam cum intravit, & portis semel se intulit, modum à captivis non capit.

Scia fertur equus antrix, nec audit cursum lachrimas

Cogitate facilitate nihil homini melius, nihilque laudabilius, nihil quoque magno & præclaro viro dignius placabilitate & clementia. Illam esse quæ Regnis pacem, quæ concordiam populis, tranquillitatem Rebus publicis, fortunis & opibus incrementum, oppidis florem, difficillimis temporibus serenitatem, & gaudium largitur. Contra iram perturbationum omnium esse violentissimam, teterriam, homineque indignam, cædium causam, calamitatis sociam, & nullam pestem generi humano pluris unquam stetisse: Iram agere hominem in perniciem, sermones ejicere impudicos, amarulentos, scurriles. Ponite vobis ob oculos tragicos eorum exitus, qui huic affectui plus nimio indulserunt. *C. Flaminium, & Marcum*

Max-

Marcellum, Consules bello intrepidus, & strenuus, victos tamen ab *Annibale*, quod natura prompti, & præcipitis iræ, fortunam, Martisque aleam sapius tentarent. *Annibalem* oculos Romanorum sanguine avidè quidem pascentem, sed ac voluntariam tandem mortem compulsam. *Mithridatem* Regem qui una epistola octoginta millia civium Romanorum in *Asia* interemit, verum mortem tandem ipse suam bibere fuit coactus. Cruelissimum *Neronem* in suo ipsius sanguine se volutantem: parricidam denique *Caracallam* centurio gladio confossum. Et quorsum hæc omnia Auditores, quorsum? Huc nempe spectant, ut inferioris ordinis homines exosculentur mansuetudinem, clementiam Superiores amplexentur, quæ *Cæsarem* Deum fecit, quæ *Augustum* consecravit, quæ *Antonium* in primis Pii nomine ornavit. Dixi

ORATIO XVI.

De Causis, & remediis Iræ,

Habita ab

HENRICO SPIERINCHOUCK

QUI corporis humani valetudinem sibi curandam proponunt, si ad ægrum eos evocari contingat, hoc illis in primis curæ esse solet, ut ægrotantis vultum intentius contemplantur, manum carpi arteriam contrectent, motum explorent, dum denique spirantem, ac loquentem observent, unde morbum latentem deprehendant, & deprehensum remediis præsentissimis expellant: Idem in cura animæ nobis faciendum esse arbitramur, ut scilicet expensis, & consideratis iracundiæ malis quæ tum privatim, tum publice generi humano infert, de tanti mali remediis serio nunc à nobis cogitetur. Quod ut fiat, impetrata à vobis, Auditores, venia, Medicorum exemplum

plum imitati, causas hujus perturbationis primum inquiremus, & unde originem suam trahat hæc animi pestis, deinde quæ adhibenda ei sunt remedia, & qua potissimum ratione tam violentus in nobis effectus compesci, & coerceri possit, ordine videbimus. Gravis quidem est, fateor, & ardua provincia, quam in me suscepi, sed illud non parum me excitulat, quod, quanquam humeris meis impar hoc onus esse videatur, vos omnes tamen habeo susceptæ hujus provinciæ meæ non solum suffragatores, verum etiam æquissimos tenuitatis meæ æstimatores, & me apud eos dicere video, quorum mihi perspecta est benevolentia, quæque illud plus satis exploratum est: *qui non præstat quid vult, præstat quod potest.*

Ut igitur ad rem ipsam accedam, audivistis inter alias animi perturbationes, iram belluam illam feram, immanem, intolerandam, principem obtinere locum, & nullum dari affectum qui impotentius agat, & abripiat homines, nullum qui perniciosior sit, præsertim si Regum, & magnatum animos invadat, & occupet: qui quò magis auctoritate, & imperio pollent, eo gravius, & formidabilius excandescunt. Quis enim superba palatia funditus everfa, expugnatas arces, agros exustos, urbes florentissimas solo æquatas, regna potentissima devastata penitus, & exhausta, ad amissim commemoret? cui tantum est flumen ingenii, tanta dicendi vis, tantaque copia, qui seditiones, bella, latrocinia, sacrilegia, bonorum oppressiones, cædes, rapinas quibus mundus perpetuo laborat, recensere aut oratione complecti queat? quis amicitias quas sanctas, ac immortales esse oportet, ab ira non dissutas modo, sed violatas enumerare possit? certe neis quidem cui Periclaea esset, aut Tulliana eloquentia. Lernæa enim hæc Hydra est, cui conficiendæ vix par sit Hercules, quæ recisa multoties semper repullulat foecunda in stragem, atque ut compendio dicam: vera ma-

lorum

lorum *Ilias*. At hujus mali dicat aliquis quæ causâ? & à quo fonte potissimum manat, ac fuit perturbationum illa omnium deterrima? Prima certe ejus mihi causa videtur esse superbia: neque enim ullum superbum videas, non impatientem, non morosum, non irritatu facilem, si quid in ullum peccetur, & se sperni ab aliquo, aut non reverenter satis haberi, in animum inducat. Vultis exempla? quid quæso *Ajacem* in tantum furorem, & rabiem conjecit, nisi quod se contemni putaret ab iis, qui plus præsidii in prudentum consiliis, quam pugnantium viribus statuebant: *Ajacem* quidem ad arma promptum esse, sed temerarium; contra vero *Ulyssen* in rebus gerendis prudentem, illum corpore prodesse, hunc animo. *Ulysses* denique quantum gubernator navis remigi, & dux militi gregario præstat, tantum *Ajacem* antecellere, ideoque *Achillis* arma *Ulyssi* adjudicari justum, & æquum esse, judicarunt. Quod illum tam male habuit, ut laxata iræ fibula, manus sibi violentas inferre nullus dubitaverit. Quæ causa fuit cum *Nebucadnezar*, ira abreptus, tres illos juvenes qui statuam ipsius adorare noluerant, repente in fornacem ardentem conjici juberet, nisi superbus, & crudelis ipsius animus, qui gloriam humana sorte majorem, & soli divinæ majestati convenientem, ferre non poterat, eam quacunque etiam de causa Idolo suo denegari. Et ut Veterum exemplis hoc novum attexam: *Philippus Cominans* inter alias causas quæ *Ducem Burgundie* in ruinam præcipitem egerunt, hanc notat non ex minimis, nempe ambitionem, & ad antiquorum Principum gloriam assurgendi cupidinem, quæ illum iracundum reddebat, & promptum ad bellum vicinis omnibus, quorum aliqui eo longe prudentiores erant, temere, & sine causa inferendum.

Quum igitur ira ex superbia nascatur, nulla ejus compescendæ brevior est via, quam te tuaque

&

manibus mansuete, modestoque vestiri,
 & humilitatem hic intelligo, non
 stridens oculorum palpebris, aut sub
 latus obsoletis delirascit lacrimis, sed quæ in
 modesta. Hæc mansuetudinem perpetuam
 adiungit: & ut iracundia & super-
 bia plerumque fieri solet in sub uno eodem-
 que, & in eadem sede morentur mansuetu-
 dinis. Hæc patet colenda & tanquam
 æternam ceteris virtutibus subiacenda. Ab
 illa est, quod te avocare possit, aut debeat.
 nullus sunt & opere in bonis fortuna futura
 fuisse intulisse se, non infirmam esse in rebus
 & non se aliis præferre propter abundantiam for-
 tæ plenam te esse dicis; & doctum? nun-
 quam, diceres. Sapiens enim quantum si-
 bi intelligit, nec gloriatur unquam, sed
 a. Superbis ob honores, & illite morosum
 n; & iracundum? Immo perminat brevis hora
 & Quam dies videt veniens superbium, hunc dies
 iacens jacentem. Et ut bene alibi Horatius: Qui-
 Regno sedit; & magna potens dominatur aula,
 ab hostibus Deos, animamque rebus creditum laus
 non videat, & te Troja non unquam talis docu-
 sse majora, quam fragilis latus starent superbi. O
 item, qui hic prudens! & cum vitæ hujus
 statem secum expenditur, non superbiam
 n; sed morositatem, & iram facile depo-
 sit exuet.

era iracundiæ causa est agnata illa nobis
 ria; & amor nostri, cum delicata nimis, &
 femina pene dixeram curiositate conjun-
 ut videre est in iis qui de cultu corporis,
 nna vestium forma, tanquam si ex arcula
 rent, nec non de exquisito ciborum appa-
 ratus nimio solliciti sunt. Illi enim si mensa
 satis splendide strata, & in pompam, & si
 inferantur, non satis ad ipsorum palatum, si
 te sumus aliquis oboritur in conclavi, si fo-

cus non satis sit luculentus, fal in mensa neglectus, panis solito durior, candela non dextre satis emuncta, pileum aut pallium malè purgatum, calcei parum extersi, musca parum curiose fugata, aut clavis negligentius manibus elapsa, levi de causa, modo uxori, modo liberis, modo servis succensent, non satis suo pretio æstimari. Nihil tam minutum est, nihil tam leviculum, quod iracundos illos, & morose delicatulos non offendat, articulari morbo laborantibus non absimiles, quorum exemplo sæpe antequam tanguntur, exclamant. Sed curiositatis hujus, & iracundiæ ex ea nascentis, corrigendæ ratio, non aliunde quàm à frugalitate petenda est, & ea tantum expetenda, quæ ad vitæ sustentationem sunt necessaria. *Socrates* virtutum viva imago, quum die quodam in mercatu, alios aliud ementes videret, fertur *Dædalo* gratias egisse, quod illis omnibus facile careret. Et magnus ille dolii habitator *Diogenes*, cum forte pueros aquam manu haurientes videret, patinam ligneam abjecisse, memoriæ proditum est, addita hac ratione, *nesciebam*, inquit, *homini tam bene à naturâ prospectum*. Exemplà hæc imitati eam vitæ rationem teneamus, ut corpori tantum indulgeatur, quantum satis. Cibus famem sedet, potio sitim restinguat, & cultus corporis ad honestatem compolitus sit, non ad curiositatem, non ad pompam. Est & alia iracundiæ causa Auditores, nimia scilicet credulitas, temeraria, aures quibusvis delationibus aperiendi facilitas, & propensio; quâ fit ut teneris adeò sint auribus, ut quælibet pro veris arripiant, & levissimo rumusculo irritentur. Male. Dandum semper est tempus; veritatem dies aperit: quæ inviti audimus, libenter credimus, & antequam judicemus, irascimur. Sic pauperes, tenuioris fortunæ homines, ut & illi qui aliquo corporis vitio laborant, quavis de causa facile excandescunt, quod scilicet male suspicaces, sibi persuadeant se ab aliis contemni, ut senes,

senes, ægri, claudi, lippi, lufci, vari, valgi, gibbofi, & id genus alii. Ita humiles illi animi, *quæ lava in parte mamilla nil falit*, ab iræ impetu (ut exulcerata, & ægra corpora ad iñtus levillimos gemunt) concutiuntur magis; ut pueri, feminæ, frigidaque temperaturæ homines. At fortes, magnanimi, etfi ab innato calore ad iram proniores effe videantur, tardius nihilominus succensent, quod vilia putant, quæ grandia pusillanimis apparent: sic. biliofi facilius irritantur, frigidi iram fervant dictius, sanguinei eam citò concipiunt, quia calidi, sed cito eam deponunt, quia humidi. Nihil quoque magis facit iracundos, quàm educatio mollis, & blanda. Est & victus ratio aliqua quæ bilem auget, ut cibi calidiores. Idem præstat inedia quæ cerebrum iudiciumque vehementer debilitat. Unde qui semel tantum die vescuntur, & cibum capiunt, ad iram sunt promptissimi.

Sed violentæ huic animæ perturbationi tempestivè occurrendum Auditores, ne quæ nos infestat, in naturam abeat. Quod ut fiat, menti primò fixum sit, & immotum, non sequi iracundiæ stimulos, perpetuòque in eam curam excubet, ne unquam de folio deturbetur. Nam ut navis quæ inter fluctus sine clavo jactatur, ventis ludibrium debet, & mari: Sic mens quæ in hac vita sine Sapientie gubernaculo. Arduum quidem hoc esse fateor, & homini pene desperatum. Quis enim in tanta rerum gerundarum varietate, quali è speculâ in id perpetuò evigilet, ne à domestico illo hoste opprimatur. Sed quo gravior est homini iusta cum hoc affectu, eò plus laudis referet, si fræno iræ injecto, totus feratur adverso veluti flumine, ad seriam animi moderationem, vimque ejus frangat, ac debilitet. Ut enim illi qui ligna distorta dirigunt, non satis habent ea flexisse ad statum in quo consistere volunt, sed adhuc ultra nituntur in partem adversam, quo spatium nafta recurrenti, in medio commodius illa sub-

G

fidant

fidant. Sic ab ira quam longissime nos abduci oportet, ut nitente in oppositum naturâ, medium teneamus. Quod elegantissima & vel aureis litteris signanda similitudine docuit divus *Chrysostomus*: *Ut ignem, inquit, si vehementius aggressus fueris, extinguas, si modicè, & cunctanter invadas, uras: sic in vitiis coercendis, si paulatim coneris, eorum vi abripere; sin totis viribus oppugnes, quam facillimè frigeris.* Spartani minutis præliis, ac velitatiunculis, Thebanos infestando, eos de ignavis strenuos fecere bellatores, nec ante animadverterunt errorem, quam insigni ab iis accepta clade non libertatis modo, sed patriæ jacturam fecissent. Satiùs longe profecto fuisset, initio imbelles omni conatu opprimere, quam lento, & segni prælio Remp. periclitari: Ita Auditores, inquam, cum iracundiâ agendum nobis esse, in animum inducamus: memores illius Poëtæ:

Animum rege qui nisi pareat

Imperat.

Atque adeò in ortu opprimenda, opprimenda inquam, ne dato spatio vires recolligat, & incautos dejiciat. Si autem accadat nos factò alicujus offendi, ut culicem aut muscam moleste circumstrepentem levi manu, & sine ira dispellimus: idem hic fiat; quid amplius? in mentem veniat à nobis quoque, non pauca perperam fieri quæ alios offendunt & quæ veniam desiderant: utique tacitus speculator sui, sensorque secretus, ad singula quibus offenditur, dicat: *Hæc & ipse commissi.* Ad hæc cogitet proclivitatem illam ad iram, calorem, præcipationem, impetum impotentis animi signa esse, non fortitudinem: illos contra vere fortes esse, qui magno *Catonis* animo contumelias, convicia, calumnias spernunt, & Stoï stomacho concoquunt: imo nulla dote, nullo vere virtutis mortalitatem propius ad naturæ vinæ similitudinem accedere, quam ignoscere erroribus, & obliviscendo injurias. Ex

3 *Aristippi*, qui à quodam contumeliis
 nihil tamen commotus ; *penes te*, inquit,
 1, *penes me audire* : & *Xenophontem* male-
 cuidam : Tu inquit maledicere didicisti,
 2 *clementia*, maledicta contemnere. Sic & So-
 3 e illud patientiz exemplum ab *Aristo-*
 4 te in Theatro verborum laceratus con-
 tum abest ut hoc ægre, molesteque tu-
 5 etiam obviam sibi factum adversarium
 compellaverit, *An se rursus opus haberet*
contumeliam ? Exemplo *Medicorum* qui
 6 borantibus multa condonant, multa
 si perperam ab illis nonnulla gesta, si
 7 tam in cibo metam transgressi, vetitos
 ferint, interdictas potiones hauserint,
 8 severius illos increpant, aut graviori-
 objurgant ; verum mollioribus dictis
 assentantur, adblandiuntur, arrident,
 9 ia sua consilia referunt, ut mitigent,
 10 sensim minuant. Recte mehercule,
 11 forte si calcitraret, bos intentaret cor-
 allatraret, aut morderet, nonne deri-
 12 se propinarent, par pari referre qui
 Sic si utrinque certabitur ille est me-
 13 ior pedem retulit : victus est, qui vicit.
 14 tra ille animus, & verus æstimator sui,
 15 indicat injuriam, quia non sentit. Spa-
 16 tie animo concedendum est, ut se re-
 17 iuxta illud Poëtæ.

Imo tenuemque moram, malè cuncta ministras

Impetus. —————

Item :

habent parva commoda magna mora.

1 am olim hoc ab *Athenodoro* Philoso-
 2 aledicturus aulæ, monuit *Augustum*, ne
 3 n irâ diceret faceretve, quàm literas
 4 præci in digitos numerasset, quo inter-
 5 ad se redeundi spatium daretur. O
 6 gnam, & verè dignam quæ in omnibus

Principum palatiis, aureis literis consignabatur videlicet insignis Philosophus summa potestate constituto nihil esse in limine debellandum, quam animum uldum: frænum esse imponendum iracundum maxime sit inimica rationi, non dire nisi temporis exiguitate: Omnes denliendas irascendi occasiones. Nam ut be*o* *ocasio peccandi voluntatem facit*, eoque vialiter quam in navigando procella. Vi17, Rex Thraciæ, vasa enim torno egregiata, sed fragilia, dono sibi oblata confine cum iracundiozem se natura intellirum causa, faviret aliquando in dome*o* denter mehercule!

Nam ut Planetæ eò tardius movent sublimiori sunt sphæra: ita quanto majcipum potentia, tanto magis suis affecterari, & temperare debent, regique absumiles, qui felle, & aculeo darentmem à se amoliri. Facilius enim elre perniciofa, quàm regere: & non: quàm admissa moderari, nam cum sefiione posuerunt, potentiora rectore surcidi se, minuive patiuntur. Sic *Fabius*vicit quam *Annibalem*. Quid *Scipio*? n*o* & *o* *Annibale*, Punico exercitu, omnibus irascendum erat, bellum in Africalit, tam lentus ut opinionem luxuriæ i malevolis daret? O pulchre! Ira enim meritatem prona est, & cupida punietaut nocuit, aut nocere voluit: ita mitus animus peccantes non persequiturcat, & id judicari vult, quod æquum dimittit sæpe eum, cujus peccatum de si poenitentia facti spem bonam pollicintelligit non ex alto venire nequitiam*o*, quod ajunt, animo inhaerere. V

ignoscere pulchrum

non misere, pamaque genus vidisse precantem :

quicquam magnum, nisi quod simul & pla-
num. Dixi.

O R A T I O XVII.

In laudem Alexandri Magni,

Habita ab

ADRIANO MONTANO.

Virtutum, extra omnem dubitationis aleam, nobilissima est fortitudo. Ideo à viro illa notum apud Latinos, & Græcos sortita est, quod nec maxime deceat, & non nisi Dei, summi liis rerum humanarum arbitri providentia, & principum militumque virtute Resp. protegi, ac defendi posse, haud perperam statuerunt Sapientes. Hacque de causa prudentissimo consilio ac iussu, magna semper præmia, magna conparia decreta iis qui longe hac præ aliis excelluerunt, erectæ quoque statux, delati tituli, trophæa, monumenta, epitaphia, coronæ obsidionales, castrenses, murales, navales, civicæ. Neque mehercule injuriâ. Quis enim non laudibus in cælum evehendos, amplissimisque honoribus condecorandos eos esse censeat, qui summa viræ discrimina infracto animo subeunt, aut ea strenuè, fortiterque propulsant, & pro salute, ac libertate patriæ, fortunisque cum suis tum aliorum tuendis, sanguinem effundere suum, data occasione nulli dubitant? Sed, si ut Sapientibus placet, præmiorum *δῶρον* in Rep. est necessaria, certe & hoc vel imprimis necessarium esse arbitror, ut non viventium tantum, sed & defunctorum ratio habeatur, quæ magnitudinem rerum gestarum, & merita eorum exaquet, ut in mortuis etiam nominis eorum fama perennet; aliisque virtutis subvecta, in sexam posteritatem

se diffundat, & animis nunquam eorum exole-
 scat, quos natura tanquam fortitudinis, & pruden-
 tiæ exempla in illustri hoc mundi Theatro collo-
 cavit. Talis mihi præ aliis, ne longius abeam,
Alexander nomine & reverà magnus, nulli Vete-
 rum, tum rerum gestarum gloria, tum generis il-
 lustrissimi antiquitate, tum invictissimi animi
 magnitudine, tum maxima potentia, ac amplitu-
 dine Imperii, tum summæ felicitatis admiratio-
 ne, postponendus. In cujus encomia, & laudes in-
 præsentiarum nunc ire in animum induxi, ejus-
 quæ pro ingenii modulo virtutes depradicare. Hoc
 unum Auditores à vobis qua possum animi demis-
 sione contendens, ut qua alios benevolentia ante
 me, ex hoc loco dicentes complexi estis, eadem
 nunc & me complecti dignemini.

Alexandri prosapiam si exquiritis, natus hic
 stirpe vere nobili: Patrem enim habuit regem,
 matrem Olympiadem *Neoptolemi* regis filiam. Pa-
 trem eximiæ fortitudinis virum, & imperatoriis
 virtutibus si quis unquam Regum aut Principum,
 insigniter instructum. Natus in urbe *Pella* urbium
Macedonia non ignobili, & ea ipsa die qua natus,
 duæ aquilæ diem totum fastigio domus involi-
 tantes, nomen duplicis Imperii *Europa*, atque *Asia*
 non obscure portendere visæ sunt. Nam adepto
 longè potentissimo *Macedonia* regno, tanta cum
 prudentia, tantaque animi fortitudine, magni il-
 lius Regni gubernacula tenuit, & Imperii habe-
 nas, ut non solum Majoribus suis, qui & hono-
 rum semper cumulo, & rerum gestarum gloriâ
 maxime eminuerunt, similis fuerit, sed & nomi-
 nis eorum splendori haud exiguum quoque attu-
 lerit lucem, imo tantam, ut quotiescunque Prin-
 cipis hujus virtutes, ac præclara facinora seria co-
 gitatione complector, & quam ex iis consecutus
 sit nominis, & famæ claritatem, ingenuè fateor,
 mentis meæ aciem sic ea perstringi, ut ad hunc so-
 lem hebescat plane, & caliget. Verum ut Solem
 adver-

adversum intueri non est hominis ; sed ex radiis longè lateque diffusis quanta sit ejus magnitudo , quamque immensum sit lumen , facile est comminisci : ita quamvis in splendidissimas illas virtutes , quæ in hujus Principis heroïca plane anima olim fuere , mentis oculos defigere nequeam , magisque metuum ne quid de illius magnitudine dederam , quàm eam me verbis exquare posse confidam , tamen ex optimis ejus actionibus , & rebus præclare gestis , quam excelsi fuerit animi , levi saltem Orationis penicillo adumbrare conabor.

Ab ineunte ætate generosa , egregiaque suæ indolis si quisquam manifestissima indicia proferre cupit. Factus enim annorum duodecim , cum ex æqualibus nonnulli ex eo percontarentur , in Olympico nunquid stadio libens decertaret (plurimum enim pedum velocitate pollebat (*libens equidem*, inquit, *si decertaturos mecum Reges sibi habiturus, aut Regum filios*. Et cum olim forte absente patre Philippo legati à Persarum Rege venissent , eos cum hospitio , tum consuetudine captos , jucundissima sibi familiaritate conjunxit , admirantes in tanta annorum immaturitate , tantam mentis maturitatem , quod is nihil aut humile , aut puerile sciscitaretur , sed aut viarum longitudinem , aut superiorum itinerum modos perquirebat : multà super Rege , qualis in hostes esset , nunc super Persis , quæ vires , aut quæ eorum esset potentia , rogabat , quasi ab incunabulis maximarum rerum administrationi innutritus. Quas res admirati legati latè diffusam Philippi gravitatem , nihil præ hujus pueri indole , & majore quàm ætas pateretur , animi magnitudine duxerunt : nempe

Multum teneris sibi spondet ab annis

Vox populi, & primo præsagia sumit ab ostro.

Et ut à matutinâ cœli facie , reliquum diem conjicimus : sic à primis virtutis igniculis , in ætate puerili , reliquam vitam. Mores enim & jam

tum in illa ætatis teneritate graves, severi, positi, & humanitatis tamen, ac facilitatis iumento temperati: ut eos quibus cum una & credibili quadam morum suavitate conciliabim, & exemplo suo, ab omni vitæ licentia caret. Quanta autem in eo adhuc puero, in arduis suscipiendis animi promptitudo? Appone multa adducam exempla, in Bucephalo forma quidem spectabili, sed ferocissimo. cum Philippus pater abduci, atque removefisset, quod sessorem non ferret, & in ortu surgeret, Alexander cum forte adesset; & inquit, *isti equum perdunt dum eo per insperati nesciunt*, moxque ad equum accurrens reptis habenis, eum convertit ad solem. iterat enim quod incurrentem, & agitatam oculos umbram cernens, percelleretur: molliter eum ad cursum incitavit: quem ut rocientem vidit, & exultantem, abjecta lachlamyde infiliit in eum, & nullo negotio scendit. Frango autem placidè arrepto, sine calcipetum ejus repressit: sed ut mitigatâ feræ equum currere gestientem vidit, admisit jam vocemque ferociorem, ac pedum pulsum buit. Quid hic *Philippus*? sollicitudo, ac sile eum primum incescit; mox gaudium non si chrymis, cum equum reduxisset, filiumque cularus in has erupisse voces, fertur: *Quare, fili per tibi regnum, quando te jam Macedonia non Præfagiebat* quippe vir prudens, tam excelsi doli non suffecturam paternam ditionem. mehercule de nihilo. Huic enim patris pre-eventus postea haud infeliciter respondit.

Quantus enim in hoc principe adhuc Martis verè pullo, nominis parandî ardor? ta ad majorum suorum gloriam, & decus gendi cupido? Quoties à patre aut nobile dam captum oppidum, aut memorabili parta victoria nuntiabatur, haud mag

et, sed ad æquales conversus : *Omnia ÷ accipiat, ita ut ne nobiscum grande ullum, actus ostentare sit reliquum.* Non enim illecebrarum, aut pecunie : sed sola ut gloriæ cupido tenebat ; quoque mare facultates acciperet, eo se minora gerens existimabat. Quocirca crescente Domini præclaris gerendis, materiam magna exhaustum iri ratus, non opes, non non epulas, non convivia, verum certaginas ardebat, & principatum, atque unam virtute sua, nominisque immortalaret, affectabat. Adeptus enim, ilippo, Imperium, vigesimo ætatis ante invidiâ, & gravissimis odiis, ac peripæ circumseptum, tantâ cum humanidentia rexit, ut conciliatâ sibi vulgi bealium corpus, non virtutem, alii vero egis solum immutatum esse dicerent. Item non ira multo post expeditione in quam generali totius *Græcia* concilio erat designatus, ut *Persæ* bellum inferaciam sæpe multis cladibus affligerant, icritate, fortitudine, vigilantia, quantalitate, illam terrarum maximam atffissimam, armis debellatam imperio suo ngentibus vastisque fluminibus similis, ab ortu ipso magna sint, perpetuo tamen ressu, eo majores undas volvunt, eo amertuntur alveis, quo à fontibus suis lonerunt. Sedatis enim motibus, quibus deia ad *Persas*, *Athenienses*, *Thebani* ac *Lacedæmonem* dederant, ad *Hellæspontum* ita profectus, in Asiam ut viam futuræ i aperiret, incredibili ardore mentis rajecit, & parva militum manu, nempe triginta millibus peditum, quinque quitum, navibusque centum & octo- animo supplens, quod numero deerat)

potentissimum Persarum Regem *Darium*, cujus copiae erant decies centum millium hominum, iteratis praeliis profligavit, attrivit, vicit, triumphum prope annorum spatio, universum terrarum Orbem ridente illi fortunâ, sub potestatem suam redegit. Quid mirum? Erat enim si quisquam Princeps bellicosissimus, in consiliis exequendis celerissimus, in periculis aggrediendis paratissimus, nec magis imperatoriis virtutibus fretus, quam fortunâ, & audaciâ: ut si necessitas postularet, non minus militem ageret, quam belli ducem. Vultis exempla Auditores? Infinita futura esset Oratio & multorum dierum non unius horæ, si singula persequi vellem. Quam enim excelsò animo maxima, & inaccessa tentavit, absolvit! Unum tantum adducam, quod nobis erit instar omnium, nam cum ipse se satis laudet, ego præstantiam ipsius tantus admirari malo, quàm & infantiam meam prodere, & laudes ipsius ingenii culpa deterere: sed ex ungue leonem. Quid enim dictis opus est, ubi facta ipsa loqui quodammodo videntur? Quàm generoso, & infracto animo oppidum *Oxydracum* arripuit? Primum enim eò cum pervenisset, admoveri scalas jussit, cunctantibus aliis, ilico plenus virium, sanguinis, animi evadit in murum. Sed cum hæreret magis, quam staret in muri margine. Ille quid? desiliit? aut pedem retulit? Minime. Sed clypeo undique ingruentia tela propulsans, intrepide impetum hostilem sustinuit, tanto vitæ periculo, ut jam jam periisse videretur. Undique enim ex turribus petebatur, nec subire milites poterant, quia supernè vi telorum obruebantur. Tandem magnitudinem periculi pudor vicit; quippe cernebant cunctatione sua deditionibus Regem. Sed festinando morabantur auxilia. Nam dum pro se quisque certat evadere, onerare scalas, quæ non sufficientibus devoluti unicam spem Regis sefellerunt. Rex clamantibus amicis, ut ad ipsos desiliret, tantum abest ut aurem

in præbuerit, ut contra in urbem hostium plenam, præcipiti saltu, semet ipse immiserit. Audax mehercule facinus! quippe antequam assurgeret opprimi poterat, & capi vivus. Sed forte ira liberaverat corpus, ut se pedibus exciperet. Itaque stans in pugnam, donec gravi vulnere afflictus, magna in sanguinis emicante, remisit arma moribundo similis, adeoque resolutus, ut ne ad vellendum quidem telum sufficeret dextra. Sed cum ad exspoliandum corpus, qui vulneraverat, alacer gaudio accurreret, ultimi dedecoris indignitate commotus, linquentem revocavit animum, & nudum hostis latus subjecto mucrone hausit. O invictum animi robur! O constantiam admirabilem! Tandem *Pencestes* per aliam oppidi partem deturbatis propugnatoribus, Regi supervenit, qui tribus jaculis confossus, non se tamen scuto, sed Regem tuebatur. Subiit quoque *Timans* qui multis adverso corpore vulneribus acceptis, egregiâque editâ pugnam tandem cecidit. *Leonatus* etiam dum avidè ruentes Barbaros submovet, cervice graviter ictâ, semianimis procubuit ante regis pedes. Jam & *Pencestes* vulneribus fatigatus submiserat clypeum. In *Aristono* spes ultima hærebat: hic quoque graviter saucius tantam vim hostium ultra sustinere non poterat. Inter hæc ad *Macedones*, Regem cecidisse, famâ perlata est. Terruisset alios quod illos incitabat. Nam periculi omnes immemores & vitæ prodigi, dolabris perfregère murum, & quâ moliti erant aditum irrupere in urbem; Indosque plures fugientes, quàm congredi ausos, cecidere. Senibus, feminis, infantibus non parcur. Quisquis occurrerat, ab illo vulneratum Regem esse credebant. Quid multa Auditores? cuncta egregii Ducis munia implevit, nusquam sibi in periculis indulgit, eâque de causâ cum nullo unquam hostium congressus est, quem non vicerit, nullam gentem adiit, quam non sub jugum redegerit, & potestatem.

Τὸ γὰρ βέλτερον ποιεῖν πάντων πραγμάτων
Voluntas ad laborem propensa cuncta vinocem
superare consuevit.

Sed bellicis ejus virtutibus recensendis, ne oratione vestra abuti videar, supersedeo, amice Principis nostri virtutes morales fuerint videamus. Inter alias facile de principatu contendit Justitiam, cuius si quisquam fuit observantissimus. Numquam enim ad jus dicendum se accinxit, nec ad quæ suorum, & accusationes audiendas se compellit, nisi clausam alteram suam aure, quam integram, & libatam accusato servavit, ne temere quemquam aut indicta causa condemnaret, memorabile est: *Μὰ δὲ δίκην δικάσας ὀπίθ' ἀμφοῖν μέθυσεν.* Przclare mehercule, & sapienter! illa quæpe omnium virtutum regina est, imperiorum fides, & fundamentum. Sine qua leges velut gladius in vaginam reconditus, vel in usu consenscunt fraudulenter malis artibus circumveniuntur: Aut vitam à vita tollat, qui Justitiam à Mundo lita. Eam enim remotam, quid regna sunt, quid principatus, quid imperia, nisi magna latrocinia? unde & impietatis asyla, scelerum officina, ubi licet immixtis habentis, celsiores pudoris, & verecundæ calles supergressa, impune dominatur, & fides. Contra ubicunque Justitia dominatur, illinc fides, illinc doli, illinc perjuria exfulant; non avari, non raptores, non fures, non sicarii, non perfici, non latrones reperiuntur: ea denique per modum eveniunt quæ antea ætatis hominibus venisse memorantur. Hanc regiarum virtutem gemulam præ aliis amavit, hanc intime cotinquantum unicum Regni sui stabilimentum, & ens. Ac ne suo tantum arbitrio, quod fere est rannorum, Rempublicam regere, & administrare videretur nullum ille unquam facinus magnum, & mirabile aggressus est, nisi prius in consilium aditis Satrapis suis, & purpuratis, qui auctoritate prudentia apud eum pollebant, quibuscum

gravissima Imperii negotia communicare nunquam subterfugit. Sciebat enim vir altæ mentis, nihil Principi, nihil quoque magnis consiliis magis esse inimicum, quam *φιλαυτιαν*, & plus *Εγερίας* arcanis, quàm *Ματι* & armis acceptum referri, palmasque omnes, laureas, trophæa, non tam la-certorum firmitudine & armorum potentiâ erigi, quam animi robore, & prudentiâ. Ita profecto est. Quid enim aliud *Mercurii*, ac *Marti* in unum corpus conflatorum simulachrum? quid duorum conjunctæ aræ? quid conjuncta delubra aliud significarunt, quam *Mercurium*, hoc est consilium, ac ingenium ita necessarium *Marti*, & bellicis studiis esse, ut divelli alterum ab altero, sine alterius interitu non possit? Quid aliud Antiqui, cum *Palladem* fingunt ex cerebro Jovis natam, hasta, galea, clypeo, & ense cinctam? cum fabulantur lupum victum à vulpecula, & immani vastitate, ac robore gigantem ab *Ulyssæ* domitum, & oculo privatum *Cyclopem*? quam bellorum armorumque felicitatem, ac successum ab oculata prudentia, à consilio proficisci? Sed ne has solas in *Alexandro* virtutes fuisse arbitremini, fuit & naturâ temperantissimus, & in afflicto clementissimus. Cum enim nunciaretur, matrem uxoremq; *Darii*, & duas filias virginis, quæ inter captivas ducebantur, lamentari, *Darium* tanquam peremptum; *Alexander* illarum magis, quam sua permotus fortuna, *Leonato* ad eas misso imperat, ut nuntiet eis, nec *Darium* mortuum esse, nec esse quod *Alexandrum* timeant: quippe bellum cum *Dario Alexandrum* de imperio gerere, neque illis quicquam ex pristinâ fortunâ, quæ regnante *Dario* fuerat, defuturum. Dictum factum. Sed pulcherrimum, & maxime Rege dignum beneficium ejus in fœminas generosas captivas, & castas extitit, quod nihil neque audirent, neq; exspectarent turpe, sed quasi non in hostium castris, adeo non castis, verum in sacris Vestæ Templis servatæ, in abdito extra aliorum oculos age-

rent. Et quidem perhibetur Darii conjux longè omnium reginarum venustissima, ut virorum ille pulcherrimus, filiz etiam similes fuisse parentum. Sed Alexander profecto temperare sibi, quàm hostes vincere magis regium ducens, ab iis abstinuit, sancteque eas, & reverenter habuit.

Hic quid dicam Auditores? Uno hoc Oratio- nem meam vogo finiam. Faxit summus ille Imperiorum stator, & vindex Deus, ut hac in parte multi hodie Principes exemplum Alexandri sibi imitandum proponant, & pari studio ad regias has virtutes, præsertim temperantiam omnium virtutum fundamentum seriò contendant. Sine qua nihil homo boni non dico agere, sed ne cogitare quidem potest. Da enim mihi hominem intemperantem, cumque in hujus mundi theatro colloca, ad quæ hominum officia, ad quos vitæ usus erit idoneus? Hanc ergo ament, sectentur, colant, cujus præsidio tollentur ea quæ vitam intertem comitari solent flagitia, extinguuntur libidines, refrenatur luxuria, inhibetur crapula, reprimitur cursus earum rerum omnium quas nihil agendo male agere homines incipiunt. Contra voluptatem fugiant, quæ homines ab omnibus societatis humanæ officiis excludit, libertate exuit, humana forma spoliat, probum castis, labem integris, infamiam bonis infert, facitque ut navis discordibus acta ventis; sic hominis vita pugnantibus inter se foedissimarum libidinum flatibus agitata, in omnem vitiorum turpitudinem præceps ruat, quibus virtus atteritur, victoriæ languescunt, sopita gloria in infamiam convertitur, animique pariter & corporis vires expugnantur: adeo ut nescias ab hostibus ne, an ab illis capi perniciosius habendum sit.

O R A T I O XVIII.

In laudem Q. Mutii Scævolaë,

Recitata à

S I M O N E H E L L I O.

QUI ex hoc loco primum verba faciunt, solent in auspicio Orationis suæ quædam præfari unde sibi benevolentiam, & audientiam concilient. Quem quidem morem etsi non improbo, dignius tamen ornatissimo hoc doctissimorum virorum confesso fore arbitror, si secutus fuero disciplinam Arcopagitarum, apud quos olim lege sancitum erat, ne quid fas esset dicere, quod ad rem & propositum non attineret. In quam sententiam eo magis propendo, quod, quacunq; oculos flecto, tanta se dicendi materia offert ut vix mente complecti queam, quid primum, & quid posterius differendum esse videatur. Dicturus enim de *Q. Mutio Scævola* satis intelligo, quam difficile, quam arduum sit in laudes eorum ire, qui fortitudine sua æternum sibi nomen compararunt, & ad tantum gloriæ, & honoris apicem assurrexere, ut nullius quamlibet etiam disertis, & eloquentis oratio magnitudini unquam eorum respondere queat. Sed in hac conscientiam tenuitatis meæ una me cogitatio sublevat., quod mihi apud vos dicendum est, qui & ea prudentiam estis, ut quanta quis laude dignus sit, ex merito ipsius, non ex iis, quæ de eo dicuntur, ponderetis, & ea in nos qui cathedram hanc conscendimus benevolentia, ut eis qui potius quam officio suo deesse videantur, ejus pene oneri succumbere malunt, facile ac libenter ignoretis.

Itaque omnibus iis nunc posthabitis, quæ demerendi favoris ergo, asserenda esse, dicendi

ma-

magistri monent , orationem quam magni Romani laudibus devovi , vestra nixus humte , aggrediar.

Ita homines naturâ fere comparati sunt , more singulari patriam complecti , innatis pene sit , ac ingentum , & pro defendenda nascentes gremio , & sinu suo excepiti qua infantia eorum vagiit , pueritia ludit , ius educata est , maxima etiam vitæ discere subire non detrectent. Videmus ne longinquam in *Scavola* , qui cum patriam urbem , MAM annonæ laborantem inopiâ à *Porsetruscorum* rege , triennali obsidione , & quaratissima premi , bellisque continuis inanimadverteret , oppida diripi , vastari , idi , nullam sexus , nullam ordinis , nullatatis rationem haberi , cade ac sanguine commnia , tristissimi suorum status impatient dolore victus , omnes eò curas convertit , malo hoc diuturno urbem fortissimam liberhostiumque manibus vitam , bona , fortunas , juges , liberosque civium eriperet. Hæc ferietes diesque non temeritate , sed ratione , mentis impetu , sed deliberato consilio securputans , solus sese in castra conferre constituituens vero ne si inconsulto istud Senatu factransfuga haberetur , eundem adiit , petiit ver suamque his verbis mentem aperuit. Quis nostrarum sit status , & quanta huic urbi nimpendeant pericula , quanta discrimina , ipstis Patres , quamque indies tristissima patriælis vestris , nostrisque omnium sese offerat inFines nostros hostis ingressus , agris jam prexustis , prædiisque ac pomariis urbis ferro , fmaque miserrime devastatis , summam nobisnam minari , omniaque in eam moliri vide quæ ab infensissimo hoste expectari solent. calamitoso , ne dicam desperato pene rerum fquid vestra fide faciendum ; quid tentandum

tatis Patres , & quæ huic malo judicatis adhibenda esse remedia? Quis tandem obsidionis hujus eventus? quæ liberationis spes? copiisne nostris hosti occurreremus? sunt illæ ut nostis extenuatissimæ. Nec non fame, ignobili mortis genere, cum quâ diu nobis colluctandum fuit, fractæque pecuniae, & attritæ. Hostem nostrò sanguine cruentum, nostris spoliis onustum, & quem Tyrannum esse, unicuique nostrum est exploratum, in urbem harpi deditione recipimus, cochlearum more intra testam latitantes? Absit. Quis enim tam venalis animæ, tam sui prodigus, tam salutis suæ iratus? Mori centies, aut in remotissimis silvis, solitudinibus, resque, immanes inter feras oberrare, quàm hoc admissio, in urbe commorari, satius longè esse duco. Quandoquidem cicurari aliquando, & domari bestias videmus: At Tyranniquam diu spirant, non nisi cædes, lanienas, stupra, incendia, populationes respirant, jura omnia pervertunt, sacra profanis miscent, crudele imperium ubicunque admittuntur, exercent, leges iniquissimas ferunt, vitam juxta & bona optimi cujusque, & fortissimi civis proscribunt, eaque publicis præconum hastis, & carnificum gladiis subjiciunt: nec si vel *Prometheus* eos refingat, aut *Vulcanus* recudat, alii unquam futuri. Quid ergo mihi consultissimum hoc rerum articulo videatur, vobis exponam; clausis ut jam nobis ex desperatione crescat audacia, & cum spei nihil sit,umat arma formido. Stat sententia vobis annuentibus, sedetque immotum animo, clam hostem ipsum, cujus immanitatem jam heu nimium experti sumus, in castris adoriri, non prædam inde aliquam reportaturus, ut à gregariis fere militibus fieri solet. Aliud longè mihi propositum Patres, aliud mihi nunc in animo, si vestra, quod spero, venia, diisque (ita loquebatur) faventibus, facere istud mihi licuerit.

Voti sui Romanus noster compos factus, & plenus

plenus animi spem in manu ac celeritate hab
 licentiâ in castra hostium exeundi impetratâ,
 jam eò venisset, & prope regium tribunal co
 tisset, stipendium ibi quendam militi nume
 rem, à Rege secundum, & pati cum ornatu
 spexit, ubi hæsitabundus nonnihil & in bivio
 filii versans, (quod Regis scilicet ignarus esse
 mensque interim sciscitari, ne ignorando Reg
 semet ipsum proderet, nec etiam re infecta re
 consultum judicaret, pro Rege ut maxima co
 sæpenumero destituit successus) scribam obt
 cat. Cum jam in fuga gladium à corde caler
 Heroici sui facinoris tellem manu teneret, &
 currente undique militum turbâ à satellit
 comprehensus ad Regis tribunal ducitur. Sed
 que tum ulla titubationis, palloris, metus, &
 tantæ, trepidationis, nedum facti pœnitue
 signa (ô virum, ô animi robur!) in eo appa
 re, verum metuendus magis, quam metuens, ir
 ætoque animo in has voces verè masculas er
 pere non dubitavit: *Murius ego sum Scaevola, no
 & re Romanus, qui me hostibus hostem exhibui, ac
 pridem mihi plane persuaseram, omni modo defendei
 esse Patriam tam graviter periclitantem. Hanc ergo
 guinis mei prodigus, dum in victoria salutem, in v
 ite victoriam, in vita ob talem causam in omne di
 men exponenda virtutem posuam esse judico, ejus
 randa compendiarium inire viam, in animum indux
 posthabito vita mea periculo, fortunisque neglectis,
 tra hac mea te necarem: verum cum fato nescio quo,
 nus hac aberravit, & vivum, adhuc, atque incolu
 oculis hisce meis invitus intueri cogar eum, quem ca
 jam & ferro sublatum esse arbitrabar, errati sui
 panas, ostendetque & facere, & pati fortia Roma
 esse. Tibi vero Porsena posthac neque alii dixerunt
 optimis avibus, secundissimis auspiciis, conjuratis co
 eundem in te animum hostilem, in patriam beneve
 gerent. Ignaviam acuit necessitas, & desperatione
 nunc fractos penitus, & attritos putas, in audaciam*

Non militum numero, non robore, semper vi-
er: victis etiam interdum redit in praeordia
una salus victis nullam sperare salutem, nihil
arduum, quod animi fortitudine superari
Proinde non acies, non legiones adducemus,
no, sed uni tibi cum singulis nobis res futura
i Romana iuventus bellum indicit, non in pa-
et collatis signis, non machinis, non balistis,
militaribus, non turribus, vallibus, fossis, ag-
l in tentorio tuo et tribunali. Quo audito,
n accendi iubet, addita comminatione,
sibi insidias frungere statuisset ingenuè
ur, jam jam audacis fux poenas datu-

Mutius audax animi, et imperterritus,
ammaramque contemptor, ad Regem
: ut quam inquit mortem illi contemnant
as patria, et gloria consequenda studium ip-
ulcius, errati jam mei poenas luam, simul-
m immisam in ignem combussit, de-
eius flammis ultricibus expiavit. Quo
leviter commotus Porcena: tu vero in-
lescens abi, in te magis quam in me hostilia
tudinem tuam laudarem magis si pro me, si
vea ista virtus staret. Nunc quoniam te vi-
, strenuum, animi plenum, patria amantem
um te hinc dimitto. Simulque ubi intel-
ion Mutium unum, sed plures Romae
es esse, vitae suae insidias qui facerent,
iculatim se prius concidi, ac comminui
, quam vel tantillum ab amore patriae
misso Mutio, pacis foedus cum Roma-
aratus, legatos suos Romam misit, qui
nt, et acciperent.

mum hic admirer, aut praedicem, si
Auditores, idem mihi planè accidere
mento ingenuè, ac liberè fateor, quod
solet, qui cum in aedes superbe, ac ma-
tructas deducti sunt, si atria hinc inde;
a capetis, et aulaeis insignita, et pretio-

sa suppellectile condecorata intueri detur & lari, tam varia undique eos rerum subitio, & ad quævis ita obstupescunt, ut undum in tanta, tamque opulenta, ac sudium nitela, laudum suarum initium facit constet. Quid enim? An in facto laudat finis potissimum spectandus est, non ea qua vero justior esse potest ea qua patriæ inquam salutem spectat? Magnum profermis nomen Carthaginensis ille *Annibal*ibi comparavit, egregiisque reportatis non minus cruentum quam diuturnum nis bellum intulit. At in perniciem hosti in patriæ suæ tutelam fecit quæ fecit. Prindimicare solitum *Alexandrum*, referunt rum monumenta, hacque de causa non amicis reprehensum fuisse legimus, quod illud minus esset, eon Imperatoris. At h non alia de causa quam ex ambitione & consequendæ cupidine, factitatum fuisse, videt? Sed *Mutius* hic noster tanquam amillus quid? Non ambitio, non nomen non vanæ gloriæ aucupium, non aura p sed patriæ, patriæ inquam conservatio fuit unice, & cordi. Hanc summis pericvitæ suæ dispendio liberare conatus est. C bello aut calamitosius, aut funestius e potest? Obsidione deinde, & quidem t qualem tunc sustinuerunt Romani, quic quid miserius? ipsa vero famesque tun in quosvis cujuscunque ordinis grassabat to cum dolore toleranda fuit? quæ po mitas? quæ lacrymæ? quæ Deum imm auditæ in urbe querelæ? hanc enim n esse violentissimam & maxime formida urbium etiam munitissimarum expugn rei militaris periti statuunt. Quia non lum illa, sed pessima insuper malorum est. Ad quæ enim flagitia, & scelera per

homines non impellit? quos tumultus, factiones, dissidia, turbas, tragœdias in obsessis urbibus non excitat? Quid non audet? quæ non molitur? Quod experimento suo Romani plus satis didicerunt, cum à *Perfena* Roma arctissima obsidione cingeretur? His ergo tot tantisque malis uno eodemque tempore Romæ concurrentibus, cum *Scavola* solus remedium adhibuerit, & quidem inopinato, rebus jam desperatis, Patriamque labantem, & ab alto potentæ suæ culmine jam jam ruituram, ut *Atlas* alter suffulserit, quis eum non omni laude condecorandum esse judicabit? Præfertim cum eam vindicandæ patriæ viam inierit, quam ne infestissimus quidem hostis merito culpæ queat, & quam nemo alius vel tentare, vel audere sustineat? Res Auditores bello maximas *Alexander Magnus* gessit, triplici prælio, regnum *Persarum* florentissimum subegit, & imperio adjecit, trienniique fere spatio fulminis instar obvia quæque prosterbens, ab ipsis *Europa* finibus ad *Gangetem* usque acies, & castra Macedonum promovit & Solis præne regionibus, ac Mundi ipsius fine distendit, sed hæc non solus fecit, ac forti instructus exercitu, & ea Macedonum acie, quorum agmen & stare paratum erat & sequi, intentum ad ducis non signum modo, sed nutum. Insignes ab hostibus victorias Scipio, acer animi & militiæ, cum æterna nominis sui laude reportavit, *Annibalemque* ex *Italia* retractum, & aperto Marte superatum, pacem mendicare coëgit. At non solus, sed lectissimorum militum, atque ducum opera, hoc consequutus est. Habuit qui in partem laudis venirent. Ideo prudenter ille *Epyrotarum* Rex *Pyrrhus*, cum rebus non minus strenuè, quam feliciter gestis, domum rediisset, & à suis *Aquila* diceretur: *per vos* inquit *Aquila sum*, cur enim non essem, cum vestris veluti pennis, ac fortitudinis alis sublever. Modestissimè gloriosi sui nominis laudem in milites suos transferens. Noster vero Romanus socium

rari, quàm gloriam, & nominis immortalitatem. Viderunt inquam strenuas, ac vegetas melius magnos tum edere impetus, & insignia capecrementa; si præmiis afficiantur, vitæque præsidia esse firmissima, & virtutum fomentum nec aliam ego causam esse existimo, cur Reges nepotes, ædes HONORI & VIRTUTIS mellas junctim locarint, rati ibi esse laudum manna, ubi sint gloriosæ virtutis merita; nequam aditum patefecerint ad Honoris Templum nisi qui virtuti rite litassent. Sed & vos Viri illustissimi, hæc ipsa movebunt, ut non temere dicendi provinciam super hoc argumento susceptam esse statuatis! cujus dignitati si non responderit Oratio, veniam mihi dari cum nulli tanta sit dicendi vis, tantaque cui laudes ejus exornare satis, nedum exequatur. Unum hic opto, ut virtus illa, & fortitudo, quæ olim in *Scavola* fuit omni sua fortuna digno, in iis nunc reviviscat, qui per hodie in fluctibus & procellis his rerum tum ac salvam esse volunt, proque ea animo exultant & infracta pericula adeant, pro imperio, pro salute, pro aris & focis, sanguinem suum profusè minime dubitent. Et profecto, si præteritæ temporum memoriam replicemus, præseque Patriæ nostræ statum intueamur, est Deo gratias agamus, quod tales nobis dederit *volas*, qui prodigi vitæ suæ excusso intolentium hostium terra marique potentissimorum Patriam fortissimè ob omni Tyrannide liberant, & assertam libertatem non minori fœdine, quam prudentiâ armis foris, & consiliis mi in hunc diem tutati sunt. Faxit Deus optimus vindex hujus Imperii, in cujus non & arbitrio, omnium potestatum fata versa ut quam libertatem insignis *Nassoviorum* pietas, procerum arma, civium, militumque egestas, & ante omnia caeleste illud Numen h

nus defenfavit, tutam porro inviolatamque conferrent, qui nunc habenas Reip. moderantur, officiaque sua Patriæ æternum consecrent. Dixi.

ORATIO XIX.

Qua negatur Nobili esse discendas literas,

Habita à

PETRO HORTENSIO.

Quod vestrum in conspectum prodire (Auditores) in præsentiarum non dubitavi, metuo ne ita accipiatis, ut temeritatem hac in parte meam miremini, verecundiam desideretis. Etenim cum in hac lectissima doctissimorum virorum corona nihil nisi elaboratum, & subactiore doctrinâ tinctum, proferri soleat, mea vero vires infra expectationem vestram longè subsidant, forsitan ab ingenuo adolescentis pudore, plus nimio recessisse vobis videbor. Sed animum mihi addit in suscepta hac dicendi provincia, cum singularis vestra humanitas, tum argumenti novitas, quæ, si quid ingenio meo, aut dicendi facultati deesse videri possit, abundè compensabit. Nobilem enim hanc quæstionem diu agitaram, ventilandam in animum induxi: *Nobiline discenda sint literæ.* Cumque variae etiam doctorum super hoc argumento sint sententiæ, ego non literas discendas, sed militiam *Nobili* sequendam, & arma tractanda esse ostendam, non quidem quantum causa necessitas, & negotium hoc arduum exigit, sed quantum ingenio mei tenuitas, & temporis ratio feret. Aures interim mihi præberi à vobis, quæ possum animi demissione peto. Quid mihi? imo verò Veritati, quam non sileri, non dissimulari patiar, longiusque in profundo *Democriti* puteo demersam latitare, sed in auras edu-

H

ctam

Etiam, omnibus eam unde conspiciendam proponam.

Si Philosophiæ principia consideremus, digitoque ad fontem intento, ab ejus origine ordiamur, quem quæso latere potest, primos ejus inventores, & autores fuisse *Græcos*, homines dico otiosos, fabulis suis, commentis, ac deliriis ita infames, ut non minus vere quam eleganter de iis Poëta:

Quid non consingit nugarum Gracia mater?

Item:

— *Nil curat dicere verum*

Gens hæc, & tota est monstros, ac dedita nugis.

Quid autem ineptius, quid nugacius quam iis curiose indagandis operam impendere, quæ si ignores nihil eruditioni tuæ decedet, si scias nihil accedet, & nec doctior ulli videberis, nec melior: quem nempe numerum remigum habuerit *Ulysses*: quot navibus *Græci*, ad oppugnandum *Ilium* accesserint; quot filios habuerit *Priamus*; *Helenam* ne rapuerit *Alexander*, ut *Homerus*, an *Helena* simulachrum, ut *Euripides* prodidit: prior scripta sit *Ulixis*, an *Odyssæa*: quot & qua *Roma* sint stillicidia, quot aquæ ductus: Qui *Dei* majorum, qui minorum gentium: quæ *Templa* honori eorum consecrata, quæ festa, qui diis, quæ convivium, ferula, dapes? Ad hæc (ne quid scilicet in literaturâ hæc, & arcanis sapientiæ Veterum indictum elabatur) quæ præclara Deorum olim facinora: qui raptus, incestus, adulteria *Jovis*, mutati nunc in taurum, cum raperet *Europam*, nunc in aquilam, cum *Ganymedem*, nunc in aureum imbrem, cum *Danaën*, Regis *Acrisii* filiam, constupraret, & id genus alia à Poëtis memoriz prodita, non vana solum & ridicula, sed impia, & obscœna, totidemque irritamenta malorum, & illicia non ad virtutem, sed libidinem. Taceo absurdissimas opiniones de æternitate *Mundi*, de atomorum confluxu, de *Pyrrhonia* omnium rerum dubitatione, dum alios *Mundum* hunc, & quic-

quicquid in eo continetur, putat ex temerario quodam minutissimorum corporum concursu coaluisse, qui si vel unam earum, quas somniabat, atomum cerebri habuisset, nunquam ista tam stultè, incogitanterque scripssisset. Alius æternum esse cum, neque desitutum unquam, neque exordium ducentem ab ullo temporis principio; non animadvertens hac ratione illam, à qua ipse tantopere abhorrebat, infinitatem induci. Alius de animo humano loquens, cum cor ipsum esse dicit, alius cerebrum, alius cordi suffusum sanguinem, alius spiritum innatantem sanguini, alius harmoniam quandam, alius humerum sese moventem, ut mihi ista consideranti certamen aliquod insaniz suscepisse videantur. Ita ex hoc tam confuso, tam multiplici terribillarum opinionum veluti cinno, nihil fere colligere possumus, nisi semper uberrimam messem hominum varie delirantium fuisse. Quid *Epicurus*? interficere animos putat, nefas ratus, cum tam multa sibi cum suis convenirent, se hoc uno ab iis interesse. *Stoici* longam eis vitam, ut cornicibus, sed non perpetuam tribuunt. *Pythagoras* vero, remanere quidem illos docet; sed ex corporibus in alia migrare corpora, aut idem sit forte hodie gallus galinaceus, qui tempore belli Trojani fuerat *Agamemnon*; & nunc porcus, qui olim *Epicurus*. Quæ cum ita se habeant, quis, si serio hæc ad animum revocet, non vider, nihil in iis esse, quod tantopere vel tenuioris fortunæ, & e trivio homines discendi cupidos moveat, nedum *Nobiles*, ut operam suam in iis capeßendis collocent, quæ jam pridem apud æquos rerum aestimatores in contemptum venerint?

Sed ut vos, Auditores, in rem præsentem quasi manu deducam, intuemini quæso, & mecum expendite, egregia litterarum, quas tantopere nonnulli admirantur, effecta. Quid? nonne teste magno illo doctore gentium *Paulo*, scientia inflat?

Et quid fastu, quid superbia odiosum magis cordatos omnes dici, aut excogitari potest? in Rep. quid in societate humana perniciem Unde enim amulationes, dissidia, contenti similtates, factiones, odia, nisi ab hac anilatione, qua inflati velut vento-utres, se solpere, reliquos vappas putant, imò nugas, & quiliat hominum? At quam hæc talia parum veniant *Nobili* bene nato, quis adeo non à ne solum, sed & à sensu communi derelicti qui non videt? Quem eo submissiorem esse ter, quo titulorum, & imaginum splendoris celebritate, & profapiæ suæ fama, assurgit. Certe Filius *Dei*, æterna illa Patientia, ad cuius voluntatem tanquam unicus dei, & vitæ nostræ normam, actiones non studia, vitam dirigere debemus, non De placita amplecti nos voluit, non *Epicuri* doctari, *Platonis* ideas, & numeros admirari *Aristotelis* argutias exosculari; sed ad *Mosem*, apturas, ad sacra Prophetarum, & Apostolorum racula nos revocat, & iis legendis, meditandis, omne studium, omnem operam industriam impendere nos iussit. Quid Alus? Quanto animi affectu, quanta cura, & licitudine *Colossenses* suos nominatim monet, & statatur, ut quam ipsis cara, & accepta est animarum, tam studiose sibi caveant à Philosophorum strophis, quæ acumen irritum exercent, ne reciti, incidant in errorum labyrinthos inextric

Sed quorundam mihi videor hic audire ros: qui hanc tam manifestam veritatem a re non erubescunt. Nihilne ergo, inquit, bus tentandum erit, nihil agendum, nihil edum? in alto & supino otio vitam suam, & tem transigere? poculis, aleis, fritillis, chæradia temporis discutient? Quasi vero non terris occurrat, nihil in hac *Mundi* palat: quo cum laude se exercere, & ætatem sua

mere queant. Alia, alia inquam longe nobiliora
 et studia, ad quæ animum, mentemque appli-
 cat. Ea vultis producere Auditores? Arma sunt,
 quibus tractandis indies occupantur, idque
 non student ut velitationibus, expeditionibus,
 seditionibus intersint, ut ad subitas irruptiones
 tendas, hostesque fugientes prosequendos,
 acres sint, ad occupandos muros, & moenia
 pugnanda expediti, ad pugnam acres, ad susti-
 nendos aperto Marte impetus constantes, equitatu
 celsi, pedestri prælio strenui, navali pugna for-
 tes, & ad insidias, ac stratagemata, machinasque
 elicias inveniendas callidi, verbo quibus non
 decoro pulvere sordidis pugnare delicæ sunt.
 Quid enim Nobili majorem conciliare laudem,
 quid majori illi ornamento esse potest? quid Prin-
 cipis gratiam magis demereri, quam præclara ejus
 et arma, & in armis facinora? quæ nominis ejus
 famam, fortitudinis alis subvectam, in ultimas
 terrarum trās diffundant,

— *Qua medius liquor*

Secernit Europæ ab Afrâ,

Qua tumidus rigas arva Nilus.

Quid profapia ejus, quid honore illustrissimæ pro-
 paginis, quid familia dignius, quam in gerendis
 bellis inter armorum strepitus, inter Mavortios
 furores, inter lituos & classica, inter tubas &
 tympana, inter faces globosque, galearum hastarumque
 concursus versari, hostem lacerare, adori-
 ri, inire prælium, hyemem, æstatemque juxta
 pati, sub dio morari, nimbis, ventis, nivibus,
 procellis exponi, & de reportatæ suæ victoriæ
 trophæis gloriari? Hæc, hæc vera est illa Nobilitas,
 quæ Nobili nomen, decusque conciliat. Hæc
 veræ imagines quæ famam ejus deovent æterni-
 tati. Non aliam inierunt viam viri altioris indolis,
 & genii, & quicumque unquam Nobilitatis nomi-
 ne, ac titulo claruerunt. Tales inter Græcos olim
 fere Agamemnon, Achilles, Ulysses, Ajax, The-
 mistocles,

mistocles, Epaminondas. Inter Romanos Camilli, Scipiones, Emilii, Fabii, Marcelli, Coriolani, & si quæ alia in Annalibus memorantur avara famæ pectora, & nomina haud ingloria; nec seculo inficianda, sed tanquam Martis miracula æternitatis tabulis inferenda. Qui certe omnes non ab otio, non ab agricultura, non à literis, non à studiis Philosophiæ, sed ab armis Nobilitatem suam traxere, rebusque strenue ac fortiter gestis, memores illius Poëtæ: Tu regere imperio populos Romane memento. Si dubitatis Auditores. Quid? nonne testantur hoc ipsum familiarum insignia, in quibus non libri, non plutei, sed hastæ, galeæ, clypei, ocreæ, calcaria; non doctorum effigies, non Palladii imago, sed Martis, aquilæ, leonis, ursi, tigridis: & his similia conspiciuntur. Ut vel inde liquido appareat, nullam esse palæstram, nullum circum, in quo Nobilitas licentius excurrat, nusquam quoque magis se prodant virtutes, quæ Nobilitatem ornant, quam in campo Martio, in quo de Exercitu, de Castris, de Agminibus, de Signorum collationibus, de Oppidorum oppugnationibus, de cuniculis subterraneis, de comæatu, de insidiis faciendis, atque vitandis, de spoliis bello partis, agi & dissertari solet.

Magnum quid hic affirmare videor, sed attendite, quæso, & me Latine, hoc est candide, & rotunde loqui intelligetis: Flacet ordiri à pietate (nam tritum illud poëtæ, qui omnem pietatem arcere videtur, ab iis qui castra sequuntur, flocci pendo) quis Abrahamus ille omnium fidelium pater? miles fuit. Quis ille cujus gratia flumina ipsa constituerunt, cuique lucida illa sidera, micantesque illi ignes, Sol, & Luna, operam suam dare non dubitarunt? miles fuit. Quis *Jonathan, Ezechias*, qui Reges alii, qui Judices? milites fuerunt. Et ut ex novo Testamento luculenta aliqua producam exempla, potuitne cujusquam unquam pietas, fides, charitas Christiana, laudari magis, & commendari, quam Centurionis illius in Evangelio? & Cornelii in A-

his Apostolicis? quorum elogia non ab homine profecta sunt, sed a Dei Filio, & ab Angelo.

Sed ut eo, unde mea nonnihil digressa videntur Oratio, revertar; Quid, obsecro, vos Auditores, *Nobilem* alliciat, quid eum moveat, ut studiis, & literis assidue impallescat? nunc ad *Aristophanis*, nunc ad *Cicentius* lucernam lucubret, & in musæo suo librisque abditus, tanquam claudus futor, totos dies deliteſcat: nunc Grammatica in syllabis & vocibus ætatem agat, & de minutis præceptiunculis, & spinosis ineptiis, cum *Prisciano*, & loquendi regulis contendat; nunc in Logicis addiscendis desudet; nunc rhetorculus & vanus aucupator gloriolæ, styli exercitationibus se maceret, nunc *Bartolum* & *Baldum*, & nescio quos Legulejos in forenſi pulvere volutatos, evolvat, anxiiſque, ac frivolis in Jure quaſtiunculis inſeneſcat. Aut cum Mathematicis scrutetur, quot hordei granis primum Mobile à terra diſtet. Sed cui bono hæc omnia? quæ subtilius eſt contempſiſſe, quam ſolviſſe. Et quid eum ad hæc ſtudia impellat? Opes, honores, dignitates? ſed quam fere ii qui literis dediti ſunt, lucubrationum ſuarum, & laborum mercedem referunt? quæ alia obſecro vos præmia, quam inopiam, & paupertatem ut eſuritioni ſervati videantur? Exempla ſi vultis, Auditores, paſſim obvia ſunt. *Socrates* Philoſophorum ille princeps & paganæ ſapientiæ ſons, qui oraculo *Apollinis*, Græcorum habitus fuit ſapientiſſimus, ex cujus ſchola, tanquam ex equo Trojano, *Plato*, *Ariſtoteles*, *Xenocrates*, aliiſque innumeri viri magni olim prodire, in tanta rerum anguſtia, & nummaria difficultatis incommodis vixiſſe fertur, ut præter palliolum depexum, ac obſoletum, nihil fere poſſederit. Quid *Diogenes*? fuit is quidem quod inſicias non eo, etiam celeberrimus, & omni doctrinæ genere inſtructiſſimus. Sed quid illi irato, ut videtur, *Mercurio* nato, philoſophia Proſuit? quem fructum, quam utilitatem ex literature

ratura sua cepit? quæ inde ad eum redierunt elementa? Si *Hieronymo* Patri habenda fides, etiam pauperem, pannosum atque omnium re egenum fuisse legimus ut non modo cibum, ἀμέραν mendicando quærîtaverit, sed & febrilosa ostentatione, dolio pro domicilio usus pediculorum sordibus, at benignus hospes, si que hac suppellectile instructus, patera nempe gnea, ad hauriendam aquam quam biberet. O illices litterarum cultores, ô jejunâ doctrinæ imia! ô pauperes *Musas*! καὶ ἀντὶ χρυσῶν χάλκεα.

Valeant igitur, valeant inquam, erudituli illi præstantiam litterarum dum per omnes studio ordines ærumnosas conterunt ætates, tanto extollunt, excellentiam commendant, utilitatem deprædicant, & qui *Nobili* armorum magnificentiam, quam Musarum æmulanti, literas scendas, imo in iis totum vitæ curriculum commendandum esse arbitrantur. Nihil enim ad Re decus, & Reip. salutem tuendam faciunt, Grammaticam didicisse. Latinis litteris, aut *Græcis* imbuisse, Philosophorum somnia, ac deliramenta replicasse, & ampullis verborum replevisse bunal, mentesque heroicas horis & clepsydraligasse tanquam mercenarias, & servas, inter *Cæli* minas, ferulas, virgas, oscitantium *Mæstorum* nœnias, & importunos commatum labores, dum circa res frigidas inutilesque, &, ut verbo dicam, circa ea quæ nihili sunt, occupant. Arma tractet *Nobilis*, galeam capiti imponat, iuracem induat, Rubiconem transeat cum *Cassio*, alpes cum *Annibale*, urbem, patriam, aut Re defendat cum *Camillo*. Adhæc in castrorum locatione, in fossis excitandis, in castellis & propugculis muniendis, in excubiis, in agminibus constitutendis, in acie, in expeditionibus ordinandi exerceat: tum quid in præliis inter tympanorubarum, tormentorum immanes strepitus, & *arsus*, quid in stratagematis, in mœnium, urbi

que expugnationibus, facto opus, quid observatum dignum sit, expendat. Nemo enim commodius, & majori cum laude, ad summa Reip. gubernacula provehi potest, nemo dignius, & majori cum civium utilitate, ad amplissimos munerum publicorum honores extolli, quam qui intelligit, quæ vitanda sint, quæ amplectenda, quæ regnum labe-
 ficient, dissipent, & evertant, quæ imperium ful-
 ciant, stabiliant, conservent, & qui, quando, ubi, quomodo, quibus copiis, qua acie dimicandum, qua ratione latera tergaque subsidiis firmanda, qui milites in fronte, si periculum immineat, collo-
 candi, quæ loca præliis occupanda, longo rerum usu, & experientia observavit. *Argum* enim esse o-
 portet qui Dux est, & in tergo, in fronte, in capite, in pedibus oculos habere. Et si interdum se recrea-
 re ei sit animus, equum conscendat, bucephalum, cum *Alexandro* ferocientem, domet, cum *Cyro* ve-
 netur, & cum *Ascanio*, *Bellerophonte*, *Castore*, *Ersichonio* (quia otii sua tristis est, atque ægra patientia)

—— *Mediis in Vallibus acri*

Certe equo: ———

Spumantemque dari pecora inter inertia votis

Optet aprum, aut fulvum descendere monte leonem.

Hæc, hæc illa sunt exercitia, quæ *Nobilitatem* spirant, quæ *Nobilem* nomine, ac meritis insi-
 gnem decent, quæ robur illi, quæ firmitudinem animi conciliant, queis nullæ gladiatorum dimi-
 cationes, nulla Athletarum certamina, nulla O-
 lympicorum cursuum stadia, nullæ arenæ, nulla curricula, nullæ pugilum luctæ conferri possunt. Hic enim Auditores, virtutum officina, fortitu-
 dinis palæstra est, hic latus gloriæ campus, hic pugna, hic victoria. Contra quis adeo omniuna rerum ignarus est, qui non videat, non intelligat, animos effœminari, & mentes ab innata sibi ge-
 nerositate degenerare, & ad segnitiam delabi, literarum institutione? quæ umbratici hominis magis, quam *Nobilis* laus est. Quid quod & hoc

(ut alia omittam) non levem literis notam inurit, quod Principes, & ii fere qui rerum gubernacula tractant, nimium se admirari solent, & plebsque scientiæ typho sic insolescunt, ut neminem etiam in rebus gravissimis, in consiliis adhibeant: rati doctrinæ suæ, & eruditioni tantum derogari, si alios audiant. Quod animadvertens *Ludovicus*, ejus nominis undecimus, *Galliarum* rex, filium suum literis erudiri noluit, ne plus nimio sibi placens & tenacior sui sensus, prudentiaque sua confusus, aliorum consilia, & monita salutaria, respiceret. Sed quid in re omnium clarissimâ facem vobis accendo? Res ipsa loquitur Auditores: Ac ne attentione vestra abuti videar, hæc uno exemplo finem dicendi faciam. Quis Imperatorum *Justiniano*, aliquot retro seculis, rerum gestarum gloriâ illustrior fuit, prudentiâ major, & imperii finibus prolatandis augustior? Non enim *Persas* solam tumultuantes compescuit, *Vandalos* ex *Africa* ejecit, verum etiam *Gothos* bellicosissimam gentem fudit, ac profligavit. Sed insignem illam nominis famam, quam ex tot tantisque victoriis reportavit, non illi philosophia peperit, non studia literarum, non eruditio, sed arma. Remp. enim Romanam justissimè, ac felicissimè administravit, cum foris, tum domi, literarum nescius, & imperitus.

Quare cum literæ otiosorum hominum inventa sint, cum Græculos literiones, famosos illos magaculos, autores habeant, cum nullam cultoribus suis afferant voluptatem, nec ignorantem noceant, nec scientem juvent: mille contra eas comirentur incommoda, labores, vigilæ, lucubrationes, & ex umbratica ista, & sedentaria vitæ cruditates, & morbi originem suam trahant: cum literatis morositatem pariant, superbiam, fastum, aliorum contemptum, & levia sæpe sine studiorum præmia, imo nulla; contra tractandis armis, aditus cuivis pateas ad honores, neminem vestrum,

vestrum, Auditores tam imprudentem esse existimo, qui *Nobili* artes inertes, & literas discendas esse arbitretur. Cogitate quibus in rebus vera consistat *Nobilitas*, quæ ei convenient exercitia, quæ labores. Moveant, moveant, inquam, vos quorum indoles nihil vulgare sperat spiratque, tot præclarissimorum, & insignium heroum exempla, qui certe nunquam ad cum honoris apicem assurrexissent, nunquam rebus strenuè gestis, cum nominis sui famam ad posteritatem propagassent, nisi posthabitis disciplinarum studiis, se castris, & armis devovissent. Moveant virtutes illæ pulcherri-
mæ, quæ in hoc vitæ genere conspiciuntur sapius, quam in quovis alio. Multorum exempla intue-
mini, qui è Scholis progressi magis avarè, super-
bè, crudeliter, tyrannicè quam literarum rudes
imperarunt? Quid? Nonne *Dionysius*, *Nero*, *Caligula*, *Julianus* ut doctrina, & eloquentia insignes,
ita summi pietatis, honestatis, justitiæ hostes, &
non homines, sed teterrima monstra extiterunt?
Hinc opinor prudentissima *Atheniensium* Resp. O-
stracismo est usa, quod perniciosos eos judicaret,
qui reliquis doctiores, & prudentiores aut essent
revera, aut videri saltem vellent. Et *Spartani* literas,
literatosque omnes Vatiniano odio sunt persecuti;
nec injuria. Nam otium & molliem nulla re fa-
cilius in animos irrepere, quam via hac literarum,
omnino est fatendum. Moveant vos denique Ma-
jorum vestrorum exempla, qui nunquam ad con-
siliium, nisi armati accesserunt: ignavi ac dege-
neris animi esse putarunt circa vilia occupari, &
rei familiaris & domesticæ cura, senibus, ac fe-
minis relicta, bellis se totos consecrarunt: sub
parentum denique, conjugum, liberorum, con-
sanguineorum oculis, in conspectu Patrum patriæ,
pro Reip. libertate, pro aris, & focis, aut pugu-
ando vincere, aut strenuè mori honorificum duxe-
runt. Quod si olim apud Romanos illi, qui Remp.
consiliis suis aut auxerant, aut defenderant, aut

conservarant, immortalem gloriam consequuntur, quanto magis isti qui pro commodis, tunc Reip. tot tantisque laboribus ac periculis ferre sese, & pro salute patriæ vitam, ac fidem suam in discrimen ultro conjicere, non dubitant, laudem sempiternam, & decus immortale Promerentur? Horum exempla si imitemini demum insigni *Nobilium* nomine, ac titulo judicabimini, & antiquam illam Majorum gloriam, tot laureis, tot adoreis coronatam, & ab oblivione vindicatam, magistra cum laude, ad posteritatem transferri Dixi.

ORATIO XX.

Qua affirmatur Nobili discendas esse litteras

Recitata à

NICOLAO HEUSSENI

SI homines remota erroris nebula, oculis aperiri possent litteraturæ, & eruditionis pietatem, insignes sui amores apud generosas excitaret: contra justum odium, & fastidium ignorantie turpitudine. Sed ea est humani cœcitas, eaque perversitas, ut fere illecebris, & cinis maximæ parti mortalium opus sit, invitentur ad litteras capeffendas. Hoc si rura indidit magnanimis pectoribus in gloria cupiditatem, quæ stimulus esse se calcitrare quo sublimes animæ concitantur ad literarum, queis tanquam regis via grassare honores, & nominis immortalitatem. ex quovis ligno non fit *Mercurius*, & *Minerva*, nihil temere tentandum: ita iterum delectus, si usquam, hic habendus. Cumque ita natura fere comparatur ut fortes creantur fortibus; nec imbelles

ex proferunt aquila columbam, Nobilesque, & generosæ animæ, mores suos, & ingenii dotes quibus excellunt, in liberos tanquam profapæ suæ & stirpis propagines, plerumque transfundant, ac propterea longe præ aliis idonei sint, qui in cæstris Musarum, stipendia faciant, animumque ad studia literarum, mirari satis nequeo, inveniri homines hodie, tam ab omnium ratione, tam à *Musis* alienos, & honestatis sensu derelictos, qui *Nobiles* ad laudem, ac decus natos, Sacris his arcendos esse censeant, nihilque minus convenire iis, qui illustri genere oriundi sunt, quam ut in literis se exercent, & ad eruditionem, quam illi male feriati jam pridem ex Anarum vestibulis, Regum Palatiis, atriisque Magnatum exterminatam vellent, enitantur contemptores scilicet honestarum artium, & quorum voto jamdiu Doctrina omnis sit funus. Ego, Auditores, qui *Nobilium*, & eorum quæ vere nobilitant semper fui observantissimus, hujus sententiæ iniquissimæ, nulla omnino facundia, quæ in me exigua, imo nulla est, sed causæ fiducia fretus, cum summa voluptate, animique ardore, & omnium vestrum expectatione refutator accessi, ut literarum non solum dignitatem strenuè ac fortiter asseram, sed & à *Nobilibus*, præ aliis amari, coli, tractari debere, contendam. Quod tanto confidentius facturus mihi videor, tanto etiam alacrius, si institutum meum favore vestro muniaris, cujus tanquam *Mercurii* caduceo armatas hostium phalanges aut penetrare possim, aut in fugam conjicere. Quod cum vultu mihi polliceri videmini, quæso ut mihi quæ estis humanitate, bene velitis, & quæ dicentur, quæ estis æquitate, candide interpretemini.

Primum itaque hoc mecum, Auditores, expendite, cum ea literarum dignitas sit, ea præstantia, ut sine iis quid Homo sit, & quid in homine

divinæ illa particula auræ, quid Dei imago, intelligi nullo modo possit, non equidem video, quæ ratione mortalium quilibet iis carere possit, quæ faciem vitæ, lucem artibus, & rebus omnibus humanis præferunt Nautas videtis? Oculi illis semper in helicen, aut Cynosuram; ita Nobilibus mens in eruditionem, non aliam quærere debent studiorum suorum, ac laborum palmam. Hæc unicum in viâ viaticum est, unicum in vita præsidium, quod cum naufragio enatat, & ad summam (ut res sunt humanæ) angustiam redactos comitatur, vel ad ultimam *Thulen*, & ad extremos *Geramantas*. Hæc vera mihi, & solida videntur bona: τὰ δὲ λοιπὰ πάντα πρὸς θῆκαι. Etenim divitiæ ne bona quidem sunt, sed prout est animus qui eas possidet vel in laude, vel in vitio positæ sunt. Quæ gloriæ ac dignitatis speciem habent fugacia sunt, caduca sunt, bracteata sunt. Eruditio iis omnibus dignior, & præstantior. Hæc illa est suppellex, quæ non ante Dominum suum, quam vita destituit. Cui prætextam ego nullam, nullam purpuram antepono. Hanc qui possidet, Mundo ipso major est, supraque instabilem longè mundi aleam erectus est rerum humanarum vicissitudines, magno erectoque animo despicit hæc inania, & vana terrarum, quibus non aliter homines plerique alligantur quam stulti straminis, vel exigui filii nodo, aut pueri adstragulis suis, & crepundiis. Certe inter alia quæ coelitus dona accipimus illustria, in primis illa & quasi divina sunt, quæ in literis, & disciplinis consistunt, quibus homines non solum se brutis similes præstant, sed à rudi etiam, & ignobili vulgo ita distinguuntur, ut tanquam dii in terris, præ aliis longe eminere videantur. Non omne metallum magnes, non omne idem ingenium, genius *Musarum* trahit. Lucrum alios, & sagina inutilis, insatiabilis avaritia, fastus alios & ambitio, alios vota profana vulgi, transversos rapiunt. *Nobiles*, qui *Musarum* cultores sunt, vanas

vanas istas, & insipidas mentes magno iudicio, pa-
 ti animo fastidiunt. Quàm enim in lubrico, totum
 hoc blandientis fortunæ opus! quam fallax, &
 inceps alea splendentis luti! & quid hæc omnia
 quæ admiramur stulti, & suspicimus in turbido
 hoc rerum humanarum pelago? stant, cadunt,
 veniunt, abeunt, & cum affluxisse tibi credis æ-
 ternum mansura, quàm repentina sæpe ea cala-
 mitas, & miserranda vicissitudo consequitur! Opes
 etiam supra omnium *Crassorum* & *Lucullorum*, nisi
 virtute partæ, & huic innixæ quàm levimomento
 (ut sunt res humanæ) dissipantur, ac pereunt?
 Fulciri debent, & quo alio fulcro, quam sapien-
 tiâ, sine qua opes qui habent non tam eas possi-
 dent, quam ab iis possidentur, vinculis istis, &
 velut compedibus compediti, sibi oneri; aliis in-
 utiles. Quantum itaque opprobrium, quantum
 dedecus arbitrabimur, spoliare Nobilem iis orna-
 mentis, exuere iis insignibus, privare iis admini-
 culis, sine quibus ille nec nominis sui dignitatem
 tueri, nec munere suo fungi, aut Magistratus ho-
 norem sustinere, quid Magistratus? imo vero nec
 hominis appellationem mereri possit? Quo pacto
 obsecro vos verba publice facere, legationes cum
 laude obire, præterita tenere, futura prospicere,
 quid in omnibus rebus factu optimum sit videre,
 & alia ex aliis colligere poterunt nisi qui hæc sibi
 de litterarum fontibus haurienda omnia existi-
 maverint? Quomodo pro tribunali, Iudices esse
 boni poterunt, qui neque jura, nec leges viderunt
 unquam, aut didicerunt? qui quid melius, quid
 pejus, quid aut oblit, aut prosit, ignorant? Quo
 modo bonis præmia, malis pœnas distribuent,
 lancem & gladium justitiæ temperabunt, quo
 modo jus docebunt, aurem alteram Actori, alte-
 ram Reo præbebunt, quod rectum est colent indo-
 cti & illiterati? qua ratione Religionem, ritus,
 statuta Reip. & amabunt, & defendent, qui qua-
 nam horum omnium conditio sit, & natura non
 intel-

intelligunt? *Hannibali* magno illi belli duci deridendum se præbuit *Phormio*, quod cum nunquam hostem, nunquam castra vidisset, de militari tamen disciplinâ, & belli muniis, tanto coram Imperatore differere non dubitaret. Quanto vero majori risu, imo reprehensione digni sunt *Nobiles* illi, qui cum ad Reipub. administrationem nati sunt, & imperium in alios, tamen nihil propemodum retinentes præter umbram magni nominis & inania dignitatis, quid imperare sit nesciunt? qua ratione in ferendis sententiis, quid æquum, quid iniquum sit videre poterunt, in dirimendis litibus, quid legibus consentaneum, quid ab iis alienum, nisi literis ipsi tincti, imbutique fuerint: ad quas hi tales cæcutiunt tanquam noctua & talpa ad Solis facem. *Nobilem* sane quendam memoriæ proditum, cum literaturæ omnis rudis esset, perurbanè admodum, & facetè se excusasse, quod una eademque manu, librum, & gladium tractare non didicisset. Sed quanto melius *Alphonsus* ille *Arragonum* Rex, vera *Nobilitatis* imago (omnibus belli ac togæ dotibus, ingeniique ac studiorum eminentissimus, qui nihil in vita, nisi laudandum, aut fecit, aut dixit ac sensit) qui interrogatus à quodam utri rei plus se debere fateretur, libris an armis: *ex libris*, inquit, *& arma, & armorum jura didici*. Non enim manu solum in bello res geritur, sed consilio, & prudentia cum eruditione conjuncta, qua vacillante, labascit ipsa foliorum majestas, & evilescet sceptrorum reverentia. Proditum memoriæ est, *Epaminondam*, ducem militiæ fortissimum, acerrimumque, inter literas natum ita atque educatum fuisse, ut ipsa hæc scientia, causa fuerit rerum ab eo præclarissime gestarum, cum Philosophiam sine mollitie aut desidiosa sequeretur, eamque Magistræ ad robur, & prudentiam facere. Ita *Casarem*, *Trajanum*, *Hadrianum*, non rudes, non ignaros; sed insigni rerum, & literarum cognitione imbutos fuisse accepimus:

Et

Et *Mithridatem* illum veterem *Ponti regem*, tenuisse duas & viginti linguas, sic ut omnes subditos, quemque sua dialecto, prompte, & scienter alloqueretur. Et ab *Aristotele* quis nescit, magnum illum terrarum domitorem *Alexandrum*, *Dionem* à *Platone*, à *Polydamante* *Hectorum*, à *Phanice* *Achillem*, ab *Isocrate* *Nicoclem*, à *Nestore* *Agamemnonem*, à *Xenophonte* *Cyrum*, à *Constantino* à *Lactantio*, alios ab aliis, duces fortissimos, institutos fuisse non alio certe fine, quam ut tanto prudentius, ac feliciter regerent. Nam cum maximam victoriarum gloriam, consilia sibi jure vindicent, quæ illa sodes dementia est, & pertinacia non toleranda, literis, & nobilioribus disciplinis, in castris, & tentoriis Principum, nullum locum relinquere? Quid credimus nobilius in re bellica esse, quam scientiam instruendæ aciei, vallorum, machinarum, & tot, tantorumque quæ usus exigit, instrumentorum? Atqui ex *Marbisi*, celeberrima illa doctrinæ parte, hæc sunt: Eaque tradidere olim homines eruditi *Ælianus*, *Vitruvius*, alique, qui ob tantum beneficium Reges, Principesque habuerunt debendi reos. Hæc ea est cura, quæ magnam illam *Cæsaris* Dictatoris, quæ nepotis ejus *Octavii* celsam animam fatigavit, qui inter castra, atque inter classicorum strepitus libris invigilarunt. Eadem cura *Lælium* & *Scipionem*, duo belli fulmina, versabat. Aliter longe cum *Cæso* *Mario* comparatum, cujus hæc efferata fuit, & indigna bono cive vox: *non placere sibi literas*. Sed quid fecit Sapiente dignum? Sanguine, cædibusque, & mille malis *Remp.* implevit, & crudelitatem in omnes exercuit: Homo factiosus, inquietus, truculentus, qui si doctrinæ præcepta vel leniter attrigisset, didicisse poterat vim neque amicis, neque Patriæ asferre oportere. Regium profecto, & nunquam satis laudandum *Agamemnonis* olim erat votum, qui ut *Trojam* facilius expugnaret, non *Achillis*, aut *Ajais*, sed *Nestoris* decem

decem similes optabat? Regia
 eruditissimi vox, cum literis ad
 testari non dubitaverit, nulla
 posse, quam literis. Hinc doctri-
 rerum scientia alios superare ma-
 mis, & in expeditionibus suis
 paucos, sed plurimos eruditio-
 præstantissimos viros secum du-
 consilio ad necessitatem, & quo
 ne ad voluptatem vere regiam ut
 to ad se inter opes *Darii* scriniol-
 que cultissimo, amicis percont-
 usum illud esset destinaturus, rei
me servanda dabitur Ilias Homeri,
 sibi thesaurum literis pretiosior
 etiam tantopere delectatus fuit
 aliam *Iliadem*, viaticum militiæ
 vigilans nunquam è sinu depor-
 nunquam deserebat, sed sub pul-
 tanquam individuum comitem
 habebat. In eadem olim sentent
Augustus omnium eruditorum fa-
 que eruditissimus: unde & ab in-
 à puero cupidius literas, quam ari-
 jus exemplum imitatus Carolus
 tantum doctrinæ apicem, indefe-
 liisq; assurrexit, ut in linguis,
 nis, inter Principes, & Nobiles
 habuerit parem. Quid successore:
 suorum virtutis æmuli, multis
 sumptibus ingenuas artes usque
dovici, & *Friderici*, ut Græce & I-
 potuisse, referant historiarum me-
 hic in medium producā magni-
 mina, *Periclem*, *Themistoclem*, *E*
 generis sui claritatem virtute sup
 Imperii columina, *Scipiones*, *Lu*
Fabios, *Marcellos*, aliosque innun-
vestris subjicite, *Stephanum* in P

ejus nominis Primum in *Gallia*, *Amadaum* in *Sabaudia*, *Maximilianum* in *Germania*, omni elegantis doctrinæ genere mirifice excultos, qui inter tot Imperii onera, quibus vel ipse *Alas* sustinendis vix par esse queat, inter tot curas nullam pene dieculam sine linea, quæ ad ingenii cultum, & literarum studium pertinet, elabi passi sunt: Illam denique nunquam satis deprædicandam Heroinam in *Anglia* *Elisabetham*, in qua quid literæ humaniores potuerint, paulisper mecum expendite. Certe si quis unquam inde ab ultima vetustate, dignus exstitit, omni cultu, ac veneratione, principem in hoc ordine locum jure sibi vendicat. Cujus heroicæ virtutes non solum invidiam vicerunt, sed & mortale fastigium supergressæ sunt. Quod enim unquam imperium felicius administratum, quam eruditissimæ hujus Reginæ; adeo ut etiam multorum virilis dominatio ad hanc eubescere cogatur, ejusque prudentiam, altitudinem animi, justitiam, æquitatem, insignem literarum, & linguarum peritiam, non subditi solum, verum etiam exteræ nationes, non aliter observarunt, & admiratæ sunt, quam beneficum & saturare sidus è cœlo in terras demissum, ut seculo everso succederet, & rebus afflictis mederetur. Egregio omnibus documento, gloriam illam quæ ingenii & doctrinæ nobilitate quæritur, longe quidquid altum, sublime, magnificum est superare, imo & scriptis ipsius suum conferre decus ac ornamentum. Nam quod plerique qui alia honorum insignia, vana ut plurimum & caduca sectantur, parvi literaturam faciant imo damnent, insania quædam temporum est à qua cordatos omnes, & sapientes longe remotos esse decet, qui bonæ menti operam dant. Quantum itaque sacrilegium esse, quantum flagitium arbitramur, spoliare Nobilem iis ornamentis, nudare iis insignibus, privare iis adminiculis sine quibus ille neq; nominis sui dignitatem tueri, neque administrationis

sua

sux munere perfungi, aut Nobilis honorem sustinere, quid Nobilis? imo vero nec hominis appellationem mereri possit.

Ad hæc quid regeris, qui cathedram hanc ante me conscendere non dubitasti? Quid? mens, an frons, an utraque tibi defuit? nondum à veritatis semita longe te aberrare, animadvertis, graviterque hallucinari, & clarissimæ veritati nescio quas tenebras offundere, qui oratione tua licenter nimis, & contumeliose, in frequentissimâ hæc doctissimorum virorum coronâ præstantiam literarum sugillare conatus es, & apud eos in contemptum adducere, quorum maximè interest, his *Musis* amœnioribus imbui? Sed quibus argumentis? iis (liberè dicam quod sentio) quæ dignitatem earum commendant magis, quam deprimunt, & quæ responso (*διὰ κεφαλαίων*) indigna judicarem, nisi expectationi Auditorum etiam hac in parte satisfieri debere, mihi persuaderem. *Græcos*, quos per contemptum græculos appellas, primos literarum inventores esse clamas, & quia plerumque fabulosi, arceri ab iis, & dignioribus studiis *Nobiles* occupari debere. Sed quid nisi inscitiam tuam prodis, qui tam confidenter ea asserere non erubescis? Hoc à me discere, non *Græcos*, sed his longe antiquiores literarum & artium esse inventores Antiquiores certe esse inde plus satis constat, quod teste *Diogene Laërtio*, *Abrahamus* diu ante tempora *Græcorum* in *Aegypto* Astronomiam docuit. Et *Pythagoras*, *Plato*, *Eudoxus*, non à *Græcis* primo philosophiam addidicerunt, sed à *Judæis*: hi à *Trismegisto*, *Trismegistus* à *Mose*. Inde est quod *Porphyrus* Græcam Philosophiam, mille minimum annis, *Mose* posteriorem esse, fatetur: *Aristoteles*, philosophorum coryphaeus, in *Aegypto* artes Mathematicas ait primo constitutas fuisse. Idcirco in *Aegyptum* navigasse *Anaxagoram*, *Pythagoram*, *Platonem*, ut Philosophiam discerent in collegiis Sacerdotum. Quod
ergo

ergo tu *Gracis* tribuis, nunquam illud *Graci* sibi
rrogarunt, sed literarum inventionem *Deo* tri-
uendam esse uno ore fateri non dubitarunt.

Jam vero quid magis ineptum, quam illud fa-
tidiose aspernari, quod *Deum* authorem habet?
quo Ecclesiam suam vult regi, juventutem in-
trui, Respublicas administrari? Quid enim Res-
publica, sine hac institutione quæ hominis ani-
mum lubricum & insolenter ferocientem in gy-
rum rationis cogit, actiones ejus moderatur, &
ad virtutis fatus accipiendos præparat, & dispo-
nit? quid sine hac populi, quid gentes? barbaries
nera, tenebræ, quod non dico. Quid spei in
iac nostra si ista negligitur? imò quia olim ne-
glecta fortasse, hinc tristes illi lapsus rerum quos
lolemus, & morum in deterius euntium labe-
s, nec (si quid auguror) medicina aliunde huic ma-
o, nisi à juventute bene institutâ, bene educatâ.
Nam ut plantæ, & arbores, ne tortuosæ crescant,
lectuntur usu, & fultæ pedamentis assuetudine in-
rectum coguntur: sic juvenus. Quam si tanti in-
erest à puero formari, & severiore disciplinâ im-
ui, etiam in plebejis, quid de *Nobilium* liberis sta-
uendum consuemus; & quid æquè, imo quid aliud
ad eorum felicitatem pertinet, quàm ut ipsi di-
cant sapere, & ea pueri à bonis, & doctis hau-
iant, quæ grandes non sint ab assentatoribus au-
dituri? Nam si tanta sollicitudine, parentes non
omnino stulti puerum educant, unius prædii hæ-
redem, quo tandem studio, quâ curâ, educari
par est eum, qui non unis ædibus, sed populis,
& civitatibus instituitur, aut omnium commodo
futurus vir bonus, aut omnium exitio malus. Vi-
dit hoc fabulosa olim Vetustas, quæ asininis *Mida-*
auribus, in aureo tribunali sedentis, sceptrum
manu tenentis, quid aliud adumbrare, & vivis
quasi coloribus depingere voluit, quam hebetæ, &
crasso ingenio Principem, qui nullis literarum,
nullis disciplinarum præsiidiis instructus Remp.
inse-

infelicitèr administret? I nunc, & *Nobili* literas discendas esse nega, qui non sibi, sed Patriæ, sed consanguineis, sed Reip. natus est.

Sed pauperiem, & rei familiaris angustiam doctis, & literatis objicis: quasi vero non longe sint ditiores hoc uno sapientiæ thesauro litterati, quam *Crafi* & *Mida*, quantacunque etiam possideant auri pondera, & pecuniarum acervos: certe felix non est, qui his tantum sibi felix videtur, nec ille felix, qui his orbatus intra angustias & acerbitates fortunæ, felix esse desinit. Unde *Bias* unus ex septem *Græciæ* sapientibus, expugnata, & incensa urbe patria, cum ceteri ita fugerent, ut omnes aliquid secum de bonis suis asportarent, rogantibus, cur non idem faceret, omnia, inquit, mea mecum porto. Et *Diogenes* cum in dolio habitaret, ad eum forte venisset *Alexander*, inquiens, adsum, o *Diogenes* tibi subventurus, quandoquidem video te multum indigere. Quid ille à natura minime, aut disciplina factus ad assentandum? iter, inquit, nostrum pluribus eget? Egone qui ultra peram, & baculum (verba ejus sunt) nihil desidero: At vero tu qui non contentus patrio regno, tot periculum te obijci, ut latius imperes, adeo ut vix totus orbis cupiditati tua sufficiat? Præclare mehercule ac sapienter! Animus enim est qui divitem facit, nec eum puto pauperem, cui quantulumcunque superest, sat est: Pauper ille quidem erat iudicio vulgi, sed in tenui fortunula sua *Alexandri* liberalitate major, quam rejecit, nec eguit *Mida* gazis, & *Lydo* ditior auro, *Troica*, & *Euphrate* supra *Diademata* felix. Quia ditior est qui divitias spernit, quam quæ possidet, & vere ille magnus, & magni animi, qui magna contemnit, & quem nulla res minorem facit. Ut enim segetem nimia sternit ubertas, & rami onere franguntur, ita animos quoque immoderata felicitas rumpit; qua non tantum in aliorum injuriam, sed etiam in suam utuntur. Præclare Patrum quidam: *ἄλτ' ἀγρὶς ἢ τῶν ἐπιθυμιῶν πενία*. Et maxime divitiis

divitiis fruitur, qui minime divitiis indiget. Quantulum est enim, quod in tutelam homini necessarium sit? Corporis exigua desideria sunt: pane & aqua, quam Natura cunctis propinat, vita tolerari potest.

— *Multa petentibus*

Desunt multa: bene est cui Deus obtulit

Parca, quod satis est, manu.

Longius si itur, extra terminos itur, & in vastum illud INFINITUM. Sed vis ostendam tibi, posse hominem studiis deditum, etiam divitem fieri, & hanc esse, si quis velit, ad quæstum, ac compendium, vel maxime compendiarium viam? *Leontinus Gorgias*; nonne Rhetorices professione & maximas sibi divitias peperit, & tantam gloriam, ut ei vivo ac videnti honoris ergo, aurea statua in *Apollinis Pythii* templo constituta sit? Quid *Isocrates* summus ille Orator? nonne & summo in honore fuit, & iis opibus, ut ter ad trierarchiam, quæ opulentissimis fere destinari solebat, vocatus, cum eam bis declinasset, tandem magnificentissime objecit? Quid optimus pessimi principis magister *Seneca*? tantum abest ut mendicus fuerit, ut contra tantam sibi opum vim eloquentia sua, & eruditione confecerit, si vera sunt quæ literis prodita sunt, ut *Crassum* opibus duplo superaverit, & haud scio, an ullus hodie tota *Italia* Princeps tantas opes habeat, quantas in *Senecam* quadriennio *Nero* congeffit. Taceo *Oppianum* cuius elegantissimi Poëmatis recitatio tantam voluptatem attulisse *Antonino* Imperatori dicitur, ut Auctori operis pro singulis versibus singulos aureos nummos rependi curaverit, quorum summa ultra viginti millia fuisse constat. Sed næ tu mihi helleboro dignius esse videris, ut purgato cerebro, delirare tandem desinas, qui literaturam detorto loco, magni illius gentium doctoris *Pauli*, cuius ad sententiæ tuæ patrocinium, auctoritatem obtendis. Risum tenete Auditores. Hoc enim solum

lum in Epist. ad *Colossenses* exequitur *Paulus*, non esse de vero *Dei* cultu, petendam ab hominibus doctrinam, quia *Dens* fideliter nos, & ad plenum instituit, qualiter sit colendus. Quo hoc demonstrat, primo capite dicit in Euangelio contineri omnem sapientiam, qua perfectus reddatur homo *Dei* in *Christo*. Initio secundi, dicit omnes sapientiae thesauros in *Christo* esse reconditos: inde postea concludit, caveant fideles ne per inanem Philosophiam abducantur à grege *Christi*, secundum constitutiones hominum. In fine autem capituli majore adhuc fiducia damnat omnes ἱεροσπορικίας, hoc est, fictitios cultus, quos homines sibi comminiscuntur, vel ab aliis accipiunt, & quaecunque de cultu *Dei* tradere praecepta ex se audent. Sed quid hæc ad literaturam? quid ad Philosophiam? cujus Apostolus ipse sub *Gamalielle* olim fuit studiosissimus, ut abunde id indicant ejus non solum scripta, hinc inde aspersa flosculis poetarum, *Menandri*, *Arati*, *Epimenidis*: sed admiranda ejus qua polluit eloquentia. Quæ enim Oratio conferenda est cum illa quam habuit ad regem *Agrippam*? quæ cum illa, quam habuit ad *Festum*? ut mirum non sit magnum illum olim Ecclesie Hipponensis antistitem, inter alia optasse, non solum videre *Romam* in flore, *Christum* in carne, sed & *Paulum* in cathedra. Quis enim eo in dicendo gravior, quis in movendis affectibus acrior? quis argumentorum pondere, & rationum momentis sublimior?

Sed ut finem dicendi faciam, (cur enim hanc contentionis ferram reciprocamus longius?) ad vos me converto Studiosi, parentum vestrorum solatium & amor, Reip. spes, erudita propago. Audivistis literarum antiquitatem, præstantiam, dignitatem, usum. Audivistis nihil magis decere *Nobiles* quàm ut *Minervam*, illam Sapientiae *Deam*, inter arma ac *Martis* strepitus, & bellorum ætus studiose colant, & se in iis artibus exercent, & ad

Ad eas disciplinas animum adjungant, quæ *Nobilitatem* maxime commendant. Has igitur, ut tantum orationis meæ vela contraham, amplectimini, iis incumbite, Philosophorum libros inspicite, legite, & monita eorum, nocturna versate manu, versate diurna, arma cum libris conjungite, *Mariam* cum *Pallade*, ut non solum intellectum à sedo ignorantie situ vindicetis, verum etiam de hostibus vestris, ira, voluptate, libidine, audacia, ambitione, prodigalitate triumphetis, idque eo gloriosius quo plus est sibi quam aliis imperasse. Farum sunt arma fortis, nisi consilium sit domi, & nisi prudentia quæ literis acquiritur, rationis clarum teneat, & cogitationes nostras moderetur. Sed ut qui gemmas & aurum quærent, non summam terræ cutem stringunt, sed in viscera ejus penetrant: sic qui veram mansuramque doctrinam, altius necessum est in Sapientie adyta, & sensa se immittant. Nunquam satis laudata *Vegesii* vox est: *Quis melius quam literatus imperat.* Aurea quoque illa *Platonis*: *Bene agi cum ea Rep. in qua aut Philosophi regunt, aut Reges philosophantur.* Ad animum quæso revocate, optimos quosque duces olim litteras prius, quam arma, tractasse. Quis enim fuit *Pompejus* strenuus ille imperator? litteratus fuit. Quis *Scipio* de quo *Ennius* nullam ei statuam, nullam columnam à populo Romano erigi posse, quæ magnitudini rerum ab ipso gestarum responderet? litteratus fuit: Quis *Alexander*, Quis *Julius Cæsar*, Quis *Themistocles*, Quis *Fabius* ille Maximus, & alii pene innumeri? litterati fuerunt, qui pro chartis, fritillo, aleâ, animum in optimorum autorum lectione occupatum habuerunt, qui non nisi doctiores, & meliores ab ea redierunt: quibus unica studia, non canes, aves, equi, mimi, fanniones, levitatis, & lascivie magistri, Aularum hirudines: sed libri, Musæ, viri gravitate morum, & prudentia insignes.

Horum exempla vobis imitanda proponite. *Nobilitas enim hominis, non fortuna, non sanguis*

ne, non statuis & imaginibus, sed virtute, & teris metienda est, quæ si ullis displiceant, istum quibus displicere laus est. Ne vitam illam quam ex aëre trahitis, sed quam ex se nec splendidum putate auro vel argento circumfulgere sed doctrinæ luce : dum alii rem agunt & augment, pecunias numerant & ad stateram pendunt, vos Sapientum verba, & voces, ut tam defluxæ felicitatis præfidiis, quam de Sæptis ac eruditionis immobili peculio gloriari vmini. Ab hoc cardine præcipue pendet Reip. si ut enim non de nihilo Sapientum calculo manantur, qui fortunæ beneficio opulenti animarum bonarum partium immunem habent, & qui toperere *Nobilitatem* suam crepant, cum alioquin hil habeant *Nobilitatis* præter imagines, & in sesquipedalium titulorum : ita merito laudes qui se bonis, ac perpetuis ornamentis sic decorarunt, ut ea minima sit in ipsis *Nobilitatis* quam multorum opinio totam esse *Nobilitatem* fect. Dixi.

ORATIO XXI.

In vituperium Poëseos,

Habita à

PHILIPPO GEELKERKI

Cornelia Gracchorum mater, cum mat quædam *Campania*, illius hospitio utens namenta sua, quibus illud seculum nihil hat pulchrius, ipsi ostenderet, traxit eam sermo donec liberi redirent à schola, tum & hæc in ornamenta mea sunt. Sentiens matronæ esse pulchrius, neque pretiosius, quam lit habere rectè educatos. Eximie profectò, & Sæpter ! Quid enim parentibus in amore n

esse debet, & pretio, quam fidei hæc conjugalit pi-
gnora, & surgentis familiæ propagines, quæ non
vultus solum, sed & mores Majorum referunt:
ut in iis etiam defuncti reviviscere videantur. Sed
ut Parentibus pretiosissima ornamenta sunt liberi:
ita & præceptoribus discipuli: quæis velut testulis
eos instillent virtutis, & doctrinæ latices, qui
aliquando in hac colluvie morum, & hominum,
ad decus, & salutem Reip. redundant. Verum ut
præcipua eorum, qui juventutem instituunt, cura
esse debet, ut pietate imprimis crescant teneri illi
Musarum alumni; ita nihil est in quod incumbere
eos magis oportet, quam ut *Vestales*, & castas
juventutis aures prohibeant auditione eorum, qui-
bus corrumpi potest, aut inquinari. Inter quæ libe-
rè dicam Poësis primas mihi tenere videtur, eo-
que tanto periculosior, quo venenum suum cau-
tius tegit, & animis adolescentum se altius infi-
nuat. Nam ut auceps avem decepturus, fistula
dulce canit, & quemadmodum *Sirenes* cantu suo
nautas præternavigantes, ad se alliciunt, allectos
demergunt, demersos devorant. Ita suaviter quo-
que canit Poësis, ut studiosos adolescentes dul-
cedine sua ad se invitet, invitatos trahat, corrup-
pat, perdat. Quare cum ex more, ac consuetudine
hujus Gymnasii, mihi etiam de argumento aliquo,
solenni hoc tempore, publice sit declamandum,
non possum quin pro modulo ingenii mei, & qui-
buscunque potero rationibus, ingenuam juventu-
tem ab ea serio dehorte. Vestrum est, Auditores,
infantiam hac in parte meam, eo majori silentio sub-
levare, & favore complecti, quo justiori impulsus
causâ, hanc dicendi provinciam suscepi. Ac ne de
vestrâ in me benevolentiam vel tantillum dubitare vi-
dear, utar hac apud vos libertate, ut quidquid conce-
perim animo, in medium proferre non reformidem.

Nemo vel mediocriter tantum eruditus, igno-
rat hunc omnem studiorum esse scopum, eoque
perpetuo collimandum, ut ii qui litteris, discipli-

nis, & artibus capeffendis incumbunt, Deum summum illum rerum architectum, rectè cognoscant, cognitum, quâ par est reverentiâ, animique demissione suspiciant, venerentur, colant. Cognitio hæc unicum est & verum pietatis fundamentum, & virtutum magistra. Quisquis eâ caret, aut flocci pendit, quid non dicam Christiani, sed veri hominis habet? Etenim cum cæteras animantes potens ille Moderator Universi prono corpore ad pastum objecisset,

Os homini sublime dedit, cælumque tueri

Insistit, & erectos ad sidera tollere vultus.

ut pulcherrimæ hujus mundi machinæ contemplator, & naturæ speculator, ab iis quæ in rerum natura sunt, ad Autorem naturæ paulatim assurgens, eum tanquam omnium bonorum fontem religiosè colat, serviat, auscultet, ab eo solo dependeat, & in eo fiduciam collocet. Admiranda enim illa cælorum fabrica, elementorum amica pugna, & qualitarum in iis discors concordia, teluris ille variegatus cultus, & mundi inferioris mundus, flumina ex alto cadentia, perennes fontium scaturigines, tumultuosi maris leges, & statæ accessus recessusque vices, tam variz animantium figuræ, tam mirificæ herbarum gemmarumque vires, ista omnia quid nisi conditoris sui gloriam assidue canunt, & ad Dei cognitionem nos quasi manu ducunt? Sed quid Poëtis? illa ne vera, & saluari hac Dei cognitione nos imbuat, pietatem instillet, Religionem inculcat Numinis divini reverentiam commendat? Nihil minus: contra Deos finxerunt poëtæ ut infantuli pupas solent. Græcorum Deos ab Orpheo, Homero, Hesiodo primum inductos esse constat, qui eorum genus, & profaniam tradiderunt, & nomina, cognomina, & munera cuique sua, aut pro arbitrio, aut certa ratione tribuerunt. Poëta de *Dius Ænea* loquens victos deos vocat, parvumque nepotem una cum illis eadem, ut ita loquar, corbe concludit. Sed quales
quæso

quæso illi *Dii* qui vinci potuerunt ? qui illi *dii* ? aut homines fuerunt , aut *dæmones* in statuis , & cadaveribus latitantes. *Cicero* libro de natura deorum in hac *Desquavia* cum poëtis paria faciens , agnoscit singulorum ætatem , habitum , ornatum , genus , cognitionem , templa , sepulchra , rerum in vita gestarum imagines , in summa maximos , minimosque homines fuisse , imò homines , inter homines , valde homines , hominumque more vixisse. Sed mecum expendite , quæso Auditores , ex quo fonte suas hauserint poëtæ ineptias ridiculas merè , & aniles , veras quidem fateor quatenus res verè humanas narrant , sed falsas quatenus humanas diis adscribunt , quas hominibus debuissent : neino *Saturnum* nisi hominem scripsit , nec *Orpheus* ipse , deorum parens aliter aut sensit , aut locutus est. De *Jove* autem quid ? *Jupiter* patrem expellit , in monte *Olympo* jus reddit , *Europam* in *Tauro* , *Ganimedem* in *Aquilâ* (navium nomina sunt) scelestè rapit , parcit vero pudicitiz *Theotidu* , ex qua nasciturum *Achillem* intellexerat ipso fortiozem futurum : denique postquam terram quinquies circuevit , omnibus amicis , & consanguineis suis imperium partitus est , & hominibus leges reliquit , atate pessum acta in *Cruâ* , diem supremum obiit , & apud *Gnosum* oppidum sepelitur. Hæc quid nisi hominis vita , & nefarii quidem hominis ? indigni non qui cælum possideat , sed qui vel solum calcet. Sed ut homine factus est *Deus* : ita *Olympus* mons (nam ut ansa ausam , ita fabula trahit fabulam) apud poëtas pro summo cœlo usurpatur , & navis in *Aquilam* , *Thetis* in *Deam* migrat. De *Junone* etiam quæ non fabulantur nugivenduli , in *Samo* nempe educatam , ibi fratri *Jovi* nupuisse , *Martem* filium ex femore ejus natum , ut *Minervam* ex cerebro *Jovis* , vitamque ejus referunt , zelotypias & incestus , furta etiam *Iolii* *Veneræ* , & raptus ; ut concubitus cum *Danae* , & *Inone* , item raptum *Ganimedis* & *Europæ* : adeo non

homines tantum, sed monstra hominum, tota pro-
sapia erant. *Mars* enim copias *Jovis* in aciem edu-
cens, parum absuit quin perpetrati homicidii cau-
sa, *Athenis* suspenderetur. Qualis autem illa Re-
ligio, quæ in *Deos* evehit, quos jura terrena in
crucem tollunt? & quam illa ridicula hic sanum
habere, illic sepulchrum, hic ab hominibus coli,
illic putrescere, aut vermibus erodiri & *Apollinem*
quem *Delphis* sepultum esse fingunt, solem facere,
& solem terræ infodere? quid enim est divinita-
tem deorum suorum prorsus evertere, ejurare, quid
meras nugas agere, & umbram pro re habere, nisi
hoc sit? *Venus* cujus plures adulteri quam liberi nu-
merantur, prima lupanaria in orbem induxit,
Mercurius furum *Deus* est, hacque de causa, post
mortem templa illi dedicata sunt, quibus sibi pro-
pitium conabantur facere, hi quibus furti aliquid
erat subtractum, asserentes ipsius Numine, & ser-
vata multa, ad etiam recuperata. Sed ad Orcum
hæ nugæ, & de his satis. Nam si omnia ad amu-
sim recensere esset animus, quis tandem finis ani-
lium commentorum & fabularum triobolarium?
quis enim hominum in arbores, pisces, scopulos,
aliasque ejusmodi formas, *Jovis*, *Apollini*, & si-
milium idolorum nutu, conversiones planè mon-
strosas, sibilis ac cachinnis non excipiat? ad hæc
Tantali, *Danaidum*, *Sisyphi*, *Ixionis*, *Titii*, aliorum-
que cruciatus inauditos, *Charontis* Cymbam, *Sy-
giæ* paludes, *Acheronta*, *Platonem*, *Proserpinam*, *Ti-
siphonem*, *Cerberum* tricipitem, *Chimæram*, *Minotau-
rum*, & id genus portenta poëtica, hoc est fabu-
losa, quorum tanta apud eos est copia, quanta vel
æstivo tempore in campis cicadarum, adeo ut nu-
merum eorum recitaturi, viatico egeant, & respira-
re cogantur. Sed quam ad pietatem faciant, & ve-
ram *Dei* cognitionem hæc otiosæ mentis erudita
figmenta, quæ aures inani voluptate demulcent,
unicuique vestrum judicandum relinquo.

Sed quid, obsecro vos, de cognitione *Dei* lo-
quor,

puor, cum ne quidem ad studium virtutis nos du-
 at poësis, imo si res dicenda est, abducat, & la-
 am aperiat fenestram, ad omnem morum licen-
 iam, & vitæ libidinem: Nunc enim convivia,
 tunc choreas, & tripudia canit, nunc vagos &
 artivos amores, nunc raptus, & adulteria, nunc
 mantium simultates, perjuria, suspiria, lacrymas,
 & quid non? Ilias illa, & Odyssea *Homeri* poëta-
 um antiquissimi, tantopere à multis deprædica-
 ta, in enarranda navigatione *Ulyssis*, quid aliud
 tractat, quam impudicos *Calypsus*, & *Circes*, alia-
 rumque meretricularum cum *Ulyssæ* congressus?
 Cui etiam, ut tanto benignius exciperetur à deo
 liquo aut dea, nescio qua, herba quædam nomi-
 ne *Moly* offertur, cujus naturam spurcissimus ille
Martialis; & nugandi, mentiendique artifex maxi-
 nus, imprudenter nimis, & obscœne describit.
 li sunt nempe egregii illi mores, quos Poësis
 ultioribus suis passim inculcat. Docet enim qui-
 us artibus, quâ amabili insaniâ, sexus ille foëmi-
 eus sit inescandus, ut non obscure factum ab *O-*
idio ingenioliissimo illo nequitiz magistro, qui tam
 perte artem hanc profitetur, ut nemini sit hac in
 arte secundus, honestasque matronas, & virgines
 libatæ pudicitiz procul à se amandare videatur,
 hoc versiculo,

Esse procul vitta tennes, insigne pudoris,

Quaque tenes medios instita longa pedes.

quid *Martialis*? illene reliquis castior? Imò o-
 mnium, si quisquam impudentissimus. Ac ne lon-
 ius hanc camerinam moveam, perditæ, profliga-
 tæque turpitudinis, & morum immanitatis, po-
 sitne obscœnius, & scurrilius, quid scribi *Pria-*
us? ita hic fractis, pudoris omnis- & verecundiz
 pagulis, impune debacchatur, & furit scurrilis,
 : projecta Poëtæ turpissimi, quisquis fuerit,
 : *ισχυρολογία*, adeo ut quæ alibi musitare tantum,
 : in aurem susurrare solita est, suggestum hic
 conscendere audeat, & se omnium oculis spectan-

dam proponere ut vel lenones ipsos, & prostibula pudore suffundat, & ad foeda hæc, & turpia erubescant. Quæ cum ita sint, cui mirum videbitur, & novum, prodire ex schola Poëtarum juventutem corruptam, levem, petulantem, luxuriosam, ac moribus perditissimis, dum vitiis virtutis nomen imponunt, & fabulas suas modo admiranda carminis majestate illustriores reddunt, modo incredibili dictionis suavitate veluti nectare ac myrothecio perfundunt. Vidit hoc non obscuri nominis poëta, qui Poëtas graphice suis coloribus depingens, quo loco eos habeat luculenter ostendit. Ego inquit

—*devoceo versus, pariterque poëtas,
Cum video pueros obscena docente magistro
Carmina pejores fieri, primumque pudorem
Linquere paviatum, & sceleratos discere mores.*

Utinam, ô Palingeni, tecum facerent illi, qui hodie in tanto pretio habent Poësin, ejusque cultores, tantum sibi profecto non arrogarent Poëtæ, ineptæ illi loquacitatis magistri. Nunc vero cum illis & faveant multi & patrocinentur, animos ex eo capiunt, supercilia tollunt, cristas erigunt, & calamos felle tinctos in optimos etiam passim stringunt, ac dentatis suis satyris mordent, sugillant, rodunt, & quidvis sibi licere arbitrantur: unde tritum illud semper illis in ore,

—*Pictoribus atque Poëtis*

Quidlibet audendi semper fuit æqua potestas.

Item & illud: *Solu licet insanire Poëtis.*

Sed obsecro vos Auditores, quis iis hanc non dico potestatem, sed licentiam dedit, quam tam confidenter, & superbe sibi vendicant? *Deus* ne? non ipsa *Pytho* mihi persuaserit ut credam; contra prohibet, & eam severissime plectit. *Magistratus*? minime: est enim ille (de Christiano loquor) bonarum legum observantissimus, honestatis, modestiæ, simplicitatis vitæ, ac morum assertor strenuissimus, castitatis, & pudiciæ vindex acerrimus.

mus.

mus. Nec injuria. Si quid enim hominum decus, si quid ornamentum, certe pudicitia est. Cujus laude si reliqui mores ornati non sunt, omnem honoris splendorem amittant necesse est. Quid enim virtutes custodit? pudicitia: quid cupiditates sufflaminat & ceu virgo quæpiam intacta, ad eas rubore suffunditur? pudicitia. Hæc parens est omnis honesti consilii, tutela integritatis vitæ, magistra innocentæ. Hæc illa est quæ salutare moderandæ menti cogitationes injicit, & tanquam offuso flumine cupidinum flammæ restinguit, ardorem temperat, licentiæ audaciam frangit, temeritatem reprimat. Sed poëtæ quid, quorum nunc ingens est copia ut apum? certè quæ morum sunt licentiâ, quidquid bonarum legum est aspernantur, imo impiè, ac petulanter pessundant, suis vivunt moribus, genio indulgent, cuticulam curant. jocos, ludos, convivia, choreas agitant, ut liquet ex illo Flacci,

Nunc est bibendum, nunc pede libero

Pulsanda tellus

Jam Cytherea choros ducat imminente luna,

Junctaque Nymphis Gratia decentes,

Alterne terram quatiant pede;

Nunc decet aut viridi nitidum caput indere myrtho,

Aut flore terra quem ferunt soluta.

Sic vivere nempe, sic epulari assueti sunt, qui cum Epicuro in fruitione voluptatum, felicitatem suam collocarunt. Unde illud Venufini Poëtæ de se ipso præconium,

Me pinguem & nitidum bene curata cute vises

Cum ridere voles Epicuri de grege porcum.

Quæ autem hujus porci Religio fuerit, si quis forte scire desiderat, ipsum audiat de se loquentem:

Parcus Deorum cultor, & infrequens

Insanientis dum sapientia consultus error.

Quæ studia, quæ occupationes? nec illa quidem dissimulat:

*Nos (inquit) convivium, nos praelia virginum
Sanctis in juvenes unguibus acrium
Cantamus vacui, sive quid urimur,
Nos prater solitum leves.*

Sed ut altius Orationis mez vela expandam, videamus, seposito omni partium studio, an poësis beneficio ad liberalium disciplinarum cognitionem perveniri possit. Neminem certè tam ferrea fronte, & plumbeis præcordiis esse arbitror, hoc qui affirmare audeat. Nam ad hanc comparandam, præceptis opus est, institutione opus, studio, exercitatione. Non è fabulis illa poëtarum, quas teruncio non emerim, sed scriptis Sapientum eruenda est; quales olim fuere *Anaxagoras*, *Socrates*, *Plato*, *Aristoteles*, *Pythagoras*, *Democritus*, & alii qui tantum abest ut poëtas à juventute beneducata legendos esse voluerint, ut contra eos è Republica exterminandos esse judicaverint, tanquam ingeniorum pestes, & pessimos morum Magistros. Quid enim plerique nili fabulosas hominum transformationes operosè describunt, digni qui inter Moriarum procures primas teneant, dum tempus sæpe terunt, millium, quod dicitur terebrando, vel, ut apertius loquar, nugando. Nunc quomodo *Daphne*, amata ab *Apolline*, mutata sit in laurum, *Calisto* in ursam, *Syrinx* nymphea Arcadica, & una *Najadum* in arundines, *Io* in vaccam, quæ postea pristina forma recuperata, regi *Osiridi* nupsit, Sorores *Phædrentis* in populos arbores, *Narcissus* adolescens formosus in nominis sui florem, *Actæon*, in cervum, *Tithonus* in cicadam, *Myrmidones* in formicas: quid mirum?

Diruit, (nempe poëta) edificat, mutat quadrata rotundis.

Nunc amores deprædicat *Didonis*, & *Aenea*, nunc quomodo venatum iverint, & ingruente nimbo, in eandem speluncam devanerint? Nunc culicem laudat hic, alius puellæ suæ passerem; alius *Corinnam* suam, alius *Lydiam* aut *Chloën*, alius *Lesbiam*, alius

alius *Cynthiam*, versibus adeo inverecundis, ut mentiar si quid turpius dici possit, aut stylo consignari, longeque facilius *Angia* stabulum, quam talibus ineptiis multorum libros repurges, quæ si quis inquirat——*spina tricaque, & si quid vilins istis.* Et hæc talia Auditores, ad artium liberalium cognitionem conducere putatis? immane quantum discrepat. Nam ut ignis sine materia languescit, & extinguitur: Sic doctrina, sic virtus sine honesti alimento. Vitia contra, ut herba irrigua uberrime succrescunt, cito subrepunt, sine conciliatore placent, sine Magistro imbibuntur. Quanto magis si sunt qui probitati morum labem aspergant, nigra in candida vertant, credula ingenia perniciosissimarum fabularum laqueis implicent, ad nequitiam præeant, & manu ducant? est enim juvenus à natura prona, proclivis, propensa ad voluptates, ac libidines, & nisi recte instituat, mali pueri, pejores adolescentes, pessimi viri evadunt, nec in decrepita quoque senectute vitia illa magis abjiciuntur, quam nigrorem suum *Æthiops* deponit, aut *Pardus* maculas, idque eo magis est deplorandum, quod quo generosior, & liberalior est adolescentum indoles, hoc pluribus inescari vitiis solent, idemque plane hic quod agris evenire consuevit, qui quò fertiliores sunt, eò uberius, nisi colantur, carduos, tribulos, zizanias proferunt: ut præclare omnino *Plato* dixisse videatur, hominem si cum naturâ bonâ rectam nactus disciplinam fuerit, animalium omnium optimum: sin minus, omnium ferocissimum, ac pessimum futurum. Impulit hoc *Anaxagoram* ut *Periclem* institueret: *Isocratem* ut *Timotheum*: *Lyfidem Pythagoræum*, ut *Epaminonda* bene vivendi præcepta traderet: *Aristotelem*, ut *Alexandrum* Magnum erudiret: *Xenophontem*, ut *Cyrum*. Sed hac in parte, cautione, & quidem liliigenti opus, ne ea juventuti instillentur, quæ iam corrumpant, ac deteriorem reddant: Nam

Quo semel est imbuta volens servabit odorem.
Testa diu.

Nec facile colores ii, quibus candida la-
mel inficitur, eluuntur. Quid causæ fuit
nos viginti integros *Platonem Aristoteles* a
non alia quam quod meliorem, nec doc-
audire potuisset: cur ab *Herodico Hypocrates*,
et *Galenus*, alii ab aliis institui informarique
luerunt? viderunt hi scilicet ut ad fructus
fos uberesque proferendos soli bonitas nor-
cit, sed & seminio opus est, & cultore ic-
ita ingenii felicitatem, & naturæ præstanti
doctrinam consequendam, nisi præcepta sa-
doctoresque periti accedant, parum aut nih-
se, quin & illud observarunt, industrios agi
& hortulanos, arbusculis, & plantis ut re-
la feliciterque crescant, pedamenta appone-
que *Timotheum* suum Apostolus frustra hoc
ut non iis quæ ipse finxerit, sed his quæ
rit, serio incumbat, sciat etiam à quo di-
Tanti nempe est benè erudiri, tanti felicit-
tui? A qua institutione cum longè nos abduc-
sis, vanitatis omnis, & nequitie magistra,
deo non dicam à ratione, sed & à sensu co-
ni derelictus est, qui eam juventuti non pe-
sam, scholisque benè constitutis eliminanda
non iudicabit? Ut nihil de eo nunc dicam
& cultoribus suis noxia sit, & in præsentissi-
tæ discrimina adducat. Quid enim *Ovidium*, &
rissimi ingenii virum, tristissimo multavit ex-
ad *Getas*, populos dico barbaros, & ab omni
nitate alienos relegavit? Poësis: de hac eni-

*Si scirem doctas odissem jure sorores,
Numina cultori perniciofa suo.*

Quid *Cræsum* regno & opibus exuit? Poë-
plus nimio oraculis fidens, cum bellum
suscepisset adversus *Cyrum* potentissimum *P*-
regem, se & suos in ruinam egit. Quid *P*-
Epirotarum regem perdidit? poësis: conf-
nim oraculo *Apollinis* qui responsum hoc
derat: *Ajo te Evinda Romanos vincere*

cum victoriam sibi polliceretur, in bello, iſtu tegulæ percuffus obiit.

Sed attentione veſtra jam dudum abutens, & ſepta, quod ajunt, tranſiliens, finem dicendi facio. Audiviſtis, Adoleſcentes Studioſi, quo loco vobis debent eſſe poëtæ, & quo in pretio poëſis, quæ candida ingenia: piaſque animas blandis fabularum ſuarum lenociniis inſcatas à Deo abducit, malos mores teneris ætatibus inſtillat, vitæ luxum, ac licentiam ſuggerit, ſomnia, & cerebri humani commenta operoſo labore ineptiarum deprædicat, pietatem contra, ac religionem animis hominum eximit, Reſpublicas & civitates corrumpit, ſcholas inficit. Ea etiam non raro *Satan* abuſus eſt ad decipiendos per mentita ſua oracula & inſanientem ſapientiam, homines: hæc quæſo ad animum revocate, & poëſin ſanguine viperino cautius fugite, vitæque veſtræ cymbulam ſectite ab hac charybdi, & quemadmodum *Ulyſſes Syrenas* has obturatis auribus præternavigate. Tu vero æterne *Deus* qui docentium, & diſcentium officia inſtituiſti, qui ſcholas Reip. & Eccleſiæ eſſe voluiſti ſeminaria, qui omnis ſapientiæ fons es & autor, juventutem hanc ſpiritu tuo rege, & in ſemita pietatis dirige; ut miſſis fabulis veritatem ſectetur unice, & amet, iisque artibus, & diſciplinis incumbat, queis non doctior modo, ſed & melior evadat, ſuosque in ſtudiis progreſſus honori tuo devotum eat, & Eccleſiæ ac Reip. bono. Dixi.

O R A T I O XXII.

In laudem Poëſeos,

Habita ab

A D R I A N O R O O N I O.

AUrea vere ſententia eſt, ῥᾶν μαμῆτασθαι ἢ μιμήτασθαι. Ita enim multi naturâ comparati ſunt,

sunt, ut prouiores semper sint in rerum vituperia, quam laudes: & ut nemo libentius aliorum studia, aliorum labores carpit, quàm qui laudabile nihil ipse præstat: ita fere genus hoc hominum in laudatos insurgit, & qui minime reprehendi merentur. Sic *Homærum*, illum poetarum principem infectatus est *Zoilus*, *Socratem Melite*, *Aristotelem Aristoxenes*, *Cecrops Hesiodum*, *Pindarum Amphimanes*, *Virgilium Mævius & Bavus*, *Ciceronem Cestius*. Nempe ut umbra corpus cominatur: ita eruditionem, liberalia studia, actiones honestas, obtractantium dicacitas. Ridetur in fabulis, monstri quoddam genus, *Lamia*, quod domi oculis captæ, nihil rerum suarum vident, nihil prospiciunt, nihil considerant: at foras cum egressæ fuerint, omnium maximè oculatæ habeantur, præsertim in iis carpendis quæ fere optima. Tales mihi curiosi isti scioli, qui non solum ignavissimi, sed & ignarissimi, rebus iis sugillandis se miscunt, ad quas cogitatione, & sensu non pertingunt. Ut in navi remo cum ferat, qui nautas moneat identidem, aut culpet, ipse interea imperitus, manum non dicam clavo admove, sed remo: ita merito importuna nobis, & molesta vascula illa inania quæ maxime tinniunt, & liquoris minimum habent, in hoc nata ut licenter omnia, & temere infectando perstringant. Quam non ferendam in scholis bene constitutis licentiam, cum etiam in iis animadvertam, qui literaturam profitentur, & cathedram hanc conscendere non erubescunt, ut Poësin omnis doctrinæ, & sublimioris sapientiæ magistratam publicâ oratione traducant, eamque omnibus invisam reddere nulli dubitent, doleo Auditores, & acerbè fero, nobilissimam hanc facultatem tam impune sugillari, cumque ego aliam longe de ea opinionem conceperim, quam etiam vetiorem esse arbitror, non possum quin tacentibus omnibus aliis, quid sentiam, libere pronuntiem, nullo impulsus contentionis studio: sed amore veritatis,

zitatibus, quam nescio quis Philosophorum in abstruso, & profundo latitare professus est. Quod si in hac causa, & in suscepto Poësis patrocinio, omnia quæ dicenda mihi sunt liberius fortasse dixerò, adolescentiæ meæ ignosci à vobis studiosissime peto.

Ac ne longiore verborum ambitu vos detineam, eam ab ipsis primordiis consideremus. Certe inter ea quæ dignitatem, & præstantiam poësis commendant, nihil est quod eam commendabilem magis reddat, quam si unde originem suam traxerit, expendamus. Non eam è *Creta Jovis* patria ortam profitebor, non è *Curetibus* qui *Jovis* cunas observasse feruntur, non è *Deo* in qua *Apollo* natus, non è *Cyntho* in quo sese *Mercurius* editum gloriatur. Mitto levia ista, in illis quæ cælo viciniora sunt, *Musarum* patriam quæram. Quis autem certior nobis dux, quam ipsarum filii? *Orpheum* antiquissimum poëtam qui cythara sua, & flexanima voce, bruta, imò nemora ipsa, & saxa traxisse ad se fertur, audiamus, audiamus *Homerum* illum paganæ sapientiæ fontem, & poëtam sine exemplo maximum: interrogemus *Hesiodum* qui illas in cælo natas, & è cælo mortalibus missas esse, tradiderunt. Quid enim aliud Poëtæ volunt, cum *Jovis* filias ex matre *Memoria* procreatas esse novem illas *Musas*, uno ore profiteri non dubitant, quid inquam volunt aliud, quam plane divina hæc esse munera, quæ non ut aliæ disciplinæ indefesso labore, & operosa, longaque institutione comparantur, sed singulari Dei gratia animis hominum infunduntur? Quod cum Philosophorum ille princeps *Plato* intelligeret, neminem ad fores poëticas accedere posse dixit, nisi cælesti aliquo spiritu imbutum. Nulla enim studia sunt, quæ majore vi mentis, quæ acriore animi impetu peragantur, quam sublimes illæ poëtarum meditationes. Nihil tam difficile est, tam arduum, tam abstrusum in quod non penetrent ingenii sui acuminis. Aquilas ferunt tanta

pollere

pollere visus præstantia, tanta acie oculorum, ut solem in ipso meridie irretortis oculis intrueri queant. Quid Poëtæ primi illi sapientiæ magistri, & divinæ mentis interpretes? Longe illi acutius cernunt, & in ipsa rerum divinarum adyta penetrant, vaticinantur, futura præsciunt, oracula dictant. Hinc ex cælo lapsos olim judicavit Antiquitas, eamque in Poëtarum dictis sapientiam agnovit, ut etiam loco oraculorum scripta eorum habuerit, & in rebus dubiis tanquam folia Sibyllina consuluerint viri gravissimi. Inter alios *Græcorum* ille sapientissimus *Socrates*, qui cum audisset recitari versum Homericæ *Achillis*.

Ἡματιὴν τριτὰρ φθίνῃ ἐρέω λον ἱκοίμεν.

Intellecto rei portento, die se tertio morituum *Æschini* prædixit, dixit & evenit. *Brutus* acerrimus quondam libertatis patriæ vindex, cum Martis aleam in campis Philippicis præscire vehementer desideraret, non ut alii Oraculum *Apollinis* adiit, non ad haruspices se convertit, non ad augures, non ad avium volatus, & garritus, sed ad *Homeri* magni illius poëtæ volumina, quæ quasi præmonerent, interitum ejus certum denuntiabant. Versus se offerebat ille *Patrocli* moribundi *Heclorem* alloquentis:

Ἀλλὰ με μοῖρ ὅλον καὶ λητῆς ἔκτανεν ἦτορ.

Me fera parca fecit, sævusque trucidat Apollo.

ἄμα ἦτορ, ἄμα ἔργον clade accepta cecidit, & veritatem eventus comprobavit. Videtis, Auditores, cur tanquam peculiari nomine divini Poëtæ appellentur, quod scripta eorum non modo de præteritis, ac de præsentibus loquantur, verum etiam futurorum vaticinationes complectantur. Ac ne arcanam illam rerum scientiam in solo *Homero* admiremini, cui *palmam ingeniorum* ab omni ævo, jure meritissimo *Plinius* adjudicat, idem de aliis judicatum esse, paucis si attenderitis ostendam. Quid enim *Alexander Severus* Imperator, cum ille quoque futurorum desiderio teneretur,
divinus

divinus illi fuit *Mars*. Imperii superstitiosus quidem designator, verus tamen aruspex. Cum enim ille sortes ejus consulisset, parvulus etiam tum incidisse in hunc versiculum dicitur:

Te manet imperium, cali terraeque marisque.

Ecquis hic non *Sybillas*, non *Apollinem*, non ipsa *Jovis* Oracula, prae Virgiliano illo vaticinio contempserit? Fecit hoc *Claudius* Imperator, qui non tantum fidei auguriis habuit, quantum poëtarum. Nam cum de vitâ, & regno suo ejus sci citaretur sententiam, fortirò nactus est illum ex lib. 6. *Aeneidos* versiculum,

Tertia dum Latio regnantem videt aëtas.

Quod quidem verè ipsi contigit: ad triennium enim non regnavit. Sciscitatus erat idem de fratre, quem imperii consortem habere desiderabat. Sortis loco ille ex 6 *Aeneidos* prodiiit:

Ostendunt terris hunc tantum fata.

Ut dictum, ita factum? decimo enim septimo Imperii die, cum vix se ostendisset imperio, obiit. Sexcenta id genus proferri possent, non ex *Maronis* solum nostro; sed & ex *Musæo* & aliis, quorum carmina tanquam cælitus delapsa ancilia, in templis religiosè observata, culta, & pro Oraculis habita fuerunt. Sed ne attentione vestra abuti videar, unum hoc mecum expendite, Auditores, in nulla vix unquam vitæ discrimina incidisse poëtas, quibus aut non liberati fuerunt, miraculosè pene, & ἀπὸ μυχῶν, aut vindicem Dei manum non senserint, quicunque eos unquam aut bonis, aut vita spoliarent. Exempla passim obvia sunt, & omni avo. Inter alia *Simonidis*, qui cum apud hospitem suum in *Thessaliâ*, cum multis aliis convivaretur, singulari cœli favore solus triclinii ruinam effugit. *Arien* cum artis poëticæ studio magnam pecuniæ summam comparasset, *Corinthum* navigans à naviculariis, qui opibus ejus insidias parabant, in mare præcipitatus, à *Delphino* ergo exceptus, & conservatus est. *Hesiodi* à latronibus

Poëtarum, immortalitatis stilo tinctis animi
velut morti suæ superstites vivunt, & victi

Sua Sol diei

Donec effundet, sua Luna donec

Lumina nocti.

Eudamidas interrogatus à quodam quam o-
fam *Lacedæmones*, priusquam irent in præ-
Mufis immolarent, cum Mufis nihil vi-
cum Marte esse commercii? in rebus, inquit
titer gestis contingat honesta commens-
Nam

Non incisa notis marmora publicis

Per qua spiritus, & vita redit bonis

Past mortem Ducibus, non celeres fuga

Rejētaque retrorsum Hannibalis mina,

Non incendia Carthaginis impia

Ejus, qui domita nomen ab Africa

 *Lucratus rediit, clarius indicant*

Laudes, quam Calabra Pierides, neque

Si charta fileant, quod bene feceris,

Mercedem tuleris. Quid foret Illia,

Mavortisque puer, si taciturnitas

Obstaret meritis invida Romuli?

Ereptum Stygiis fluctibus Æacum

Virtus & favor & lingua potentium

Vatum divitibus consecrat insulis.

Et profecto sic oportet cum non minus
ritatis intersit, quam eminentium virorum
pro Patria strenuè fecerunt, res gestas eorum
filia, labores, ingenii monumenta, ne vir
debita gloriæ merces invideatur, æternita-
mæque titulo consecrati. Movit hoc *Hercu-*
gnum illum monstrorum terræ domitore
cum *Mufis* pactum hoc inierit, ut illæ quas
defenderet, res suas præclare gestas, labo-
exantlatos stilo ad posteritatem propagarer-
vit & Imperatores olim Romanos, ut Poë-
petuos comites habuerint, laurea coronar-
opibus, ac dignitatibus auxerint. *Ennini*;

Scipio nis divelli nunquam potuit, nec mortuus à mortuo separari, sed uterque in eodem tumulto collocari. Populus Romanus tantum *Maroni* honorem habuit, ut auditis versibus ejus, assurrexit, præsentemque Poëtam quasi *Augustum* ipsum, in Theatro, veneratus sit. *Theophanes* a *Pompejo* civitate donatur. *Terentius* juxta *Scipionem* in curru triumphali, plausu totius populi comitante, pileatus conspicitur. *Appianus Alexandri Severi* munificentiam ditescit. *Vespasianus* maximis muneribus poetæ condecorat. *Titus* medias inter *Musas* sedet, scribit, componit, meditatur. *Claudius* Imperator *Nonniani* Poëta auditor est diligentissimus. Adeo verum est tritum illud;

Carmen amat, quisquis carmine digna gerit.

Sed ne præmia solum, florentissimas opes, honores, dignitates, coronas Poëtarum loqui videar, quæ etiam in indignos haud raro conferri possunt, jam quæ merita ipsorum sunt videamus. Hic vero τὸ πρῶτον τὸ δ' ἔπειτα τὸ ὑστάτιον κατὰ λέξω; *Musarum* enim erant illæ apiculæ, quæ *Platonis*, quæ *Stesichori*, quæ *Pindari* labiis infederunt. *Musarum* illa buccina quæ *Spartanis* contra *Messenios* victorias peperit. *Musarum* illa turba quæ *Alexandrum Magnum* ad tantam in armis capeffendis animi fortitudinem, in bellis gerendis vigilantiam, & alacritatem, in subeundis periculis constantiam excitavit. *Musarum* illa erat cithara, quæ inter armorum strepitus, & clangores tubarum, iram *Achillis* mitigavit, dolorem leniit, animum labore fractum demulcit. *Musarum* erat ille filius de cujus patria septem illæ urbes contenderunt, quem *Colophonii* suum, *Smirnaei* suum, *Rhodii* suum, *Salamines* suum esse gloriati sunt. *Musarum* beneficio, *Pericles* & *Sophocles* ad summos honores in *Attica* Rep. evecti fuerunt. Quo igitur loco habendi sunt illi, qui dulcissimo, & amœnissimo *Musarum* studio non delectantur? Certè non homines esse dicam: sed meras pecudes, & inutilia

humanitate complexus ut, *roy*
tyrannus *Anacreontem* in delici
qui humanitatem omnem exuissi
stis propior quam homini, hoc
minem se esse probavit. Quid r
mnium scientiarum fontes tene
præclarissima quæque decerpit.
mnium scientiarum cognitio, ut
tiquis poëtis est, ita præcipue in
rum *Homero*. Qui quantus fuerit
libus, & in *Ethicis*, ejus scripta
Fatentur & Philosophi cum *Ma*
eum divinarum inventionum orig
dicant cum *Plinio*, ingeniorum o
cum *Strabone*, Geographiz pare
Quantus vero *Anatomicus*, *Bota*
fuerit, ex scriptis Medicorum in
la medicinæ pars, ab illo non p
tractata, morborum causæ, nimi
moda, plantarum vires, moly, le
cinthi & aliarum. Unde etiam An
melior hic judex) quo ostende
mas inter se disciplinas. Medicin

quid *Patronium*, quid *Ausonius*, non inficianda
 sæculo nomina, pluresque alios, qui utramque
Apollinis artem magnacum laude pertractarunt?
 Jam quid de Jurisconsultis dicam? Certè in
 tanto olim apud eos honore fuerunt Poëtæ, ut il-
 lorum parentem *Homerum* Ἡὤμηρος ὁ ποιητὴς, Im-
 perator parentem omnis virtutis appellarit, cum-
 que tanquam judicem permutationibus, & vendi-
 tionibus adhibere non dubitaverit. De *Cotta*, in-
 geniosissimi Poëtæ illustre est præconium,

Numen Picridum, præsidiumque fori.

Modestinus in ipsa curia, pro rostris, secures in-
 ter & fasces, strepitusque forenses, *Musas* coluit
 & carmina non semel fudit. *Cecilius Gallus*, *Ca-
 jus*, & innumeri alii quam reverenter Poësin ha-
 buerint, testantur docta eorum monumenta, Poë-
 tico calamo consignata. Quid *Ulpianus*, an non
 dum regulas scribit, versus scribit? Quid sæculi
 sui lumina, ingenii ac doctrinæ principes, *Al-
 ciatius*, *Budæus*, *Turnebus*? Quid alii quos hodie
 in cancellis imperatoriis, in curiis Electorum, in
 consiliis principum à *Musis* coronatos videmus?
 non minores illifuerint poëtæ, quam Jurisconsul-
 ti. Sed ne à Poësi Theologos alienos esse putetis,
 & *Musas* templis eorum excludi, quis adeo Sacra-
 rum literarum rudis est, & imperitus, qui nesciat
 his flosculis aspersos esse Prophetarum, & Apo-
 stolorum libros? Quid aliud Cantica *Mosis*, *De-
 boræ*, *Barachi*, *Anna*, Psalmi *Davidis*, quid canti-
 cum canticorum Sapientis illud Hebræi, quid a-
 liud inquam spirant quam Poëtarum elegantiam?
 quid Patrum tempore, *Nazianzeni*, quid *Prudentii*
 scripta testantur, nisi summum in viris istis Poë-
 seos studium, & amorem *Musarum*? *Menandrum*,
Epimenidem, *Aratum* quis nescit citatos esse à *Paulo*,
 magno illo doctore Gentium? *Virgilium* non
 sine admiratione receptum ab *Augustino*: *Aristo-
 phanem* ab *Hieronymo* traditum manibus puero-
 rum, à *Chrysostomo* pulvillo suppositum?

Quæ

JACOBI CRUCII

quæ cum ita sint, mirari satis nequeo inveniri
 mines tenebriones, & rei literariæ iniquos,
 nsores adeo impudentes, & proterve maledicos,
 ui studium Poëscos convitiis proscindere non
 rubescant, carpentes ea temere, quæ non ca-
 piunt, damnare parati magis quam discere. In
 alia longè sententia Philosophorum coryphæus
 Plato, qui Poëtas modo sapientiæ Patres, modo
 Deorum Filios vocat. *Aristoteles* in scriptis suis
 non tantum poëtarum testimoniis utitur, verum
 etiam libro primo de sapientiâ, Philosophum o-
 mnem fabularum amatorem esse confirmat. Non
 de nihilo. Quis enim nescit sub fabularum invo-
 lucris arcanos sapientiæ sensus, & salutaria vitæ
 & animi fortitudinem nos cohortantur, ut ea quæ
 tradita sunt de *Hercule*, magno illo domitore ter-
 rarum. Aliæ ab omni crudelitate & perfidia nos
 retrahunt, ut *Lycaonis* fabula, ut illa de cymba *Cha-*
rontis, de *Plutone*, *Tartaro*. Aliæ ad deterrendos ho-
 mines à rebusturpibus inventæ sunt, ut *Ixionis* su-
 plicium apud inferos, & malæ conscientia lan-
 titis *Tantali*. Aliæ à temeritate, ut illa de *Phaë-*
te, & *Icaro* fabula. Aliæ ab amore sui, & Phæ-
 ut illa *Narcissi*. Aliæ ad virtutes nos allici-
 ad integritatem vitæ, ad æquitatem, ad Re-
 nem, ut *Elysiorum* camporum amœnitas.
 denique ab omnibus flagitiis revocant, ut
Rhadamantho, *Minoë*, *Æaco*, severissimis
 viris, qui apud inferos, singulorum an-
 functorum judicant, & gravissima scele-
 plicia decernunt; nempe ut arcanis sac-
 fanorum obtendi, & aulæ: sic Poëtæ à
 fabularum obtentu quodam regunt
 dicta; nec nisi ab ignavis, aut stultis
 que enim altæ, acres, ferientes sent

liffima p
 bique p
 nimos
 rerum
 quida
 qui t
 juven
 ut p
 salt
 co
 h

lima monita, aut medicamenta animorum: uque præcepta Sapientiæ, quæ quo facilius in animos influant, insatiabili quadam admirabilium rerum varietate condierunt: Sed oblatrant hic quidam, & obscœnitatem poetarum obtendunt, qui tanquam si nequitiam profiterentur, incautæ juventutis vestales aures, & mentes Cyrcæo velut poculo venenant, eamque in delidiam, aleam, saltus, tripudia, vagos amores, turpi lenocinio compellunt. Esto, intercurrent quædam non satis honesta. Quid? an idem culpanda Poësis, si qui ea abutantur ab libidinem, & morum licentiam? usum rei bonæ ab ejus abusu distinguere discant, qui tam procaciter, tam petulanter eam traducunt. Ut illi qui à scorpiis icti sunt, ab iisdem remedium petunt: ita ex ipsis Poëtis vulnere, quæ ab eorum fabulis inflicta sunt, remedia petant. *Jovem* legunt in imbrem aureum conversum, & per tegulas in *Danaës* turrim illapsam, fucum virgini facientem? ad animum revocent eximiam illam Lyrici vatis sententiam,

Aurum per medios ire satellites

Et perumpere: iamat saxa, potentius

Idem fulmineo.

In magnatibus luxuriam detestentur, & in virginum custodibus, pecuniæ amorem. Gigantes vident in fabulis cœlum superosque adoriri, & bellum intentare diis? subeat animum historia *Mosis*, de turris Babylonicæ architectis, discantque eorum exemplo, quam non solum impium sit, sed & temerarium *Θεομαχῆιν, καὶ πρὸς κέντρα λακτίζειν*. Audiunt ob audaciam *Lycaonis* cæterorumque mortalium deploratam nequitiam, universon orbem terrarum profusis imbribus inundari, adeo ut opertis diluvio montibus, omnis humana caro interierit, duobus tantum exceptis *Deucalione* scilicet & *Pyrrha*, quod ceteros mortales omnes pietate antecederent? veniat in mentem historia *Noachi*, & fabulæ hujus argu-

mentum ad sacræ pugnæ veritatem expendant, discantque venerari hanc *Dei* in plectendis peccatis hominum iustam severitatem, hinc in servandis suis plusquam paternam benignitatem, & clementiam. Sed quid soli lucem fœneror, & frigidis objectiunculis refellendis longius me impendo, quas & fullones exhibilent, paullo saniores? Finio Auditores, & ut nautæ

—quando ex alio procul

Terram conspiciunt,

ex animo lætantur: sic ego qui terram non aspicio sed tango. Audivistis *Musarum* antiquitatem, intellexistis studii poëtici præstantiam, utilitatem ejus degustastis, suavitatem hausistis. Vidistis in quanto olim pretio fuerint Poëtæ, quam grati, quam accepti in aulis Principum, quam familiariter cum iis vixerint, sermones sociaverint, convivati sint cum Imperatoribus, cum Regibus: quæ laborum suorum retulerint præmia, quas dignitates, quos honores, quas opes. Quid diligentiam vestram exacuat, quid amorem nobilis illius studii poëtici animis vestris ingeneret, quid genium vestrum, quid ingenium stimulet, compellat, incitet ad seriam Poëtarum lectionem, & generosam Poëseos æmulationem, nisi hæc sint? Viam quam insistere vos volo arduam esse novi; sed ut Athletæ cursu non eos respiciunt quos reliquerunt, sed intendunt in priores: sic vos in eos qui vobis doctiores. Immortalis sum si per desidiæ aditus ad immortalitatem patet. Ut arborem plantare satis non est, rigare, putare debes, & pertinaci cultu quidquid speras urgere: sic ingenium Mortalium animos natura dotat, industria perficit. Laborandum hic si usquam, nec alia lege paratur eruditio, nihil quoque ad æternitatis famam gloriosius, ad exempli normam utilius. *Musas* quidem in *Parnasso* sedentes somniavit Antiquitas, nemo tamen ad illas nisi stando, & vigilando pervenit. Sed longius provehor in oratione,

nc,

ne, quam par est. Vos studiosos, & commilitones suavissimos etiam atque etiam monitos, & rogatos volo, ut ea quæ à me dicta sunt ad animum revocetis. Venam quæ vos natura instruxit colite, poëtas cum *Græcos*, tum *Latinos* vobis reddite familiares, carmen utraque lingua non pœnitendum scribere, & arcana mysteriaque omnia, quæ vel divinitus ab *Homero*, *Phæbo* illo vatum, vel ingeniosè ab aliis, qui hac in parte excelluerunt, prodita ac relicta sunt, nocturna versate manu, versate diurna. Quid enim (ita me Musæ) scriptis eorum doctius, quid ornatius? qui lepores ubique, quæ Veneres, quæ elegantia? quas qui non admirentur, eas proculdubio, aut omninò non legerunt, aut si legerint plane in literis cæcutiunt. Mihi credite, nulla compendiaria magis nominis parandi ratio, quàm per Poësim, quam si quis videat recto animi oculo, quid culpet, imò quid non suspiciat, & admiretur? Ingenti Colosso *Rhodus* celebris est; *Caria* Mausoli sepulchro, *Memphis* pyramidibus. Sed qui se totum *Musis* devovit, & *Apollini*, si quæ unquam ingenii monumenta ad posteritatem transmittat, auctori immortalitatem conferunt, præmiumque laboris sui

— are perennius:

*Regalique suæ pyramidum altius,
Quod non imber edax, non aquilo impotens
Possit diruere, aut innumerabilis*

Annorum series, fugaque temporum,
æternum victuro, quamdiu nobilioribus his literis erit usus, honos scientiæ, doctrinæ pretium, sapientiæ laus. Dixi.

ORATIO XXIII.

In vituperium Otii, ignavi, recitata

Carminis, à

FRANCISCO CROMELING.

CASTALIO gens sacra choro, cui fronde virenti
Nescit Apollo comam, rerumque arcana re-
cludens

Pierio doctas dedit immerfisse liquori
Vatum animas, quæ causa fuit melioribus olim
Ingeniis, dubiam tanto certamine famam,
Et laudum tentare vias? dum nescia veri
Fabula, pellaceisque joci, risusque, salesque,
Fictaque facundis miscentur prælia chartis.

Non aliud docto quondam molita labore est
Mæonii mens alta Senis, cum saxa Charybdis,
Naufraga cum Scyllæ rabiem, cum lurida Circes
Pocula, Sirenasque canit; quaque inter amores
Penelope trahat arte procos, dum lenta diurnæ
Stamina pertextæ diffingit callida telæ.

Tuque decus vatum, & nunquam moritura Ma-
ronis

Vena, quid Æneæ decantas prælia versu
Augusto placitura tuo? mentitaque Elisæ
Fœdera connubii, miseri post fata Sichæi
Dardanio jurata Duci? Tuque unica gentis
Gloria Pelignæ, lascivo prodere cantu
Semina nequitæ gaudes, vitiisque recludis
Per Veneris fomenta viam. Sic plurima Vatum
Materies non digna cani, dum huic fabula Da-
phnes,

Aut Phlegethontæ facie furibunda Megæra
Ficta placet; Niobes alius suspiria matris
Exanimes inter natos, natasque, virumque,
Commemorat; turpes alius modulatur amores,
Semiferosque alius Centauros, Gorgonas atras,
Hæ-

Harpas, **Sphingefque**, **ardentesque ore Chimæræ**:
Cæteraque obfcœnis olim cantata Poëtis.

Sed me Parnaffi dejeria per ardua dulcis

Raptat amor, rerumque alius mihi nascitur ordo,
 Dicendique modus; non jam, non bella Gigantum
 Dîs superis illata canam, non horrida Pluti
 Regna patris, furiasque, & diris quidquid Averni
 Faucibus evomuit quondam Proserpina monstri:
 Non Phaëtonis equos, raptumq; per avia currum,
 Præcipitesque vias, non detestanda cruentæ
 Fœda Lycaonix referam convivium mensæ;
 Mens aliis diftriéta vacat: nam causa malorum
 Segnities mihi carmen erit, mollisque veterni
 Otia Pieriis semper male grata Camænis
 Profligare juvat, digno atque laceffere verfu,
 Quo pubes incauta fui, quæ prodiga semper
 Temporis heu nimium! stimulos agitata laborum
 Sarciat annorum pulchris dispendia rebus.

Hoc virtutis opus! Tu qui radiantia puro
 Lumine templa habitas, celsique micantia fingis
 Astra Poli, Deus alme, Deus, qui cuncta gubernas
 Imperio, Oceanique udas moderaris habenas,
 Et fera terribili jacularis fulmina dextra,
 Rerum sancte parens, audacibus annue coeptis,
 Et Musis da vela meis, quo Numine fausto
 Inceptum decurrat opus, ventisque secundis
 Concita tranquillum subeat mea cymbula portum.
 O vitæ miseranda dies! O secla nefandis
 Luxuriosa malis! prisci dum corda decori
 Longa soporatis spumant oblivio curis.

Hæcine vota juvant? hæc te contagia morum
 Mortalem funesta movent? sic itur ad astra,
 Æthereasque domos, augustaque limina Cœli!
 Falleris, incautumque BONI te fallit imago.
 Quid mentem traxisse Polo, quid profuit altum
 Erexisse caput? quid recti ad sidera vultus?
 Ingeniumque ultra pecudes? si tecta tenebris
 Desidia, densâque nimis caligine torpet,
 Obruta vis animi, & divinæ particula auxæ

Serpat humi, mensque una suo devota parenti
 Calicolæ, illecebris Sirenum prabeat aurem,
 Excussio cervice jugo, nullisque rebellis
 Indomitas imitata feras teneatur habenis?
 O pudor! heu quantum mortalia pectora cæcæ
 Noctis habent! pronam precor paulò erige men-
 tem

Et mecum ingentes Cœli spatium per oras,
 Sidereasque domos, hæc indubitata laborum
 Mura tibi documenta dabunt, ne fœda residat
 Segnities animo, celsamque ab origine mentem
 Dejiciat, magnos heroum exosa labores.

Aspice, & exemplar vitæ, morumque magistra
 Sit tibi cura DEI, quâ tot labentibus annis,
 Terram quam valido sapiens suspenderat axe,
 Fulcit adhuc, justoque tenet moderamine, ut instar
 Rupis, & Icarii scopuli inconcussa perennet.
 Ille mare & terras diversis temperat horis,
 Cuncta movens, mota amplectens, amplexa gu-
 bernans;

Cœlestesque orbes nullo quoque fine moventur
 Imperio magni Patris parere parati.
 Sol qui flammiferis mundum complexus habenis
 Volvit inexhausto redeuntia secula motu,
 Itque reditque viam toties, patiensque laborum
 Solennes religit sua per vestigia cursus.
 Cernis ut ex ortu, gelidis nitidissimus Euri
 Surgat aquis, vultuque rubens, rapidoque coruscans
 Purpureum vehat axe diem, tenebrasque serena
 Luce secet, flexoque emensus tramitè cursum
 Cedat, & Hesperias iterum festinet ad undas
 Oceano tincturus equos; quid Luna? putatis
 Ignavam torpere situ, segnemque tueri
 Quas gremio comprehendit opes NATURA patenti?
 Non ita. Sed vasti steterit dum machina Mundi,
 Oceanus clausum dum fluctibus ambiat orbem,
 Luna quater variat spatio sua cornua mensis,
 Ignibus alterius (magnum & memorabile) Solis
 Lustratur radiis, qui dum duodena quotannis

Signa petit, curvi dirimens confinia Cœli,
 Perpetuum circa terras raptatur in orbem.
 Hinc bruma, hinc æstas, hinc ver, autumnus, & anni
 Mille vices. Viden ut tepido sata læta ministret
 Terra sinu: floresque, & odoriferos hyacinthos,
 Narcissumque, crocumque, & quidquid purpu-
 reum ver

Spirat hians: contra gelidis oppressa pruinis
 Puniceo nunquam florum vernabit amictu;
 Gramina nec campis reditura, aut messibus æstas,
 Si pigro stent astra polo; si immota quiescant
 Sidera, si nulla foveant vertigine Mundum,
 Tunc campos torpere situ, dumisque referta
 Rura vides, tribulosque incultis nascier agris,

Si non vere novo, gelidis ubi montibus humor

Liquitur, & Zephyro putris se gleba resolvit

Dura lacertosi proscindant arva Coloni;

Corniger & neglecta novalia vertat aratro

Taurus, inopsque Ibycus; duros si culta ligones

Nec rastros patiatur humus, frugesque beatas

Pulverulenta coquat maturis solibus æstas.

Quin etiam (*Si parva licet componere magnis*)

Aspice ventura motuens formica Semeïta,

Exercetur humo, vigilantique excita cura

Urget opus, celerique gradu (mirabile visu)

Is nigrum campis agmen, pradamque per herbas

Convectant calle angusto; pars pinguis tradunt

Obnixa frumenta humeris: pars agmina cogunt,

Castiganque moras; opere omnis semita fervet.

Talis apes æstate nova per florea rura

Exercet sub sole labos, cum gentis adultos

Educunt fœtus: aut cum liquentia mella

Stipant, & dulci distendunt nectare cellas

Aut onera accipiunt venientum: aut agmine facto.

Ignavum fucos pecus à præsepibus arcent;

Fervet opus, redolentque thymo fragrantia mella.

Solus homo (immedi decus admirabile Mun-
 di,)

Cui celfo mens orta Polo, & cœlestibus anxio.

JACOBI CRUCII

novisse dedit, turpi correpta veterno
 , & ignavam damnatricemque laborum
 liam securus amet, blandoque veneno
 itiz, virtus paulatim evicta tepescat?
 que BONI quondam, primaque ab origine,
 Cœlo

nina deduxit, pereant? Sopitaque passim
 aque divinam teneant oblivia stirpem?
 on ita degeneres animæ, nimiumque supinæ,
 tia qui teritis, Studiorum incumbite curis.
 uæ mora vos retinet, generosam accingite men-
 tem

Ad decus. O Philtro nimium fucata doloso
 Languida segnities, Veneris fomenta ministrans,
 Fœdaque dilatrix operum, malefuada laborum,
 Et scelerum commune caput! proh quanta dedisti
 Funera? quot fundo subversa palatia, quotque
 Dejectas acies, & turpi strage phalanges?
 Quot pulchræ Heroum animæ & celebrata trium-
 phis

Nomina tartareis per te damnata tenebris?
 Ah quoties largo nimium sopita Lyzo
 Castra truces sensere manus, dum bellica fœdo
 Squalent arma situ? multosque inarata per annos
 Prædia, devictisque patent custodibus urbes.
 Ipse cui toties niveis invecsa quadrigis
 Inclyta perruptas patefecit gloria portas,
 Jessiades, magni Soboles generosa parentis,
 Armorum, bellicque satur, Martisque triumph
 Pertasus spectare diu, quem vincere Mavors
 Nec Regum potuere minæ (proh dedecus æv
 Marcida securum vicerunt otia Regem, &
 Desidiam sectatur iners, castrisque relictis
 Inquinat Uriæ sacrata cubilia servi,
 Turpis adulteriis macula, insontemque neca
 Bellerophontæis tabulis jubet, intima rumpi
 Fœdera connubii, & casti pia vincula lecti
 Quæritur Agisti, Veneris quæ causa nefand
 Desidiosus erat. Samson dum membra rer

In gremio Dalilæ, curtatis crinibus hosti
 Traditur, effossisque oculis sit fabula Vulgi.
 Heu miserum! tantæne armis victricibus iræ?
 Quid Noam memorem, nulli pietate secundum
 Agricolam? qui dum maturam colligit uvam,
 Fessa nimis liquido madefecit membra Lyzo,
 Nudatumque suis femur, & spectanda ministris
 Inguina prostituit. Tanto nempe otia semper
 Stant discincta suis, socorsque ignavia menti.
 Contra quanta labor, quantos vigilantia rerum
 Successus dederit, quantis trophæa triumphis
 Si enumerem, reddit dubium me copia: vultis
 Exempla? antiquos quæso percurrite fastos,
 Et veterum monumenta Virum, concredita
 chartis.

Magnanimum virtus evexit ad æthera quondam
 Alciden; quem non immanis terruit Orci
 Cerberus, ingenti Nemeæ quis mole leonem,
 Quis domuit cervam æripidem, Lacinumque,
 Cacusque,
 Quis taurum, Lapithasque truces, quis Ama-
 zona fortem
 Stravit, & horrendam, ferro & face contudit
 Hydram?

Herculeus fuit ille labor. Quid facta revolvam
 Pelæi juvenis? qui sub sua sceptrâ redegit
 Imperia, & terras longe lateque patentes,
 Calcavitque Asiam pedibus, Victorque superbis
 Jura dedit populis, famamque extendere factis
 Dum satagit, nullos firmata mente labores,
 Excubias, curasque, & duri tædia belli,
 Nulla minax vitæ discrimina sæva refugit,
 Scilicet astra petit labor improbus, ille deorum
 Dat mensis epulisque accumbere: *Nil sine magno*
Vita labore dedit mortalibus: ille parenteis
 Palladis ad Portas, & sacra Palatia Phœbi
 Excubat insomnis, nec fas conscendere cuiquam
 Thespiadum Aonios montes, quem ignavia vecors
 Occupat. Hic morum probitas, hic nescia falsi

Religio colitur, pietasque, hic totus Olympus,
 Naturæque arcana patent, elementaque Mundi.
 Hic tibi Socraticos ostendet pagina mores,
 Et vitæ melioris iter. Sperare coronam
 Hinc juvat, hinc juvenes summa ad fastigia lau-
 dum

Illustri datur ire via, quo splendida Virtus
 Vos vocat, incolumisque trahit reverentia famæ.
 Desidiæ indultum satis est: quid merceda captas
 Otia, Musarum duros exosa labores?
 Dignior ingeniis merces exsurgit. Amanti
 Cuncta patent, labor ille tuus tibi proderit olim.
 Huc adverte Piger: stimulos dabit æmula Virtus.
 Excita, dum frontem tibi flos juvenilis inumbrat;
 Ne sero tractanda gemas, generosa propago,
 Doctrinæ studiosa cohors, per sacra Minervæ
 Vos precor, hæc animis, penitusque infigite menti,
 Quæ loquor: extinctæ redeant in pectora flammæ,
 Antraque Pieridum, Parnasæique recessus,
 Dum compos mens ipsa sui est, dum certa facultas,
 Dum ratio, tempusque sinunt, dum flexilis ætas.
 Segnitæ cur tantus amor? cur lapsa tueri
 Tempora sit studium? non hæc veneranda Catonis
 Norma jubet, Samiique Senis: dispendia vitæ
 Prodigæ districtis nimium damnosa Camænis,
 Degeneres produnt animas, dum præterit ætas,
 Et vaga præcipiti volvuntur tempora lapsu,
 Non ullo reditura die; truditque priorem
 Hora sequens, peraguntque levi sua stamina fuso,
 Concordes stabili fatorum numine Parcæ.
 Nec nasci bis posse datur, fugit hora, nec unquam
 Quod retro est, revocare dies potuere sequentes.
 Utendum est ætate: dies ne te ultimus atris
 Demersum tenebris sterili deprendat in actu?
 Torpor iners animum, validosque effoeminet artus
 Molities; quem Musa sibi devinxit alumnum?
 Non ita. Sed meliora vovens, pectusque animumque:
 Si quis in ore pudor, virtusve in corde resedit
 Acribus exagita stimulis: his suffice vires,

Ne

Ne te tranſactæ capiant mala tædia vitæ.
 Explorant Auguſta viros, perque aſpera duro
 Niritur ad laudem Virtus interrita clivo,
 Divitiis animoſa ſuis, immotaque cunctis
 Caſibus ex æternalia deſpicit arce.
 Invenies viſam, cœloque beabit
 Mens invicta ſalis: manet hos præclara labores
 Gloria, circumfuſus honos, buſtoque ſuperſtes
 Nomen, & æternum virtus memoranda per ævum,
 Dignaue ſidereâ poſt fata in ſede locari.

O R A T I O XXIV. DE CALUMNIA,

Habita methodo Lipſiana, ab

A R N O L D O L I P P I O.

Dioſenem ajunt Cynicum illum, lucernam aliquando in ipſo meridie accenſam circumtulſiſſe, interrogatumque *quidnam ageret*, reſpondiſſe, Homines ſeſe quærere, ut oſtenderet, ita corruptos eſſe hominum mores, ut vix humana forma digni eſſe viderentur. At nunc ſi viveret *Diogenes*, & foret hic noſtrum fato dilatus in ævum, quam defixus hæreret, quàm ſtaret attonitus, nec unam credo lucernam, ſed plures accenderet, alioſque ſibi adjungeret *λυχνόφορος* qui operam ei darent in quærendis, inveniendiſque iis hodie qui alieni ab omni Sycophantia, & obtrectandi prurigine, Veritatem amant, oppreſſamque à petulanti malevolorum dicacitate conſtanter vindicant. Rara me hercule virtus, ſed rariores longè ii qui eam colunt, tuentur, aſſerunt. Ita alii in alios convitiſſe quafi quadrigis incurſunt, & tanquam ſi ab inferis laxatæ furæ, junctiſque agminatim viribus, & jurato in perniciem foedere, crebro, ac importuno laniatu, bonos quosvis haud aliter, quam *Pentheos* diſ-

cerpunt. Neque enim hæc calumniandi licentia intra fufurros hodie, & privatos parietes confiftit: fed atrocibus palam convitiis pugna crudelcitur, dentatifque diſteriis, & maledictis procacibus alter in alterius famam lethalia præſentant ſpicula. Inviſum meritò bonis vitium! Invenimus enim feris ejuſdem ſpeciei inter ſe bella ſunt: nec ſi forent, eadem hominem deceant, placidum natura, proximumque divino genus. Hæc cauſa eſt, Auditores, cur impræſentiarum apud vos de Calumnia declamare in animum induxi, illa vitiorum omnium lerna, inimica Deo, virtuti adverſa, veritati contraria, vera malorum hydra, quæ ſucciſa, in perniciem hominum male fœcunda, identidem repullulat, & quidquid ſingula turpitudinis habent, ſola ſinu ſuo complectitur, & in quævis ſcelera homines agit præcipites, ubi huic vitio ſemel mancipati, mendacio ſe totos tradidere. Ac ut ordine argumenti ſuſcepti materiam perſequar, tria mihi de ea dicenda propono, Quam fœda ſit: Quam pernicioſa: Quomodo cavenda. Unum tantum à vobis contendo, & qua poſſum animi demiffione rogo, ut mihi non aures ſolum, ſed & animos adhibere dignemini.

Calumniam (ut inde ordiar unde dicendi auspicia sumi haud rarò solent) definitio occultam læsionem quæ aliorum famæ, sermone aut scripto detrahit, & clanculum de proximis, & plerumque innoxiiis ea ferit crimina, ut si non semper bona eorum, aut vitam, nominis saltem estimationem in discrimen adducat. Hujus Auctor est omnium malorum architectus Sathan, qui primus calumniam in mundum invexit: unde etiam à calumniando dictus est Διὰβολος, sicut & ipsa Διαβολή, & quidem appositè, quod quasi trajiciat ac penetret, & noxio linguæ suæ telo absentem ac immerentem confodiat. Ut vel hinc foeditatem calumniæ, levato quasi velo contemplari liceat, quod ex diabolo orta, & non nisi in

foediffimas eas personas cadat. Personas dico viles, ignavas, loquaces. Viles, quid enim hoc hominum genere abjectum magis, & contemptum? adeo ut negem, non dicam, bonam, sed mediocriter bonam, & quæ vel tantillum habeat ingenui sanguinis, unquam hac labe fuisse aspersum. Historiarum monumenta, Auditores excutite, Sapientum omnium scripta replicare, dicta expendite veteris & nostri ævi, non aliter legetis, videbitis, audietis, quam malignas, & degeneres esse animas, quas pestilens aliquod sidus afflavit, natas in perniciem generis humani, tanquam pacis & concordie everricula. Ad hoc facti ut lædant innoxios & vexent, nec quies unquam iis, nisi aliis inquietis. Ignavos quoque eos feci. Nec injuria. Quid enim clarius? Prima calumnie scintilla otium est. Hinc illa obtrestandi licentia, & non alio quàm hoc fonte derivata labe in patriam populumque fluxit. Quis occupatus & districtus negotiis, huic aurem præbuit, huic se addixit? nemo. Sat domi habent boni quæ curent, parum imò nihil solliciti quid *Tirius*, quid *Sejus* agant, quid moliantur, aut *sub Arcto Rex gelida meditetur ora*. Apud desides & ignavos *Mozara* hæc habitat & nusquam uberior cotidie calumniarum seges, quàm apud eos quibus unum hoc opus otiosi, & in alto hoc, & supino otio tædia temporis discutere ambulando, & fabulando, pedem vix aliò tollunt, aut figunt, linguam usurpant, os referant quàm ad calumniam. Publica illic & privata vapulant. Princeps in aula, Magistratus in curia, Pastores in Ecclesia, Præceptores in schola, Patres, matres, liberi in œconomia, vix ac ne vix immunes unquam à talium censura, vellicatione, morsu, audita & non audita efferunt, quin & ea sæpe imprudenter eliminant quæ ne per somnium quidem cogitata, tanto ardore, tanto studio ut vix satis apertum os, aut lingua prompta videatur, Atque hæc si ignavissimi tantum facerent, minus

fortassis indignarer, nunc homines non solum ignavissimi sed & ignarissimi, qui ad hoc vitium ita proni sunt, ut res eas temere calumniando traducant, quas nec mente assequi, nec cogitatione complecti queunt. Similes nempe cæcis, qui cum nihil videant, de coloribus judicant: aut surdis qui de concentu, & harmonia, & de lyra asini. Ferrem profecto si qualicunque modo rerum periti essent: nunc cum vacua sint, & inania vasa, sperno: quia tum maximè importuna, cum maxime tinniunt, & liquoris minimum habent. Sed & loquaces esse dixi, atque effræni oris. Miramini Auditores? Qui aliter potest? quibus thesaurus est in lingua, non multa solum loquuntur, sed mala: & præcipui talium sermones quid nisi de aliquo, & in aliquem? Ut scorpiis hoc à natura insitum est, ut obliqua sua cauda, quos tenent, feriant: sic illi venenata sua lingua eos in quos incurrunt, Asino calcitrioni, aut Bovi cornupetæ similes. Poëta *Chimaram* è triplici corpore conflata fingunt: sed fingunt tantum. Hic rem ipsam videtis, Auditores, & in suo vultu. Ad hoc enim monstrum tria concurrunt vitia, *Mendacium*, *Invidia*, *Curiositas*. Mendacium prolis hujus egregiæ pater est, sine quo friget omnis, imo jacet plane calumnia: quia animam, vitam, robur à mendacio trahit, & sine suo excidit, nisi abeat extra *Veri* fines, augendo, minuendo, interpretando, torquendo malitiosè omnia. *Christus* de templo corporis sui loquitur? de Hierosolymitano id dictum volunt; versatur cum publicanis, ut eos convertat ad Deum? ut edonem, & potorem traducunt. Sabbatho sanat agros? legem ab eo violatam esse clamant. Dæmonia ejicit; per principem Dæmoniorum id fieri ore plusquam blasphemus, & quovis atramento nigriore calumnia (cum nullum in eo vitæ momentum, imo temporis punctum, aut beneficio sterile, aut vacuum laude fuerit) non minus impie, quam impudenter affirmant: Similes araneis quæ ex
amæ-

amoenissimis floribus venena sua fugunt, & ut illa filamenta ex suo corpore gignunt, tanquam tendiculas, & retia circumvolitantibus, quibus capiantur: sic illi fraudum suarum laqueos. Jure igitur mendacium ei pater: sed mater etiam invidia, quæ conceptam hanc prolem parit tandem, & producit in auras. Mores, & actiones calumniantium si intueamini, quis vestrum aliter sentiat? Raro enim in viles, abjectos, & sui similes linguæ suæ spicula torquent, & quicquid criminum in scelerosissimum quemvis congeri potest: sed in eos qui probitate morum, ingenio, eruditione, & nominis fama longè alios antecellunt: morè tantorum olim in Amphitheatris, qui nullo alio colore magis concitari solebant ac offendi, quam rubore, & purpura, qui tamen pulcherrimi sunt colorum. Invidiæ se jungit Curiositas, perpetua calumniæ nutrix, quæ rerum novarum avida, rumores & sermones sparsos in vulgus expiscatur, scrutatur, indagat, & infantem suam his tanquam dapibus, & cupediis pascit. Tolle eam à Calumnia, cibo suo ac pabulo destituta, jejuna, vacua, famelica sedet: apibus haud absimilis, quæ amisso aculeo, torpent, & nocere volunt potius quàm possunt. Nam hæc illa est quæ uberriam de aliis garriendi, mentiendi, calumniandi materiam subministrat, quæ loca publica & privata, compita, vicos, pagos, turbes, provincias, regna perreptat, quæ in foris, curiis, templis habitat, quæ in ædes omnium, imo animos penetrat: nusquam non pedem figit, secretos *Magnatum* recessus, & intimas cogitationes rimatur, omnes latebras pervestigat, nihil non sciscitatur, quid in comitiis *Ordinum* fiat, quid in aula *Principis*; Quis rerum status in *Anglia*, quis in *Gallia*, quid *Cæsariani* moliantur, quid *Sueci*: Et quis tandem finis si omnia ex amussim mihi recensere esset animus? *Dolia Dandidum* citius expleveris, *Erechthonis* famem, & *Tantali* sitim, quam hanc cupidam

pidam semper, nunquam plenam, & saturam. Nec enim aures solum hujus perpetuò patent, & pruriunt: sed acres quoque illi oculi, queis acutum magis cernit, quàm aut aquila, aut serpens *Epidaurius*. Hos ubi semel aperuit quid ea non videt; quid non scrutatur, pervia, impervia, aperta, operta, & quæ in tenebris ipsi, ac solitudine gesta: Ut vel hinc appareat quanta foeditas sit Calumnix, quam *Mendacium* genuit, *Invidia* peperit, *Curiositas* educavit.

Restat ut quam perniciofa illa sit jam ostendam, & ad tristissima ejus effecta mea se convertat Oratio. Pernicies ejus non *valida* solum est, sed & *varia*. *Validam* dico, quia acutè lædit, & occultè. *Variam*: quia in omni pæne re & occasione, & plerosque omnes. Quid mirum? Nunquam ita feliciter actum est cum rebus humanis, ut meliora pluribus placerent, nedum omnibus optima. Singula Auditores paucis expediam. Acutè dico lædere: nec aliter facer ille Vates qui in has voces erumpere non dubitavit verè patheticas, *Dentes eorum tela & sagitta, & lingua eorum gladius acutus*, ita ut sanato etiam vulnere cicatrix maneat. Cui non absumile illud *Spartani*, qui interrogatus de gladio, *Satisne acutus esset? acutior*, inquit, *calumnia*: hoc nimirum innuens nullam ferri aciem esse, quæ cum acie hac lingua comparari possit. Ut enim fulminis subtilis illa vis omnia perumpit, omnia penetrat: Sic hæc etiam in arctissimè clausa, anxieque recondita: idque eò acrius, quoniam occultè, ut monui, & ex insidiis id facit. Tela prævisa, ut est in veteri verbo, minus feriunt, sed latentia, & inopinata qui declines, qui fugias? Nullus formidabilior hostis, quàm qui ex insidiis incautos opprimit, qui cum blanditur mordet, cum ridet minatur, qui amorem oculis, fronte, vultu, verbis loquitur, odia pectore circumfert, quæ opportunitatem nactus, in credulam nimis mentem effundit. Nubes pluviam
præ-

prænunciant; insignis aëris tranquillitas terræ motum, incendium fumus, aves marinæ gregatim e mari ad littus convolantes, tempestatem. Quid calumnia? subita & improvisa ab ea perniciēs est, & eò diligentius tegitur, quò propius accedit. Venena nuda & aperta, si propinentur vitari queunt: sed vino aut cibo callide mixta, qui possunt? verè dicam? Mel venenatum est, quod gangrenæ instar, latè serpit, & obvia quævis depascitur, aut fluminum quæ dulcedinem suam in maris amarā falsuginem deponunt. Præclare historicorum ille princeps: *Hostem adversum, inquit, deprimere homini strenuo haud difficile est: occulta pericula neque facere, neque vitare bonis in promptu est.* Validam itaque ab ea perniciem esse, videtis Auditores, nunc quam varia sit audiamus. Quid? nonne in omnem illa ætatem, sexum, ordinem effræni intemperantia linguæ promiscue debacchatur, omnes laceffit, in omnes incurrit? nulli culpæ obnoxios & immerentes mendaciis circumvenit, & conviciis necat, ut canes *Atæonem*? Laceessere virtutem viventium, & convitiis violare illustres animas, morbus & furor est non unius seculi; liberis ubique quadrigis illa invehitur, & exultat. Quis bonus, aut sapiens unquam ab ea liber? nemo. Paratum enim strictumque invidum illum dentem in omnes habet, parata linguæ tela, quæ vibret, sed in eos maximè, qui magni, qui purpura aut tiara conspici, toga vel militia clari. Nempe ut nulla sine umbra lux est, nulla virtus sine calumnia, aut livoris macula, piratis simili qui in mari onusta navi insidiantur, vacuum negligunt. Et ut fulmina plantas humiliores, thymum, pulegium, arbuta quoque minuscule intacta relinquunt, summos contra montes feriunt: sic illa Summa & Summates, quos aut criminatio- num machinis violenter concutit, aut suspicio- num cuniculis callidè subvertit, ut vel gloriosis inimicitiiis inclarescat, aut per ruinam alienæ exi-
stima-

stimationis ad famam grassetur, & suo n obscura, aliorum innotescat. Sed non varilum, sed varia in re lædit: Quid homini inlta jucundius esse potest amicitia? hæc dirinmonem à Pythia, Orestem à Pylade, Theseumrythoo, Achillem à Patroclo divellit. Quid illivi amoris vinculis suavius, quid sanguinis cctione, quid affinitate dulcius? hæc violat. Qrum humanarum carius nobis est fama, cujspendia, & damna omni æstimatione major:hæc minuit, subtrahit, eripit, aut saltem c omni fraude. Opes tibi sunt? si potestHonores? privabit. Et quid de hominiburor, aut rebus humanis, ne Deo quidem jnec Divinis, quæ carpere audet, & calurNihilque tam sanctum, tam religiosum quviolare, nihil tam sublime quò non asc audeat. Quanta enim audacia in Curiamcaelestem penetrat, & adyta interioris hujuspli scrutatur & calcatur? quam impiè, & ppter Religionem traducit, fugillat, & veludrigis convitiis incurrit? quem fidei: lum immunem habet improbi sui dentismysteria, & arcana divinæ Sapientiæ?

— quæ Terra patet, fera regnat Erynnis;
In facinus jurasse putes.

Atque hæc noxæ illæ sunt quas privatimludit? ludit dico, si cum iis compares quasce infert, & in Principum aulas. Hic enirdes; alibi eam habitare dicas, hic impuneari, & in suo quasi circo versari. Sed ut l

viperæ! Sacras, & profanas historias replicate, non aliter invenietis. Si sacras, quid *Davidem* regno exuit, Regemque tot triumphis, & victoriis clarum de folio deturbavit? Calumnia. Quid *Nabothum* vitæ innocentia, & morum integritate conspicuum vita spoliavit? Calumnia. Quid Prophetam *Danilem* in leonum speluncam, quid masculæ pudicitæ rarum exemplum *Iosephum* in vincula coniecit? coniecit Calumnia. Quid *Esaïam* regio sanguine oriundum ferra dissecuit? Calumnia. Si profanas: *Alexandrum Magnum* in tot amicorum neces, quid nisi Calumnia impulit? *Bellisarium* strenuum illum belli ducem, quid ad incitas, quid ad mendicitatem redegit? Calumnia. Devictis enim *Persis*, *Gothis*, *Vandalis*, *Sicilia*, *Africa* debellatis, majori *Italia* parte recuperata, & militari disciplina postliminio restituta, post tot feliciter pugnata bella, & reportatas victorias, Calumniantium invidia, qui sola magnitudine mendacii, fidem quærunt, opibus suis & honoribus (ô ingritudinem!) exutus, in trivio, victum mendicare coactus, in miseris has voces erupit miser; *dote obulum Bellisario quem virtus expulsi: invidia & calumnia depreffit.* Quid *Socratem* ipso *Apollinis* oraculo sapientissimum, ad cicutam? *Rutilium* ad exilium damnavit, nisi calumnia? Et unde illa *Roma* olim portenta Tyrannorum & scelerum omnium sentinæ, funera, pestes, & generis humani propudia, *Tiberii*, *Caligula*, *Nerones*, *Domitiani*, nisi à calumnia? & ne veterem illam *camerinam* monstrorum potius quàm hominum longius moveam, & soli Antiquitati immorari videar, hoc, hoc miserrimo tempore, quis clades, lanienas, funera, calamitates, Rerumpublicarum excidia, urbium ruinas, agrorum depopulationes omnes ad amussim enumeret quas parit & peperit Calumnia, una illa malorum *Ilias*, & individua Virtutis labes. Regna & imperia contentionibus & discordiis agitari, concuti, subrui dolemus? excita-
vit

vit Calumnia. Ardere tot jam annos facem civilium bellorum? accendit Calumnia. Populos in Reges, Reges in populos concitari, leges & jura violari, vincula consanguinitatis diffringi, omnia denique sursum ac deorsum volvi? non aliunde hæc tristissima malorum initia, quam à calumnia, & linguario hoc flabello. O tempora, ô mores! Ubi enim Caritas illa, toties à *Christo* inculcata, tot præceptis tradita, tot titulis exornata, tam anxie ab Apostolis commendata, tam sanctè inter ipsos habitata?

Sed ne vos, Auditores, longiori Orationis ambitu, plus æquo detineam, venio ad tertiam ultimamque Orationis meæ partem quæ est de Calumniæ cautione. Quam si quis ita accepit ut immunem tutumque ab omni calumnia futurum se speret, nã ille graviter hallucinatur, eaque sibi persuadet, & pollicetur quæ sortem humanam excedunt. Quid ergo? duobus hic clypeis opus est, qui vim ejus, & aciem retundant, *innocentia* & *patientia*. Innocentia. Nam ut locis politis & nitidis vix sordium aliquid adhærescit: sic nec calumnia, vitæ puriori. Et ut radii Solis in sordes, & caligantia loca conjecti, illustrant, non inquinantur: sic virtus, & inculpata vita quò magis impetitur, eò clarius enitescit. Palmæ similis quæ oneri non cedit, nec intra flectitur, sed contra pondus assurgit, & arboribus quæ eò altius radice terram comprehendunt, quo sævius ventorum furis exagitantur. Patientia quoque hic si usquam opus est. Et beati verè qui eam spernunt, & lacescentis calumniæ ictus, bacchationes, scenica maledicta, sycophantias risu excipiunt. Nominis famam incurfat, pessundat, jugulat? magni esse animi putant non commoveri, non concuti, imò ridere illam, & indignam arbitrari, ad quam virtutem suam flectant, sumtaque laudabili superbia, & candoris clypeo, calumniantium diæteria tanquam longinqua tela, & saxa sine vulnere circa galeas crepitantia, aut velut minorum canum importunos
latratus

latratus fortiter contemnere, & homines infra iræ suæ dignitatem positos, & virtutum fastigium. *Socrates* ab *Aristophane* publicè in Theatro verborum laceratus contumeliis, non modo ægrè molesteque hoc non tulit, sed & obviam sibi factum adversarium humaniter amiceque compellavit, an se rursus opus haberet ad similem aliam contumeliam, una nempe innocentiae sponsia eluendam? *Diogenes* ille Cynicus vir altæ mentis, contra concussionem omnem stabilis, & vera patientiæ imago, cum turbæ eum subsannarent, dicere solitus: *Illi me rident, Ego non rideor.* O dictum *Pitryo* dignum *Apolline*! O ingentem! ô verum sui æstimatorem animum! *Marcus Cato* Romanus ille Sapiens in balneo percussus à quodam, cum idem satisfaceret, & deprecaretur, deterfa injuriæ memoria, *Non Hercules*, inquit, *animadverteram*, generosius longe judicans non agnovisse injuriam, quam ignovisse: quia in talibus victoria est penes eum qui sponte cedit, & vinci se gloriatur, pulchrumque ducit, & se dignum impune lædi, nempe quod se nixus ac Deo, spernit quicquid assultat, ut fluctus quosdam aquæ abeuntis, alludentis, non lædentis, ubi robustior materia occurrit. Vincatur aut vincat, parum est: Cum *Aristippo*: *Virtus abibit jucundius, quam ille victor dormiturnus.* Nimirum ut aranearum casses animalia fortiora per-rumpunt; sic istos à calumnia laqueos mens robusta, armata puritate conscientiæ adversus calumnias malevolorum. Quid? si nebulo me resper-sit luto, an ob id lutum in eum regeram? & si ab eo patior indigna, an ob id faciam me indigna? Contra passus injuriam, si non invenio in eo qui eam intulit causas ignoscendi, in me inveniam & mala verba bonis actionibus ulciscar. Et vero si judicio examinamus quantula ista sunt quæ nos turbant, rerum plerumque nihil, sed verborum aliquot inania, quisquiliæ, nugæ, grandini similes quæ illisa tectis, magno quidem fragore, verum
nulla

nulla noxa defultat. Quæ si contempseris effugi-
 sti. Hæc vera, Auditores, hæc solida in Calumniam
 arma sunt, eam rebus ipsis & moribus confutare,
 quod est præstantissimum genus ultionis, exem-
 plo *Philippi Macedonis*, qui *gratias se debere dicebat*
Atheniensium oratoribus, quod conviciis suis redderent
se meliorem: dum illos factis conatur refellere. Benè
 benè mehercule. Nam ut ignis paleam exurit,
 aurum vero nitidius reddit: sic Calumnia vera
 virtute gravem illustrat. Contemnendus est iste
 contemptus; & rumpantur ut ilia *Codro*, cessisse
 hic præstat quam incessisse, quia maledicta spreta
 exolescunt, si irascaris agnita videntur, & nec vid-
 cis quidem, ac repellis sine macula tam maculo-
 sos. Nam livoris illa spicula quæ jacta in bonos (ut
 quædam animalia amissa aculeo) torpent, ac pro-
 pterea ridenda, & contemptu ulciscenda, ut quæ
 ne tangant quidem, taceo, ut vulnus infligant;
 quia talis quibusdam similia, quæ in Cælum emis-
 sa, ire eò videntur, non eunt. Quid quod interno
 judice si probus quis audiat, nil addent aut dement
 ei malorum sermones, certo murum hunc esse
 aheneum, *Nil conscire sibi, nulla pallescere culpa.*
 Sed jam desino, receptui cano, & finem dicen-
 di facio. Tria hæc audivistis, Foeditatem hujus vi-
 tii, perniciem, cautionem. Rogo obtestorque vos
 Auditores per communia *Musarum* Sacra, per hu-
 manitatis jura, quam omnes profitemur, remo-
 vete à vobis fatale hoc monstrum ab inferis exci-
 tum, imo quo longissimè amolimini hanc pe-
 stem animarum, hanc nominis gangrænam, & fa-
 mæ luem: nec à linguis solum, sed & ab auribus
 vestris. Nunquam enim calumniatores deërent,
 dum cui persuadeatur extat. Et peccat hic non mo-
 do qui dicit calumniam, sed qui eam audit, au-
 ditamque excipit: & ut prunam candentem tan-
 gere nemo potest sine noxa: sic nec adfistere ve-
 nenatis his linguis, quæ dum blandiuntur mo-
 dent, dum rident rodunt, & more aspidum vi-

um inspirant, eo periculosius, quò occultius.

Ad ipsos quod attinet, quia lege *Rhemmia* digni quibus frons inuratur K littera, quæ Kalumniam (ita olim scribebant) notat, nihil eos moneo. Voveo & imprecor cum regio illo Propheta potius: *Muta fiant labia dolosa, quæ loquuntur adversus Justum.* Dixi.

ORATIO XXV.

PRO EBRIETATE,

Habita ab

A D R I A N O B L E I S W Y C K I O.

Non minus vero quàm trito fertur verbo: *Non quidquid nitet aurum est.* Multa apud homines in tanto esse pretio solent, & laudibus tantopere extolli, ut nihil pene sit, quod cum iis componi debeat, aut comparari; quæ tamen si ad severioris iudicii lancem exigere, vero verius apparebit, non modo non laudem, sed vix veniam mereri. Contra tanta est hominum in iudicando, aut præcepta temeritas, aut cæca ignorantia, ut optima quæque non aspernari solum, sed & protervè fugillare, & conviciis proscindere audeant. Ne longius abeam, Multi effœto hoc virtutum seculo, ebrietate nihil turpius, nihil perniciosius esse statuunt, & proinde eam in suggestu, & subfelliis quacunque etiam occasione, sanguine viperino cautius fugiendam esse clamitant, & in eam tanquam in vitiorum, & malorum omnium lernam calide debacchantur. Tantum scilicet apud eos potest præjudicata opinio, quam ubi semel imbibierunt, nullis ab ea argumentis, nullis rationibus abduci queunt. Sed si rem recto iudicii oculo æstimemus, quid illa quæso jucundius, quid dulcius, imò quid utilius esse possit non video. Paradoxum fa-
teor

teor multis vestrum esse videbitur imò pene inauditum, de quo nunc mihi dissertandum est. Sed sententias vestras, & judicia paulisper quæso suspendite, & quo alios ex hoc loco dicentes favore, & benevolentia complexi estis, etiam me nunc complecti haud dedignemini. Spondeo Auditores, imo si vultis fidejubeo, in meam vos pedibus ituros sententiam, si abdicato affectuum, & opinionum lenocinio, rationes quas in medium adducam, ponderare vobis sit animus.

Ac ne vos longiori verborum proloquio (quod Oratores solent) demorer, ad id cujus causa potissimum cathedram hanc conscendi, me accingo. Inter alia quæ rei alicujus præstantiam homini commendare solent, non minimum fortiri locum, utilitatem, neminem vestrum esse credo qui ambigat. Quis enim sanæ mentis contemnat, quis improbet id, quod virtutibus, scientiis, artibus hominem imbuat & ornat? quod spe destitutis spem facit, prostratos erigit, curas mergit, afflictis adfert solatium, dolori lenimentum, quod imbecillibus robur, pusillanimis, & pene dejectis animum addit, quod eloquentiam dicenti conciliat, homini meticuloso parresiam, hæsitanti promptitudinem, quod denique obstacula omnia, & in rebus maxime arduis aggrediendis impedimenta summovet, & amolitur? Nemo sane. At quid illud est nisi ebrietas? Poëtam audite non è minimis, qui de illa sic canit.

*Quid non Ebrietas designat? operta recludit,
Spes jubet esse ratas, in prælia trudit inermem,
Sollicitis animis curam eximit, ac docet artes:
Fœcundi calices quem non fecere disertum?
Contracta quem non in paupertate solutum?*

Tanto Poëtæ si fidem derogatis, experientiar illam rerum ac stultorum magistratam consulite vero veriora esse videbitis quæ dico, intrate & polia, lautiora convivia frequentate, familiar *symposia*, hæc ita se habere, luce meridiana cla

rebit. Si enim de Jurisprudencia, si de Reip.
 bus, si de populi ritibus, statutis moribus in-
 erit sermo, ilico *Bartolos* ibi & *Baidos*, *Donellos*,
acios, *Alciatos* audieris inter pocula, & calices
 Regno, & Principe dissertantes, juris nodos,
 & legum ænigmata, & involucra tanta dexteritate
 explicantes, ut in tribunali eos versari dicas, aut
Areopago. Si de Medicina sermo, ilico *Æscula-*
pios, *Galenos*, *Paracelsos*, *Fernelios*, *Vesalios*, *Riolanos*
 dissidentibus inter se sententiis dimicantes vide-
 bitis, & morbos, morborumque causas, signa,
 symptomata, curationes anxie & curiosè venti-
 lantes. Si de Poësi, perstreperet mox atria *Virgilii*,
Ovidii, *Flacci*, & Poëtarum Principis *Homeri* ver-
 sibus, & sententiosè dictis. Si de Oratoria, prodi-
 buant in scenam *Demosthenes*, *Cicerones*, *Hortensii*,
Mureti, de eloquentiæ palma inter se contenden-
 tes, magno convivantium applausu. Sed quid Hu-
 mana loquor Auditores? Ubi Sacra, ubi Divina
 quæso calidius agitantur, ubi Salutis mysteria, &
 Sapientiæ sublimioris adyta, majori studio & acu-
 mine, ubi magistralius, & confidentius disputan-
 tur, quàm inter pocula, incalcescentibus vino a-
 nimis, adeo ut quæ iniri solent super Religionis, &
 fidei articulis in Academiis, & Scholis, frigere vi-
 deantur certamina, præ hoc agone Dionysiaco, &
 subselliis madentibus *Liberi Patrii*. Ut vere, &
 benè dixerit *Græcorum* aliquis, ἐν οἴνῳ ἀληθεύειν,
In vino veritas. Veritatem homines haud raro de-
 clinant, & fugiunt, aut quantum in se occulunt,
 & in latebras silentii, aut oblivionis antra recon-
 dunt, ne dispallescat. Ebrietas hic quid? ita natura
 comparata est, ut cum *Tempore* latentem diu ve-
 ritatem protrahat, & educat in auras. Ideo princi-
 pes familiarum, & amicorum animos explora-
 turi ad largiorem comperationem eos invitant;
 ut bene alibi observatum à poëta.

*Reges (inquit) dicuntur magna urgere culullis,
 Et torquere mero, quem perstexisse laborant,
 Num sit amicitia dignus.*

L

Non

Non alia quoque interdum Judices tortura i
tur, non alio equuleo, catastis, fidiculis, au
mellis, ut maleficos caute marpesia durior
criminis confessionem adigant, quam vino. Ne
pe *Arcanum sen. per* (ut est in veteri versu) &
Ebrietas. Quam multa silentio involuta jam pr
periissent, nisi ab inferis, & *Oreo* vini bene
& *Bacchi* munere, revocata fuissent, & fa
adepta, nunc perennarent? Inter pocula, he
Principum facinora deprædicantur, narranti
gesta, laudantur victoriæ, producantur tro
triumphat hic si usquam *Mars* ille *βροτόλας*
& *τείχεσι πλύτας*.

Hic *Decios* audire est, hic *Fabios*, *Camillos*,
cellos, *Scipiones*, *Lucullos*, *Coriolanos*, *Scavolas*,
que heroas & insignes belli duces, in prælii
pturis urbium, cladibus hostium, fortitud
suam ad cælum extollentes, ut alio præcon
buccinatore laudum suarum non egeant. Hi
lites gregarios cicatrices suas, vulnera, vari
tæ suæ discrimina, jactitantes quæ pro Patri
Principe suo subiere. Hic *Crassos* audietis, &
fos divitias suas, & aureos montes crepantes.
Crassos loquor? inter pocula, & *Bacchi* mune
mo non dives est. *Irus* hic, & *Ibicus* reditus
& pecunias computant, & qui sobrius vix
habet quem lingat, & ære alieno ad ambas
aures obsessus, animam debet, potu, & vinc
dens, rerum omnium copia abundat, haud
quam si exhausta nummus redivivus pullulet
In hac Palæstra *Bacchus* nec ignavum fert, ne
lancholicum: Tristitia enim & mæror hic
lant. Sed ut res anxia est, pectus siccum; it
in venas benignior ille succus manavit, grat
dies, & soles melius nitent. Et quid ad bonam
letudinem magis conducere putatis, quam
tem hilarem, *Bene vivere*, & *latari*? Faci
præ aliis *Ebrietas*, filia *Bacchi*, qui propterea
Lyæus appellatur, *παρὰ τὸ λύειν*, & à *L*

Liber, quod curarum & sollicitudinum vinculis constrictos solvit, ac liberat, à *Flacco* poëta illa *Venusino Eniūs dissipat*, *Eniūs curas edaces*, Verè me hercule, & oppositè. Quis enim tam inextricabili curarum labyrintho intricatus est quem non ilico expediat *Bacchus*, ejusque filia *Ebrietas*. Reperiuntur multi queis rei familiaris angustia, & cura æris alieni, quo premuntur, nullam diu noctuque quietem indulgent, quamdiu sobrii sunt, & abstemii: at si paulo liberius biberint, & largius aspersi sint *Flore Liberi Patris*, importuno hoc curarum pondere mox liberantur, liberatique canunt, faciunt, tripudiant. Et ne cuiquam vestrum hoc mirum videatur; quid in *Aulis Principum* frequentius? quid in tribunali, quid in castris tritum magis & receptum, etiam inter primariæ dignitatis viros, qui *Remp.* qui *Justitiam* administrant, qui arma tractant, quorum aures perpetuo tubæ, litui, tympana circumsonant, qui bella moderantur, qui de pace, de induciis consilia agitant, qui domi aut foris ad rerum gubernacula sedent, quàm defatigatum in tanta mole rerum, & dejectum intentiore studio animum furrigere, & recreare ad tempus lautioribus *Symposiis*, frontemque diu curis contractam exporrigere *Threicia amysside*, aut *Herculano aliquo scypho*? Exemplo summorum olim virorum in *Rep. Romana*, etiam magni *ilii Catonis*, cujus, teste *Flacco*, narratur *sæpe meo caluisse virtus*. Videtis Auditores quo in pretio olim fuerit hæc *Bacchi* filia. Nempe hæc illa est quæ blasfos, imo pene mutos format ad eloquentiam, adeo ut qui sobrii & sicco palato, vix tria verba latinè profari queunt, verecundia, aut studiorum desuetudine præpediti, ubi labra lautius proluerint, non *Parnassi* fonte caballino, sed *Bacchi* liquore, illico quasi solutis linguæ repagulis, cum *Crassi* filio, *Latinitatem* suam quæ diu latuerat, simul & semel depromunt, & convivantibus, vapulante interdum ut fere solet, *Prisciano*,

liberaliter, ultro, & non rogati impertiant.

Hæc illa est quæ Poëtas in scribendis carminibus juvat, materiam suppeditat, ingenium acuit, venam stimulat, adeo ut nunquam carmina meliora fundant, quam cum bene poti. Exemplavultis adducam? Testis mihi ille Poëtarum Princeps *Homerus*, testis *Martialis*, testis *Venofianus* nobis quem vix melioris notæ, quale *Caculum*, *Idigium*, *Falerium*, *Albanum* in pretio habuisse, & avidè haussisse testantur. Odæ ejus singulis fere paginis me dicam lineis. Testes quoque multi alii, & præ cæteris antiquissimus ille pater poetarum *Ennius*, qui

Nunquam nisi potus ad arma.

Profilis dicenda:

ut & *Aschylus* qui tragœdias, non nisi inter tæces scripsit, nec me hercules de nihilo.

Τὸν γὰρ πρὶν χεῖρος ἰδὲν ἄν τις.

Nulla placere diu nec vivere carmina possunt.

Quæ scribantur aqua poteribus.

Quid multa Auditores? Hæc illa est quæ vul- tum hominis morbis, aut curis pallentem, nitori suo restituit, genis ruborem, labris purpuram, oculis vigorem, fronti gratiam, corpori universo robur suum & decus; adeo ut rejuvenescere videantur adulti, & in senectò corpore revirescere capulares & decrepiti senes. Vidit hoc olim *Antiquitas*, Sapiëntiæ magistra, quæ *Bacchum* succulentum, formosum, lepulum, plenum sanguinis, & juvenem esse finxit, nec formam unquam mutare, aut ætatem, & ad omnium animos ac voluntates devinciendas ipsis *Gratiarum* manibus, factum. Non mirum ergo est in tanto pretio haberi filiam ejus Ebrietatem, non à gregariis tantum & plebeis, sed à primariis & summis in Republica viris. Quid alios? ab universis populis, regionibus, regnis. Coluit enim eam *Græcia*, & in ea *Alexander* nomine & re verè Magnus, qui præmia statuit Athletis *Bacchi*, & poteribus tricongiis, si capacissima pocula

pocula *darvus* & uno impetu educerent: Unde græcari etiam apud *Græcos* in proverbium abiit: Coluit & eam *Aegyptius*, coluit *Hercules*, coluit Imperator *Tiberius Nero*, qui à bibendo Biberius Mero dictus est. Sed quid *Gentiliū* exempla moveo, cum piorum in promptu sint? Coluit eam *Noach* omni pietate, & vitæ sanctimonia insignis: coluit *Latus* vir integerrimus, coluerunt alii, quibus ne patientia vestra recensendis abutar, inpraesentiarum supersedeo. Ac ne rem altius petam, cos quæso, Auditores, intuemini quos hodie in Clero Romano admiratur plebecula, tanquam rarioris pietatis (ita me *Bacchus* amet) & sanctimoniz exempla, qui Angelicam se viram agere profitentur Monachi, Anachoretæ, funigeri, Cucullati, & quidquid talium est fraterculorum. Quos obsecro vos Auditores strenuiores sui habet cultores hæc *Bacchi* filia? Testes mihi ora & vultus eorum, testes prominentes, & obesi ventres, & plus quam saginata corpora, quæ in subeundis laboribus frigere quidem, at in exiccandis poculis sudare consueverunt, ut non à vero longe abfuerit, qui stomachos eorum *Bacchi* amphoras appellarit, & ventres dolia *Danaidum*.

Sed ne dum rei plus nimia notæ probandæ diutius incumbo, de ejus veritate ambigere videar, finem dicendi facio. Audivistis Ebrietatis effecta, utilitates, commoda, quod hominem instruat, ingenium acuat, eloquentiam conciliet, parresiam, & dicendi libertatem pariat, afflictis solatium præbeat, infirmos muniat, meticulosis animum addat, prostratos erigat, mœrore confectos exhilet. Audivistis optimam esse artium magistram, Poëtarum in scribendis carminibus adiutricem, vultus & ora hominum condecorare, conciliare gratiam, & decus rugosæ & decrepitæ senectæ. Audivistis exempla Regum, Principum, populorum, qui madentem hanc *Gentiliū* deam consueverunt: exempla quoque sanctissimorum homi-

hominum in *Papam*, qui Sacris ejus operantur, & vinum aquæ præferunt. Nihil jam restat, quàm ut vina coronetis, poculis infundatis, infusa exhauriatis, cyathos vertatis. Dixi.

ORATIO XXVI. IN EBRIETATEM,

Habita à

BONIFACIO KINSCHOT.

Optassem Antagonistam meum antequam hanc dicendi provinciam susciperet, recordatum fuisse versiculi illius, non minus veri, quam omnium ore triti:

Quicquid agis prudenter agas, & respice finem.

Hoc enim si serio fecisset, & ea cura ac studio quo debuit, vitam profecto hominis aliter longè instituendam esse judicasset, nec ingenii sui nervos tam turpi vitio commendando intendisset. Sed ostendisset (credo) cerebrum suum, si quod modo illi cerebrum erat, medico eguisset, cum illa diceret. Quis enim, nisi planè ab omni pudore derelictus sit, illa defendere, & depradicare audeat, quæ Stoicorum paradoxis *παράδοξοις*, omnium rectè sentientium calculo damnari solent, & Reip. bene constitutæ finibus exturbari. Factum tamen ut videris, Auditores, non in recessu, aut obscuro aliquo loco, sed in frequentissima hac Auditorum corona. Quod ut pronis auribus audire, nec veritatis amor patitur, nec animi mei candor: ita etsi multa ab eo ad defendendam Ebrietatem allata sunt, quæ telis ipsi Achillis validiora videntur. Ego vero nulla dicendi copia, nulla præditus sum eloquentia, causæ tamen, quam defendendam aggredior, æquitate suffultus, veritatis patrocinium suscipere non dubitavi, nequis forsan iis, quæ jam producta, fidem habeat, ac contra ut omnes

cognita portenti illius turpitudine, indies magis magisque eam declinent, fugiant, detestentur. Vos Auditores quotquot hic adestis qua possum animi demissione rogo, imo obtestor per communia Sacra *Musarum*, & jura humanitatis, ut me hanc vitiorum lernam, hac mea qualicunque oratiuncula impetentem, favore vestro, & solita benevolentia complecti, haud dedignemini.

Ac ut in ipsam quod ajunt arcem causæ penetrem, & turpem illam belluam, quæ belluinos facit homines, suis coloribus depingam, quæ ab Antagonista meo ad defensionem crapulæ in medium allata sunt, exactius paulò expendamus, ut quam putida, ridicula & inepta sint unicuique vestrum luce meridiana clarius appareat. Cui quæsiō vestrum non moveat risum illud quod in Orationis principio asserere non dubitavit, Ebrietatem artium, linguarum, & virtutum omnium informatricem esse, ac magistrā. Sed

*Proh Superi! quantum mortalia pectora caeca
Noctis habent?*

Quid enim est cum ratione insanire, ut cum Comico loquar, nisi hoc sit? Itane Commilito, itane fibulam laxare ausus es tūc in dicendo licentia? itane quæsito colore, & honestis nominibus ut *Virtutem* nobis obtrudere, quæ vitiorum maxima est? non *Pallas* illud tibi misit in mentem, sed ipsa *Moria*. Ventris enim capacitas non est virtus, & frustra expectatur actio laude digna ab homine, cujus corpus est instar spongiæ, quæ impletur, ut depleatur, & depletur, ut impleatur. Quare, ipsi lubet & persuade hoc sed cerebro vacuis, & capitibus helleboro dignis, qui inter vitia, & virtutes discernere nequeunt. Nobis certè qui jam pridem aliter edocti, & in meliori longè schola educati sumus, nunquam persuadebis. Unde enim stupra, incestus, adulteria, unde furta, rapinae, jurgia, dissidia, lites, bella, nisi ab ebrieta-

munitum habeant, vitiique hujus turpitudinem, & quæ importent in genus humanum detrimenta probè considerant. Intuemini enim, quæso, mecum Ebrietatis habitum, verba audite, móres aspici-
 cite, quid videbitis? nihil nisi *ignorationem sui, dubia & parum explanata verba, Siculis gerris vaniora, incertos oculos, gradum errantem, vertiginem capitis, testa ipsa mobilia, stomachi tormenta, cum effervescit merum ac viscera ipsa distendit, cum Capitolium, rationis arcem invadit, Palladium rapit, hoc est omne judicium subvertit, & quod unum habet E-*
brinus in malis, bonum perdit, peccandi verecundiam. Ubi enim possedit Animum nimia vis vini, quicquid mali latebat emergit. Nullum in animo latet vitium quod non prodatur. Tunc avidi Matro-
nam oculi licentur, tunc libidinofus ne cubiculum quidem expectat, sed cupiditatibus suis quantum petierint, sine dilatione permittit; tunc impudicus verbum profite-
tur, ac publicat; tunc petulans non linguam, non manum continet, crescit insolenti superbia, crudelitas saevo,
malignitas livido. Hinc plusquam vitrea valetudo, mor-
borum lues, luxuria supplicia, pallor, & gena pendula,
oculorum ulcera; raucitas vocis, nervorum vino ma-
dentium palpitatio, incerti labantium pedes, tremula
manus, furiales somni, & inquietas nocturna: hinc in-
geniorum tarditas, torpori inertia, ut vix crédam
in tota Arcadia esse ullos asinos usque adeo asi-
nos, quin hi digniores sint, qui foeno pascantur,
quam illi, digni qui molam versare Nepetis. Am-
plius: hinc effusiones patrimoniorum, egestas,
furta, cædes, libidines portentosæ, hinc denique
famæ naufragium, & rerum divinarum lethæa
quædam oblivio. Neque hoc Gentiles ipsos latuit
qui Bacchum soliti sunt pingere stupidum & obe-
sum, nec non Venerem finxere judicio Paridis Ju-
noni, & Palladi formæ palmam præripuisse. Nem-
pe significare voluerunt, ubi Bacchus in pretio est,
& Venus illa amorum dea, ibi deam honorum
Jumonem, deamque eruditionis, & sapientiæ Palla-

dem fugere, & excludi: hoc est ubi crapulæ & libidini indulgetur, ibi honoribus pariter, & eruditioni viam intercludi. Hæc si tecum Commilito seriò perpendisses, siccine (ut à te factum) stilum tuum, & linguam ebrietati commendandæ in doctissima hac Auditorum corona, commodare voluisses? & si hæc tecum ad animum revocarent, strenui illi *Bacchi* Athletæ, ac potiores tricongii, in quorum manibus amphoræ ut calices versantur, & si vel hilum saperent, nã illi impurissimæ huic Virgini Ebrietati, quæ unius horæ hilarem insaniam longi temporis tædio pensat, & cujus ornamenta tot vitiis confuta vident, misso repudio, ad Sapientiam se converterent, veram sobrietatis, & temperantiæ magistram. Tu Divam illam, ejurata crapula, amplectere, atque exosculare, illa tibi non in labris sit; sed in fibris, in animo, non in vultu. Quam quò propius pectori appresseris, altiusque menti impresseris, eo longius à te amandabis, vel solo nutu spongas istas madentes, gulæ mancipia, gurgites, dolia, ventres.

Nihil hic dicam de nausea, & fastidio stomachi, cum invitis ingesta visceribus per os reddunt, & vinum omne vomitu, remetiuntur, nihil de hemiplegia, & dolore capitis, nihil de catarrhis, de tinnitu aurium, de rubore & lippitudine oculorum, de morbo colico, de hydropo, tympanite, de podagra, epilepsia, hemiplexia, aliisque morbis innumeris qui ex ebrietate dulci hoc veneno, blanda hac peste, crudeli hoc gaudio, tanquam ex alta radice ubertim suppullulant; nihil de oris graveolentia, de rubricato in pustulas vultu, gemmato, & quasi fruticante naso, & id genus alii, quæ tot tantaque sunt, ut vel loquacem delassare queant *Fabium*, & vel *Milonem* dejicere. Hæc interim est illi formositas, hæc corporis *virtus* quam tantopere deprædicasti. Taceo pericula, & vitæ discrimina in quæ passim homines præcipitat: Taceo mortem præproperam & immaturam

quam sæpe in ipso ætatis flore temulentis, & e-
briis accersit: Ruinas & excidia urbium, Rerum-
publicarum depopulationes horrendas, tragicos
Principum interitus, & quidquid talium est cala-
mitatum. Quid enim perdidit Trojam? perdidit
Ebrietas. *Græci* qui decennali vix obsidione eam
expugnare potuerunt, expugnantur crapula: quod
non minus eleganter quàm judiciosè observatum
à Poëta: *Invadunt Urbem somno vinoque sepultam.*
Quid *Ammonem* Regis *Davidis* filium, quid *Holo-
fernem*, quid *Nabalem*, *Belsazarum*, quid *Marcum
Antonium*, magnum virum, & ingenii nobilis,
quid *Alexandrum Magnum*, quem tot prælia, tot
itinera, tot hiemes, tot flumina ex ignoto cadentia,
tot maria tutum dimiserunt, perdidit? intem-
perantia bibendi, & ille *Herculanus* ac fatalis
scyphus. Quid ejus familiarissimum *Clytus*? Ebrie-
tas. Quid *Lapythas*, quid innumeros alios? quos si
recensere omnes hie esset animus,

Itaria numerum dicere coner aqua.

Sed ex ungue leonem: Facile enim unicuique
ἐκ τῆς κρασιᾶς τὸ ὕψωμα γινώσκουσιν. Accedit in
cumulum malorum omnium gravissimum, quod
non tantum bonis corporis, fortunæ & animi
nos exunt, non vita tantum spoliatur: sed & adi-
tum quoque ad regnum Cœlorum cultoribus suis
intercludat, cum ad fatalem metam deventum
est, & decretorium illum diem, qui de omnibus
anteactis fert sententiam. At si fortasse rigidus
nimis Ebrietatis censor vobis esse videar, & ingra-
ta nimis auribus quorundam profari, non me jam,
sed Prophetam audite. *Va*, inquit, *surgentes sum-
mo mane, ut potum inebriantem, sectantur, prorepantibus
ad crepusculum usque, ut vinum interducat ipsos.* Et ma-
gnum illum doctorem Gentium. *Ne errare*, in-
quit, *neque scortatores, neque idololatra, neque adulteri,
neque fures, neque avari, neque Ebriosi hereditatem
regni Dei possidebunt.* Videtis Auditores quæ ebrio-
sos (quibus omne in popina & taberna vitæ præsi-
dium

dium est, & plurimum meri cepisse, Virtus) poena maneat: Maledicti in hac vita, & quod omnium calamitosissimum, æternum perituri post hanc vitam, nisi seria resipiscentia ad meliorem mentem redeant. Nam quod veneranda Sanctorum nomina in hanc scenam protrahere non erubuerit, qui jam ante me declamavit, quis vestrum non videt, quam malè & perperam ab eo factum, eoque dignus qui nulla re magis, quam contemptu, ac silentio refutetur. Legibus enim vivitur, non exemplis, & multitudo errantium non parit errori patrocinium. Sancti fuerunt. Esto: sed & homines, & si quæ illis humanitus acciderunt (ut humanum est labi) deploranda in iis sunt, non imitanda, nec in hac temporum lue, & contagione morum trahenda in exemplum, imo totidem argumenta sunt, quæ nos à tam turpi vitio dehortari debent, omni *Scylla* vel *Charybdi* formidabiliori.

Nam *Lotus* Patriarcha nunquam se tam nefario incestu polluisset, nec *Noa* morum probitate, & vitæ sanctimonia insignis filio suo se deridendum præbuisset, nudatione inverecunda femoris quod sexcentos annos texerat, nisi fuissent ebrii. Qui profecto si adhuc viverent, & lucis hujus usurâ fruerentur, ipsi nos ab ebrietate essent dehortaturi. Rogatus *Anacharsis* (qui tres botros vineæ tribuisse fertur, primum voluptatis, alterum ebrietatis, tertium mœroris) quam ratione quis efugere possit temulentiam, respondit: *Si indecoros stiriorum motus, & gestus præ oculo habeat.* Unde *Lacedæmonii* vino madidos & insanix proximos, *Helotas* mancipia sua, pueris spectandos exhibebant, ut cum illorum inconditos clamores, & Stentoreas vociferationes audirent, saltationes & tripudia intuerentur, tam stulto & ridiculo moti spectaculo, ab ebrietate abhorrerent. *Ægyptii* in conviviis ponebant super abaco scelerum, ut ejus aspectu convivæ à crapula revocarentur. *Plato* vinosos ad Speculum relegabat, ut in eo conspecta

exosculemur, quæ nos idoneos reddit obeundis muneribus nostris, gratos hominibus, & acceptos Deo: vitamque nostram (ut finem faciam) sic instituamus, ut cuivis appareat nos non vivere ut edamus, quod pecudum est, quas natura ad pastum abjecit, sed edere ut vivamus. Ventris enim capacitas bruto magis convenit quam homini, & nemo dicetur vir amplissimus, ob ventris amplitudinem. Nec gloria est vincere homines in re, in qua homines superantur à doliis. Cibus famem fedet, potio moderata sitim restinguat. Quos fines qui egreditur, is intemperantiæ quidem labem contrahet, sed ad Temperantiæ, & Sobrietatis laudem nunquam assurgit. Dixi.

ORATIO XXVII. DE SUPERBIA,

Habita à

GERARDO F. F. MEERMANNO.

Hegesias Cyrenaicus Philosophus, insigni sua eloquentia, mala hujus vitæ olim ita representavit, ut tristi eorum imagine, Auditoribus suis ob oculos posita, multis spontaneæ Mortis obeundæ cupidinem injecerit. Et Cicero summus ille dicendi magister eloquio suo hostibus Patriæ, *Catulina* & aliis arma pene è manibus excussisse fertur. Utinam Auditores mihi esset vel *Hegesias*, vel *Tullii* facundia, ut non tantum odium Superbiæ, quæ totum nunc pene terrarum orbem perreperasse videtur, superborum animis ingenerarem, sed eam pro: fus ex iis excuterem! Sed frustra tantorum Oratorum eloquentiam opto, frustra desidero, quam vix est ut mente assequi, aut cogitatione complecti queam. Quid ergo? à proposito meo desistam, & pestem illam ingeniorum im-

pune grassari patiar, & majora indies capere incrementa? Vetat pietas quæ me ad virtutis amorem, & studium impellit; vetat obedientia quam illi debeo, qui me hanc Cathedram conscendere, & in Superbiam ex publico hoc loco declamare, & verba ad vos facere voluit. Vetat vultus vester multo jucundissimus, ex quo augurari mihi videor, nihil vos magis desiderare, quam ut stili mei aciem stringam in turpem illam vitiorum *Exentrum* & foeditatem ejus vivis coloribus depingam: vetat denique materiæ, & argumenti quod mihi ad dicendum offertur, copia. Quare vos omnes viri humanissimi, studiosi & adolescentes suavissimi, obnixè rogatos volo ut ingenii mei tenuitatem, ac dicendi infantiam vestro favore, ac æquitate sublevare, eamque mihi de hoc vitio declamanti audientiam largiri haud dedignemini, quam aliis ante me ex hoc loco dicentibus, pro solita vestra in Scholæ nostræ studiosos humanitate, ac benevolentia indulgere consuevistis.

Nemo vestrum est Auditores, qui non vitandum merito censeat id quod à *Sathana* originem suam traxit: Et hæc illa est de qua nunc loquimur Superbia. A superbissimo enim spiritu ortam, vafferimus & infestissimus ille generis humani hostis, tam alte mentibus hominum instillavit, ut nulla pene major apostasiæ, & defectionis a Deo causa extiterit, quam Superbia. Qua factum est ut homo non contentus imagine Dei, ad quam conditus, justitia, & sanctitate originali, qua præditus erat, Deo bellum inferre non dubitavit, & Creatorem suum quantum in se erat, de solio deturbare, plus quam sacrilega audacia, & nefaria ingratitude. Hinc vero Auditores quanta malorum *Illas*? quanta miseriorum ac calamitatum copia? Hæc enim illa est quæ funestissima bella, duella, jurgia, dissidia, cædes, & lanienas excitat: hæc parentes cum liberis, fratres cum fratribus, Magistratus cum subditis, Reges cum regibus committit:

hæc

hæc ut parem non fert, sic nec superiorem. Quid enim *Abolonem* impulit, ut in Patrem insurgeret, arma capefferet, & ad internecionem usque persequeretur? Superbia. Quid primum illum parricidam *Cainum*, ut fratrem suum *Abelem* è medio tolleret, instigavit? Superbia. Quid *Abimelechum*, ut fratres suos ad unum omnes crudelissimè necaret, induxit? Superbia. Hæc illa est quæ *Demetrium* Seleuci filium ut patruelem suum Regem *Antiochum* interficeret, & *Athalias* impulit, ut stirpem regiam extingueret. Hæc *Sanheribum* ut munitissimas urbes *Judeæ* arctissima obsidione cingeret, Hierosolymam oppugnaret, blasphemiam in Deum *Israëlis* non minus proterve, quam impudenter evomeret, concitavit. Hæc denique *Crassum* Lydiæ Regem opulentissimum, ut in *Cyrum* persarum Regem insurgeret, instigavit. Et quis tandem malorum esset finis, si quæ ex ea velut ex alto quodam gurgite, in genus humanum promanant, recensere mihi esset animus? *Tarquinius* hominem libidine præcipitem, avaritia cæcum, immanem crudelitate, furore vecordem, vocaverunt *Superbum*, & putarunt sufficere convitium. Inde enim impietas, audacia, temeritas, *πυλупραλμοσύνη*, iracundia, crudelitas, avaritia, fraudes, concussiones, rapinæ, & quidquid talium est scelerum, & flagitiorum, originem suam trahunt. Hinc blasphemix & contumeliæ in Deum, contemptus Numinis Divini, seditiones, conferto velut agmine violenter erumpunt.

Sed ut exemplis res fiat illustrior, intuemini mihi, quæso, Auditores, *Herodem* illum, de quo Sacræ litteræ, quid enim olim adegit ut pateretur se à populo adorari, & tanquam Numen aliquod proclamari, nonne Superbia? Quid *Caligulam*, *Domitianum*, *Heliogabalum*, portenta illa generis humani, & sceptrorum propudia impulit, ut tanto cum typho mortalitatis suæ, & humanæ sortis obliiti, pro Dîs haberi voluerint? & religiose coli
tan-

tanquam Numina? Quid Regem *Hosiam* ut munere Sacerdotali defungi non dubitaverit sumpto in manum thuribulo, nonne Superbia? Taceo hic Auditores *Saporem* illum Persarum Regem, qui ad *Constantinum* Imperatorem scribens, Solis ac Lunæ fratrem se nuncupavit. Taceo *Alexandrum* qui per litteras petiit, ut publico decreto *Lacedæmoniorum*, divini sibi decernerentur honores, & in Deorum numerum referretur. Taceo *Xerxem* qui fastu suo, & superbia, ad insaniam pene redactus, mari vincula, & compedes minatus est, quid dico minatus? compedes in mare conjici jussit, quasi captivum, Regis, & sceptri Persici servitio mancipatum. O impiam, ô sacrilegam, & intolerabilem audaciam! Sed quanto tibi stetit Rex insolentissime hic animi tui fastus? quanto furiosa illa temeritas, qui manus & pedes ab *Oriente* ad *Occidentem* mittere, montes in planum deducere, *Templum Apollinis* audacter diripere, *Neptuno* compedes, *Cælo* tenebras minitari, & *Hellespontum* navibus tuis sternere non dubitasti? profligato enim numero tuo exercitu, ab exigua militum manu, & clade navali accepta, vix cymbulam, infeliciter superbus, vix scapham invenisti qua evadere, & fugitivus in *Asiam* summo cum dedecore, & ignominia redires. Ita, ita nimirum in eos animadvertit summus ille rerum Arbiter, & magni Mundi moderator Deus, qui vel imperii licentia fascinati, vel assiduis assentationibus occæcati, altius æquo se efferunt, & fastu suo cuncta quasi à se diffiare videntur. Nam ut in aliorum quoque tragicos exitus mea se diffundat Oratio, ubi obsecro vos, Numina illa terrestria, *Herodes*, *Domitiani*, *Heliogabali*, qui sacrificiis, altaribus, Dei titulo, & statuis honorabantur? à justissimo illo scelerum vindice Deo ad exquisitissima supplicia rapti, vitam miserrimè finierunt. *Herodes* enim dum divinos sibi vendicabat honores, ab Angelo percussus *ἐπαύθην*, à verminibus eroditur, qui de superbia ejus triumphant, ac

VIRUS,

vivus, videntque interfuit proprio funeri: *Caligula* à *Chorea* è medio tollitur. *Domitianus* à libertis suis interfectus, ejusque cadaver populari sandapila elatum per vespillones, summo cum dedecore, terræ mandatur. *Heliogabali* denique diu multumque per urbem raptatum, & dilaniatum cadaver, in putidissimas cloacas conjicitur. *Haman*, superbissimus ille *Thrase*, laqueo vitam finit in patibulo, quod probissimo *Mardocheo* erigi jussit. *Core*, *Datan*, & *Abiram*, qui excitato tumultu, non minus petulanter, quàm superbè in *Mosem* insurrexerunt, vivi à terra absorpti sunt. Itē nunc Superbi, cristas erigite, supercilia tollite, magnitudinem fortunæ vestræ peccandi licentia metimini, quidquid libet pro licito judicantes, ubi aures vestras superbas assentatorum turba circumstet, divinos denique vobis arrogate honores. sequitur, sequitur superbos ultor à tergo *Dens*, & ἀλαζονείας ἔτις ἐκφύγει δίκην. Sed quæso quid est quod erectis in audaciam cristis, tantos geratis animos? quæ sodes superbiz vestræ causa? Generis ne vestri & prosopiz nobilitas? Sed quis Rex, ut *Plato* ait, non ex servis oriundus, & quis servus non ex Regibus? Omnia ista longa varietas miscuit, & à primo Mundi ortu usque in hunc diem perduxit nos ex splendidis, fordidisque alternata series. ●

Virtute decet non sanguine niti:

Nam genus & proavos, ut bene Poëta Sulmonensis, & qua non fecimus ipsi,

Vix ea nostra voco,

Et *Juvenalis,*

Stemmata quid faciunt, quid prodest Pontico longo

Sanguine censei, pictosque ostendere vultus

*Majorum, & stantes in curribus *Emilianos*!*

In illis gloriari parum, aut nihil est;

Nobilitas sola est, atque unica Virtus.

Honores! Quis honoratior *Sejano*? Sed quo die illum *Senatus* deduxerat, populus in frustra divisit: *περπε ὁ κύκλος τὰ ἀνθρώπων, &c.*

Hora momentum est inter solium, & aliena genua magnisque negatum stare diu, nimioque gravis sub pondere lapsus.

Forma? at quam fluxa illa, & labilis. Quid enim Homo est, animal istud superbum? nisi imbecillitatis imago, ad omnem fortunæ contumeliam projecta, calamitatis trutina, & ut verbo dicam, pituita & bilis?

Poëtam audite:

Forma bonum fragile est, quantumque accedis ad annos,

Fit minor, & spatio carpitur ipsa suo.

*Ætas vobis florida est, & vegeta? flos iste dum loquimur arefcit. Divitiæ & opes? At illis quid inconstantius, quid incertius? quibus non casibus fortunæ, & mutationibus obnoxia sunt? Victores estis & triumphatis? Sed in victoriis ipsis quàm subita sæpe, & repentina rerum vicissitudo, & catastrophæ? In sinibus propagatis te attollis Superbe? Quid animo accessit, nisi curæ majores, aut metus? Quid corpori? *metre umbram*, videbis. Externa illa omnia sunt quæ te inflant: æstimari debes à te ipso. Illa abeunt, veniunt: Tu vide non quid in te magnum habeas, sed quid tuum: quia non fortuna, sed virtus felicitatis mensura est: contra magna fortuna, magna servitus, & viscata sunt ejus beneficia, cum habere te putas, habebis. Qui in summa dignitate collocati sunt, sæpe idem patiuntur, quod illi qui evaserunt ad summa excelsarum turrium cacumina, quibus cerebrum solet vertigine concuti. Summa potestas pluribus casibus, molestiis & periculis est obnoxia: non secus ac in magna sylva procerissimæ arbores à ventis pulsantur vehementius. In Regno gloriaris, & Imperio? Sed quid sceptris infidum magis & mutabile? & quàm paucis *Fortuna* currum à carceribus ad metam sine offensa aut everfione perduxit? lubrica est, nec invita teneri potest. Imo quanto quis fere altius elatus est, hoc cædius corrui. *Exempla obvia passim, & in omni ævo.* Qui-*

*Quicumque Regno fedit, & magna potens
 Dominatur aula, nec leves metuit Deos,
 Animumque rebus credulum letis dedit;
 Me videat (inquit Hecuba) & te Troja, non un-
 quam tulit.*

*Documenta fors majora, quam fragili loco
 Starent superbi.*

O prudentem verè, qui hic prudens! nam bea-
 tum quenquam dicere, qui in his vitæ fluctibus
 jactatur, quis audeat, donec sit in portu? cuncta
 enim mortalium incerta, quantoque plus adeptus
 sis, tanto te magis in lubrico censeas. Hodie ma-
 gnus es? cras alius, aut nullus: perenne sub polo ni-
 hil. Quàm levi enim momento deturbantur de so-
 lio, privantur sceptro, exuuntur imperio, rapiun-
 tur ex hac vitæ statione ad Plutonia regna, & ut
 pondera ab alto lapsa in præceps eunt. Exempla
 vultis adducam. Auditores? Ubi nunc obsecro vos
 terror ille gentium *Julius Caesar* tot victoriis, ac
 triumphis insignis? Periiit. Ubi *Pompejus* ille ma-
 gnus? periiit. Ubi *Annibal* qui Romanos ad *Cannas*
 vicit? periiit. Ubi *Alexander* qui totam pene *Asiam*
 imperio suo adjecit? periiit. *Affryii, Persæ, Græci,*
Romani, quid nunc, aut ubi sunt? abierunt. Ubi
 supra fidem cumulatæ opes? Ubi *Calo* certantia o-
 pera? non apparent. Imo omnia illa, nihil, si cum
Æterno, & *Æternitate* comparentur. Ita est Audi-
 tores. Quicquid alte se sustulit, opportunum est ad
 casum. Præclare Romanus ille Sapiens; *Nullo for-*
tuna minus bene quam optima creditur: alia felicitate ad
tuendam se'licitatem est opus. Quid mirum?

Ludit in humanis divina potentia rebus,

Et certam præsens non habet hora fidem.

Eodem die ubi inserunt navigia sorbentur.

Quod si hæc quæ adduxi exempla vos quotquot
 estis superbi, à Superbia non deterrent, intuemini
 juxta terram quæ maledicta à Deo ob superbiam
 omnis, tribulis nunc, & spinis inhorrescit. Stel-
 lis & micantes illos cœli ignes contemplamini.

gemunt sub pondere peccati, & restaurari desiderant. Hominem videte, quot morbis ille, quot malis, quot vitæ casibus obnoxius? ut non sine causa eum Princeps ille Philosophorum *Aristoteles* vocaverit, *Ludibrium Fortuna, miseria trutinam, & spoliolum tempora*. Et unde hæc malorum *Ilias* si ad rectæ rationis lancem momenta rerum ponderentur, nisi à Superbia? Quare cum tantorum malorum sit causa, tantarumque calamitatum fons & origo, cum homini mentem adimat, bonis & honoribus exuat, Deum offendat, populos, urbes, regna, imperia in ruinam agat, ad vos Imperatores, Reges, Principes qui Rerumpublicarum gubernacula tenetis, me converto, vobisque illud *Sempe* monitum in memoriam revoco.

*Vos quibus Rector maris atque terra
Jus dedit magnum, necis atque vita,
Ponite inflatos tumidasque vultus:*

*Quidquid à vobis minor extimescit,
Majus hoc vobis Dominus minatur:
Omne sub Regno graviore regnum est,
Quam dies vidit veniens superbum,
Hunc dies vidit fugiens jacentem.
Nemo confidat nimium secundis,
Nemo desperet meliora lapsus.*

*Miscet hæc illis prohibetque Clotho
Stare Fortunam: volat omne fatum.*

*Nemo tam Divos habuit faventes
Crastinum ut possit sibi polliceri.*

*Res Deus nostras celeri citatas
Turbine versat.*

Humana cuncta sumus, umbra, vanitas, & scenæ imago, specioso quidem fuce circumlita, sed intra nihil habentia fronti suæ simile. Et ut magnæ arbores quæ diu crevere una hora extirpantur: sic multorum annorum cumulatæ Imperiû corpus brevi momento ad ima deturbatur. *Irus & est subito qui modo Crassus erat.* Quia ut fulmina sæpius feriunt excelsas turres, quam humilia tuguria: ita
Deus

Dens sibi *Superbos* proponit in scopum , in quem sagittas justitiæ suæ intendit, & eos ingenti ruina percellit, dejicit, evertit.

Hæc quæso viri Principes expendite , felicitati vestræ frænos imponite, fastum omnem deponite, & cum animis vestris deputate vos brevi in pulverem reversuros, & dicto citius hanc Mundi gloriam vobiscum perituram. *Valet ima summis mutare, & insignem attenuat Deus, obscura promens.* Fastum quoque deponite vos *Crassi filii*, vos *Crassi* nepotes qui opum vestrarum nec modum capitis, nec finem. Cogitate quàm graves Superbiæ suæ poenas dederit dives ille Epulo, qui, purpura olim decorus, & luxu diffluens, nunc *Avernus* pabulum, & *Orci* victima, ad *Tartara* deturbatus, ne aquæ quidem guttulam impetrare potest ab eo, quem cum esset in vivis mendicantem superbissimè contempsit, qua ardentem linguam suam refrigeret. Fastum deponite Pastores, qui Auditoribus vestris humilitatem identidem inculcatis, & animi demissionem, eamque exemplo vestro virtutem vita & moribus exprimit, serioque illud Poëtæ expendite,

Turpe est Doctori, cum culpa redarguit ipsum.

Fastum ponite vos Præceptores, & discipulis *φιλαυτίαν*, & agnatam illis arrogantiam monitis vestris extundite. Fastum ponite & vos Adolescentes studiosi, *Musarum* alumni, quantumque superbia *Phaëtoni*, & *Icaro* nocuerit, cogitate. Fastum denique ut finiam, omnes quotquot estis homines: & si omnino firmam celsitudinis vestræ fabricam constituere vobis est animus, de fundamento prius cogitate HUMILITATIS. Illa enim, ut ait quidam Patrum, non solum Religionis Christianæ, sed & omnium Virtutum est basis, & fundamentum, quæ labuntur aut disfluunt, nisi ea nix, nisi ea nex. In quam recte quæderet responsum illud Demosthenis interroganti quid primum, quid secundum, quid tertium, quid ultimum.

mum esset in Oratore, quid in arte dicendi prora & puppis? *Pronuntiatio* inquit. Ita genuinam, & non fucatam modestiam, & humilitatem appellare mihi fas principem, & potissimam vitæ humanæ partem, & quasi TOTUM hominis. Dixi.

ORATIO XXVIII.

IN VITAM AULICAM,

Habita à

LAMBERTO BOOTIO.

CUM *Menippus* adolescens apud *Homerum*, diversa Deorum scelera legisset, ea licita esse, atque honesta credebat: nam dii quod faciunt quis non arbitretur honestum? Hic vir postea factus, cum illa tanquam turpia prohiberi legibus animadverteret, incertus animi Philosophos adiit, sciscitaturus ex iis quænam esset optima vita. Sed neque Philosophi expectationi ejus satisfecerunt, cum inter se pugnantibus dissiderent sententiis, & alii in voluptate eam statuerent, ut *Epicurei*, alii in quadam animi ἀναισθησία seu indolentia ut *Stoici*, alii in actione virtutis, ut *Peripatetici*: Quidam vero animi, corporis, & fortunæ bona simul juncta, vitam dicerent præstare vere beatam. Incertior igitur ille multo quam antea, consule-re mortuos decrevit, & ad inferos descendit, ac ex *Tiresia*, quia & ipse vates fuerat, ubi & apud quos vitæ tranquillitas, & beatitudo inveniri posset percunctatus est, qui cum voce diu respondere negasset in aures tandem insusurrans, apud privatos homines optimam vitam, summamque felicitatem reperiri dixit: non vero apud Reges, Principes, ac longè latèque terrarum Dominos. Videre tamen est hodierno die homines non gregarios, non de trivio,
sed

feri Patricios, sed Optimates, qui altè hanc animis imbiberunt sententiam, liberos suos melius, ac liberalius in *Aulis* inter sorices Palatinos, quam in scholis educari: Rati tum demum felices eos esse ac fortunatos, cum Regum atria frequentant, latera stipant, & in purpuratorum numerum cooptati, vultu & præsentia Principis frui conceditur. Sed immane quantum discrepat! & nã illi crasum, ne quid gravius dicam, errant errorem. Quem ut Oratiuncula hac mea in præsentiarum profligare constitui, ita obnixè, & qua possum animi demissione, à vobis contendo, Auditores, ut non de injucunda, neque inutili materia dissertanti, silentio vestro ac favore succurrere, haud dedignemini. Quo declamatiuncula mea scopum ad quem collimat, rectius feriat, & benevolentia vestra secundis quasi impulsæ ventis portum ad quem tendit, facilius consequatur.

Ac ne prolixis plus nimio vos demorer sermonibus, si nihil aliud dicerem cur fugienda sit *Aulicorum* vita, quam quod ab omni fere virtutis studio derelicta, ad vanitatem, & morum licentiam admiratores suos, & cultores tacito quodam, ac surdo lenocinio trahat, & ad luxum, crapulam, libidinem, aleam, scyphos Herculanos, potationes portentosas, Religionis contemptum, ne dicam Atheismum, alumnos suos, & purpuræ candidatos haud raro impellat; quis sodes ab ea non abhorreat si vel minimæ pietatis, ac probitatis stricturæ in animo ejus delitescant? Nam admissa semel in Aulam juvenus, ut in vitium flecti cerea est, dulci hoc morum contagio delibuta semel, virtutis si quæ in se habet femina extingui patitur, & vitia, tanquam animæ zizania, & plantas noxias, succretere in puerili hoc solo, per naturam nequitia fertiliori, quam probitatis, adeo ut in tanta colluvie vitiorum per tot bonæ mentis impedimenta, eluctari non possit ad ullam frugem. Extincto vero per *Aula* licentiam omni virtutis sensu, mox ætate pro-

vectior imitatur quæ videt, manetque alta mente repositum, quidquid vitiosum est, & pertinacissime illi ad extremam usque senectam adhærescit. Quid mirum? omnia hæc juniores in *Aulis* discunt, & Principum palatiis. Tenera adhuc ætatula deliciis solvitur, mollisque ea educatio nervos omnes, & corporis & mentis, elidit, protèrit, frangit. Quid non adultus committet, qui inter tot obsequia fortunæ, tot vitia adolescit? vix dum prima verba puer exprimit, & jam in sericis & purpura repit, coccum intelligit, jam conchilium poscit, ante palatum ejus quam mens instituitur. Arrident grandiores, si quid licentius dixerit, verbaque ne Alexandrinis quidem permittenda deliciis, risu & applausu excipiunt, scurrilemque verborum spurcitiam non venia modo, sed & laus consequitur. Ne miramini Auditores, reliqua *Aulicorum* turba sic docuit, libidinosa vitæ specimina videt quotidie, & audit, convivii interest lautis, opiparis, omni ferculorum, ac cupediorum apparatu instructissimis, turpia, inhonesta, atque indigna relatu spectantur, audiuntur. Discunt hæc pueri, antequam sciant, vitia esse. Et ut facilius est denigrare alba, quam dealbare nigra; ita facilius est inficere eos vitiis, quam iis instillare virtutes. Ad illa enim toto quasi pondere feruntur instigante naturâ. Ac deinde ubi per ætatem Sapientiores facti, *Aula* repudium mittere, & ad meliorem frugem sese recipere conantur, ita his aureis *Aula* compedibus illigati sunt, ut in hoc dissolutæ vitæ curriculo perseverent, & in eodem licentiæ cæno perpetuò hæsitent. Usque adeo Auditores à teneris adsuescere multum est. Omnes itaque Patresfamilias serio quorquot sunt, admonitos volo, quid ajo? non ego sed sagacissimus ille arcanorum Naturæ Speculator *Plinius*, ut Filios suos non in *Aulam*, in qua pereant, sed ad *Lycæum* aliquem, aut *Solonem*, Virum nempe doctrinæ, & morum gravitate conspicuum, adducant. Nam ut

Testu-

Testudines Indicæ in ipso Meridie, suavissimis foliis radiis allecæ, nudo gaudent tergo per tranquilla maris æquora fluitare, donec oblitis sui solis æstu exarescat cortex, & domicilii sui testa, adeo ut mergi denuo nequeant, jamque invitæ natent opportuna Venantibus præda: ita *Aulæ* clientes hodie, & purpuræ cultores, dum aureos sibi pollicentur montes, & Attalidis conditionibus, nec non amplissimorum spe præmiorum allecæ, in Principum *Aulæ* se insinuant, earumque deliciis Sibariticis sic inescantur ut pedem retrahere, & vel *Pegaso* illigati, expedire se nequeant noxiæ huic *Chimææ*, nimirum majus quiddam est quam multi censent, cursum rectum in undoso illo mari tenere, & in *Aulâ* non abripi licentiæ ventis. Metant igitur hunc Agrum histriones, mimi, balatrones, parasiti, sycophantæ, & quidquid talium est hominum, qui ad gratiam sedantes, & auram, *Placentini* magis, quam *Veronenses* nigra in candida vertunt: Sed exeat, exeat, inquam *Aulâ*, ut cum Poëta hoc dicam;

*Qui vult esse pius, virtus & summa potestas
Non cœnunt.*

Quid? Ibine virtutem regnare, justitiam dominari, honestatem, temperantiam, humilitatem, modestiam, principatum tenere creditis Auditores, ubi omnia ejurata probitate, ad fastum, vanitatem, malitiam, & ad luxum comparata sunt? Ubi vada & *Syries*, & omnia simulationum plena sunt, plena simultatum, simulationis, invidiæ? Ubi histrioniam tanquam in *Theatro* agunt, & summam stultitiam tegunt specioso obtentu sapientiæ? Ubi non semper recto judicii oculo res, aut homines æstimati, sed hominibus munus, non homines muneri donantur? Ubi ex fraude, fallaciis, mendaciis, constare toti videntur, & quidquid Leonem præferant,

Astutum vapidum servant sub pectore vulpem.

Ubi denique non alia sunt hominum studia, nullæ aliz curæ, quam aut voluptatum, aut opum, aut honorum aucupia ad quæ certatim adfluunt, &

concurrunt? Vestram fidem! Auditores in illis ne sitam censetis vitæ humanæ beatitudinem, ac felicitatem? Scio non facitis. Quis est enim ita in temporum historiis peregrinus, qui aliter sentiat? Reclamat experientia, quæ omnia hæc in casu posita esse & iisdem pene, quibus mare æstibus adfluere & refluere, haud obscure commonstrat. Reclamat gravissimorum virorum authoritas, quorum eruditio summa, non secus ac fax quædam cælitus delapsa, Universum terrarum Orbem illustrat, & Cimmericas ignorantia, ac cæcitatæ animi tenebras violenter dispellit. Quid illi? Ut è multis paucos producam. Sic eximius ille censet civilis prudentia Magister & sincerus humanarum actionum arbiter *Tacitus*, *brevēs* (inquit) *sunt Regum amores*, eorumque gratia vitri instar cum maxime splendet frangitur, eoque lubrica, si usquam & vita, & via eorum qui in *Aula* versantur. Quid *Polybius* Historicorum ille Princeps? *Qui Regum* (inquit) *Regias sequuntur, Regis voluntate nunc beati, nunc miseri existunt.*

Nam ut oculus exigua festucâ læditur: sic Principum gratia vel minima offensa cadit, & perit. Reclamat denique & infinita exemplorum series quibus omnibus sigillatim enumerandis ne *Tulliana* quidem suffecerit eloquentia. Testes hic appello *Aulicorum* fortunatissimos, Unus pro multis spondeat & respondeat *Aratus* optimus Princeps, qui cum sanguinem expueret, hausto veneno à *Philippo Macedone* sibi propinato, in has erupit voces, *hæc sunt regia amicitia præclara præmia, verumque illud esse comprobavit, nimirum ut Arithmeti-
corum* calculi aliquando valent multa millia, aliquando nihil, modo talentum, modo obulum æreum: Sic Regum amicos aliquando quidvis posse, rursus mutata in fastidium gratia, nihil. O splendidam miseriam! O miseram vitam, imo ut verius loquar, vitam non vitam!

Quare,

*Stat quicumque volet potens,
Aula culmine lubrico;
Me dulcis saturet quies:
Obscuro posui loco,
Lani perfruar otio.*

Nec me hercule de nihilo. Tam anceps enim Auditores humanissimi, tam mutabilis, tam inconstans est hæc *Aulicorum* personata felicitas, ut omnino ignores quid, aut cui credas. Adco ut quod magnus olim *Afer* de pavone, ego de nobilitate hac dicam *Aulica*: Omni conchylio micantior qua colla florent, omni petaso inauratior, qua terga fulgent, omni syrmate solutior, qua cauda jacet, multicolor, discolor, nunquam ipsa, semper alia, toties denique mutanda, quoties movenda. Intuemini mihi quæso *Aulicorum* mores, reperietis quoties moventur, toties mutari. De fortuna solum hoc dico, quæ si usquam alibi, certe in *Aulis* incerta, ac volubilis errat, & *Protei* similis, dicto citius elabitur. Nulli ex magnitudine sua securitas est. Per infinita rerum discrimina ad summos honores conscendunt; Ubi pervenerint jam, aut consistunt ægrè, aut in illo ipso fastigio tot adversa, & tristitia experiuntur, ut, si tuto liceat, descendere optent, & priora vota damnent ipsi, haud absimiles iis, qui dum ad culmen venire contendunt, una cum ipsis ramis, quos comprehenderunt, decidunt. Exemplum in *Sejano*, qui diu *Tiberis* potens, & ad instar ejus statuis, honoribus cultus, tandem una epistola subversus est, & caput illud toto Orbe secundum, ut cum Poëta dicam, laqueo præbuit, & cadaver suum opprobriis, lacerationi, unco. O cæca mortalitas! Tu ille superbus paulo ante, & insolens ubi es? quid es, desisti esse, & tot annorum cumulata felicitas, subito turbine quassata, & eversa est flammæ naturæ similis, quæ sicut paululum à se remota illuminant, ita satis admota sibi, comburant. Quid mirum? Dominatur ibi maxime invidia, locum

locum ibi calumniæ, atque obtrectationes habent : facile ac subito iram gravem Principes concipiunt , & conceptam semel diu retinent , moneri sese aut reprehendi , ægre admodum ferunt. Unde *Calistheni* propinquo suo consuluisse , *Aristotelem* legimus , ut cum *Alexandro* rege suo quam rarissimè , aut suavissimè loqueretur , utpote eo qui vitæ necisque in eum haberet potestatem. Excrescat in immensum Oratio mea , si omnia hic enumerare mihi esset animus , sed *ἐν τῶν ὀνυχῶν τὸν λείοντα*. Apud *Hadrianum* Imperatorem tanti fuere momenti , tantum potuere delatorum ac Sycophantarum voces , ut etiam intimæ admissionis viros hostium loco postmodum habuerit. Erat olim non de Imperatore solum *Justiniano* , sed & de universo Imperio Romano præclare meritis *Belisarius* , hic tamen qui *Persis* , *Vandalis* , *Gothisque* superatis triumphans redierat , ab invidorum calumniis liber , atque immunis esse non potuit , sed de fastigio honorum ac dignitatum suarum , fulminis velut ictu dejectus , orbatus oculis , facultatibus omnibus exutus , triste spectaculum humanæ vicissitudinis præbuit , & in summa rerum angustia , mendicare coactus , his verbis prætereuntes in bivio collocatus , ad misericordiam commovit , *Dædulum* *Belisario* , quem virtus extulit , invidia depressit. Non minus ergo eximie quam vere poëta :

Pauca beavit Aula , plures perdidit ,

Sed & hos ipsos , quos beavit perdidit.

Heu sortem humanam ! ô instabiles rerum vi-
ces & fortunæ mendacia ! ô spes fallaces ! Quid
fortissimus ille terrarum domitor *Alexander Ma-*
gnus , qui imperium suum Oceano , famam astris
æquavit ? Nonne duces ejus strenuissimi in equu-
leum impositi , *Persis* , quos vicerant , fuere specta-
culo ? Alius mensam Regis suo sanguine adper-
sit : alius ne simplici quidem morte defunctus
est ; sed exquisitissimis suppliciis mortalitatem
explevit : *Parmenionem* indicta causa trucidat , per
quem

quem *Attalum* occiderat. *Clitus* inter vina & pocula trajectus hasta una cum esculentis, & mero, vitam eructat. *Calisthenes* dum adorari *Persarum* more Regem prohibet, manibus pedibusque truncatus, lumine utroque cassus, auribusque, & naribus amputatus, monstro quolibet monstrosior, squalidus in carcere detinetur,

Vivum cadaver, & mortuam vitam trahens.

Calamitates suas quod solum potest, deplorat, qui cum *Lyfimachus* ex commiseratione venenum propinasset, irato *Leoni* objicitur. Quid hic *Zenonem* Philosophum commemorem, quem *Phalaris* Tyrannus crudelissime interemit? Quid *Anaxagoram*, quem *Cypriorum* Rex *Anaïreon* obtruncari iussit? Quid *Harpagum Astiagis* purpuratum, cui iste filios in convivio epulandos apposuit? Quid *Prexaspem* cuius filiolum *Cambyses* ob vinolentiam reprehensus, sagitta transfixit? Quid denique ut à profanis ad Sacra mea transeat Oratio, magnum illum Ducem Hebræum, Regem, Prophetam, typum Messæ, *Davidem* loquar, quam sodes à *Saule* gratiam retulit? Quod congiarium ab ingrato Principe pro tot tantisque incredibili fortitudine reportatis victoriis, tot feliciter pugnatis bellis in regni columnen, & stabilimentum? Non invidia solum *Anlicorum* perpetuo confictatus est, & delatorum calumniis, sed & iram & indignationem Principis non semel est expertus, qui in innocuum caput conspirare, & necem ejus moli-ri non desiit ad ultimum vitæ suæ spiritum. Ite nunc vos magni purpuræ cultores, ne dicam mancipia, qui de generis nobilitate, stirpis altitudine, sanguinis antiquitate, tantopere gloriamini: qui vultum & favorem Principis demereri, superba Regum terere limina, in palatiis eorum versari, præsentia frui, summam interpretamini hominis esse felicitatem, adhuc ne speciosa & splendida illa *Anlicorum* vita vos delectat? adhuc ne *Aula* decus, & fulgor vos movet, impellit, tra-

hit? Non arbitror, fugite, fugite inquam hanc *Charybdim*, hanc *Scyllam*. *Sirenes* illic & *Lothophagi*. Hæc ut pericula enaviges quisquis es in hoc aulicæ vitæ falò, opus tibi non prudentia solum, & *Argi* oculis, patientia *Socratis*, constantia *Reguli*, longanimitate *Fabii*, frugalitate *Pisonum*, sapientia *Lælii*, pietate *Mællii*, sed dicam fortuna. Per quod ut maximè ex voto tibi feratur navis, tamen in multos scopulos impingere, multis vadis obhærescere necessum est. Disertissimum illum Oratorem *Ciceronem* audite, & istud oraculum consulite, non quod furibunda *Delphis Pythia*, non *Dodonaus Jupiter*, aut *Ammon*, non *Ismenus Apollo*, sed maximus ille dicendi Magister sapientissimè pronunciat. Quid ille? Miserrimam illam esse vivendi rationem profiteri non dubitat quæ purpuram venerari, & Principum sceptræ, ac diademata, adorare serviliter nata est: Quæ tamdiu speciosa apparet, & splendore suo hominum oculos perstringit, quamdiu fortunæ libido permittit, volubilis illa *Gentilium Dea*, quæ quam celerrimè repositur quæ dedit, & quæ,

Ludum insolentem ludere pertinet,
Transmutat incertos honores,
Nunc illi, nunc alii benigna.

Cumque in universum humanum genus non parum sibi juris vindicet, maximè tamen eos infectatur quos ad honorum sublimitatem evexit, quos quasi pilas habet, quas pro libidine versat in omnem partem, imo quam celerrimè destituit, nec destituit tantum, sed & abjicit, nec abjicit solum, sed ad duriorum aliquem casum reservat, ut sæpe inter fortunam maximam, & ultimam nihil intersit, nihilque medium inter præcipitia, aut summa in lubrico illo culmine, & fastigio *Aula*, ad quod gradibus ascenditur, sed descensus præceps est, & periculi plenus.

Plura dicerem *Auditores*, si aut attentio vestra, aut argumenti dignitas prolixius Orationis genus desi-

desideraret: sed quoniam de utroque abunde, & vobis & mihi constat, tempus me admonere videtur & patientia vestra cohortari, ut vela Orationis meæ contraham. Quemadmodum enim semen quamvis exiguum in bono solo sparsum facile comprehendit, & se explicat; ita & breve monitum in bona mente. Dixi.

O R A T I O XXIX.

PRO VITA RUSTICA,

Habita à

G U L I E L M O H O R T E N S I O:

NON me fugit in novo hoc exercitii genere, nova mihi parata judicia, siue illorum quos percellet inopinata hæc in publicum prodeundi libertas, in eo qui tenuitatis suæ conscientia retentus, hætenus latuit: siue aliorum quibus vilescit quidquid in hac doctissimorum Auditorum corona profertur, non satis elaboratum. Sed ut infirmitatis meæ sensu, quam non invitatus agnosco, haud parum commoveor, & superciliosorum hominum præmaturis judiciis, quos infantia suæ olim cepit oblivio, & qui non nisi quæ docta sunt, admirari solent. Ita contra subdit mihi animum, tum humanitatis vestræ recordatio, tum instituti mei ratio. Liberalis enim, & ingenui adolescentis officium esse duco, studia sua protrudere, & generoso conatu ad laudum fastigia eniti, adeo ut non in audaciæ crimen meo judicio trahi debere videantur, sed laudari, qui in Oratorum circulis, & his dicendi spatiis, profectus sui qualiscumque specimina exhibere, & latinitatibus studia publica aliqua Oratiuncula profiteri non erubescunt. Cogitanti autem mihi de quo potissimum argumento apud vos verba facerem, non

aliud æque allubuit atque illud de vita rustica, de
 cujus felicitate, paucis oratoria hac dissertatiun-
 cula apud vos agere in animum induxi. Quod dum
 affecto magis officii ratione, quam cupiditate glo-
 riæ, non tam veniam mihi rogandam esse video
 in hac causa minime ambitiosa, quam benevo-
 lentiam expetendam. Sed ut certum aliquem de-
 clamatiunculæ meæ cursum tenere possim, ad sum-
 ma hæc capita tanquam ad helicen oculos assidue
 flectam. Primum enim agere institui de vitæ ru-
 sticæ antiquitate, & origine. Secundo de utilitate,
 postremo de jucunditate. Philosophorum quidam
 non è minimis, haud inscite olim dixit, τὸ ἀρισ-
 βύτατον τιμιάτατον. Antiquissimum quodque
 pretiosissimum. Antiquitas enim quantum pon-
 deris & momenti adferat ad rei alicujus dignita-
 tem commendandam, nemo vestrum credo esse,
 qui ambigat. Quæ si usquam certe in Agricultura
 se prodit, qua nihil antiquius esse vel ex eo con-
 stat, quod non à *Cerere* Deâ illâ Gentilium, non
 à *Triptolemo*, *Abdo'onymo*, non *Columella*, *Palladio*,
 aut aliis originem suam duxerit, sed ab ipsis Mun-
 di primordiis, & nata cum Orbe nato. Primus
 enim omnium nostrorum parens *Adamus* agrico-
 la fuit, & posthabitis omnibus aliis curis, totus
 in hac cura, ut rusticando victum sibi, & suis quæ-
 ritaret. Ejectus enim post lapsum è *Paradiso*, &
 damnatus ad ligonem, marram, farculum, non al-
 iud sibi vitæ genus amplectendum proposuit. Fi-
 lii ejus duo patris insistentes vestigiis, agris quo-
 que colendis, & pecoribus pascendis operam dan-
 tes, licet longe lateque terrarum domini atatem
 contriverunt. *Noachus*, cum universum *Jehova* ge-
 nus humanum diluvio perdere decrevisset, ab hor-
 rendo illo Mundi interitu cum familia sua, in Ar-
 ca quam Dei jussu struxerat, superstes, in agricola-
 tione seriò desudavit. Et qui cum postea secuti non
 aliam Majorum suorum exemplo, vitæ rationem
 incundam esse censuerunt. Ita optimus quisque
 inter

inter Patriarchas, & eorum posteros; ut sacra testatur pagina, spreta urbium amplitudine, aut pastor fuit aut agricola, & in tentoriis commorantes, iis quæ agrorum proventus suppeditat contenti, vitæ rusticæ tranquillitatem turbis forensibus, longe prætulērunt. Sed ut à sacris literis ad profanas meae se convertat oratio, quis *Adonidis*, & *Alcinoi*, quis *Tantali*, & *Hesperidum* hortos ignorat, quos tota olim celebravit Antiquitas? Quis *Cyri* Regis manu plantaria instituta, *Semiramidis* aërios pensilesque hortos, quis *Masanissæ* novum, & celebrem in iis cultum, ad stuporem pene, & admirationem totius *Africa*? Jam inter priscos *Græcos*, & *Romanos* quot illustria capita proferri possent, qui posthabitis aliis gravioribus curis, in hoc vitæ genere felicitatem suam collocarunt? & hortorum spatiis, sepibusque se incluserunt? Ita *Tarquinius* Regem jam tum prisca illa *Roma* accepimus in hortis, & plantariis molliter ambulantiem, & papaverum capita refecantem. *Catonem* Censorium in re hortensi occupatum, & de ea serio scribentem: *Lucullum* post Asiaticas victorias, in iisdem secure otiantem. *Syllam* abjecta Dictatura, suaviter hic senescentem, & *Diocletianum* insigni prudentia Principem, viridaria sua, olera & lactucas, ad *Salonam* purpuræ, & sceptris præferentem. Quid mirum Auditores? Est enim quædam homini ingenta ad Agriculturam animi propensio; qua fit ut etiam illos ad se trahat, qui maxime ab ea videntur alieni? Atque ut insignem illam Cœli fabricam micantesque illos ignes, nemini adspicere fas, sine occulto horrore aliquo, & admiratione magni illius *Architecti*. Ita nec hunc inferioris *Mundi* mundum, & eximias terræ opes, sine tacita quadam gaudii titillatione, & sensu. Hinc evocati olim qui *Imperii* habenas tenuerunt, ab aratro nempe ad curiam, & fasces, à prædiis ad *Dictaturam*, & *Consulatum* promoti, & ad clavum Reipublicæ collocati, ut urbibus, provinciis, populis, gentibus,

præssent, qui securi potentium & Aulæ, agris colendis se totos devoverant: quorum tanto flagarunt amore, ac desiderio, ut mutuata olim ab agricultura, ejusque frugibus nomina sibi imponere non dubitarint. Hinc enim *Fabii*, hinc *Pisones*, hinc *Lentuli*, hinc *Cicerones*, & alii quos summos belli duces, aut illustres heroicasque fuisse animas historiarum testantur monumenta.

Sed ne plus nimio me diffundam in Antiquitatis ejus elogio, pedem hic figo, & ad alterum in quo utilitatem statui, me accingo. At hic cui tanta dicendi vis, Auditores, tantaque copia, qui commoda ejus examussim enumerare queat? Quis omnigenas fruges, quis annuos proventus, & optimas divitias nunquam fatiscentis naturæ, oratione complecti?

*Non mihi si centum linguae, sint oraque centum,
Ferreæ vox.*

Stellæ enim & Sidera, quæ admirabili celeritate cursus suos conficiunt sine sensu laboris, sine tædio lassitudinis, & in perpetuo motu nunquam defatigantur, atque omnia elementa, conferto velut agmine in Agriculturæ felicitatem conspirare videntur, & quævis anni tempora, menses, dies, quasi Naturæ tributa persolvere, vigente in omne ævum officio. Sole enim (ut à Vere fiat initium) signum *Aristis* ingrediente, cum mitescere incipiunt hiberna frigora, liquefcere nives, manifesta dies capere incrementa, statim *Blanda serenati facies aperitur Olympi*, & in tanta cœli clementia, & insigni aëris temperie, Terra benigna illa mater, prægnans foecundo sinu, quid tum non subacta producit? Quid non sponte fundit? Quid bona fide creditum enixa non reddit? Quantam spem facit Agricoltæ futura messis? Quot & quanta nobis ad vitam tolerandam necessaria copiose suppeditat? Cujusmodi fere sunt in campis gramina, in hortis lactucæ, nasturtii acrimonia, raphanorum radices teneræ, sambuci pubescentis folia, asparagi, lupini silvestres.

stres. Pecudum quoque quanta copia, porcello-
rum subrumorum, agnorum & vitulorum lacten-
tium in stabulis, & in piscinis ejus trutarum, par-
carum, cyprinorum, murenarum? In Gallinario,
quot illi pulli gallinacei, gallinæ pullastræ, capo-
nes! In columbario columbi & pipiones; alibi an-
feres, anatesque altilles, adeò ut si convivio ami-
cos, & consanguineos excipiendi sit animus, mi-
nimè ipsum sollicitum esse oporteat, unde fercula
sua, unde dapes sit petiturus, domi eas habet, &
intra prædii sui terminos, & quidem ineptas *luxu-
que carentes delicias*, sed ut vix quidquam lautius
à foro, aut macello. Et si tanta *Agricola* ex Vere
commoda, quanto longe majora ex Æstate, quæ
non tam benigna nutrix, quam bonorum prodi-
ga videtur, quorum nec ordinem facile invenies,
nec finem, ut quæ latè diffusa, nec includi nume-
ro possunt, nec termino. Nam ut palati, & linguæ
delicias mittam, suggerente materiam natura
ipsa, Brassicas Appianas, Cyprias, Melones, lactu-
cas sessiles succo tenerrimo, tum crispas, & capi-
tatas, quæ conditæ pullegio, nasturtio, dracun-
culo, & asperso boraginis flore, pascunt oculos,
& orexin excitant stomacho non contemnendam.
Quid melle æstiva uberius? Hic, hic Auditores fru-
gum, fructuumque in *Agricola* nostri prædio co-
pia, & largitas, quorum spectaculo oculus satu-
rari, animus expleri potest. Hic graminis ad fœ-
nificia, lata pascua, hic frumenti leguminisque
affluentia maxima; hic viciarum, fabarum, lini;
hic avenæ, hordei, siliginis, & tritici jugera pluri-
ma. Hic cerâsa præmatura, & serotina, Actia, Apro-
niana, duracina, tum pruna Damascena, decuma-
na, cerea Armenica, pira Falerna, Venerea, Pom-
poniana, regia, tum pomum nanum, malum mu-
steum, Autumnalium, prævium, sanguineum, or-
thomasticum, petisium, tum quæ durioris corticis;
nuges Avellanæ, Ponticæ, Basilicæ omne delicia-
rum, quas Horti benignè effundunt, genus plane

condiendæ, ac temperandæ vitæ. Quis fanus eas non præferat apris, murenis, & attagenis? Hic flavæ segetes, lividæ vites, onustæ opibus suis arbores: non corollæ jam aut ferta texuntur; sed teritur area, fluunt præla, horrea, cellæque complentur. Quæ vivendi ratio, quæ fors, quæ conditio, hoc vitæ genere utilior, quæ fortunatior? imò quæ necessaria magis dici potest, aut excogitari? Civitates enim exustis, & devastatis agris, ad inediam redigi, & si obsidione cingantur, expugnari necesse est, ut hoc inter alias in *Hierosolyma*, & *Samariâ* videre est. Hæc causa est, Auditores, ob quam jure civili sancitum sit, ne vel in maximo bellorum æstu damno afficiantur *Agricola*, vel prædiis suis exuantur. Sed ne attentione vestra abuti videar, ad vitæ rusticæ jucunditatem, ultimam orationis nostræ partem, nunc propero, quam quoties serio perpendo, non possum quin cum Poëta exclamem,

Τί πρῶτον τί δ' ἔπειτα τί δ' ὑδάτιον καταλέξω;

Cui enim tanta est in dicendo facundia, tantum ingenii flumen, qui eam graphicè suis coloribus depingere queat? Omnia enim in ea vultu admodum blandienti se nobis offerunt, sensusque nostros incredibili quadam dulcedine afficiunt, nares mira suavitate demulcent, oculos amœna pulchritudine perstringunt, totumque hominem singulari quadam voluptate perfundunt. Quales violæ, veris primulæ, bellides, hepatica candida, cærulea, purpurata, caltha, crocus, hyacinthus stellularis, narcissus, irides, tulipæ, rosæ. Ut hic naturam matrem congestisse dicas, mortalium delinimenta omnia, serenioris vitæ, in qua vel *Nestor* vel *Priamus* posset repubescere, imo vel mortuus reviviscere. Nam si varietatem, & amœnitatem, si odorum fragrantiam considerare sit animus, qui è floribus manant, suavitatem colorum qui se oculis ingerunt, ipsa mens hac dulcedine titillari se, ac *capi dicet*, imo pasci. Videmus enim illum è calice,
hunc

hunc è vagina , alium è gemma protuberantem , videmus unum morientem subito , alium subnascentem : quem non delectet tam varius aspectus , & cultus magnæ Matris ? Et quæ illa tam rigida , tam ferrea mens , quæ inter hæc amœnissima oculorum oblectamenta , & pabula , huncque inferioris *Mundi* mundum non flectat se molli aliqua cogitatione , ac tacita quadam gaudii titillatione lique scat ? si nitores , si pigmenta inspiciamus , si hunc sanguinem , hoc ebur , hanc nivem , hanc flammam , hoc aurum , ac tot colores mira varietate oculis blandientes , quos Artifici cuique penicillo æmulari fas , æmulari quidem non imitari. Denique quis exhalans ille odor , quis penetrans ille spiritus , & pars æthereæ auræ infusa ab alto ? Ut non abs ræ Poëta flores plerosque finxerint è succo , aut sanguine immortalium Deorum. Vix opinor in *Insulis fortunatis* esse quicquam jucundius. Plane mihi videor intueri *Paradisum* cui custodem cultoremque Deus præfecerat *Adamum*. Jam quid campos gramine luxuriantes loquar , quid prata virentia , quid plantaria , quid arbores florentes ? quid vinearum fœcunditatem commemor , quid oliveta ? Quæ omnia tacita admiratione sensus , imò mentes nostras suspendunt , & in stuporem pene rapiunt. Quid vitæ hujus delicias , quid curarum , & laborum laxamenta , quid spectacula non inamœna , quid gaudii illecebras quas frustra terrarum alibi quærimus , recenseam ?

Cum in reductâ valle mugientium Agricola

Prospicit errantes greges ;

Inutileque falce ramos amputans ,

Feliciores inserit.

Aut pressa puris mella condit amphoris

Aut tondet infirmas ovis.

Vel cum decorum mitibus pomis caput

Autumnus arvis extulit ,

Ut gaudet insitiva decerpens pyra ;

Certantem & suam purpura.

JACOBI CRUCII.

Aut trudit acreis hinc & hinc multa cano.

Apros in obstanteis plagas :

Aut amite levi rara tendit retia

Turdis edacibus dolos.

Pavidumque leporem, & advenam laqueo gruem.

Fucunda capiat pramia.

Labuntur altis interim ripis aquae,

Quervuntur in silvis aves,

Fontesque limphis obstreperunt manantibus,

Somnos quod invitat leves.

Quis non malarum quas amor curas habet,

Hac inter obliviscitur?

Quid Urbana vita, Auditores, ad hanc vitam ? Oppida adi, vide, lustra, quid in iis nisi tumultus, procellæ, turbæ ? Circumstrepent enim te subito, res, hominesque, & negotium non solum tua negotia facient, sed aliena. At hic altum, securumque otium ? nemo qui appellet, aut interpellet, liber hic si usquam à strepitu Urbium, à murmure Aularum, à salutationibus importunis, & temporis furibus. Imo attollit se magis ad alta animus cum solutus, & sui juris, videt suum Cælum ; quam cum ædium aut urbium carceribus inclusus. Et in hac sententia olim magnus ille Scipio qui à Reip. pulcherrimis muneribus otium sibi fumebat aliquando, & à coetu hominum frequentiaque interdum, tanquam in portum, in solitudinem se recipiebat, ratus sapientiæ non indicium, sed initium esse, secum consistere, & sibi vacare. Ad hæc quæ vitæ simplicitas, qui mores, qui candor in hac vita ? Longe hic exulat ambitio, luxus, libido, crapula. Probitas hic, & modestia habitant, hic pudor, hic innocentia, & vita malarum fraudium, artiumque expers. Aperti hic si usquam homines ab Histria omni alienissimi, & simplices, sine fuco, sine fallacia, & qui animum quod dicitur in fronte promptum gerunt. Hypolytum illum apud Senecam audit

Non alia (inquit) magis est & libera, & vitio care

Ritiusque melius vita quæ priscos colat,

Quamquam relictis manibus campos amat :
Non illum avara mentis inflamat furor ,
Non aura populi , & vulgus infidum bonis ,
Non pestilens invidia , non fragilis favor.
dum otiosus & Persarum regibus beator ,
procul negotiis
Paterna rura bolus exercet suis
Solutus omni fanore ,
Forumque vitas , & superba civium
Potentiorum limina.

Tranquilliorne vita, *Auditores*, dari potest, ubi classica nulla, aut tubæ audiuntur, sed modeste, & securè remoto omni simulationum velo, victitare licet experti ambitionis, & pallentium curarum? inque ambulatiunculis cottidianis *Cælum* hoc in *Calo* tot astra scintillantia, & æternum lucentes faces, adhæc terras, maria, novum priscumque orbem indagare cuique fas, vel lustrare sine turba, aut fastu? non arbitror. Contra ut flumina per se dulcia, cum in mare venerint salescunt: sic homines haud mali, ex agris in urbem redacti, tactu inquinantur, & mixtione.

O R A T I O XXX., DE CONCORDIA,

Habita à

JOHANN E. F. D E M E Y.

UT illi qui in irato mari, periculosa tempestate jactantur, de serenitate sermones agitare haud raro solent; qui lethaliter decumbunt, de bona valetudine; qui belli calamitatibus premuntur, de pacis commodis, infiro Mortalibus more, ut vota sua faciant sermonum suorum argumentum: Ita ego *Auditores* qui naturâ simulates, diffidia, contentiones, odia, qui bella, pugnas, præ-

lia, odi cane pejus & angue, cogitanti mihi quo potissimum orationis genere in *Athenas* nostro consensa hac cathedra ad vos verba facerem, in mentem venit CONCORDIA, quæ virtus ut propter necessitatem, & insignem ejus in hac rerum humanarum œconomia usum, digna videtur, ut omnibus hominibus quotquot in hoc Univerſo sunt, de meliore nota commendetur: ita hanc præ aliis serio ac sedulo amplectendam, imo & colendam esse ostendam. Vos Auditores iterum atque iterum rogatos volo, ut aurem, & auram benignissimæ voluntatis mihi præbere, & æquitate vestra supplere haud dedignemini, quod ætati meæ, & ingenio deesse non invitus agnosco.

Et ut ab eo quod maximè ad se homines alligere solet, initium faciam, eos ita natura comparatos esse videmus, ut unanimes, & pleno impetu ferantur ad id quod utilitatem aliquam ipsis allaturum certo sibi persuadent, & nullos labores, nullas molestias, nulla pericula in eo consequendo subterfugiant. Quanta enim cura, quanto cum labore, Agricola terram stercoreat, arat, pastinat. conferit, occat in spem dubiæ, ac incertiæ messis? quot vitæ sustinet discrimina miles, quot periculis objectat caput, ut de fronde populea victor gloriari possit, aut adorea, & pulvere non indecoro sordidus, hostiumque exuviis gravis, jactare vulnera sua & cicatrices? Quot sulcat maria exul patriæ Mercator, quot trajicit freta, superat flumina, quot saxa inhospita, syrtes, brevia, præterlabitur; quot denique, ut cum Poëta loquar, dolato confusus ligno, procellis se exponit, ac tempestatibus, quæ singulis illi mortem momentis intrentare videntur, merces exoticas petituro! Mirum itaque est non omnes pari studio, ad *Concordiam* ferri, cum nihil ea sit utilius. Obeamus enim quæso cogitatione nostrâ omnia vitæ genera, eaque animorum nostrorum oculis perlustremus, & insignem utilitatem ex *Concordia*, ad illa redunda-

re deprehendemus. Utilis enim est ad conservandas Ecclesias, quas pessum ire oportet, & in ruinam agi, nisi *Concordia* stabiliantur, tanquam firmo statumine, ac pedamento, ideoque illas Ecclesias in quibus hæc colitur, florere, & à ministris Verbi Divini, *Dei* auxilio, quàm plurimos ad *Christum* converti, Deumque religiosè coli videmus. Mitto animorum conjunctionem, quæ luculenter se prodit in illarum membris, mitto curam quam illa pro se invicem gerunt, mitto benevolentiam, & amorem quo se mutuo prosequuntur. Utilis hæc insuper est SCHOLIS. Præceptorum enim, ac discipulorum animo arctissimo cum venerationis, tum obsequii vinculo conjungit, facitque ut & docentes, & discentes suo officio rectè fungantur, & junctis quasi viribus, rem litterariam promoveant: Sed quid Ecclesias, quid Scholas loquor Auditores! Quis fodes, quæ Regnis, Imperiis, Rebuspublicis commoda, utilitates, emolumenta ubertim adferat, mente assequi, aut cogitatione digne complecti queat? quis eloquentia sua emetiri? Regna enim, civitates, populos, gentes contra vim hostium tuerur, protegit, ac defendit, adeo ut tranquillitas, & firmitudo illarum non tam in armis, & militum numero, quam in incolarum *Concordia* consistat. Quod cum *Agesilaum* Lacedæmoniorum regem non fugeret, cuidam sciscitanti, quam ob causam *Sparta* mœnibus non cingeretur, ad majorem civium securitatem, haud inscite respondit; Civitatem non vallis, non mœnibus, non propugnaculis, sed incolentium fortitudine, & vigilantia muniri oportere, quos si jungat *Concordia*, nullus potest esse murus inexpugnabilior. Et alii quæritanti qua de causa *Spartani* mœnibus destituti essent, ad cives conversus armatos, & unanimes, hi, inquit, sunt *Sparta* civitatis mania. Et *Micipsa* apud *Salustium*, cum vitæ suæ finem in grandi jam senectâ, instare animadverteret, si-

lios

lios suos ad *Concordiam* hortatur : Ego, inquit, *regnum* trado vobis *firmum* si boni eritis, id est, si concordēs, & animis juncti ; si autem mali, si discordēs, & animis dissidentes, *invalidum*. Sensit enim vir altæ mentis, qua erat animi prudentia, *Concordia res parvas crescere, discordia vel maximas dilabi*. Utque *Tyrrhenus lapis* quamvis grandis, teste *Plinio*, innatat, comminutus sedit ; sic & imperia per eam sustinentur, sine ea pessum eunt, cum bello civili dissidentibus animis, milite passim castrisque inundant agri, & agricolarum, *Cereris, Bacchi, Pomona* felicitas pestundatur. Suprema enim malorum, & Rerumpub. pestis, contentiones sunt, & partes, ipsis bellis externis, fame, morbisque nocentiores, non aliter quam si remiges, & nautæ digladiantur in una aliqua navi, aut testa testæ (ut est in adagio) collidatur. Vidit & *Scyllurus*, qui (ut *Plutarchus* auctor est) cum relictis filiis octoginta, summum vitæ suæ diem esset obiturus, omnes ad se-jussit accorsi, hastiliumque aut telorum fasciculum cuique obtendens, ut illum confringeret, voluit. Id autem singulis se posse negantibus, ipse sigillatim educta hastilia ad unum omnia facile confregit, filios admonens his verbis : Si, inquit, concordēs eritis, validi invictique manebitis, contra siturbis, si contentionibus, si dissidiis distrahamini, imbelles eritis, & expugnati faciles. Id quod olim quoque confirmavit *Pytho* rhetor *Bizantius*, cum esset supra modum crasso, & obeso corpore, prodissetque in concionem, suafurus *Concordiam Bizantiis* seditione civili graviter tumultuantibus, statim populi risus obortus est, ex ipso corporis habitu : At ille risum vertit in rem seriam ; Ridetis, inquit, cives cum tale corpus habeam, uxorem habeo multo me obesiorem, & tamen concordēs : quodvis enim grabatulum, quivis etiam lectulus capit ambos : discordēs ne tota quidem domus. Ita est, Auditores, *Concordia* quasi aureum, & adamantinum vinculum est conjugii, quo maritus, & uxor arctissime colligantur.

et quod in conjugio præstat *Concordia*, præstat & libi, quacunque conditione, & sorte sint homines. Hæc illa est contra quam nullæ infidiæ sunt opportuna, nulla calliditas satis callida, nulla vis atis valida. Sed ut omnia ferè *Concordia* commoda, uno quasi fasce complectar, nutrit illa virtutes, vitia expellit, & quidquid est honestarum artium simul efflorescit, quæ semper pacis, & comites esse solent, & alumnæ. Quin &

*Tutus bos avide rura perambulat,
Ditat rura Ceres, almaque Faustitas:
Pacatum volitant per mare navita,
Culpari metuit fides.*

Constat, constat inquam sub *Concordia* regno, villis, prædiis, agris sua felicitas, urbibus honos, nari commercium, animo candor, & integritas. Verbo quidquid Rempublicam beare potest, & bonis omnibus cumulatam, ab interitu æternum vindicare. *Scipioni Africano* quum *Numantinos* sæpe victores jam fregisset, obfessosque tandem expugnasset, *Tyresium* roganti, qua de causa *Numantia* aut prius invicta, aut post everfa fuisset, respondit; *Concordia victoriam, discordia exitium præbuit.* Sed & honesta quoque est *Concordia*. Quis enim non honestum statuatur id, quod à *Deo* ipso originem suam ducit: quod boni omnes laudant, amant, desiderant: ad quam *Christus*, ad quam Prophetæ, ad quam Apostoli, nos uno ore adhortantur? Quid enim universa *Christi* vita aliud est, quam *Concordia*, mutique amoris doctrina? quid aliud exigunt, inculcant, urgent ejus monita, quid parabolæ, nisi pacem, nisi charitatem mutuam? Eximius ille Vates, & Prophetarum princeps *Esaias*, cum divino afflatus numine, *Messiam*, illum hominum cum *Deo* conciliatorem, venturum prædiceret, num Satriapam, & longè latèque terrarum Dominum pollicetur? num urbium expugnatorem, gentium & populorum domitorem? Nequaquam. Quem igitur? Principem pacis, quæ ut inquit poëta,

Optima

— — — — — Optima rerum
*Quas homini novisse datum, qua sola triumphum
 Innumeris potior.*

Taceo hic quod summus ille doctor genti
 Paulus Corinthios, & nos obtestatur, ut Con-
 cordiam colamus, cum inquit, *Obsecro vos per Do-*
num nostrum Jesum Christum, ut suis concordetis,
non sint inter vos dissidia, sed suis eadem mente,
eâdem sententiâ. Servator noster Christus qui
 Quoties cum adhuc in terris versaretur, pacem
 Concordiam suis discipulis adprecatus est? Qu-
 graphice & suis eam coloribus depingit regius
 Psaltes? Psal. 133.

*Nil charitate mutua fratrum, nihil
 Jucundius concordia.
 Non aura suavi Balsami cum funditur
 Aaronis in sacrum caput;
 Et imbre lato proluens barbam, & sinus
 Limbum pererras autem:
 Non ros tenella gemmulis argenteis
 Pingens Sionis gramina,
 Aut verna dulci inebrians uligine
 Hermonis intenzi juga;
 Fraterna quam pax incolit domum, juvat
 Dominus benigna dextera:
 Et quibus auget, filiorum & filios
 Multis propagat saculis.*

Sed ut virtutis ejus præstantia clarius adh
 enitescat, obsecro vos, Auditores, videam
 (ἐναντία γὰρ, ut est in veteri verbo ἀγὰλλοι
 μᾶλλον φαίνεται,) quam noxia, quam pernicie
 sit discordia. Hæc ea est quæ conjuncta disjungi
 jura amicitiae violat, consanguinitatis vincula d
 solvit, hospitalitatem omnem pessundat, tum
 tum ex tumultu, bellum ex bello ferit, civitan
 urbes, oppida, hostibus aperit, Respublicas etia
 florentissimas, si Annalium monumentis cred
 mus, sola evertit. Non ætas, non dignitas, quer
 quam protegit, quo minus stupra cadibus, & cad
 stur

stupris misceantur, militibus in omne fas nefasq;
avidis, ut vānalibus, non sacro, non profano absti-
nentibus. Exempla vultis adducam? Intuemini
mihi quæso potentissimam illam olim *Numantiam*,
quid illam evertit? discordia. Quid florentissi-
mam urbem *Romam*, illam Imperii sedem perdi-
dit? discordia. Quid *Carthaginem* magnitudinis Ro-
manæ metropolin? quid *Corinthus*, quid *Trojam*
Phrygiæ æmulam? quid *Hierosolymam*, quid alias
innumeras, quibus jam recensendis supersedeo, in
ruinam egit, delevit, perdidit? discordia. Adeo ni-
hil in humanis stabile, permanensque finit inqui-
es, & discors mortalium mens, ut per belli rabiem
ne saxis quidem, & *Capitolis*, ac surgentibus in cœ-
lum *Basileis*, sua sit perpetuitas, quies. Nempe
ut rarò mare quietum est, ventos plurimum, &
sæpe procellas habet: sic Respublica in qua discor-
dia dominatur. Contra nulla quamvis minima
natio, potest ab adversariis perdeleri, nisi propriis
simultatibus se ipsa consumpserit. *Græciæ* civitates
dum imperare singulæ cupiunt, imperium omnes
perdiderunt. Sed duo sunt quibus Respublica con-
servatur, in hostes fortitudo, & domi concordia.
Quod cum *Satanam* veteranum illum, & internè-
cinum generis humani hostem non lateat, omnem
ille occasionem ferendi inter homines semina dis-
cordiæ captat, atque ideo alios ad ambitionem,
alios ad vindictæ cupiditatem, alios ad superbiam,
alios denique ad πολυπραγμοσύνην impellit, ex
quibus tanquam ex alto gurgite manat malorum
& calamitatum illa *Erymnis* discordia.

Audivistis, Auditores humanissimi, quàm uti-
lis, quàm honesta, quàm denique jucunda sit *Con-*
cordia, quàm tristis contra, calamitosa, pernicio-
sa, sit discordia. Quid restat? nisi ut omnes omni stu-
dio hanc virtutem colamus, eique nos totos con-
secremus. Et sanè ad concordiam, sine qua nec
Civitas rectè gubernari, nec domus rectè admini-
strari potest, vel bruta ipsa animantia, animos no-
stros

stros excitare, atque inflammare debent. Quid? nonne armentatim vivunt elephanti? gregatim pascunt aves, turmatim volant grues? comitia sua habent Ciconiæ? mutuis officiis se tuentur Delphini? Sed quid de his verba facio? cum in ipsis quoque plantis, amicitiae vim quandam naturalem voluerit Deus elucescere. Vitis ulmum amplectitur, & steriles quædam sunt nisi maritum adjungas, cum quo uniantur, & amicitiam colant. Usque adeo illa quæ nihil sentiunt, tamen *Concordia* bonum sentire videntur, & à discordia naturali instinctu abhorrere. Quid quod inter immanissimas feras quoque convenit, & tuta est inter eas similitudo: *Indica tigris agit rabida cum tigride pacem Perpetuam*, Leo leonem non incurSAT, *Aper in apum* non vibrat dentem, *savis inter se convenit ursus*, Lynxi cum lynce pax est, *Draco* non sedit in draconem, *Luporum concordia* tanta est, ut etiam proverbio celebretur, nec maris quidem belluæ, ac pisces, nisi in diversa genera, saviunt. Et nobilissimum animantium homo societati natus, ratione, & consilio præditus, Compendium illud Universi, naturæ illud miraculum, solus, inquam, homo ab homine dissidebit? & is cui ratio in id data est, ne dissideret, cui lex, quæ rationem in officio contineret, cui præmia proposita, quæ ad tantum bonum excitarent, supplicia quæ à tanto malo absterrent, cui exempla rerum inanimatarum, celestium, terrestrium, ostendunt, non tantum quid *Deus* à nobis exigit, sed etiam quid à nobis possit præstari. Solis inquam hominibus, dissidiis, rixis, contentionibus, pugnis, se mutuo perdere decretum erit, & in mutuam præcipites ruere perniciem? Absit, Auditores, absit, & procul à nobis faceffat furialis hæc *Megera*: quibus nullus unquam dies optatior affulgebit, quam qui pacem bonis omnibus exoptatissimam nobis restituat, pertæsis tot acerba casuum, & calamitatum, unaque eos qui in hac tristem temporum scenam divisi à nobis & qua-

fi æstu quodam abrepti violentæ tempestat. Ecclesia enim tranquillæ Reipublicæ, veluti succulento feracissimæ arboris trunco, feliciter initiata, amoenissimos, suavissimosque Fidei, & Pietatis fructus ubertim proferre solet. Ubi contra perpetuis dissidiis agitata, & discordi libertate lasciviens, paulatim magis ac magis degenerat. Tu Deus, qui cœlorum perennes orbes, qui siderum inæquales cursus, qui elementorum alternas vires, qui denique res omnes superas, inferas, temperas, moderaris, & gubernas, populi tui quæso clementer miserere, & composito hoc tristi in Ecclesia duello, quo tot per annos Patria nostra veluti pertinaci tæbe colliditur, caliginem hanc, nebulasque dispelle, & eorum causas, peccata. Quæ adeo apud nos non desinunt, aut minuunt, aut augeri potius, & crescere videantur, una cum pœnis; nec in uno alterove, sed apud plerumque ordinem, ætatem, sexum. Dixi.

O R A T I O XXXI.

In Vituperium

C U R I O S I T A T I S,

Habita ab

H E N R I C O G R O M M E O.

Ingeniosissimi *Vatis* aureus verè est versiculus;
Principiis obsta, serò medicina paratur,
Cum mala per longas invaluere moras.

Ea enim mali natura est ut inveteratum fiat robustius, eoque in incunabulis, & in ortu refecandum, ne longius serpat, & *pars sincera trahatur.* Quod si tanta, auditores, morbis corporis diligentia & cura occurri solet, cur non & animi qui eo graviores sunt, quo nobiliorem nostri partem periculosius infestant. Inter quos mihi

de principatu contendere videtur *Curiositas*, & innumeris aliis vitiis longè præripere nequitie palmam. De qua ut apud vos in præsentiarum verba facere institui: ita antequam ulterius provehar, à vobis summopere contendo, ut tenuitatem meam vestro favore, & benevolentia sublevare dignemini, quo oratio mea his veluti secundis subvecta ventis, quem sibi proposuit portum facilius consequatur. *Euclidem* insignem illum Mathematicum ab importune curioso quodam multa rogatum de Diis, respondisse ferunt: *Que*, inquit, *quæris* ignoro, at unum hoc scio *Deus non bene velle Curiosis*: & *Augustinum* magnum Hipponensis Ecclesiæ doctorem, strenuumque veritatis antistitem interroganti cuidam, quid rerum Deus egerit ante conditum mundum, hoc responsum dedisse ajunt, nempe *occupatum fuisse fabricando inferno hujusmodi Curiosia*. Invenimus viri illi magni, nihil esse quod hominem homini, imo ipsi Deo invisum magis reddat, atque exosum, abominanda hæc, & nefandâ *Curiositate*. Quam egregiè, & graphice mihi depinxisse videntur, & velut Apellæo adumbrasse penicillo, eruditionis illi principes, & sapientie magistri Poëtæ, sub *Lamiarum* fabula: Nam ut illæ dæmi, & intra privatos parietes oculos capiti exemptos, in vasculo recondebant, & egressuræ eosdem in ferebant, ut omnia quæ foris gererentur intentis ac curiosis oculis perlustrarent; ita hoc genus hominum *Lamiarum* instar, ita comparati sunt ut neglecto munere suo, alienis sese immisceant negotiis, nullumque non moveant lapidem ut minutissima vicinorum rimari queant, & sciscitari; nempe quos redditus annuos habent, quas facultates, quantopere sint obstrati, & expensas faciant in victu, & amictu, an in rum prodeuntes numerato emant, an die ca an conjuges suas ament, an inter eos sit *disidia*, inter domesticos rixæ, jurgia, contenti-

elia? an ancillas suas familiarius habeant, an
 aulos cadant, quâ horâ prandeant, cœnent, de-
 nbant, surgant, an clavem cellæ circumferant,
 in aliis ejusmodi minutiis, & curis nugaculis
 tæne inertes, se exercent, longèque curio-
 res sunt in proximorum vitiis, quàm virtuti-
 bus indagandis. Nam si quis, aliorum forte pru-
 ratiam, justitiam, liberalitatem, modestiam,
 temperantiam laudibus extollat, aut frigide,
 oscitanter auscultant, aut plus satis ea sibi ex-
 orata esse dicunt. At si quæ aliorum crimina,
 licita eliminari videant, & proferri in lucem,
 cœ arrigunt aures *Pamphili*, & avidè ea arri-
 unt, cucurbitulis similis, quæ quod in carne
 terrimum est, ad se trahunt, nempe si virgi-
 nem alibi constupratam intelligant, matronam
 adulterio deprehensam, exortam inter con-
 guineos, affines, fratres, discordiam, aut
 inter vicinos, aut amicos simulates, ac inimici-
 s. O tempora! ô mores! Nihil enim illi im-
 pensius quærunt, optant, amant, (ut ingenio sunt
 obili, & cupidi novarum rerum, inque una ea
 ra curiosi) quam ulcera aliorum, papulas, &
 atrices omnium oculis exponi, nec ullis magis
 monibus delectantur, quàm qui famæ alicujus
 honori decoquunt, in id nati ut neque ipsi
 iescant, neque alios sinant. Muscis haud abli-
 les, quæ levia, & polita loca prætervolant, &
 ibris ac sordidis adhærescunt; aut gallis galli-
 ceis, qui aræ suæ neglecto semine, e sterquilio
 hordei granum unum atque alterum eradere
 alunt, curiosa indagine in fundo alieno, quàm
 giter, & ubertim de suo pasci. Sic *Curiosi* qui-
 s aures non solum prurientes, & avidæ, sed
 res quoque & acuti oculi, rebus suis posthabi-
 , si quid alibi latet, aut occultum est, id in me-
 um procurrunt, ut in omnes tota rei historia dis-
 llescat. *Egyptus* quidam non minus arguè
 am *eleganter* respondisse fertur sciscitanti cui-
 dam

dam importunius, quid gestarer, *ideo* inquit *latum est, ne scires, tu vero cur curiose indaga occultum?* Sed nec hoc sine stat malum. Non honori aliorum injuriosa est *Curiositas*, & rum tranquillitati insidiosa, dum quæ diu runt indagine sua prostituit, & in lucem jdit, aut sinistrorsum detorquet: sic non temporis pretiosi, luxuriose prodiga est, in tandis iis, quæ si sciuntur nihil conferunt tioni, si nesciantur, nihil adimunt. Tales idum neglecta solidiori literatura, quæsti nugaculis pueriliter indulgent, operosè n gunt Exempli gratia, ubi locorum *Apicii* fuerit, quæ mensæ, quæ delicæ, quæ fercu convivæ; ubi *Messalina* fornix, qua nihil imi tius *Roma* tulit; Cujas equus magni illius qui *Roma* liberandæ causa se in ardentem voraginem præcipitem dedit, *Thessalusne*, i mida, an *Appulus*? Vinum *Falernum* Chio pientius? quæ mater *Hecuba*? quid *Achilli* inter virgines, quid *Sirenes* cantare solitæ *pho* publica ne fuerit, libidiniosior *Anacri ebriosior* vixerit? Quod nomen fuerit n *Aenea*? & id genus alia, quæ magno imi temporum, magna alienarum aurium m constat: Aut magno conatu iis imitandis i bunt, unde nihil referant utilitatis. Tales id *Circulatorum*, & *Ayrtarum* præstigias ær tur, ut morionum, histrionum *ματαιοτεχνι* quicquid talium est circumforaneorum, & tineas Rerumpublicarum, & pecuniæ æruse sordidos, Principes Christiani, & Magistrabibus suis prohiberent, nã illi *Augia* sta purgarent, & cum *Hercule* monstrorum don dici possent. In quorum numerum & hõ repono, qui astutiam, & dexteritatem clãrandi (quod apud *Lacedæmonios* frequens) sius affectant; aut inter ludendum dolo de di aut callidè prodicionem dissimulandi, au

catores peregrinantes spoliandi, aut pyriticam exercendi, ut a *Barbarossa*, & *Dracontio* factum. Sed, obsecro vos *Auditores*, quis sanè iudicii homo ejusmodi prastigias, aut exercitationes, artes vocet? quæ tanto contemptiores, & nocentiores sunt, quanto plus ingenio, & dexteritate valet, qui eas callet? Idem judicandum de iis, quæ etiam si non nocent, sunt tamen inutiles: Qualis funambulum; aut ejus *Abbas* qui harmoniam ex porcorum grunnitu instituit, apud regem *Ludovicum* ejus nominis Undecimum; aut qui per foramen acus grana mihi è longinquo mittebat; aut ejus qui se lusciniæ vocem, & philomelæ cantum referre possit, apud *Agesilaum* gloriabatur; & id genus alia. Sed missis his vilioribus curiosorum hominum propudiis, ad eos mea nunc se convertat oratio, qui acri quodam cupiditatis, ac desiderii thyrsu impulsu, in abditissima non philosophiæ solum, sed etiam in sacrorum oraculorum adyta licentius ac petulantius Gygantea audacia, nasu-ruli penetrare, non exhorrescunt, & circa sacram hanc mysteriorum flammam, quæ caste sancteque haberi vult, lascivire nulli dubitant, donec tandem papilionum instar, aut culicum, qui vespere lucernæ lumen circumvolitant, ab ea amburantur. Quid enim hic scientia nostra, nisi umbra in Sole? Caligant hic, *Auditores*, caligant hic oculi nostri, ut noctuarum, ad lumen diurnum; & cymbulam ingenii qui immittit in hoc pelagus, fluctuabit, aut merget. Contra *Medio cratissimus* ibit, quicumque intra modestiæ, & humilitatis limires se continuerit, nihil sollicitus de iis quæ Divina illa mens occulta, & abdita nobis esse voluit. Præclare mehercule, miraculum illud doctrinæ & promptuarium omnigenæ eruditionis inexhaustum, *Scaliger*:

*Ne curiosus quare causas omnium,
Quæcunque libris vis prophetarum indidit,
Assuta calo, plena veraci Deo;*

*Nec operta sacri supparo silentii ,
 Perrumpere aude , sed prudenter præter
 Nescire velle , quæ Magister maximus
 Docere non vult , erudita inscitia est.*

A quo non abludere videtur vetus illud
Socraticæ Græcorum omnium sapientissimi
Ἐὰν ὁπὸς ἡµᾶς ἔπρωσ ἡµᾶς.

Una hic & quidem maxime laudabilis a
 nihil audere , unum acumen nihil cernere
 scientia , nihil scire.

Sed quanta hic passim proh dolor inge
 temeritas , & lascivia , qui per umbraticas
 tionum formulas , augustissima mysteria
 tanquam non in Dei *Sacrario* , sed in *Lyca*
rentur ? quanta hominum in divinis , & h
 curiose indagandis audacia ? Sunt enim
 quærendo lapide philosophico , ut vocant ,
 suam extrahunt , &

Mercuriali in nihilum convertunt omnia f

Alii totius *Universi* amplitudinem , terra
 tum , & peripheriam , maris profunditatem
 ni vastitatem , tanquam si unius jugeri essen
 tiri conantur ; Alii horoscopis , & genitur
 tandis insenescent , ut Regum , Principum
 gnatum fata prædicant , & hariolantur.
 magiâ , & necromantiâ prolixè disserunt
 super insomniorum interpretatione , anxi
 tignant. Alii circa genealogias , operose de
 Quærent quomodo *Deus* Filium suum ab
 generarit ? Qui & quot sint ordines *Ange*
 quæ discrimina officiorum , qui gradus , quæ
 tates ? Qui sint , quos *Deus* in librum vitæ
 quos ex eo deleverit ? Quæ sit natura ign
 quem animæ infidelium , ac reproborum
 cientur ? Qua ratione , quo pacto , peccatur
 peccans , hæreditarium , originale , à parent
 liberos propagetur ? Et quis tandem isto
 mnium esset huius , si quis ea mente assequi ,
 gitatione complecti in animum induceret

intolerabilis illa in talibus *φλαυτία* nam Curiositatis aura infecti, ubi semel hanc de ingenii sui sagacitate, & acrimonia in rebus indagandis opinionem imbiberunt, superbi redduntur, & arrogantes, nemini cedunt, pertinaciter, & mordicus suas imaginationes, ne dicam somnia, tuentur, sero alios in consilium adhibent: Sibi credi volunt de bello, de re forensi, de pace, de induciis, de fœderibus ineundis, de politia, de Theologia, denique de re qualibet sententiam dicentibus. Sunt poëtæ, sunt oratores, philosophi, musici, belli Duces, architecti, & quid non? Similes illi morioni Syracusano, qui atra bile correptus, se omnium hominum opulentissimum opinabatur, suasque esse naves omnes, quæ ad portum in *Sicilia* appellerent. Ita illi credunt se omnia scire, omnia probè intelligere, nihil ignorare, & hac in parte nihil ab illo differunt. Sunt enim docti, ut ille dives erat, opinione duntaxat: qua fit ut res magnas nonnunquam suscipiant, ad quas gereudas interdum non aptiores sunt, quam canis ad aratrum, aut asinus ad lyram, aut si apti, audaciæ crimen incurrunt, & nimia curiositate peccant.

Exempla dabo: ecce hæc pauca. *Coke*, *Dathan*, & *Abiram*, licet honorificò munere fungerentur, eo tamen non contenti, & partim ambitione, partim invidia, & *Curiositate* impulsæ, *Mosen* exauthorare non dubitarunt; unde in tantam excanduit iram Deus, ut illos cum uxoribus, & liberis, horrendo hiatu terræ perdiderit. *Osiæ* optimus alioqui rex, post eximias ab hostibus reportatas victorias, leprosus tandem obiit, quod arroganti *Curiositate* impulsus, nec regio diademate contentus, contra vocationem suam in sacerdotii manus involasset. *Simon Magnus* cum vidisset per impositionem manuum Apostolorum, dari *Spiritum Sanctum*, curioso gloriæ, & lucri aucupio, obtulit eis pecuniam, ut eandem illi potestatem dilargirentur. Sed sacræ ille gentis doctor *Petrus*, cognita

ejus hypocrisis, & avaritia, pecuniam ejus diris devovit. Profana hic *Auditores* exempla commemorare si esset animus,

Icaria numerum dicere coner aqua.

Brutus & *Cassius*, libertatem publicam *Cæsaris* ambitione oppressam, sumptis armis restaurare conati sunt. Quis non judicasset feliciter hoc successurum? hinc tamen plures quàm ex superioribus bellis, patriæ natæ sunt calamitates. *Annibal* cum *Phormionem* quendam caufidicum sibi, & Auditoribus mirè placentem, de bello & re militari differentem audiret, interrogatus, quid ipsi videretur, respondit se multos vidisse delirantes senes, neminem qui *Phormione* magis deliraret, quod relicta arte sua *Caufidici*, qui nunquam hostem, nunquam castra viderat, nunquam denique partem ullius bellici muneris attigerat, de bello apud tanti nominis ducem verba facere non dubitasset. Certe *Apelles* (ut est in proverbio) *suorem ultra crepidam* de tibia *Veneris*, quam pinxerat, judicantem ferre non potuit. Sed hujus mali quærat hic forte aliquis quæ causa, & à quo fonte potissimum promanet hujus vitii & criminis propudium, & pessima perturbationum omnium animi *Curiositas*? Prima certe ejus causa mihi videtur ingenii humani levitas, & inconstantia, quo fit ut febricitantium more, nunc hoc velint, nunc illud, & rerum omnium novitate abrepti, tranquillum nunquam habeant animum, nunquam compositum. Altera hujus perturbationis causa est ignavia, quæ nos à curis, negotiis, & laboribus deterret. Hinc est quod nemo sere sorte sua contentus, & munere suo sibi placeat, aut acquiescat, sed

Optat (ut est in versu) *ephippia* *bos*, *piger optat arare caballus*:

& ut eximiè eximius ille *Lyricorum* princeps *Flaccus*,

Agricolam laudat juris legumque peritus,
Sub galli cantum consultor ubi ostia pulsas:

Ille

*Ille datis vadibus qui rure extractus in urbem est
Soles felices viventes clamat in urbe.*

Sed & alia est *Curiositatis* causa, nempe ambitio. Nam quemadmodum Avari omnia bona soli possidere cupiunt, etiam turpi, & sordida æruscatione conquisita, teste *Vespasiano* magno illo imperatore, qui urinæ tributum imposuit: ita quidam adeo temere ambitiosi sunt, ut in omnibus excellere gestiant. Si quem laudari audiant, quod sit insignis musicus, palæstrita, gladiator, cursor, poëta, ludio, aleator, non gloriæ tantum illorum æmulantur, sed & æquare eos conantur, imo omnes ingenii intendunt nervos, ut laudis iis palmam præripiant. Sed næ illi magno conatu magnas nugæ agunt. Nam dum per omnia vagantur, & ubique se esse credunt, nusquam sunt: ἔστι γὰρ ἀνὴρ ἀπὸ τοῦ ὄπου, & cujus unquam tam felix, tam exercitatum fuit ingenium, tam ab omni errore defecatum, cui tantus discendi ardor, tanta vis, ut omnibus capiendis, discendis, imitandis, assequendis sit idoneus? Sed ne patientia vestra, *Aud.* aburi videar, Orationis filum abrumpo, & verborum desino apud eos, quos jam ex attentione ipsa & benevolentia, qua me audiverunt sententiæ meæ suffragatores esse video, & lœnam hanc vitiorum, *Curiositatem* non improbare solum, sed detestari, dignam quæ ultra *Sauromatas*, & glaciale *Oceanum*, aut orbis terrarum finibus exterminata, ad *Orci* tenebras relegetur. Dixi.

O R A T I O XXXII.

In Obitu

Cellissimi Principis M. A U R I T I I, recitata

Carminè à

G U L I E L M O P O E L I O.

A Uraicos cineres, nec non suprema Parentis
Funera communis patriæ, bustoque repositum

Magnanimum Heroëm , & seclis memorabile
nomen

Fert animus nunc ore loqui , stragesque potentum
Hoc Mavorte datas. Tu quæ Parnassia pandis
Antra , mihi dic Musa modos , queis foeta Trium-
phis

Arma virumque canam , Patriæ quem nuper ad-
emptum

Fata redonarunt Superis , cœloque locarunt
Emeritum. Da Musa mihi præconia laudis
Nassaviæ , exactosque iterum renovare labores
Auraicos , & sæva minantem prælia dextra.

Mascula vis animi , primis se prodit in annis ,
Et celsa mens orta polo : pia semina laudum ,
Virtutumque exempla dabant generose Parentum
Nomina , Cæsareumque decus , tantoque propago
Digna loco , totidem stimuli : Puerique minacem
Armabat ballista manum ; frœnoque peritus
Flectere equum , & validas dextra vibrare sarissas ,
Ibat in hostiles turmas , lituique , tubæque ,
Tympanaque in mediis spirabant prælia campis ,
Dum cuneos inter Ductor , densasque phalanges
Errat , & armatas acies in prælia trudit
Intrepidus , rutiloque micans sublimis in ostro
Instat , & excusso Martem terrore lacessit.
Hæc Junior. Neque enim mens ignea nata tro-
phæis.

Expectare virum voluit. Prætexta laborum ,
Et pugnæ documenta dedit , præsaga futuræ
Laudis , & Auraicæ posthac præludia famæ.

Occupat insigni claram stratagemate *Bredam* ,
Seque in fallaci patefecit cespite primus
Mauritiæ virtutis honos , & gloria præcox :
Principium magnorum operum , ne Græcia felix
Sola foret , fraudisque suæ jactaret honores.
Nec tantum placuere Duci fraudesque , dolique ,
Callidaque astuti sectari facta Simonis :
Dextera plus valuit , nec Belgis sufficit uno
Victores audire modo. Tu conscia rerum

Cal-

Calliope, dic bella mihi, dic proelia, & acri
Oppida victa manu, debellatasque *Philippi*
Degeneres animas, injectaque vincla catervis
Cantabricis, stratas acies, & subdita Carris
Littora, & hostili fumantes sanguine terras.

Post scelus infandum, funestaque fata Parentis,
Straverat innumeris Hispanus navibus æquor,
Regna Britanna suis juncturus, avitaque Nymphæ
Sceptra Caledoniæ debellaturus *Elisæ*.

Haud mora: Succurrunt Batavi, funduntque
superbos,

Mattiacum genus, Hesperios, & in æquora mer-
gunt.

Æolus aspirat venti pater, inque minaces
Irruit ipse rateis, totique innantia ponto
Castra Britanniacis, Thuleique illis arenis.
Quid referam accensas armato milite *Gades*,
Disiectasque trabes, lacerasque per æquora
puppis,

Et ditis spoliata Tagi pomaria, multis
Commemorem, & tinctum scelerato sanguine
pontum

Auspiciis *Heems-Kercke* tuis? heu quanta movebas
Funera tunc genti Hesperia! Heu quantus Ibero
Terror! ubi sterili quassatas littore naves
Vidit, & invictæ damnosa incendia Classis.

Hæc pacem tum bella dabant, cessitque super-
bus,

Et timuit pugnare diu, luctuque refugit
Dannorum, bellicque satur, fera proelia Martis
Pertæsus, Batavasque acies, & Principis arma.

Sed pelago me terra vocat. Dic Musa triumphos
Quos retulit, quorum mihi *Brabantia*, rerum
Conscia, testis erit: magni dic nobile lethum
Varaxi, cæsosque Duces, domitasque catervas
Militis incauti, & spumantes sanguine campos.
Et tu dives opum, pecorumque, & pinguis aristæ
Flandria spectasti quondam victricia nostri
Principis arma tuis fatalla, membraque passim

Trunca virum, foedoque fluentia corpori
 Militis Hesperii, cum se lux altera Juli
 Prodidit, horrendam vestrum testata ru
 Exitiumque, tuo subitas cum in littore
 Turbatasque acies, & turpia terga phala
 Spectat ovans, orbasque suo Rectore co
 Victor *Arausiacus*, Patriæ cum tota per
 Debebat, vel stare salus, tumidique Ba
 Hinc fluctus, hinc sævus Iber, vel mori
 rem

Suadebant, vel foeda trucis Indibria poi
 Causa *Deo* placuit: densis concurritur a
 Jam videas nostros, jam rursus vincere
 Nunc Baravus, nunc credit Iber, sp
 triumpho,

Estque anceps Fortuna diu, victricia de
 Arma fuere Ducis, debellatasque cohor
 Occupat, & capto tandem Rectore tri
 Quid mihi Tellus juvenem, quid Gra
 dax

Amphitruoniadem geminos qui contudi
 Quid veterum monumenta ducum,
 vetustas

Objicis, & victas disiectis moenibus ara
 Hic major se prodit honos, neque tanti
 Ivit ovans Macetes. *Asiam* pugnare t
 Pellæ vicere manus: non fortis Iberi
 Agmina, & instructas acies: Ille impig
 Nos tumidum Batavi transstris superi
 quor:

Ille Scythas, mollesque Arabas: nos mil
 Oceanum, ferroque amplum peragran
 bem.

Quid celsas referam dejectis moenibus
 Auspiciis, Dux magne, tuis; *Daventri*
 Nassavias superata canit. *Zurphania* nos
 Annumerata locis, patriæ submittere fa
 Nec non *Hulsta* potens didicit. *Lovorda*
 Aurais, nostrisque etiam *Stenovicæ* tre

Additur, & domini *Gertrudis Berga Philippi*
 Imperium pertasa diu victricibus armis
 Succubuit: mox indomitæ per sæcla *Groninga*
 Moenia celsa ruunt. Quid multis? fœdera poscit
Mursia: Nassovii duro *Brevordia* cedit
 Obsidio, & tanto gaudet Rectore pacisci.
 Tu quoque sublimi circumdata *Gravia* vallo.
 Herois tandem dextra cadis, altaque *Slusa*
 Mœnia Toxandris nimium vicina refringi
 Vidimus, Auraicique Ducis cessisse furori.
 Te sileam victrix armis *Ostenda*, *Philippi*
 Fortibus oppugnata diu? quam ærtia messis
 Hesperias vidit spernentem impune cohortes,
 Hostilesque minas. Heu quanto sanguine, quanta
 Strage virum stetit hæc ingens audacia coëptis
 Cantabricis, dum belli aleam tentando, suorum
 Horrendo exitio didicere, quid arma Batavum,
 Quid cunei, quid castra queant. Te *Bommela* ma-
 gni

Mendoza opprobrium, & terror fugientis Iberi
 Vindicat obsessam Auraicus. Quid plura? labores
 Ultima Nassavios explevit *Berga*, superbas
 Dum spernit secura minas, & cincta catervis
 Undique Cantabricis stetit imperterrita, & altis
 Mœnibus Hesperios retudit generosa furores,
 Auxilio Dux magne tuo. Concurritur armis
 Cominus, & solo libertas sanguine tuta est.

O rerum fatique vices! *Quam nescit eodem*
Stare diu fortuna loco! Quam quidquid in alto est
Labitur, ingentemque trahit sors magna ruinam!
 Nil stabile est. Moritur Patriæ spes omnis, & om-
 nis

Gloria Cattigenum. Cœlo seu fata vocarint
 Emeritum cursu emenso, saturnumque dierum:
 Seu fuit ira *Dei*, poteras non clarior ultra,
 Nec Batavis vixisse tuis illustrior, Heros.
 Magnanime, aut plures oculis lustrasse triumphos.
 Scilicet hæc hominum sors est, hæc dura Potentes
 Fata manent; sic magna ruunt, sic Numina rebus

Crescendi posuere modum: Non purpura fulgens
 Principibus, ducibus clypei, mollesque tyaræ
 Ægroto Domini deducunt corpore febres
 Lethiferas, arcentque trucidis fera spicula mortis.
 Hoc tamen infelix tristem solabere casum
 Patria, si moritur, nullo superatus ab hoste
 Occubuit, scelerata atris immixta venenis
 Toxica, & instructis acies in bella manipulis:
 In caput hoc potuere nihil, nil turba Sinonum,
 Nil percussorum mucro, nil fida latronum.
 Omnibus invictus stetit his. Sed ferreus ordo,
 Fatalisque dies, qui Sceptra ligonibus æquat,
 Auraico posuere modum, finemque labori.
 NOS lachrymis: neque enim nimio indulgere
 dolori, .

Duraque fata queri, votisque reposcere fas est
 Emeritam terris animam, Cæloque locatam
 Sat Batavis, Patriæque datum: Te fera loquatur
 Posteritas Dux magne, tuisque ornata trophæis
 Fama volet, quæ se Thracum Mavortia tellus
 Pandit, & argentem Rhodope procurrit in Æ-
 mum.

Quæ Nilus rigat arva tumens, quæque aspexit Au-
 strum

Albion, aut Scythicos Thule timet ultima fluctus,
 Nomen Arausiadæ serum se effundat in ævum,
 Dum pecori lupo, & nautis infestus Orion,
 Nocturnosque micans præcedet lucifer ignes,
 Astrorumque choros. At tu cui terra, polusque
 Militat, & validas Mundi moderaris habenas,
 Summe Deus, Patriæ vindex, miserere tuorum,
 Barbaricosque inter strepitus, & murmura belli
 Protege, & Hesperias acies, cuneosque minaces
 A nobis averte Parens, & Principis arma,
 In Morinos converte, tuum ut decorata trophæis
 Patria in æternam laudet per sæcula nomen.

ORATIO XXXIII.

In Obitum

Illustrissimi Principis Mauricii,

Habita ab

ISAACO BOSSCHARDO.

NON minus verè , quàm eleganter seculi nostri
 VARRO, *Æterna, inquit, lex à principio dicta
 huic mundo, nasci, denasci, oriri, aboriri, nec quidquam
 stabile, aut firmum summus ille rerum Arbiter esse vo-
 luit, præter ipsum.* Quis enim tam rationis expers
 est, tamque ab omni humanitate alienus, qui hæc
 non videat, capiat, intelligat? Testantur quippe
 hoc omnium temporum monumenta, testantur
 Annales & rerum omnium magistra experientia,
 testatur denique hodiernus adhuc dies, rebus hu-
 manis inesse fatalem quandam metam, catastro-
 phen, inevitabilem, & rapidissimi torrentis instar,
 florentissimas Respublicas, Regna, Imperia, &
 cellissima quæque in hoc Universo, quæ multo-
 rum opinione æternitatem quasi minari viden-
 tur, properare ad interitum. Nec me hercule in-
 juria? Nam ut ferro rubigo agnata est, & ligno
 teredo sua, & caries; ita Regnis, & Rebuspubl.
 internæ sui pereundi causæ. Oriuntur, florent,
 crescunt, stant, & hoc ipsum ut cadant:

*Valet ima summis**Mutare, & insignem attenuat Deus,**Obscura ptomens.*

Nec Regnorum hic tantum, & Rerumpublic.
 circulus est, & catastrophe, sed & hanc instabilita-
 tem, rerumque vicissitudinem in ipsis Regibus ac
 Principibus videre est, qui licet hostibus suis to-
 to vitæ suæ spatio invicti extiterent, vincuntur ta-
 men, & superantur tandem à morte: Ut ejus rei,

ne

ne longius abeam, domesticum, sed funestissimum (pro dolor!) habemus documentum in Principe nostro, communi patriæ Parente, belli fulmine, libertatis assertorè strenuissimo, quem

Abstulit atra dies, & funere mersit acerbo.

De tanti Herois vita, & obitu pauca dicere impræsentiarum fert animus, tantique Principis manes quo possum honore prosequi stat sententia, cui liberum hunc aërem, hanc vocem, hunc spiritum, hunc denique florentissimum Patriæ nostræ statum debemus.

Vos rogo, Viri ornatissimi, Auditores humanissimi, ut mihi de tanti Herois laudibus in frequentissima hac Auditorum Corona declamanti, aures benevolas præbere haud dedignemini. Si generis ejus splendor, ac prosapiæ nobilitas antiquissimis utrimque imaginibus clara, quidem ad tanti Principis commendationem facere videtur, verè sanctèque hoc affirmare auiam, paucas familias reperiri, quæ Nassaviæ *inversia* superent.

Cum enim per se nobilissima sit, quis eam vel hoc nomine certe nobiliorem esse non judicabit, quod Cæsares olim, & Imperatores, ex ea originem suam duxerint, & hodierno adhuc die nobilissimas Europæ familias affinitate sibi junctas habeat. Sed hæc Historicorum calamis consignanda relinquo. Si enim Oratione vela pandere, & quasi aperto inventus mari per stirpis ejus laudes decurrere instituam, vereor, ne cum dicendi principium vel facillime reperero, exitum reperire non possim. Ad Principem ipsum venio, & præclara ejus facinora, qui omni nomine, & fama superior, aliunde emendicatæ nobilitatis insignia, de quibus vulgus illud nobilium tantopere gloriari solet, risit, & flocci fecit, abunde suis ipsius virtutum insignibus nobilitatus, magni parentis filius, & incomparabilis Herois magna progenies. Hic patre defuncto, decimo & octavo ætatis anno gravissimis undique curis, molestiis, periculis circum-

cum septum Imperium adeptus est, & in ipsis Regiminis sui auspiciis tam juculenta excelsi, ac generosi animi dedit indicia, ut longè supra ætatem esse viderentur, quæcunque diceret, aut faceret: Scilicet in cujus jam mente, non mento elucebat prudentiæ maturitas,

Ante annos, animumque gerens, curamque virilem.

Et ut in herbescente adhuc segete, certa prope spes futuræ messis apparet, & totius reliquæ vitæ expectatio ab educatione pueritiæ pender: ita nemo tunc erat qui non ab ineunte & primulâ ætate talem (qualis postea fuit) futurum auguraretur. Qui si nullo genere illustris fuisset, sua tamen virtute, & animi generositate à natura sibi insita, ad eum dignitatis, & celsitudinis gradum assurrexisset, quem conditio mortalium vix ac ne vix animo ac votis complecti potest; illustrissima autem & splendidissima familia natus ita se gessit ut non minus ipse lucis ac dignitatis majoribus suis attulisse, quam ab eis accepisse videatur. Puer è *Germania* ad Academiam Lugduno-Batavam auctoritate patria fundatam est ablegatus, in qua præceptores aliquot, in primis autem virum nobilissimum H. Wittenhorstium præfectum primò, mox & senatorem habuit. Ex omnibus scientiis Mathesin, ac Geometriam, sibi familiares reddidit, & in iis discendis, colendis, evolvendis non parum desudavit, in Geographicis, Mechanicis, Poliorceticis, & Architectonica præ aliis eminuit, haud ignarus quam non utilis modo harum disciplinarum cognitio sit Principi, sed & necessaria, ad castra locanda, oppida munienda, propugnacula struenda, tormenta dirigenda. Ex Historicis delegit sibi *Tacitum*, quem in deliciis habuit, & tanquam summum civilis prudentiæ Magistrum lustravit, volvit, trivit. Hoc enim Scriptore ullusne unquam altius in abdita Principum consilia penetravit, & intima eorum Arcana felicius scrutatus est?

Sed inter alia Politicæ, & rei militaris scientiæ tam strenuam navavit operam, & tanto cum ardore ei incubuit, ut eam in succum, & in sanguinem pene vertisse, idque unum tota vita egisse, videretur: Ita monita ejus, & præcepta ad manum habebat, & in expedito. Non enim ignorabat Princeps prudentissimus, quantum ea momentum adferat, & pondus, ad prosperam, & laudabilem Reip. administrationem. Quid de terrarum situ, de populorum moribus ac institutis, quid de urbium obsidendarum ratione hic dicam? In quibus omnibus tam incredibiles, Adolescens adhuc, progressus fecit, ut nullum sibi parem, nedum superiorem habuerit. Illud vero præ aliis Divini propemodum in eo ingenii præstantiæ est argumentum, quod cum fere omnibus belli ducibus, etiam exercitissimis aliqua tantum disciplinæ militaris pars nota sit, & explorata, noster hic Princeps in omnibus eum perfectionis gradum est consecutus, qui non ingenii solum humani modum excedit, sed & laudes nostras longo post se intervallo relinquit, adeo ut nullum genus belli fuerit, in quo illum non exercuerit fortuna. Quavis enim ratione, quavis arte urbes oblidebat, obsessas oppugnabat, oppugnatas tandem sub potestatem redegit, & illustrissimorum *Ordinum* Imperio adjecit: nunc aperto *Marte*, & machinis ad impetum instructis, nunc cuniculis, nunc ligonibus, aggeribus, locris, lineis, & quicquid talium est portentorum, vel ad capturam *Carthilaginis*, aut *Numantie*: Nunc stratagemate quod loco sapientiæ est, hostem circumvenire paratus: Boni enim Duces non aperto semper *Marte*, in quo est commune periculum, sed ex occulto interdum attentant; nonnunquam parva, sed expedita milirum manu instructissimas hostium acies cingere, lacessere, & adoriri non dubitavit. O inauditam animi generositatem! ô masculum verè animum imperterritum periculis, & inter prælia felicem! O virtutem Herculeam!

qua

qua maximorum Ducum vestigiis insistens famam veteris sæculi Principibus æquavit ; & quæ illi,

In astra, & ipsos fecit ad Superos iter.

Quid hic commemorem summam in deliberando prudentiam, & altitudinem animi, in exequendo fortitudinem, & alacritatem, admirandam ejus in rebus arduis sagacitatem, quâ omnes terræ situs, maris spatia, portuum ac fluminum vada, profunditates ita perspectas habuit, ut tutum nihil, aut clausum hosti relinqueret; & si forte à maris aut fluminis intercapedine impediretur, quo minus expugnanda sibi adiret loca, mox

Fragilem iruci commisit pelago ratem:

Nec timuit præcipitem Africam

Decertantem Aquilonibus,

Nec tristes hyadas, nec rabiem Noti.

Imo nec mortem ipsam, adversus quam impavidus, imperterritusque stetit, sæpe illud Ennium exclamans,

Vivam an moriar nullus in me est metus.

Pedes, eques, semper Dux, nonnunquam miles, omnia disposuit, obiit, sæpe destinato, aliquando ex occasione prælium commisit. Sæpe in acie cecidit hostem, sæpius prævenit, sæpe festinando, aliquoties cunctando, aliquoties & pugnando vicit. Noctes quoties plurimas insomnes traduxit, neminem facilius opprimi ratus quam qui periculi securus nihil timet? Prudenter me hercule! Nam nos capit somnum, quo vigile pudet dormire militem: noctem pro die habet cujus gloriæ nox dies est, & in tenebris publico invigilat, qui in tenebris lucis præclare factis foenerat. Imo omne temporis æram saluti suorum impendit, qui singulis momentis periclitari eam non ignorat. Obsidionis tempore iisdem fere quibus militem periculis se exposuit, vallos conscendit, facienda imperavit, inter pilas, & faces ivit intrepidus, nunc in opere, nunc in agmine militi suo mixtus, mane,

vesperi

vesperi ubique suis conspicuus; nempe quod momenta belli moram non admittant, & ut timendi nescia, ita metuendis semper proxima securitas. Nihil mari sine eo, nihil terra, nihil bello gestum est aut pace: præsens multa, nec minora absens, cum ubique præsens esset, executus. Et ut aliquid sine eo, nihil tamen non ab eo gestum est. Statuit enim prudentissimus Imperator, nullum in bello efficacius esse incitamentum, ad accendendos militum animos, Ducis præsentia. Illic se mori posse ubi potest miles, ardentius procedere operas, pugnari acrius, consisti pertinacius sub tanto virtutis, & præclaro factorum Judice. Nec de nihilo. Remove enim Imperatoris oculos, languet militum virtus, adhibe, gliscit illa, & vires capit illo aspectante, conficit facienda alacrius, absente tardius, segniisque. Desperant facile & ad fugam parati sunt, qui Ducem suum sentiunt desperare: majus sui pretium esse autumant, cum mori secum non detrectant Duces, qui præsentia sua robur, & vires inspirant militi. Nec male *Antigonus* olim trepidanti gubernatori (in navali prælio contra Ptolomæi duces) & multitudinem hostilium navium causanti; *Me vero ipsum*, inquit, *præsentem cum quot comparas?* Nec propterea temerarius esse debet Dux, sed circumspicte audax, cum metu aliquo intrepidus, cum cautela fortis, ut summæ rerum, & Imperii se ipsum reserret, nec ullo loco, nisi quantum necessitas cogat commissurus se Fortunæ. Talis AURIACUS qui militem suum non dicta modo, sed & facta, & exempla à se petere voluit. Disciplinam militarem, que castrorum solet esse robur & præsidium, severissimè in omnes observari voluit. Abstinentiam, ac continentiam à milite sic exigebat ut armis tantum, galeis, & cristis, non petulanti morum licentia a civibus differre videretur. In simpliciorum exemplis statuendis inexorabilem plerumque se præbuit, ac immotum. Nam id, quæ po-
leb

bat prudentia longo rerum usu didicerat, impu-
ritatis spe, & præpostera Principis clementia, ma-
ficis libidinem ad peccandum accendi, & nimia
centia deteriores fieri. Hac interim disciplinæ
veritate sic utebatur, ut eam pro virtute singu-
orum, & cum opus esset, temperaret, non laxaret.
quo effecit ut quod utilissimum in castris semper
sit, hostem minus milites metuerent, quàm Du-
cem, quem omnes tam supra se esse, quam pro se
debant. In conflictu, & ubi ad manus ventum
erat, nemo sic militi parcebat, cum non temere
errendus sit in prælio, qui bello reservatur. Ne-
mo sic utebatur, quippe à quo non vitam, sed mor-
tis patientiam exigebat. Unde in pretio apud eum
milites non molles & delicati, sed horridi, non
zlati auro argentoque, sed ferro, & animis freti.
quippe illa prædam verius, quam arma esse: ni-
tentia ante rem, deformia inter sanguinem & vul-
nera. Vultus ejus verè gravis, compositus, ac viri-
lis, in quo ipsa habitabat Majestas, gestus milita-
ris, nihil blandum usquam, aut fucatum. Ex ore,
superciliis, incessu, corporis totius habitu, Martem
gradivum, ultorem *πτολίπιδον μαιφόνον καὶ
τίχαστι πλάτην* descripsisses. Cultus non ad pom-
pam & luxum, sed ad nitelam, & munditiem com-
positus, quam & famuli præ se ferebant ad unum
omnes, ut è benè constituta probi patris familia,
non ex Aula, singulos prodiisse judicasses. Nec cu-
riolitati, aut novitatis studio indulgit, aliam atque
liam vestibus formam inducens, ut delicatuli
multi hodie, qui quando trium literarum tyrannus
ille, *Mos* ita jubet, *Germanorum* modo, modo *Gal-*
orum simii ad nescio quem habitum non peregrini-
um solum, sed ridiculum, levem, & aulico-rusti-
um petulanter defleunt, & quod turpe dictu,
riscæque simplicitati Batavæ probrosum, *Hispa-*
num oderunt, & tamen imitantur.

Quid mirum? proclivior usus

*In pejora datur, suadetque licentia luxum
Illecebrisque effrena favit.*

Scd

Sed ut ad Principis res præclare gestas , nostra Se convertat Oratio ,

Τί ἀρχαῖον, τί δ' ἔπειτα, τί δ' ὑσάτιον καταλίξω ;
 Victores imitabimur qui Orbem terrarum in tabella pingunt , non ut æquent , sed ut repræsentent. Sic strenua Herois nostri facinora obiter enumeranda potius , quàm ad amussim recensenda esse reor. *Principum* enim Heroicos ausus lambere facile est , facundia exhaustire difficillimum. *Breda* Brabantia ocellus quæ non ita pridem anni prope spatio arctissima obsidione cincta ab Hispano , sine exercitu olim , sine strepitu , arti & industria Principis nostri cessit , qui novo , & inaudito stratagemate à cespîte victoriarum suarum initia facere voluit. Cujus victoriae magnitudinem ab hoste postea tot copiis , tot sumptibus , tanto rerum apparatu , tanta denique pertinacia , ducti firmus. Non ita multo post (nam victoriis singulos fere distinxit annos) *Steenwicum* urbem munitissimam cum *Osmarso* & *Covarda* , provinciis nostris adjicit. Mox *Groningam* , & *Gertrudis montem* , alteram provinciam non urbem , alteram Provinciarum præsidium , sine motu pene expugnavit. Ne quis miretur Auditores , hæc sic in transcurso , & οὕτως ἐν παρίσω à nobis perstringi quæ vel singula digna memoria , ac laude sæculorum , amplissimam declamandi materiam nobis suppeditarent. Nam & ita vicit : & præcipuum victoriarum omnium monumentum , & laudem in festinatione & Dædaleo , ut *Plautus* loquitur , remigio , collocamus ; quanquam metuo ne magis etiam sit festinandum. Uno enim eodemque anno *Rhenolercum* , *Mursam* , *Grollam* , *Enschedeam* , *Oldenseltam* , *Lingam* occupavit , & quod palmarium duco , *Bomeliam* gravissima , & periculi plena obsidione liberavit. Taceo *Graviam* , *Wachtendonckum* , arcem *Andrecanam* , quarum quasdam paucis horis , quasdam uno atque altero die , munitissimas plerasque , totidem subegit mensibus , & cepit. Taceo denique *Slusam* Flandrorum , *Ardenburgum* ,

burgum, Isendicum, Bergam ad Zomam, quam sæpius ab hoste tentatam, & arctissimè obsessam sine armis solo adventu suo vindicavit.

Nec felix tantum fuit iu oppidis obsidione cingendis, iisque superandis, verum etiam aperto Marte hostem aggrediendo, cuius temeritatem consilio, furorem fortitudine, audaciam virtute sapius superavit. Cum enim patentem campum exercendæ virtutis nactus esset, invictissimorum belli ducum si quisquam in oculis totius *Europa*, implevit numeros. Cujus rei testes sunt trophæa, quæ ab hoste *Turnibenti* summa cum laude reportavit: Testes Aquilæ triumphales, vexilla, arma, hostium spolia, signa bellica, quæ in pugna *Flandrica ad Neoportum* dimicante manu obtinuit, quæ in *Aula Batavia nostra*, etiamnum hodie tanquam sacra triumphi *Nassavii* anathemata, asservari volunt patriæ Patres. In qua pugna eam consecutus est nominis famam, quam nulla posteritas conticescet, nulla unquam oblitterabit oblivio. Cladis enim magnitudinem & victoriæ, sex septemve millia in loco cæsi, ac captivi prope innumerabiles, testantur. Inter quos ut dubii sunt bellorum, & ancipites casus: Patriæ terror, & diu *Rheni* incubus *Mendosa* fuit, qui Victori fastum, & animum submisit. O exemplum fortitudinis in omni ævo rarum! ô miraculum prudentiæ militaris & ætatis suæ decus! O belli fulmen formidabile! Quid amplius? illud in Principe nostro laudibus celebrandum est, quod Mari sub auspiciis ejus gestum. Quas non *Consilio & ductu ejus terras alio sole cadentes* adire ausi sunt *Batavi nostri* *μολωνταί* qui inter tympana & tubas, classes, & classica vivere, & *Hispanorum* metuendam fortunam assiduis bellis fatigare didicerunt? qui mortem per decus obitam immortalitatis instar, vitam per dedecus retentam, quavis morte peiorem putant. Quas non, illi audaces *Nephrni* filii, alias orbis plagas, longe a nobis distitas invenerunt, & inventas de-

rectasque

tectasque occuparunt? In quas oras *Antipodum*
 sub alio Mundi cardine degentium, armata manu,
 & instructa classe non irruerunt? per quot terras
 & maria oculos, pedesque non tulerunt? *Gades*
 expugnarunt, *Galpen* proterruerunt, Insulas fortu-
 natas, divi *Thoma* insulam, aliasque invaserunt. Ac
 ne quid de nova *Zembla* hic dicam, ubi cum &
 homines, & sol & dies medias inter nives, & gla-
 ciem defecissent, cum frigoribus, ac feris diu com-
 missi fuere invicti *Argonauta*, & Pelagiani nostri
 Batavi, diuque in mortis, & vitæ confinio luctati
 sunt. Ne quis aut adversis nos terreri putet, aut
 metuere fortunam, qui naturæ fines jam excessi-
 mus, & inferre mortem, & contemnere didici-
 mus, vitæ prodigi. Plura dicerem, Auditores, ita
 alia mihi semper ex aliis occurrent in tam uberi,
 & ampla declamandi materia. Sed ut omnes tanti
 Principis laudes deprædicare nec virium mearum
 est, nec instituti; ita rem tantæ molis à me nec
 exigere vos, nec expectare certo mihi persuadeo.
 Unum tantum hoc addam. Quam admiranda, Au-
 ditores, Dei providentia, circa tanti capitis curam
 enituit! Quoties id subductum sicariis, quoties
 tempestatibus, quoties morti! toties sane servatus
 dici debet quot dies, immo quot horas pene, inter
 ferri, & æris strages in castris exegit, & adeo qui-
 dem inoffensus, ut inter media tormentorum ful-
 mina & tonitrua, inter cadavera, ne minimam
 quidem vulneris sticturam, nedum vulnus cor-
 pore unquam exceperit, quamvis mortem circa
 se, omnibus telis suis sævientem, videret. Quod
 vix sine miraculo factum, sine singulari sane Nu-
 minis cura non factum. Sed ut nulli MORS par-
 cit ubi decretorius ille dies semel illuxit, qui o-
 mnium finem facit; ita nec huic Principi.

Tot victoriis insignis, tot trophæis conspicuus
 obiit tandem, & mortalitatem explevit incom-
 parabilis ille Heros, cui vita omnis in armis, ho-
 mos omnis ab armis, inextimabili Patriæ dispen-
 dit.

dio, summo Populi luctu, & irreparabili Reipubl. damno, Spes suorum, terror hostium ac tremor. In quem Reges, Principesque oculos suos converfos, & intentos habebant, ad quem flos nobilitatis ex qualibet gente, ex toto propemodum orbe Europæo miles, *Tento, Gallus, Polonus, Italianus, Britanno, Scotus*, conferto velut agmine concursabat tanquam ad unicum præliandi Magistrum, *operumque militarium, & artis bellicæ, si quis alius, peritum*, & ad castra ejus velut ad Martis scholam, *Belli gymnasium*, & disciplinæ militaris Academiam, sub quo artem militarem, & armorum rationem nisi qui hausisset, totam ignorare credebatur. Quæ enim cum tanta mole rerum, militiæ pars latuit, quæ militaris disciplinæ forma? Quot illi leges debet? quot Architectonica militaris machinas? quot civis, & miles capita? quot Respublica urbes, & munimenta? quot publica tranquillitas dies & noctes, immo menses, & annos quietos? quantum felicitatis, & gloriæ res Batavæ? Quot hominum vota implevit, quot occupavit? Quis hoc Heroë juris & æqui, quis fidei observantior fuit? Quis ab ostentatione, & fastu eo erat alienior? Quis prosperis, & secundis minus intumuit? quis in utraq; fortuna constantior? Quid in rebus bellicis intentatum, quid inausum reliquit? Quis magnitudine rerum gestarum, multitudine subactarum Urbium, lateque propagatis Reip. ditionibus, sed præcipue animi bonis, fortitudine, vigilantia, moderatione, prudentia, quæ genus Heroum maxime decet, hoc *Principe* clarior? Sed heu tristem, & acerbum patriæ casum! ô jacturam inæstimabilem in hoc rerum moru, & metu! Heu cladem!

Quam blanda vacillat

Excelsa fortuna loco!

Caucaso durior est, & fibræ ut sic dicam cornæ, omnemque humanitatis sensum animo eiecit, qui securis auribus, aut obfirmato animo tanti

Principis funestum hunc audit obitum; imo ferus planè, ac ferreus, qui Athletam hunc, Atlantem verius dixerim, hunc Patriæ parentem, hostium terrorem, ingentem pace, invictum bello: non successu ad temeritatem, non prudentia ad ambitum, aut magnitudinem abusum, soli Reip. amicum & adversus eam, nullis lachrynis non profecquitur. Sed omnia Heu! nata interire, nec quidquam immortale esse in terris, præter vim mentis, & ingenii monumenta, magni hujus Principis è vivis excessus docet, *magnisque negatum*, ut cum Poëta loquar, *stare diu*, funeribus interdum misceri triumphos, triumphis funera, & rebus prosperis comitem ire dolorem, tristitia confundi lætis, secunda adversis castigari, in illâ rerum humanarum inconstantia, & varietate desultoriâ fortunæ. Votum unum hoc addam Auditores, cum eo Orariunculæ meæ finem imponam. Faxit Deus immortalis, Rex ille Regum, patriæ nostræ stator, & vindex, Imperii hujus conservator, Ecclesiæque suæ in Republ. hac benignissimus, & ad miraculum protector, ut quam libertatem avitam, illustris *Nassaviorum* fortitudo militaris, Procerum prudentia, Civium concordia, militum egregia virtus, & præ omnibus Deus ille Opt. Max. multis retro annis hætenus defensavit, factam tectam, inviolatamque porro conservant patenti fato dispares fratri, & Patruo felicitate pares, utrique animi magnitudine simillimi *Fredericus* pater, Solque ille oriens *Gulielmus* magni parentis filius, ut in vivis his Principibus defuncti imaginem semper habeamus, tamque feliciter gubernent, ut nunquam nos incomparabilis istius Herois *Mauritii* tristis, & luctuosa subeat recordatio, & sœra sit, nostrisque demum nota nepotibus dies, quæ Cœlo tradat hos Patriæ vindices, & defensores acerrimos.

ORATIO XXXIV.

De Mutationibus Rerumpublicarum,
earumque causis ex Sacra Scri-
ptura petitis,

Habita à

JUSTO VLOETIO.

PRæclare poëtarum ille Princeps Homerus:

Κάλοι ἀριστοὶν, καὶ ὑπέρτοχον ἔμμεναι ἄλλων.
Pulchrum sane, si quidquam in hoc Universo.
Quid enim pulchrius, quàm unum pluribus im-
perare, leges, & jussa ponere, maria, terras, pa-
cem, bella, Reipublicæ habenas moderari, justiti-
am administrare, subditis denique suis quietem,
& sæculo in quo vivunt, tranquillitatem largiri:
Divinitas quædam videtur hæc dignitas, ab uno
nempe capite tot capita coerceri, & universam
illam multitudinem, inquietam, discordem, tur-
bulentam, leniter redigi sub commune quod-
dam Obedientiæ jugum, sine quo nec domus
ulla, nec civitas, nec gens, nec hominum univer-
sum genus stare, nec rerum natura omnis, nec
ipse *Mundus* potest. Vinculum enim est per quod
Respublica cohæret; spiritus vitalis quem hæc
tot millia trahunt; nihil ipsa per se futura, nisi o-
nus & præda, si mens illa *Imperii* subtrahatur. Sed
quanto altius assurgunt Regum, & Principum
munia, tanto majoribus curis, imo periculis im-
plicantur. Quæ tantaque sunt, ut duabus, ma-
gno illi dicendi Magistro Demostheni, viis propo-
sitis, quarum altera ad Rempublicam, altera ad
mortem tenderet, eum eò impulerint, ut se po-
rius hanc, quam illam electurum esse dixerit. Nec
me hercule injuria: Nam quot quantisque Impe-
ria mutationibus solent esse obnoxia, quàm mul-
ti de solio deturbati, quot tragicos sortiti sunt exi-

tus, quot rerum subitas experti vicissitudines, longè latèque terrarum Domini? De quarum mutationum causis, cum declamandi oblata mihi nunc sit materia, & de iis fateor multa ex Philosophia in medium adferri possent, ego Philosophorum sententiis valere jussis, quid hac de re ex S. literis statuendum sit, commonstrare conabor. Hoc unum, Auditores, antequam in suscepta hac à me provincia, ulterius provehar, à vobis summopere contendo, ut qua humilitate, & benevolentia, alios ex hoc loco dicentes complexi estis, eadem & me jam nunc complecti haud dedignemini, quo telam hanc Oratoriam confidentius pertexam, & imposito mihi impræsentiarum declamandi munere, felicius apud vos defungar.

Et quidem illorum primò in hac diatribæ sententiam adduci animadverto, qui fortuitò, ac temere nullo vel ordine, vel consilio, nasci, denasci, oriri, aboriri in hoc *Mundi* theatro, Respublicas, Imperiaque arbitrantur. Hujus autor sententiæ fuit *Epicurus*, qui providentiam in Deo nullam agnovit, sed omnia casu volvi, omnia fortuitò fieri, sibi aliisque persuadere conatus est: sed ô delirantem Philosophum! ô perversam hominis profani sententiam! usque eò hominem sapientiæ studiosum desipere, ne dicam insanire potuisse verisimile est? Oculos quæso vestros, Auditores, circumferte per hoc Universum, intuemini *Terram* in *Mundi* meditullio immotam, libratam in aëre, & nullo alio statumine nixam, quam DEI omnipotentia: intuemini nobilem illam *Cæli* structuram, tot varios stellarum, & siderum in *Cœlo* cursus, inter tot astra micantia Solem, magnum illum *Mundi* oculum, hunc ne casu, viginti quatuor horarum spacio, magnam hanc Orbis terrarum Machinam emetiri putatis, ac decurrere? Tantumne quis fortunæ tribuet, ut casu, tempestares Anni quatuor, *ver, æstatem, autumnum, hyemem*, inviolabili ordine, inter se nexas, in orbem redire & notum,

Etium, ac dierum nobis dare discrimina, statuere audeat? Plantarum, animalium, mineralium, metallorum, casu naturas propagari, Lunam casu obtenebrari, terram fortuito concuti, aut aquis decumanis inundari, nemo opinor affirmabit, nisi planè rationem exuerit, & sensum. Verum & non minus inepta, ne dicam absurda, illa nobis videtur, quæ de annis climactericis fatali multis periodo credita) adferri solet sententia, quod & ipsos non tantum fluctuare constat, & pugnantibus inter se dissidere sententiis, sed neminem adhuc certum annorum terminum præfinire potuisse, quibus exactis imperia convertantur in pejus meliusve, vel grande periculum adferant: nam quod quadragesimum nonum, quod & numerus sit quadratus, & ex septenario septies multiplicato resultet: nunc sexagesimum & tertium quem *Antiquitas* omnis Climactericum Magnum appellavit, conflatum ex novies septem, & ex septies novem, & qui curas omnium pene *Mathematicorum* fatigavit, quemque decretorium esseasserunt, & personarum singularum fatum ac vitam cujusque attingere, illud in præfens curiosius non exquiram. Sed cum de civitatum & imperiorum conversionibus agunt *Mathematici*, septenarios, & novenarios numeros non in simplum accipiunt, sed quadratè sive cubicè multiplicant, & unus potissimum numerus accommodari ab his ad Rerumpublicarum occasum solet, scilicet 496 annorum qui ex septuaginta septenariis annorum conficitur, efficitque ut jam antiquitus proditum memoriæ sit, civitates omnes anno quinquagesimo everti aut enecti. Qua vero vi & quo fato non video: cum multæ fuerint Civitates, multæ Resp. quæ longè pluribus constiterint sæclis, aliz autem brevissimo tempore interierint. Neque ad rem quidquam facit quod exempla quædam referuntur earum Civitatum quæ ad finem ejus spaciî interierint, cum multo sint plures quæ fixum illum & definitum gene-

thliacorum terminum aut exceſſerint aliquot ſeculis, aut diu ante collapsæ ſint, quam eum attigiffent. Eoque hæc omnia meras conjecturas, & inanes ſpeculationes eſſe, ne dicam deliria, quis non videt? Quid enim rationi magis & veritati diſſentaneum, imo quid ſtultius excogitari poteſt, quàm DEUM, cujus arbitrio & nutu cuncta reguntur, temporum momentis ſubjicere, & arbitrari, eum à quo omnia pendent, pendere à fatali annorum termino?

Abſit auditores, abſit; DEUM enim, & æternam illam mentem, non aliter cogitare nobis fas, quam ut agens liberrimum in quo ſcientia, & præviſa ſint æterna: Eundemque firmum, immutabilem, ſemper unum, & ſui ſimilem animadvertimus, in iis quæ ſemel voluit, aut vidit, nihil fluctentem, nihil fluctuantem. Ille nempe vitæ neciſque gentibus arbiter eſt. Qualem quiſque populus fortem ſtatumque habeat, in manu ejus poſitum eſt, nulla pars mundi uſquam, niſi volente illo, propitioque floret. Quas nationes funditus excindi, quas transportari: quibus libertatem dari, quibus eripi, quos Reges mancipii fieri, quorumque capiti regium circumdari decus oporteat: quæ ruant Urbes, quæ oriantur, illius juriſdictio eſt. Certis quippe eunt cuncta temporibus, naſci debent, creſcere, exſtingui. Verum enim vero, cum omnia Deus non ſine cauſa, certo conſilio, & ſine efficiat, diſpiciendum arbitror, quibusnam igitur poſiſſimum de cauſis, florentiſſima Regna, & potentiſſima Imperia transferat, immutet, perdat, & Rebus publicis benè conſtitutis, ſuas velit eſſe cataſtrophas, periodos & viciffitudines, cum nihil in Orbe terrarum firmum ſtatumque ſit, ſed perpetuo quodam motu cuncta agitentur.

Multa hic, non inficior, doctè, & præclare Philoſophi: nam qua erant mentis ſolertia, ingenii acumine, indefeſſa induſtria, feliciter certe, &

eximie,

eximie, in quæstionis hujus indagine desudarunt. Sed si rem penitus introspicere, & eam recto judicii oculo æstimare sit animus, ut certi aliquid in hac materia statui à nobis queat, & definiri, quo tutius nobis recurrendum putatis, Auditores, quàm ad veros illos sapientiæ fontes, Sacram dico Scripturam, quæ ut norma est, & regula omnis veritatis, ita nobis omnes eximet scrupulos & errores, si qui forte animis nostris infederint, nebulas absterget. Quid illa? certe non casu, & fortuito stare dicit imperia, & cadere: Sed eorum longe ante conversiones, & excidia prædicat. Prædicta olim ruina Monarchiæ *Affyrriorum*. Quid enim illustrius illo prophetæ Oraculo? suscitabo contra eos *Medos*, & erit *Babylon* illa gloriosa *Chaldaeorum*, instar subversionis in *Sodoma* & *Gomorrah*, Esa. 13. 17. Quid clarius, & expressius eo, quod alibi propheta *Jeremias*? capta est *Babylon*, *Bel* confusus, victus *Meredach*, quoniam ascendet contra eum gens ab aquilone, quæ terram ejus in solitudinem ponet, Jerem. 50. 2. Quid planius eo, quod apud Prophetam *Danielem* cum *Belsasari* generaliter cum *Satrapis* suis, & purpuratis epulanti, scribens ad parietem manus apparuit, his verbis, *Numeravit Deus regnum tuum, & complevit illud. Appensus es in statera, & inventus es deficiens, & levis: atque ideo divisum est regnum tuum, & datum est Medis & Persis.* Dan. 5. 26. Prædicta quoque ab hoc ipso propheta ruina Monarchiæ *Persarum*, prædicta *Græcorum*, & *Romanorum*, ortum suum habuerunt, & occasum, æterno Dei decreto, ac providentiâ, & cujus nutu, & arbitrio, ad tempus florêre, ejusdem quoque voluntate, & arbitrio cecidêre. Nam ut hominibus singulis adolescentia sua, robur, senectâ, mors: ne Rebuspub. & Regnis; & ut Solem assidue vel nubes aliqua subducit, vel nox condit: talis omnis hic splendor & felicitas rapitur aut evanescit. Sed quæret forte hic aliquis, quas harum mutationum

Sacra pagina assignet causas? Multæ sunt, Auditores, & variæ, sed ne patientia vestra abuti videar, & benevolentia, præcipuas tantum adducam, ut si non rationum pondere, & verborum lenocinio, brevitate saltem mea, & compendio vobis placeam. Et quidem inter mutationum causas, agmen mihi ducere videtur IMPIETAS, & Religionis incuria, sine qua non *Princeps* officium suum, non *Subditi* faciunt. Nulla enim res magis animos, & mores componit, quam *Religio*: & illa ubi in pectus demissa, *Virtutum* agmen sequitur. Contra mota *Religionis* anchora, turbata simul Reip: navis, & ubi *Impietas* dominatur, stare diu ea nequit. Deus enim ut severissimus gloriæ nominalis sui est vindex, ita non patitur abire impune contemptum verbi sui, sed ejusmodi genus hominum (si homines dicendi sunt, & non potius brutæ pecudes) inexpiabili odio averfatur, & exquisitissimis suppliciis, quæ publicis, quæ privatis, in tales animadvertit. Vultis Scripturæ locum? Certè non alio spectat illud prophetæ *Esaie*: *quomodo*, inquit, *stipulam devorat ignis, & paleas flamma absorbit: sic radix eorum quasi puere*do erit, & *germen illorum sicut pulvis ascendet*. Quare? quia, inquit Propheta, abjecerunt legem Domini exercituum, & Sanctum *Israëlis* blasphemias affecerunt, domus rejecta est *Jacob*, & repleta est ejus terra idolis, & opus manuum suarum adorarunt. Tantum scilicet potest effrænis illa morum licentia, & extremum malorum *Impietas*, quæ ubi dominari cœpit, & levato quasi velo, fractisque pudoris omnis, ac honesti repagulis, ferream semel frontem induit, nulla amplius ratione compesci potest; sed

Fertur equis auriga, nec audit currus habenas:

Eoque Respublicas illas pessum ire, & in ruinam agi, tandem necesse est, quæ Numinis contemptum, & impietatem profiteri non erubescunt. Vita enim hominum sine hoc vinculo *Religionis*,
 nul-

stultitia, scelere, immanitate completur, morbusque est Reip. ut plurimum conclamatus, & summe adversus remedia contumacia.

Altera causa INJUSTITIA est: transfertur enim, ut idem alibi Propheta, regnum à gente in gentem, propter injustitiam, & spoliantur justo *Dei* judicio, qui alios spoliare, & exuere consueverunt. Quid enim sublata *Iustitia* & exaugurato templo *Themidis*, Respublicæ, & civitates, nisi cloaca, & sentina vitiorum, publica latrocinia, audaciæ, & iniquitatis asyla, scelerum officinæ, & conclamata nequitia latibula, ubi licentia immixtis habenis celsiores pudoris, ac verecundiæ calles supergressa, impunè dominatur, & furit. Hæc ubi grassari coepit, dormiunt leges & veluti gladius in vagina reconditus, vel in usu consenscunt, vel fraudulentè malis artibus circumveniuntur: & quis tandem malorum esset finis, si quæ ex ea velut alto quodam gurgite, in genus humanum promanant, recensere mihi esset animus; inde enim audacia, temeritas, avaritia, fraudes, partes, factiones, seditiones, bella civilia, concussiones, rapinæ, & quidquid talium est scelerum, & flagitiorum, originem suam trahunt. Hoc enim laxata vinculo *Crux* diffluit, omnis inter homines societas tollitur, quam sequitur barbaries, & rerum omnium ingens confusio: ita omnia in ruinam prona, grassante in quodvis malum dissoluta licentia, nisi audaciæ hominum, legum repagula obijciantur, & illa ad coercendos maleficos inventa terribilia, taureæ, scuticæ, equuleus nervus, arbor illa infelix, & peculiaris parricidæ culleus, atque adeo tota illa carnificinæ scena.

Tertia *Superbia* est, atque animi elatio, quam non odisse tantum, sed & acerrimè quoque Deus punire consuevit: Dum enim has de regno *Babylonico* cogitationes animo suo volvit *Nebucadnezar*; *Conscendam in caelum, super astra exaltabo solium meum, similis ero Altissimo, ecce ad infernum usque*

cia, commemorat causam, cur nonnulli Reges à ministris suis regno spoliati fuerint, non aliam fuisse, quàm libidines, & voluprates, & regnandi imperitiam, quæ usque eo processit, ut populo, aut domesticis in ipsos conspirantibus, aut externis bellum inferentibus, ita rerum omnium rudes, ita stupidi, & consilii inopes fuerunt, ut iniquissimis conditionibus pacisci non dubitarent, in Regni sui dedecus, & Majestatis opprobrium, partim ne quid de suis voluptatibus detractum irent, partim ob inscitiam suam, quæ tanta erat, ut ad res Regni restituendas, unde facerent initium, non intelligerent. *T. Manlium Torquatium*, memoriz proditum est, cum Consul renunciatus fuisset, excusasse valetudinem oculorum, & summum Imperium detrectasse, quod indignum judicaret, ei capita a: fortunas civium committi, qui alienis oculis omnia gerere cogeretur: Sed qui alieno ingenio, alienaque lingua ad omnia uti necesse habent, iine satis ad gubernandos alios, idonei videbuntur? At oculorum quidem lumine carentes nihil prohibet acie ingenii etiam futura prospicere optimeque consulere: quales in fabulis *Tiresiam*, & in historià Romanà *Appium* legimus: cujus vero Sapientie luce careat animus quid istandem gerere, quid cogitare, quid suscipere, quid exequi præclarum potest?

Sed quis me repente æstus tam longe à littore in altum abripuit? Anchoram jacio, malo enim prius dicendi, quàm vos finem audiendi facere. Conatus sum Auditores, eorum errores refellere, quorum naturæ alii, alii fortunæ, alii annis clymaticis aut astrorum influentiis regnorum mutationes tribuunt. Quia illud ratione præstiterim vobis judicandum relinquo, tyrocinia tantum sunt, quæ laudis satis referunt, si veniam apud vos mereantur. Deo sceptrum, & habenas Regnorum, & Imperiorum vendicare volui: rationes quia ex sacris Scripturæ fontibus, & verbi divini sacrario

de.

deprompta sunt, locum spero apud vos inveniant.

Interim grato hoc animo agnoscendum est, & non satis collaudandum, Dei optimi maximi in nos beneficium, quod Rempubicam hanc, dulcissimam omnium nostrum Patriam, tam clementer in hunc usque diem conservavit, & etiamnum benignè conservat, tuetur, ac defendit, adversus insensissimum nobis hostem, qui jam sexaginta retro annis, & quod excurrit, tam funesta nobis intulit bella, & nec jam desinit, idem enim illi in nos faciendi animus, idem extirpandi ardor, gentem illam sacram, rebellem, nefariam criminis læsæ Majestatis ream, & plus quam Phalaris suppliciiis dignam: tales enim censetur, Sed ades ô Deus, & patriam nostram tam implacabili hostium suorum odio colluctantem, tam decretoriis armis impetitam, porro vindica, Proceresque ejus, & quotquot ad clavum sedent, ita consilio, & prudentia instrue, ut sub auspiciis eorum, & Principis *Frederici*, Rempubicam habeamus feliciter constitutam, fulcrum Imperiorum, *Religionem* & pietatem illibatam, res in tuto collocatas, in medio bellorum æstu Halcyonia, opes affluentes, concordēs civium animos, exercitus instructos, militem exercitatum in pace decus, in bello præsidium, & frequentes victorias. Dixi.

O R A T I O ^{II} X X X V .

De Literarum Præstantia,

Habita ab

A R N O L D O B R A N T I O .

Intuenti mihi hanc doctissimorum virorum frequentiam, quantulamcunque declamantiunculam meam præsentiam suam honestantium occurrit
Q 7 quod

quod de *Antiochenis* memoriz prodidit festivus ille si quisquam Dialogista *Lucianus*. Apud illos cum brevioris staturæ, & pusilli corporis histrio in scenam prodisset, qui *Hectoris* personam ageret, dicax ille populus illico exclamavit, *Astynan* se videre, *Hectorem* desiderare. Haud parum & ego quoque metuo, ne cum dignitas argumenti, de quo agere institui, *Hectorem* aliquem, id est magnum, & insignem Oratorem exigit, summo-
pese vos miremini, quid sit, cur ego vix *Astynan* aliquis, tenuisque ingenii homuncio, in conspectum vestrum prodire non dubitaverim: sed cum exploratissimum haberem, quo vos animi affectu publicè ex hoc loco dicentes prosequamini; quaque attentione aures Scholæ vestræ discipulis præbeatis, subdidit mihi animum hujus humanitatis vestræ recordatio; in quâ ut merito acquiesco, ita antequam altius provehar, & ad argumenti propositi tractationem nostra decurrat Oratio, à vobis quâ possum animi demissione contendo, ut tenuitatem meam, & in dicendo infantiam vestro favore, & benevolentia sublevare dignemini, quo declamatiuncula mea, quæ ut quantus literaturæ, & eruditioni habendus sit honos ostendat, tota occupatur, his velut secundis subvecta ventis, quem sibi proposuit finem facilius consequatur. *Midam*, Gordii bubulci filium, *Phrygia* regem pecuniosissimum, qui cum *Bacchum* hospitio excepisset, jussusque esset petere quod vellet, mox voti compotem futurum, nihil æque se optare respondisse ferunt, quam ut protinus quidquid attingeret in aurum verteretur. Quod cum *Bacchi* benignitate obtinuisset, solidas arces, & regia solo contactu in aurum convertit. Verum cum urgente fame cibum sumere conaretur, atque illum quoque in aurum mutari videret, sensit tandem stolidus, se parum sapienter optasse: petiitque à *Libero Patre*, ut munus illud, quantumvis speciosum, sibi adimeret. Misertus itaque ejus *Bacchus*
jussit

jussit ut in *Paffolo fluvio* se ablueret, quo facto in pristinum statum restitutus est. Quanto laudabiliora *Augusti*, & *Tiberii* Imperatoris vota fuerunt, quorum ille *Scipionis* fortitudinem, & *Cesaris* fortunam à Diis contendit : hic tantisper ut viveret optavit, dum Reip. ne Patriæ suæ prodesse posset. Sed cum rem ad rectæ rationis lancem exigo, longè hos omnes mihi à tergo relinquere videntur illi qui vota sua altius protrudunt, & quibus nihil prius, nihil antiquius est, nihil magis in votis quàm ut in studiorum suorum cursu, ad doctrinæ, & eruditionis fastigium enitantur. Quo nihil ego in rebus humanis dignius esse censeo, nihil præclarius. Illa enim est, quæ mentem perficit, & adornat, judicium format, ingenium acuit, & quanto brutis longè præstat animalium nobilissimum homo, tanto hominem homine ipso præstantiorem facit. *Aristoteles* Philosophorum ille princeps, crasso cuidam, & obesæ naris homini percontanti, *quid esset discriminis inter doctos & indoctos*, haud inscite respondit, *quod inter viventes, & mortuos*; sentiebat quippe vix altæ mentis eos qui corporum solum vita fruerentur, quam habemus cum pecore *Arcadico* communem, & externis tantum oculis Solem intuerentur, quem longè acutius cernunt aquilæ : animis vero quibus lucem, ac vitam donat literatura, nihil cernerent, vix ac ne vix hominis appellatione dignos, sed mortuos verius esse, quàm vivos: quia si vivunt, vivunt tantum, & aura, omnis doctrinæ vacui, æthereæ solum vescuntur, qua & alini, tantumque à doctis differunt degeneres animæ, quantum a vidensibus cæci. Eximie olim, & præclare poëta:

Ο γράμματος παρὲς ἔβλινει βλίνων.

Διπλὲν ὁρῶντι δὲ μάθοντες γράμματα.

Ita profecto est. Vana, vana sunt quæ miramur in hoc fluxu, & refluxu rerum humanarum, & malorum irritamenta sunt, non remedia, nisi mentem humanam, naturæ cæcæ, Sapientia eruditione

ne

ne comitata regat , & moderetur. Et profecto si callidi rerum æstimatores , fundos , agros magni æstimant , quia his pignoribus minus noceri posse credunt , quanti putabitis æstimandam Sapientiam quæ nec incendio eripitur , nec naufragio absorbetur , & inter ipsas regnorum concussiones , ac motus inconcussa manet ? Quam qui possident vere sunt divites , nulla re egent , nihil sibi deesse sentiunt , nihil requirunt. Quin & cum *Bianthe* in urbis patriæ captura , & excidio , inter micantes ubique gladios , & militare in rapinam tumultum , nihil rebus suis asportantes , omnia tamen sua secum portant , ludibria hæc fortunæ , ne sua quidem putantes , quæ vulgus etiam bona appellat : quia si abeant , nihil inferunt , nisi semetipsa. Quid enim stirps , quid patria , quid genus ? quid forma , quid honores , quid dignitates ? Quid aurum illud quod tantopere admiramur ? abeunt illa , nec eximere nos queunt aut nostra , mortalitatis lege. Aurea vere *Stoicorum* sententia. *Μισθός τις πλοῦτος* , solus sapiens dives. Et hæc *Aristippi* , hæc *Socratis* sapientia fuit. Ita *Zeno* *Cleanthes* , *Crates* , *Chrysippus* , *Epictetus* sentire , ita loqui amavere : Quis , Auditores , *Diogene* , vulgi judicio , pauperior ? Vixit enim in dolio , nullâ aliâ instructus suppellectile , quàm patinâ lignæ : at in gustu huius angustia , quàm angusto fuit animo , quàm generoso ? veram magnitudinem metiens non spatiis , & latifundiis terrarum , sed horum omnium contemptu , eoque *Alexandri* liberalitate major , quam rejecit , nec tamen eguit ; quia ditior est , qui divitias spernit , quàm qui possidet. Animus enim hominis dives , non arca appellanda est. Et hæc veræ sunt opes quæ supra omnem inconstantiam , & mutationis aleam positæ , etiam nudum , naufragum , exulem ubique terrarum comitantur , vel ad ultimam *Thulen* aut ad extremos *Garamantas* : in quas cuneus nihil potest ingruentium malorum , quæ nec eripi possunt

unquam ,

unquam, aut temporum injuriâ tolli, interverti, mutari: quas qui possident vere sunt divites, quia in pectore, & animi scrinio struuntur hæ opes, non in arcâ, eoque usu augeri solent non minui, meliores fieri non deteri, non senescere, non contingere malis ut opes, non ignavis aut immerentibus, ut honores, non etiam avocare homines à virtute, sed inîstruere. Doctrina enim, & virtus arctissimo inter se vinculo conjuncta, hominem non doctiorem modò, sed meliorem reddunt: adeò ut quod agris cultura confert, hoc animis hominum eruditio, quæ si corporeis oculis cerni posset, incredibiles sui amores excitaret. Præclare Romanus ille Sapiens: Certi sunt domitores ferarum, qui sævissima animalia, & ad occursum exterrantia hominem, docent pati jugum, nec asperitatem excussisse contenti, usque in contubernium mitigant. Leonibus Magister manum inserat, osculatur Tigrim suus custos, Elephantem minimus Æthiops jubet subsidere in genua, & ambulare per funem: sic doctrina, sic eruditio est artifex domandi mala, & in quo magis, quam in homine? aut minus disciplina in ingeniis poterit, quam in feris industria. Vultis exempla Auditores? magnos sæpe viros, perdita pene, ac desperata adolescentia, in patriæ salutem natos accepimus. Nimirum ut ager ex se infertilis, cultura tamén emendatus, ad fertilitatem provocatur: sic ingenium virtutis expers, disciplinâ ad bonam frugem potest demutari. *M. Torquatum* ingenii tarditas in agrum, tanquam in exilium ablegaverat, hic tamen periclitantem Latino tumultu patriam, insigni triumpho restituit. *Luc. Valerium Flaccum* quem *Roma* projectæ libidinis juvenem, virum omnis postea modestiæ, ac probitatis exemplum vidit. Quid *Fabii Maximi* adolescentiâ turpius? quid vero i lo sene ornatius, quid augustius *Roma* tulit: duos in uno *Sylla* homines fuisse dixeris, turpem adolescentem, & virum fortem. *Themistocles*

clis vero adolescentia quid licentius, at is exinde juventæ suæ maculas, insigni literatura rebusque strenuè gestis ita eluit, ut *Græcorum* clarissimus extiterit, & prælio navali *Persis* ad *Salaminem* victis, Patriæ libertatis assertor fortissimus. Quid *Polemo* perditissimis moribus adolescens? ingressus Auditorium magni illius Philosophi *Xenocratis*, cum eum non minus graviter, quam doctè de sobrietate, & temperantia, dissertantem audivisset, adeo lectione ejus commotus fuit, ut omnem ab eo tempore incontinentiam exuerit, & ex homine luxurioso factus sit temperantissimus.

Sed ut altius provehar: Quid? compendiosiorẽ ullam arbitrantur esse viam ad honores, quàm per literaturam? illa enim est quæ hominum nomina non ingloria æternitati consecrat: hujus beneficio vivunt viri omni ævo præstantissimi, quorum curæ, vigilæ, labores, merita, alto oblivionis silentio fuissent involuta, nisi nomen eorum, ac famam ab interitu vindicasset. Quid *Alexandri Magni* voto, in summâ fortuna defuit, præter *Homeri* ingenium? & quo alio nomine felicem prædicat *Achillem*, cum in *Sigao* ad tumultum ejus adstitisset, nisi quod talem laudum suarum præconem habere meruerit? Quot enim ante eum Imperatorum, & belli Ducum ignota nunc omnia, & æterno oblivionis sepulchro recondita?

Vixere fortes ante Agamemnona

Multi, sed omnes illachrymabiles

Urgentur, ignotique longâ

Nocte, carent quia vate sacro.

Adhæc quantam literatura gratiam, quantam benevolentiam, quantum animi affectum conciliat literatis, non apud gregarios, & è trivio homines, sed apud Patricios, Magnates, Reges, Principes? *Scipio Africanus tam elegans liberalium studiorum* (verba *Velleji Paterculi* sunt) *omnisque doctrina, & admirator & fautor fuit, ut Polybium Panætiūque, præcellentes ingenio viros, domi militiaque se-*

cum haberit. Vespasianus etſi cætera parvus, ingenia artesque fovit maximè: & primus è fisco (ait *Suetonius*) *Latinis Gracisque Rhetoribus annua (Bis mille & quingentos Philippicos) centena constituit.* Antoninus Pius diffudit etiam liberalitatem *Vespasiani*, nec *Roma* tantum, sed per omnes provincias *Rhetoribus, & Philosophis*, honores, ac salaria detulit, & *Frontoni* præceptoris suo statuam in Senatu posuit & perpetuum gratitudinis suæ monumentum exſtare voluit non ingrati discipuli. Sic & *Gorgia Leontino* vivo illi videntique statua ex auro, tanquam publici honoris ara, in æde *Apollinis* erecta, & consecrata fuit. *Stagira* everſæ ruinas, in gratiam *Aristotelis* & *Alexandro* discipulo ejus restitutas legimus. *Platoni* in *Siciliam* venienti, *Dionysius Syracusanus*, vittatam navem qua eum exciperet, obviam mittere non dubitavit. Doctissimorum hominum greges in comitatu suo habuit *Alexander*: Familiariter cum *Simonide* & *Pindaro* Poëtis *Hiero Syracusanus* vixit: *Augustus Imperator*, ætatis suæ doctissimos in summo amore habuit & pretio, *M. Varronem* unicè amavit, *Ciceronem*, *Salustium*, & *Livium* coluit, *Virgilium*, *Horatium*, aliosque sui temporis Poëtas summa benevolentia complexus est. Consiliis suis interesse voluit *Alexander Severus*: *Adrianus Imperator* cum audivisset quosdam, qui *Roma* docuissent, ob decrepitam senectam muneri suo obeundo non satis idoneos, emeritos per ætatem, magnis beneficiis cumulavit *Anaxarcho* Philosopho, cum *Quæstor* suo jussisset *Alexander*, dare quantumcunque ille postularet, inaudita postulatione turbatus *Quæstor*, cum *Alexandro* indicasset philosophum petere centum talenta, Rectè inquit fecit, probe conscius se amicum habere, qui tantum dare & possit, & velit. *Xenocrati* Philosopho quinquaginta talenta dono misit, ea quum ille recusasset accipere, dicens, sibi non esse opus, interrogavit, amicum ne ullum haberet, cui esset opus? nam mihi inquit

inquit vix *Darii* opes in amicos sufficiunt. delato ad ipsum scriniolo, quo nihil inter *Darii* pretiosius, pulchriusve repertum est, ceterum in quem usum destinandum esset, alii suadentibus, huic optime inquit servandus tur *Homerus*, sentiens nullum esse thesaurum pretiosiores.

Plura dicerem, *Auditores*, sed sentio mihi loco ex ipsa præstantiæ literarum cogitatione idem accidere, quod disertissimis nonnullis toribus evenisse *Lucianus* scripsit, ut cum si Regum splendidissimis atriis & varietate numerum insignitis palatiis verba fecerint, pulchritudinis intuitu perturbati, in medio orationi tanquam attoniti constiterint, subitoque tuerint. Quare ne & patientia vestra, & at ne abuti videar, finem dicendi faciam. Autem literaturæ, & eruditionis præstantiam, & idem: quantis homines literatos comitetur habebus, quam nominis sui famam sibi pariant doctrina, & eruditione conspicui, quam alte se segregatum, Principum, Regum amicitias in se. Audivistis nihil in hoc Universo dari, non hominibus desiderari posse, nihil excogitari pretio cum ea comparari possit, aut debeat restat? hoc unum Studiosi, & commilitor tandem & ad vos mea se convertat Oratio, num, inquam, ut eam quam tantopere vobis mendavi literarum præstantiam, serio ad a revocetis. Quis enim tam aversus a *Musis*, literarum decus non admiretur? quis ad *Socratis*, sublimitatem *Platonis*, ingenium *Aristotelis*, eloquentiam *Demosthenis*, non obstupescat denique scientiæ, & cognitionis studio non rur, atque adeo doctrinam, eruditionem, artem magni faciat? cum nulla instituenda vitæ ratio via animo, & cogitatione concipi queat, quæ ita literarum auxilio indigeat, ut eas si contulerit, Solem ipsum de mundo sustulisse

ur. *Themistoclem* olim cum somnum capere *Adolescens* non posset, dicere solitum tradunt, se *Miliiadis* trophæo quiescere volentem, identidem excitari: quanto eos acrius incendi ac inflammari necesse est, qui quotidie non unius, sed innumerebilia hominum eruditione præstantium trophæo non è marmore, & lapide peregrino constituta, ad exigui temporis memoriam, sed ad omnem æternitatem commendata litteris, intuentur? easque opes quæ nec furem, nec prædonem timent, nec incendium, ruinis, naufragiis obnoxie sunt, nec ullis denique casibus erui possunt? Molestiæ hic omnes si quæ se offerunt devorandæ. Nihil enim est quod non expugnet pernix opera, & ut invia virtuti nulla est via, sic & nulla diligentiae, & labori, qui omnia, ut cum Poëta loquar, vincit improbus. Non de nihilo *Musas* Poëtæ in montis cacumine sedem suam fixisse fabulari sunt, & labores, sudores, vigilas, ad earum atrium excubare voluit Antiquitas sapientiæ magistra. Sciebant enim viri prudentissimi, non alia ratione eruditionem parari, non alia lege, & conditione obtineri, Eruditionem autem, amare, imò & venerari vos scio quæ nulli præclusa est, omnibus patet, omnes admittit: sed ut natura gemmas altissimè recondidit, vilia contra passim obvia sunt: ita quæ optima non nisi summo studio eruuntur & animi cottidianò, ut sic dicam, vomere proscindendi, & obserendi ad meliorem frugem. Non alia, Studiosi, ad eruditionem via est, non alia ad honores. In Flore vitæ estis, & ut corpus labori, mens ferendæ intentioni par redditur: non alii anni commodi huc magis, & apti: nisi ad magna, & alta nunc itis, nunquam postmodum perventuri. Occasio, cujus prætervolat opportunitas, nata vobis in hoc *Athenæo* protrudendi studia vestra, & perducendi ad metam. Illa si continuè ab ingenio vestro aliis omnibus curis & cogitationibus ex animo abjectis, foveantur, tandem in luculentissimos progressus e-

rum-

rumpent. Neglecta tarditatem vestram non
 etant, dum enim differtur vita transcurrit, &
 nimis vos subitura poenitudo transacti desidi-
 poris. Soli natura, cessante cultura, sterilefcit;
 toque melior terra, tanto deterior fit neglecta
 nestarum artium semina, animi vestri gerun-
 exercitatione, & industria excitantur, non
 quàm scintilla levi flatu adjuta ignem suum
 cat. Illa modò una ingeniorum pestis fugiat
 pervenisse vos putetis, quò adspiratis. Ala-
 hic opus, & constantia, nec ante in hoc Ma-
 stadio currendi finis, quam præmium vob
 manu. Impetus dilatione, & mora extinguit
 dustria, & labore augefcit, & nihil tam au-
 quo non penetret studiosa, & fervida anir
 Magnum quoque vestigal parsimonia, se-
 quam majus quam hic Socordiaz breve, & pa-
 ne sensu gaudium est; sed diligentiaz fructus
 ferit, neque nunc solum, sed in futurum de-
 Ubi quæso, istam egregiam indolem, quam
 risque vestrum videmus? ubi istud ingeniu-
 omnia summa natum, ubi istam partem æta-
 concipienda doctrinæ semina omnium a-
 mam, aut honestius, aut suavius, aut fructu-
 collocare poteritis? Cogitate quantum adfi-
 proffit, quantum intermissio noceat. Illa vires-
 tur ac gliscunt: hac carpuntur ac deteruntur. Si
 tantillum de solita contentione remiserit, p-
 it, quicquid parum erat, *longique perit labor*
anni: simul atque progredi desierit, regre
 necesse est. Venatores intuemini, nihil illis c-
 le, nihil arduum, nihil impervium est, sub die
 noctant, nives, grandines, nimbos, procellæ
 mem, sitim, frigus, vigilias ferunt, cum apr-
 pis, urfis, aliisque indomitæ feritatis animalil
 vita sæpenumero decernunt, ac dimicant: qu-
 quanto illi ad prædam, tanto ad eruditione
 dore feramini, ullam vobis, ne ad eam per-
 ris, difficultatem obfiare patiemini! Fruimur
 ca

catione, quæ sese nunc offert, & aures vestras sæpe feriat, imò mentem, laudata illa vox, πολυτελέστατον ἀνάλωμα Χρόνου. Pulchra hic si usquam parsimonia, imo tenacitas & avaritia; contra nihil temporis jactura turpius: cujus serio multi sed sero nimis deplorant damna omni æstimatione majora. *Solonem* unum ex Sapientibus *Græcia*, tanta olim discendi cupiditate exarsisse ferunt, ut etiam circa ipsam mortem: Nam cum langueret fatiscentibus jam viribus, & adstantes amici aliquid inter se differerent, ille caput sustulit, & flexit ad audiendum: interrogatusque quo sine tunc aut fructu? nobilem illam vocem edidit; *ut cum sciero doctior moriar.* O desiderium! & quid in vita, aut ejus flore faciendum, cum ille hæc sub mortem, & in ipso decrepitæ ætatis deliquio? Faceßat ergo hic impudens eorum querimonia, qui naturam accusant, quod hominis vitam tam angustis spatiis finierit, quum satis longa sit cuique vita, si parçè dispensetur: Ut & supina illa, & projectè mollis quorundam ignavia, qui ad somnos nati videntur, & pandiculationes, ad otia, non ad studia, temporis prædunculi, fuci, tenebriones, licentiæ alumni, qui non ut vivant, edunt, sed vivunt, ut edant, digni quos irata *Minnerva*, casside sua, & cuspidē arceat ab adytis *Sapientia*, dum turpi marcescentes otio non tam vitam agunt, quam prætervehuntur, nec vivunt, sed in vita morantur, quamvis ad extremam senectutem perveniant: quid enim illos anni tot per inertiam exacti juvant, actu metiendi non tempore? cum neque sibi, neque aliis utiles, ita vitæ curriculum conficiunt, ut, veluti naves nullum sui vestigium relinquant, nihilque agant, quo se homines esse testentur. Hos fugite Commilitones, & quas in vos Natura dotes contulit, ne patiamini ut aquam immoram sordescere. Neque enim in vos benigna fuit, ut suum beneficium negligeretis, & ab illustri hoc *Lyceo* vacui,

& III.

& inanes velut ex incendio , ruina vel
domum redirectis :

Ἀισχρόν γὰρ ἀπὸντο μέγιστον, κίεον ὄντα
Dixi.

ORATIO XXV

In vituperium Loquacitati

Habita à

NICOLAO BERCKEL

ITa fere natura comparatum est , ut q
rebus summa ad omnes dimanat utili
iisdem vitio aliquo interveniente , nascat
ma perniciēs. Quid stellis , & astris si
quid ad conservationem corporum suble
magis necessarium ? at ex iisdem si qu
rum commodè jungantur , quanta m
calamitas ? Aere spiramus , verum is
quantam stragem infert animantibus ? F
& maria quam commoda sunt generi h
ad itinera , vitæque commercia ? Veru
concitatis , aut exundantibus , quantum
quantum periculi ? Terra fœcunda rerum
parens , suas habet concussiones , hiatus ,
exhalationes pestíferas : nec alia parit pl
norum , quàm quæ frugum , ac medicar
barum fertilissima est. Adeò late patet illa
r̃a omnium ore trita ; *Ubi mel , ibi fel , ubi
tiber.* Idem mihi dicere fas de hominis lin
ur nihil salubrius est , si quis benè , & ut
ntatur ; ita nihil nocentius , si quis malè. H
est , Auditores , cur impræsentiæ apud
ea declamare , & individuum ejus com
quacitatem (vitium ei non minus frequen
perniciōsum) suis coloribus depingere in
induxi. Unum tantum à vobis contendo

omnes, quotquot hic adestis, quandoquidem ad omnes hæc oratio pertinet, his auribus, atque animis, auscultetis, quas in rebus gravissimis, maximisque benè consulenti præbere soletis.

Atque ut paucis quod res est dicam, & mentem meam, quod hic palmarium duco, sine verborum apparatu, circumscribam, quid quæso Homini totius Universi compendio, quid naturæ miraculo, & soli ad sapientiam, & prudentiam nato, loquacitate sordidius, quid turpius, quid indignius esse possit, non video? Multa quidem vitia dari, non eo inficias, quæ homini odium, aut invidiam conflant, qualis est arrogantia, & violenta nimis dominandi libido; quædam contemptum, ut luxus, ebrietas, crapula: at nullum est, quod hominem exosum magis, & ingratum reddat, quam garrula, mordax, & importuna nimis loquendi licentia, quam Loquacitatem appellamus. Multa quoque sunt fateor perdundæ vitæ mortalium instrumenta; multa adminicula, ut bella, veneficia, incursum ferarum, pestilentes morbi, terræ motus prodigiosi, fulmina, tonitrua, inundationes, alique casus innumeri, ex quibus tamen tanta non oritur perniciēs humano generi, quantam huic Universo adfert effrænis linguæ dicacitas. A qua vel natura ipsa hominem dehortari videtur, quæ duas illi quidem aures dedit, at unam tantum ei linguam, ut nempe discat plus audire, quàm loqui: septam quoque & undecunque cinctam forti labiorum vallo, dentiumque repagulis, ne temere quid effutiat, quid eliminet, sed proferenda ponderet, & ad lancem rationis expendat. Imò cum sapientissimus ille rerum conditor Deus, linguæ sedem in altissima corporis parte collocarit, nonne satis superque nobis declarat hujus membri dignitatem? Deinde quod in confinio cordis, & cerebri sitam esse voluit humanæ vitæ interpretem, an non evidenter nos docet, eam non oportere discrepare à corde, sed obtemperantem esse rationi, cui subiecta est, nec prius in vocem debere prorumpere quàm adhibitis in

consilium vicinis sensibus, præcipuè auribus, atque oculis, quibus inter corporis sensus principatus tribuitur? Sed multo magis consulendæ sunt interiores animæ vires, intellectus, seu ratio ac memoria, quibus & ipsis sedes, & officinæ sunt in cerebro. Unde satis liquet, quam præposterè faciunt hi, qui dum flumen verborum habent, mentis vir guttam, prius linguam laxant in verba, quam aut audierint, aut viderint, aut quàm animo perpenderint; quale sit illud de quo velint loqui, aut quales illi sint, apud quos verba facienda sint, cum oporteat hujus membri ministerium omnium esse postremum. Ideo quemadmodum natura voluit, linguam humanæ vitæ moderatricem esse promptam officio; ita diligenter admonet, ne præcipiti, petulantique facilitate perniciem afferat pro utilitate, exitium pro officio, venenum pro remedio; eoque cum oculos binos, aures binas addiderit, unicam duntaxat linguam dedit; cumque aures sic finxerit homini, ut semper habeat patulas quæ nec claudi possunt nec averti, linguæ contra valvas objecit labiorum, adversus effrænem ejus petulantiam, ne temere scilicet effundat quicquid in buccam venerit. Quo vitio vix aliud fuit apud *Ethnicos* etiam homines detestabilius. Hæc enim una ad bellum tuba, hæc tumultuum, & seditionum flabellum, hæc rixarum, contentionum, dissidiorum irritatrix. Miramur piscem *remoram* corpusculo pusillo, halecis magnitudinem non superante, navem ingentem plenis velis, prospero, & secundo vento citatam repente sistere; sed longè majori admiratione mihi dignum videtur, linguam multo minorem *remora*, tot hominum milia, quocunque lubitum est flectere, concitare, armisque inter se committere. Hæc namque illa est quæ versutis consiliis miscet res humanas, quæ pejerat, calumniatur, quæ susurris, ac delationibus dirimit amicitias, quæ compita, vicos, pagos, *urbes*, *provincias*, regna perreptat; hæc in regnis,

pro

provinciis, urbibus, pagis, compitis, in omnium
 ædes, in omnium animos penetrat. nusquam non
 pedem figit, nihil intactum, nihil inausum relin-
 quit, adeoque passim grassatur, ut nullus Orbis
 terrarum angulus ab ea tutus sit, imò nullo non
 loco, nullo non tempore paratum, & expeditum
 habeat venenum. Sed quis tandem finis si omnia
 ad amussim recensere mihi esset animus: dolia
Danaidum citius expleverim, & *Erefuchionis* fa-
 mem, quam hanc (ut cacoëthes est hujus ævi) cu-
 pidam semper malorum, nunquam saturam. Nihil
 Natura, nihil Autor Naturæ frustra facit: sed quid
 Deum, quid Naturam loquor? nihil bruta faciunt,
 nihil elementa operantur, nihil agunt, quod ad
 sui conservationem non faciat, non tendat. So-
 lus homo, nobilissimum animalium, magni hujus
 Mundi Epitome, nobilissimam sui partem lin-
 guam, quæ illi in salutem, & ad Dei gloriam data
 est, in exitium suum, & aliorum convertit. Quo
 procul dubio spectans non minus sententiosus,
 quam insignis Poëta *Euripides*, ἀχαλίνων, in-
 quit, σομάτων τίλ' δυσυχία. Nec mehercules
 injuria. Non potuit enim significantius exprimere
 linguam temerè vagam, incogitantem quidlibet
 effruentem, nullo consilio perpendentem quid
 deceat, quid expediat, quid non, quàm quod sic
 garrientis os, dixit effræne, quodque incogitan-
 tiam ejus dixit exlegem. Quemadmodum enim
 equus nullo fræno coërcitus sepe numero tum
 fessorem, tum se ipsum in præcipitia desert, per-
 dens simul, & periens: ita lingua nisi rectæ ratio-
 nis moderamine contineatur in officio, & fræno
 prudentiæ redigatur in gyrum bonæ mentis, exi-
 tium adfert non solum his, qui auscultant, verum
 multò sæpius ei qui sic temere deblaterat, &
 debacchatur, adeo ut qualem fructum adfert ager
 natura quidem bonus, sed neglectus, talem adfert
 lingua minimè muta suæ permissa libidini. Ex
 ungue Leonem. Quid calamitarum, oppressio-
 num, depopulationum, rapinarum, scelerum us-
 quam

quam, aut unquam fuit, nisi ab hoc fonte cumspicite quidquid est in orbe funestari-
 goediarum, comperietis ferè malorum o-
 riginem fuisse malam linguam. Multos
 cecidisse, non Annales solum, sed omniu-
 porum experientia testatur, at non paucio-
 gua. Exempla vultis adducam *Auditores?*
 obvia sunt, & quæ sæcula id non docent
 & profanas historias replicate, non aliter in-
 tis. Quid *Eva* omnium nostrum matrem
 dit, quàm quod serpentis susurris seduci,
 niri se passa est? Quid *Adamum*, quid
 ejus, quam garrula nimis, & effrænis con-
 ceptæ lingua, cui auscultare maluit, quar-
 O utinam tunc nec *Eva* lingua, nec *Adam*
 fuissent, tantum certe miseriarum, & ca-
 rum agmen, nec in se, nec in posteritate
 traxissent. *Mirjam* Soror *Mosis* ob tem-
 linguæ licentiam, prorumpentem in mu-
 lepra corripitur. *Core*, *Dathan*, & *Abyram*
 quoque linguæ fibula, & seditione in popu-
 versus *Mosen* concita, horrendo terræ hiat-
 uxoribus, & liberis absorbentur. *Samsen*
 titudine, visu, libertate, vita, garrulitas &
 intemperantia spoliavit. *Clitus*, & *Calisth*
 ex profanis historiis exempla quædam
 cam) an non ipsi causam suæ necis deder-
 temperanter nimis sua libertate in *Alexa*-
 prendendo abusi, quem vino & ira si-
 modesta alias, & humili admonitione co-
 potuissent, morte non solum declinata, sed
 tia, & benevolentia ipsius erga se aucta &
 mata? *Epicharmus* quum *Hieron* Siciliæ re-
 dam è familiaribus suis, è medio sustulisset
 que post diebus eum invitasset ad cœnam
 quit nuper cum immolares, amicos tuos
 vitasti? Quæ vox incautæ nimis, & præcip-
 guz, & mortem ipsi attulit, & tyrannum e-
 rem reddidit. *Antiphon* cum apud *Dionysii*
 reretur, ac disputaretur quod ætis genua et

mum: *Illud*, inquit, *ex quo statuas Hermodio, & Aristogitoni, tyrannicidis, crexerunt Athenienses.* Quæ oratio brevis quidem, sed dentata nimis, & mordax, Tyrannum ita irritavit, ut non nisi tragica ejus morte sedari potuerit. *Zeno* eidem *Dionysio* in matrimonium ab eo duas ipsius filias, egregia forma virgines, petenti; *Malo*, inquit, *pereant, quam tyranno nubant*: Quibus verbis vehementer commotus Tyrannus, eas illicò contrucidari, & mortuas ad patrem deferri jussit, ut linguæ suæ intemperantiæ poenas daret, & tragico filiarum obitu, temperare sibi disceret, & cautius in posterum loqui. *Cicero* qui singulari suâ prudentia Romam periclitantem ab interitu vindicavit, se tamen incautus perdidit, quod liberi nimis oris, dissimulare odium non potuerit, in patriâ perduelles, nec abstinere ab investivis, tum in alios, tum in *Antonium*, qui ulciscendæ injuriæ sibi illatæ causâ, haud multo post capite, & manu, qua Philippicas scripserat, eum truncari jussit: omnibus documento, *Potentium* iras non provocandas, sed declinandas, non aliter, quàm in navigando procellam. Majorum nostrorum tempore *Enguerandus Marignus*, qui sub *Philippo* cognomine *Pulchro* universam *Gallia* rempublicam administrarat, post Regis mortem, quum ex eo quæreretur, quid certa quadam pecuniæ summa factum esset, respondit numeratam fuisse *Carolo Valesio* defuncti fratri, qui negans eum mentitum esse dixit. Quid ille? ira percitus, & linguæ plus nimio indulgens, nulla ejus quem alloquebatur dignitatis, regique sanguinis habita ratione, respondere ausus est, ipsum esse, qui mentitur: quo convitio magni animi Princeps ita affectus fuit, ita exacerbatus, ut non ante quieverit, quam illum suspensio tollendum curasset; adeò verborum insolentia Principibus intolerabilis est, tantumque habet in se malorum membrum illud minutilum ac molliculum, nisi adsit animus integer, rector ac moderator, ut haud rarò sibi ipsi mortem inferat loquaculus, longé-

que præstet pede, quam lingua labi: quia etiam, indictum fieri nullo modo potest. certe & cor linguam suam, videlicet cenem, qua homo loquitur sibi. Qui tutus hanc linguam imprimis cohibeat, ne mal corde conceptum aliquo casu, vel ira, vel provocatione suffundatur in linguam deat per jugulum. Cujus mali præsentissimum medium est taciturnitas, altissimis fluminibus milis quæ minimo sono labuntur. Eximia cule virtus! Nemini enim loco, & tempore, sed intempestivè, sed imprudenter, & locutum esse nocet. Qui tacere nescit, loquatur, & plerumque aut stultitiæ, aut male crimen incurrit. Haud inscite Poëta, *Διὸς ὄφρ' ἴγας*. at contra periculosè plene alex tractat, & incedit per ignes supponeri doloso, qui petulantis suæ linguæ cuius multum, sapientiæ parum, licentiam, & fræno rationis inhibere & compeſcit. Quid homini in hac vita dulcius, quam vius esse potest amicitia, & artissima conjunctione? hæc dirimit, *Damonem Theſeum à Perithoo, Achillem à Patroclo*. Quid rerum humanarum carius, quid nobis est fama, cujus dispendio, & damnatione majora sunt? hæc minuit, & fugillat, rodit. Opes tibi sunt? si potest. Honores? privabit: valetudo satis prospera det, offendet, adimet. Quid enim aliud maledica, quàm fica, quàm gladius venditus? Quis adeò demens est, ut viperam foveat, pascat, amet? Talis lingua, imò omnibus nocentior. Scorpionum exhorret qui nec ferit, nisi imprudentem, nec sentet lethale venenum: at mala lingua longociosior, quia nulli parcit, & venenum ejper, & ubique mortiferum: serpit enim *rus in omnes*, & ita natura comparatum lædere ei sit facillimum, mederi difficilissimum.

Adhuc, quàm importuna omnibus, quàm molesta est, *Tot pariter pelves, tot tintinnabula dicas, pulsari*, nulli non obstrepat, in aula, in tribunali, in curia, in viis, in ædibus, in navibus, in vehiculis, in conviviis, in rebus afflictis, ægritudinem, marem, luctum conduplicat, in rebus lætis, ceu nubes ac tempestas quædam exorta, tristitia obnubilat omnia: in vectatione plus adfert vertiginis, quam ipsa jactatio, in navigatione suo tædio superat ipsam nauseam: in itinere pedestri facundus comes pro vehiculo est, garrulus contra pro onere, pro sarcina, in symposiis, aut cænis collatitiis in quibus loquendi, tacendique vices laudari solent, pro voluptate tædium, & molestiam adfert, dum per garrulam ejus, & pendulam nimis linguam, nec citharam audire, nec comœdiam spectare licet, aliorumque sermones accipere, ac vicissim reddere prohibemur. Quid multa? Importuna verè vasa & molesta, quæ dum maximè tinniunt, liquoris minimum habent. Verbò. Homines ad constrictinam nati, aut pistrinum, & famæ aliorum non præcones, sed prædones.

Longum esset, Auditores, omnia recensere quæ huc faciunt. Finem dicendi facio. Fugiamus quæso, & quidem sanguine viperino cautius, omnem *abugosopelar*, imo, & multiloquium, in quo non potest deesse peccatum, cum Deus battologiam omnem damnet, etiam in orando; amemus silentium, veloces ad audiendum, tardi ad loquendum, & ad verborum; linguæque certamina rudes. Ne laxemus fibulam linguæ in sermones supervacaneos, quandoquidem de quolibet verbo otioso reddituri sumus rationem in die judicii, sinamus fatuos fatua loqui, nos ambiamus, ut de nobis dici possit; *Os justî meditabitur sapientiam, & lingua ejus loquetur judicium*, & juxta magni illius *Pauli* monitum: sermo noster sit semper sale conditus in gratia, ut sciamus quomodo nos oporteat unicuique respondere. Nullus sermo malus prodeat ex ore nostro, consentiat lingua cum ani-

mo. Si veritatem diligimus, absit mendacium ab ore nostro. Si *Paulo* auscultantes, quæcunque vera sunt, quæcunque honesta, quæcunque iusta, quæcunque amabilia, quæcunque virtutis sunt, & ad laudem disciplinæ pertinent, cogitamus, ac meditatur, eadem, & lingua nostra cogitationum interpretes proferat. Sed quod præmium *Paulæ*, dicat hic forte aliquis? Audi maximum: *Et Deus*, inquis, *pacis erit vobiscum*: quam vobis, mihi, omnibus, ex animo precor. Dixi.

ORATIO XXXVII.

Habita à

JACOBO E. F. vander DUSSEN.

In laudem Eloquentiæ Ciceroni.

NON equidem dissimulare possum, summo cum pudore, atque aliquo prope cum tremore, me in hunc locum conscendere, quandoquidem omnia illa, & singula quæ illis qui ad dicendum prodeunt, timorem, & ruborem adferre consueverunt, mihi sese cumulatè hoc loco objiciant. Etenim ex eo nunc loco, qui & ad agendum amplissimus, & ad dicendum ornatissimus semper mihi est visus, præsentibus viris illis loquor, qui Doctrina, & rerum scientia antecellunt, & inter Oratores, aliis longè eloquentiæ palmam præripiunt; de eo denique argumento verba facio, cujus tractatio non inficior multo gravior, ac difficilior est, quàm ut vel ingenioli mei tenuitati, vel ætatis hujusce mæx judicio convenire videatur. Sed cum mihi jam ab ipsis studiorum meorum incunabulis, plus nimio perspecta sit vestra in audiendis iis, qui ex hoc loco ad vos declamare solent, humanitas, & benevolen-
tia,

tia, addidit mihi stimulum humanitatis vestræ fiducia, ut & ego aliquid auribus vestris haud ingratum tentarem, ut si non à dicentis merito, ab argumenti saltem dignitate gratiam aliquam apud vos demereri possit. Fert enim animus, posthabitis omnibus quæ me ab hac dicendi provincia detertere potuissent, in præsentiarum, in ejus me effundere laudes, qui communi doctissimorum omnium calculo, ac suffragio parem neminem in Eloquentiâ, nedum superiorem habuit. Rem fateor arduam aggredior: Cujus enim tantum est ingenii acumen, tanta dicendi vis, tantaque copia, ut cum pro meritis laudare queat, qui omni laude ac prædicatione major, ipse se satis commendat, & de quo, ut verba *Salustii* mea faciam, tacere longè præstat, quàm pauca dicere: apertis tamen carceribus stili equos emittere statui ad palmam, memor illius Poëtæ sententiæ:

Τόλμη δικάζα καὶ θεὸς συλλαμβάνει.

Nihil hic, Auditores, de Patria *Ciceronis*, nihil de stirpe ejus, ac prosapia, nihil de parentibus & consanguineis in medium proferam. *Nam genus, & proavos*, ut benè alibi ingeniosissimus ille Vates, & *qua non fecimus ipsi*, vix ea nostra voco, ad arcem causæ, & ad ea venio (quis enim alias finis?) quæ *Ciceroni* magno illi dicendi Magistro propria, & præ aliis admiranda fuerunt, agnatam scilicet ejus, & longo rerum usu subactam, & excultam eloquentiam. Sed & in hoc uberrimo argumenti, & materiæ campo, exclamare mihi liceat, cum principe illo Poëtarum *Homero*:

Τί πρῶτον, τί δ' ἔπειτα, τί δ' ὑστάτιον ματαλίζω;

Verba enim cum specto, & verbis unice sollicitum fuisse judico; cum res intueor, ita rebus addictum ut plenus spirituum, & sanguinis, verba neglexerit, prope suspicer; cum omnia perspicio, bina hæc in eo summa reperio.

Quis enim *Ciceronis* lepores, flosculos, quis Ve-

neres, & elegantias? quis stimulos, quis acumen in disputando, in scriptis sententias passim acres, penetrantes, & quod caput, salutare, mirari satis queat, quis mente assequi, quis cogitatione complecti? Quis copiam & dicendi vim, quis similitudines melle dulciores, figuras, sermonis mangonia, quis Romanæ dictionis ornamenta, verborum phaleras, quis acrimoniam ubique, & sententiarum argutam suavitatem, ac eruditam elegantiam, omni auro magis auream quas Orationibus suis immiscet, & unus in eo genere triumphat? Quis digressiones ejus verè graves, exclamationes patheticas, interrogationes emphaticas, prosopopæias, rationum pondera, abunde satis deprædicet? Quis affectus quibus Auditorum animos movet, flectit, percellit, ferit, & blanda quadam vi trahit in veritatis, quam defendendam suscepit, assensum? qua qui non excitatur, dignum judico qui ad *Inferorum* tribunalia relegetur.

Non me fugit, Auditores, *Roma* quæ *Latialis* facundia domicilium fuit, elegantia sedes, & *Musarum* ac *Gratiarum* omnium sacrarium, tempore *Ciceronis* nonnullos extitisse inepte sciolos, qui circumforanea, & verbosa è trivio petita loquacitate, clamandique robore, in frigidis verborum lenociniis, grallatis vocabulis, & jejunis dictionum pigmentis, eloquentiam, ac dicendi facultatem collocandam esse statuebant, vernili famularum cinctu & vestitu Dominam dehonestantes: Sed ut viris illi doctis, & eruditis displicuerunt; ita prodeunte in publicum *Cicerone* in contemptum venerunt omnes illi dicaculi, nedum garruli, & ad tantū nativæ, ac veræ eloquentiæ jubar disparuit, nebulæ instar, omnis illa verbosa, & importuna dicacitas: utpote qui melius longe, & exactius in Philosophorum, ac Oratorum Schola institutus, legum non superficialia, sed plena, ac solida cognitione imbutus, Antiquitatis scientia instructus, in historiis versatus, in Philosophia minime peregrinus, doctius, solidius, & eloquentius longe alius, quæ
di

dicenda habuit, sine fuco, inuestata simplicitate, & naturali pulchritudine, instar fluvii scaturientis, in medium proferre potuit.

Quàm enim præclare *Platonis* *Academiam*, *Stoicorum* *Stoam*, *Aristotelis* *Peripatum* spirant, ac redolent, quæ ab eo divina propemodum eloquentia differuntur, cum de virtutibus Imperatoris (ut ex ungue leonem) in *Manliana*; de corporis, & fortunæ bonis in Oratione pro *Murena*; de Amicitia pro *Planci*; de amore Patriæ in haruspicum responsis; de veritate pro *Calio*; de Clementia Principis pro *Marco Marcello*; de Invidia in Oratione pro *Cluentio*, tam eruditè, tam graviter, tam copiosè dissertat. Ne quid hic loquar de Monitis ejus quæ passim scriptis suis, & Orationibus inspergit, quæ politicam scientiam in eo non vulgarem, sed summam, sed admirandam redolent, adeò ut si in ea disciplina nihil à quoquam scriptum fuisset unquam, aut editum, ex solo *Cicerone* instrui, concinnari, & adornari posset. Nam quam doctè hic noster, quàm diserte de Magistratus officio disputat in Oratione pro *Flacco*; de salute Reipublicæ, privatis rebus anteponenda, in Oratione pro *Sylla*, de vigilantia pro *Plancio*; de tyrannide fugienda, & libertate Patriæ defendenda in *Catilinariis*; de mora & procrastinatione in urgentibus Reipublicæ negotiis vitanda, *Philippica* sua 5. 6. quantus ubique in iis vigor & calor? quàm omnia animata, & spirantia? ut excitari vel ignava & jacentia ingenia necesse sit, & tepida aut frigida calere. Imò non scripta legere, sed verba audire, nec imaginem ejus in libris, sed ipsum *Ciceronem* oculis usurpare videamur, *Torrentem*, ut *pleni moderantem frana Theatri*. Quanta porro hic noster rerum naturalium cognitione, præ aliis eminuit? quàm doctè, quàm copiosè, quàm facundè de corporis humani structura, partibus, lineamentis disserit in Oratione pro *Cluentio*? de victus ineunda ratione 2. *Agraria*, de terræ motu in haruspicum responsis, de cæli cursu, astrorum influ-

parabilis præ aliis excelluit, nescitis suæ genium spirans? quam populoque Romano non semel Jurisprudentiæ laudes, quis legit modo, sed & necessitatem miridius commendare posset, quæ pro *Cacinna* ab eo factum? Ade Papiniani discendi desiderio tene felicius, & majori cum fructu lruminet.

Adhæc quanta (ut altius adhuc Tullianarum pelagus provehar) quæ in *Cicerone* nostro fuit Antiquitatis et Historiarum quibus fidem sibi, defendendas suscepit, conciliat? Scres, scatent passim exemplis virtutis suberrimis Orationes ejus, quibus Rempublicam Romanam in amoris admirationem sui pertraxit? Quis otitudinem de Republica benè mereri in Oratione pro *Sextio*, *Brutorum*, *Cacinnorum* exempla, tanto sententiarum ta stili sublimitate, Auditoribus proponit, qui licet in summum apum venerant, Reipublicæ tamen, ram dare non debuerant.

ejus, & extemporali oratione, stetit attonitus, indolere se *Græcorum* fortunæ dictitans, quibus una jam laus Eloquentiæ reliqua, per *Ciceronem* Romanis accederet. Quanquam enim proprietatem Romanæ linguæ simul cum lacte materno, purissimo sæculo, ex ipso Latinitatis penu hauserit, aliunde tamen, qua erat judicii figacitate, & acrimonia, divinum illum suum sermonem, majoribus incognitum, posteris omnibus admirabilem, deprompsit, & alia longe quam Latina exercitatione auxit, & aluit. Ille enim quo inter aliôs excelluit sermo, non in Italia natus, sed è *Græcorum* subactiore disciplina in *Italiam* translatus fecit ut sola *Ciceronis* Oratio, præ reliquis omnibus Romanis, qui illo ætate aut superiores, aut suppare fuere, sub Regibus, Decemviris, Principibus, non colore solum nativo pure tincta, sed Atticarum Venerum succo plene imbuta, & *Græcorum* eruditione corroborata, tantum emereret inter summos illius temporis Oratores,

Quantum lenta solent inter viburna Cupressi.

Insigni omnibus qui Scholis præficiuntur, documento, ne unquam committant, aut nimia facilitate, aut incuria, ut græci illi Sapientiæ fontes, in desuetudinem veniant, aut despectum, apud illos quorum maxime interest his Musis græcanicis instrui. Nam si ipsa Latinitas florentissima sua ætate, in ipso puræ, id est Romanæ locutionis centro, *Roma*, domicilio Imperii, in ipso *Cicerone*, omnium suffragiis uberrimo, & inexhausto Eloquentiæ fonte, ad summum perfectionis apicem sine græca lingua non assurrexit, quæ illa sodes dementia est in sola Latina quærere quod *Cicero* ipse, qui victurus quandiu ulla nominis Romani extabit memoria, absque Græca non invenit? Cur temere quis speret consequi, quod ille non potuit, cui imprudenter contendat eam inire viam, quam insistere noluit, cur ejus exemplum detrectet, quem solum, aut potissimum ea in parte, & arte tanquam summum ducem sequendum esse

nemo non statuit ? Nisi forsan *Cicero* ipse iudicio quidem pollens, aliis tamen & inutilis consilio, & ineptus exemplo plane esse videatur. Quas igitur *Cicero* summus ille eloquentiæ parens, linguas sibi reipsa utiliter, aliis exemplo prudentissime conjunxit, & filio *Athenis* agenti in convictu ac contubernio hominum doctissimorum, conjungendas injunxit in Philosophia solum, sed & in ipsa dicendi exercitatione, absit, ut earum studium, & amor animis nostris unquam exoleseat, aut aliqua in contemptum veniant, quæ summam apud doctos omnes, & literatos laudem merentur.

Sed ne attentione vestra longius abuti videar, finio: nam de tanti viri laudibus plura dicere supervacaneum esse arbitror, quod *Ciceronem* nisi *Cicero* nemo dignè laudaverit. Sed ad vos me convertito Studiosi, *Musarum* alumni, honorum candidati. Audivistis magni Oratoris magna encomia, & summi dicendi Magistri laudes, quæ longe fateor infra viri hujus incomparabilis merita, & dignitatem subsidunt, sed quæ vobis, & mihi esse debent stimuli ad imitationem ejus, quo eloquentiorem nec Sol vidit unquam, nec terra tulit. Quid enim eruditio pura, & nativa Latinitate destituta, nisi infans rerum cognitio? Quid artes, & scientiæ, nisi eas eloquentia comitetur, quæ dilucidè cogitata mentis enuntiare possit? Quid literatura, ab omni sermonis elegantia aliena, nisi mera balbuties? cum omnium aliarum facultatum studia à se ipsa relicta esse videantur, nisi eloquentia præsidio instructa, & munita fuerint. Imo quemadmodum imperator sui est servator exercitus: ita Eloquentia sapientiæ conjuncta, humanæ vitæ gubernatrix est. Ideo olim arctissimo inter se vinculo jungi *Mercurium*, & *Palladem*, Antiquitas voluit, quod sine facundia, sapientia, prudentiaque illa rerum humanarum Regina, & civitatum Domina, atque Imperatrix, nulla sit. Et profecto si ii qui pacis tempore in armis tractandis se exercue-

nunt,

runt, usu plus, quam corporis viribus, & robore præstant, galeam alacres induunt. & sagum, hostilis exercitus aut frontem petunt, aut tergum adoriuntur, aut cornua laceflunt, collato cum eo pede præliantur, aliæque militiæ munia obeunt, quis non scribendi, dicendique illis exercitationem necessariam esse judicabit, qui in hominum oculis aliquando versari, cathedram conscendere, publice verba facere, causas agere, legationibus fungi, aut alio quopiam modo Oratorum partes tueri cupiunt? Vidit hoc princeps ille Philosophorum *Aristoteles*, qui Rhetoricam horis pomeridianis docuit in *Peripato*, & ea dicendi copia fuit, ut eum Oratorum Princeps auro fluentem fluvium appellarit. Vidit & *Cicero* noster Romani eloquii flos, qui in colenda Oratoria totus fuit, & tantum abest, ut Philosophiam ab hac alienam esse judicaret, ut contra profiteatur, se non aspernaturum eum Philosophum, qui eloquentiam attulerit. Vidit *Theophrastus*, qui à divina loquendi facultate nomen retulit. Viderunt & ii qui Scholis unquam cum laude præfuerunt, rati rerum scientiam ita esse cum facultate ornatè, copiosèque dicendi conjunctam, ut eas qui distrahere conarentur, & vel rerum cognitionem sine ullo politæ orationis adminiculo, confectari se dicerent, vel verborum flosculis, & elegantis contenti, ne aspirarent quidem ad solidioris doctrinæ gradum, pessimè utrosque tum suis, tum aliorum studiis consulere, & perniciosum quasi corporis, & animi dissidium inducere. Quid restat Studiosi? Hoc unum, ut hunc Eloquentiæ patrem colatis unicè, & in pretio habeatis. Et fiet si à vobis continuè legatur, volvatur, teratur. Mirum quantum ad stili ubertatem, & copiam, ad purioris Latinitatis elegantiam, quantum ad parthesiam, & dicendi libertatem, vobis adfert emolumentum, quantum utilitatis, indefessa tanti Oratoris lectio, in qua multum profecit, si cui vel in ipso limine placere coeperit ille.

Flos illibatus populi, suadaque medulla.

O R A -

ORATIO XXXVIII.

In luxum Vestium,

Habita à

P E T R O N. P. vander M A S T.

SI eruditorum idem quod vulgi judicium esset, & quantum in triviis, ac circulis, imperitorum clamores, tantum in Scholis, & literatorum subselliis, impudentia valeret, difficilem plane, atque odiosam provinciam me suscepisse existimarem. Quam enim, obsecro vos, gratiam apud eos demereri posset is, qui ea sibi perstringenda proponit, quæ plerique proh dolor! hoc tempore & probant, & omni studio affectant, luxum nempe vestium, & pompam? quæ usque eò hodie processit, ut plebei vix, & è trivio homines, à Patriciis discerni queant, externo vestium cultu, ut verè nunc mihi exclamare liceat cum Poëta nostro Venusino, *Nil medium est*. Sed cum in publica doctissimorum virorum corona, ea demum probari sciam, quæ non ad populi vitia fovenda, sed extirpanda, & hominum non corrumpendos, sed informandos mores serviunt, vestrum prodire in conspectum minimè dubitavi, impositaque mihi provincia defungi. Quæ tota in hoc cardine vertitur, ut immoderatum vestium luxum, qui nunc ad nauseam penè, bonorum omnium in omnigenæ sortis, & conditionis homines irrepsit, hac mea Oratione proscindam, & quæ fieri potest in odium, ac contemptum adducam. Vos tantum favete, Auditores, & ista favoris vestri, & attentionis aura conatibus nostris adspirate; qui si expectationi vestræ non planè & plenè respondent, humanitatis vestræ erit, infantiam nostram, in his dicendi Tyrociniiis agnoscere

scere, & palpo benevolentia vestra

Currenti subdere calcar equo.

Nam ut bene alibi Poëta, *Audacia certe,*

Laus erit, in magnis, & voluisse satis.

Ut igitur semotis verborum ambagibus, Medicorum in curandis morbis exemplum imitati, causam, Auditores, inquiramus extrinis hujus in vestibus licentia, certè si rem recto judicii oculo æstimemus, paucos reperiatis, quibus Ambitio, Nobilitatis opinio, vanitatis, & in mulieribus formæ ac nitelæ studium, unica non sit corporis amictus, vestiumque luxus, causa, & argumentum. Idcirco Artifices hodie manuarii Mercatorum, Mercatores Nobilium, Nobiles Principum habitu incedunt, & ut sui ordinis homines antevertat, suam quisque auget, imò deserit vitæ conditionem. Tanta autem est hac in parte omnium intemperantia, ut vel peccetur in exquisita vestium materia, cum sericis pro panneis utuntur vestibus, vel in limbis latissimis, auro argentoque intextis, vel in novo vestium genere inviso ante, & inaudito, adeò ut peritissimi Sartores, qui ante annos aliquot in arte sua excelluerunt, hodie Tyrones sint.

Exempli gratia, in tunicarum muliebrium formis conchyliatis, crocotulis, syrmatibus, manicis ampullatis, fenestratis, contractis, ut brachiorum candor emineat, aliisque vanitatis, & luxuriæ commentis, ne dicam ineptiis, & quiquiliis, quas enumerare omnes si vellem, ineptus ipse essem. Quorum omnium adeo ferax est mulierum ingenium, ut de cultu suo, vestiumque nitela, curis omnibus aliis posthabitis, sollicitæ tantum esse videantur, & in florenti suæ vitæ ætate, non nisi inter speculum, & pectinem versari. Quæ cortinis, aulæis, pulvinaribus, lucernis, conopeis, purpurissis Soli fulgorem suum exprobrant: quæ calamistris, torquibus, gemmis, monilibus *Cleopatra* sunt, & vestibus variegatis ut pavones glorian-
tur. Verius hoc malum, Auditores, nec hujus
fo-

solum xvi. Regius enim ille vates *Esaias*, sui ten-
poris mulieres hujus vanitatis insinuat, cum o-
namenta capitis, brachiorum, manuum, pedun-
lunulas, torques, armillas, monilia, mitras, pe-
scelides, inaures, annulos, gemmas in fronte pe-
dentes, palliola, linteamina, acus, specula, sind-
nes, & vittas, aliaque pompæ inanis, & superb-
instrumenta, quæ excogitare ambitio, aut luxur
poterat, & ex quibus elegantiz laudem captan
ordine, & examussim enumerat. Ut igitur (quæ
non minor hodie, quam olim, multorum in an-
tu luxuria est, qui divitiarum non alium fru-
ctum putant, quàm profusionem (ut inquam gra-
santi huic contagio occurratur, attendite quæ
mecum, tum quæ vestimenti materia fuerit, quæ
primos nostros parentes, Deus post lapsum co-
decoratos esse voluit, tum quæ vestimenti in i-
fuerit occasio. Sacram paginam replicate. Qui
nonne primæ *Adami*, & *Eve*, tunicæ fuerunt pe-
liceæ? Ut vel ex vili, & abjecto illo amictu de-
sicerent, quam celso dignitatis gradu, perfid-
sua, & turpi ad Satanam defectione, decidisset.
Adhæc quæ vestimenti illius occasio? non ali-
quam nuditatis infamia, & pudor, cum se eximi
illis Dei dotibus, sanctitate, innocentia, & sin-
plicitate destitutos esse animadverterent: adeo
quoties in amictum nostrum oculos conjicimus
in memoriam nobis revocet hæc vestiendi neces-
tas, turpissimam hominis à Deo apostasiam, &
vulneris nobis per peccatum inflati, cicatricem
identidem refricet. Jam quis furem, aut malef-
cum non jure rideat, si adeo perfrictæ frontis sit
aut mentis inops, ut ex laqueo suo, aut cauter
animos capere, & in iis audeat gloriari? Tales il-
qui laudem, & gloriam captant ex vestium pon-
pa. Nam cum sint vestimenta primis nostris pa-
rentibus, eorumque posteris, ob ipsorum amb-
tionem, qua se supra Deum efferre, aut saltem
paria cum eo facere non dubitarunt, veluti quæ
dum iniusta infamiz nota, solus vestium nostrarum

aspectus, non ad superbiam, & fastum incitare nos debebat, sed ad humilitatem, & insignem animi demissionem. Certe qui gloriam in vestibus quærunt, ambitiosis illis hominibus haud absimiles sunt, qui corporibus suis, sani adhuc, & incolumes, magnifica, & superba ex marmore, & peregrino lapide exstruunt monumenta, & auro barbarico radiantia *Mansolæa*. Quemadmodum enim sepulchrum iis in memoriam redigit, corpusculi sui mox perituri fragilitatem, & inevitabilem moriendi necessitatem, & vel invitis inculcat salutaria monita queis fastum omnem, & superbiam animis suis extundant, ex eo tamen plus nimio sese efferendi occasionem captant. Ita cum sint vestimenta, perpetuum ad nos humiliandos peccati *μνησίσυρον*, splendoras tamen atque sumptuosas vestes quasi in Dei contumeliam circumferimus, tanquam superbiæ nostræ, & luxuriæ testes. Quo colore, Auditores, imo, qua fronte non video. Quicunque enim in luxu vestium, plus æquo sibi placet, aperte, & palam proficitur, quàm parum adhuc in sui ipsius cognitione profecerit, quamque domi sit peregrinus. Nam si probè intelligeret, inque eam serio descenderet meditationem, corpus suum reverà nihil aliud esse, quam sordium sentinam, vermium escam, spoliū temporis, ludibrium fortunæ, morborum omnium sedem, miseriæ trutinam, & calamitatis tabulam, de illo tantopere adornando, non adeò esset sollicitus. Homines enim quid sumus? & quamdiu equor hoc vitæ navigamus, quid nisi fluctus, & interdum serenum aliquod si blanditur, decipit, & fere tempestas major succedit: quàm vivere hoc lubricum, & instabile! quàm fragilis materia, & levi casu rumpenda!

Quàm nescit eodem

*Stare diu fortuna loco, quàm quidquid in alto est,
Labitur, ingentemque trahit fors magna ruinam!*

Quid quod stulta hæc, & immoderata curiositas vestium, manifestum indicium est, & indubi-

tatum ταπεινότητος deformitatis animi. *Cato* *Confertius* damnans damnosam hanc insaniam, dicere solebat non minus verè, quàm eleganter: *In magna corporis cura, magnam apparere animæ incuriam.* Quid enim *Matrona* (quæ nativam formam possidet, arti nihil debet) decorè, & honestè vestita præ se fert, quid spondet, quid pollicetur? vultis dicam *Auditores?* pudicitiam & castitatem, unicum sexus foeminei ornamentum. Quid compta superbè, & fucata? impudicitiam. Quid molitur? perniciem suam & aliorum. *Cyprianum* magnum illum virtutis Magistrum audite in hanc rem differentem: Ad virginem quandam sui temporis verba faciens, *Si*, inquit, *tu te sumptuosius comas, & splendidius induta vestibus in publicum prodeas, oculos in te Juventutis illicias, suspiria adolescentum post te trahas, concupiscendi libidinem excites, excitatam nutrias, peccandi fomenta succendas, etsi ipsa non pereas, alios tamen perdas, & te velut dulce venenum aliis te intuentibus propines, excusari non potes, quasi mente casta sis, & pudica. Redarguit enim te cultus improbus, & impudicus ornatus.* Alibi hic idem *Pater*: *Si mulier se ornaverit, ut vultus hominum in se convertat, etsi inde nullum sequitur, damnum patietur æternum; quia venenum attulit si fuisset qui biberet.* Hi tamen hodie multorum mores sunt. Quod enim non cultui corporis quotidie adjiciunt mortale? Quam non novam insaniam insaniunt in pileis, barbis, calceis, palliis, togis: de singulis capillis in consilium itur, nutritur coma in fronte, luduntque jubæ per colla, per armos. *Batavi* sunt, & *Gallum* habitu mentiuntur, cothurnati incedunt, & mendacio staturam adjuvant. Celebrant apud *Suetonium* aureum illud *Cæsaris Augusti* dictum, *vestitus*, inquit, *insignis, ac mollis, superbia vexillum est, & luxuria nidus.* Ita profecto est *Auditores.*

Ut enim ex ungue Leonem, καὶ ἐκ τοῦ κρατῆ-
 ρος τὸ ὕψωμα γινώσκουσιν, unicuique facile est;
 ita ex vestibus hominem. Vanitas earum, ingenii
 hu-

amani vanitatem arguit, quæ nusquam luculentus, nusquam magis se prodit. Viderunt hoc olim gentiles, solo naturæ lumine ducti, nec aliâ deusâ luxum vestium tantopere detestati sunt. *Octavius Augustus* successor *Julii Caesaris*, veræ si visquam nobilitatis imago, in summo Fortunæ istigio, tantæ fuit continentiæ, tantæ frugalitatis, et non simplici tantum amictu uteretur, sed & lientio-rem in *Julia* filia sua reprehenderit: *Toro non isti humili, & modicè instrato cubuisse ajunt. Veste non temere alia, quam domestica usus est, ab uxore, fratre, & filia, neptibusque confecta. Alexandrum Severum*, eximium illud modestiæ, & probitatis exemplar, nonnullis admirantibus, cur non majorem cultus corporis sui haberet rationem, respondisse ferunt: *Imperatoria Majestas non in corporis ornatu, sed virtutis splendore consistit. Marium Romanum Imperatorem* dixisse aliquando & bene; *Munditias mulieribus, viris laborem convenire.* Ita plerique illi Veteres leviter, & sine cura se ipsos habuerunt, non ab apparatu, sed ab ànimo reges, & introsum à plebe differebant, extrorsum vel gregariis similes videbantur. *Ælianus* auctor est, *Lacedæmoniorum Ephoros*, quotidie obire solitos, per urbem ad censuram morum, & inspectionem vestium, ne quid alienum à decenti ornatu à quoquam gestaretur. Apud *Syracusanos* lege cautum fuisse, testatur *Plutarchus*, ne mulieres auro ornarentur, nec floridas, aut acupictas vestes gererent, nisi forte levioris notæ foemina, aut publicum esset prostibulum. Hinc *Dionisius Syracusanus Junior*, cum maleficos gravissimis suppliciis afficeret, eò tamen facile adduci potuit, ut iis ignosceret qui vestium splendidarum fures essent, quo melius à luxu *Syracusanos* deterreret. Si hæc *Gentiles*, qui verâ *Dei* cognitione destituti fuerunt, quid nobis tandem *Christianis* faciendum esse putamus? Quanto enim major nobis veritatis Evangelicæ lux affulsit, tanto majori studio enitendum nobis, ut vitæ sanctimonia, & morum simplicitate profanos illos, &

altis ignorantiae tenebris immersos
 Et si quondam *Samius* ille senex
 plo, monitisque salutaribus, quâ pol
 tiâ, tantum potuit, apud Matronas
 auratas vestes, & fulgentes in ca
 gemmas, ceteraque vanitatis suæ in
 instrumenta luxuriæ deponerent,
 delata in Junonis Ædem, ipsi Deæ
 ratæ non vestium pompam, sed pu
 castitatem, unicum Matronarum
 tum, & sapientiæ, probitatis, mode
 condecorari potius debere, quam
 quibus, armillis, pigmentis & leno
Christum summum illum vitæ nostræ
 doctorem, afficimus ignominiâ, si
 longè à nobis relegandis luxuriæ,
 ritamentis, tantum apud nos non
 ejus ad humilitatem hortamenta,
 apud infideles potuit *Pythagoras*? S
 sericum, aurum, gemmas, & id
 ornandis corporibus serviunt, non
 Deo condita. Scio usum eorum ef
 quos cæli favor longè supra comm
 num sortem collocavit, quales su
 Nobiles, Optimates, Patricii, qui
 bernacula tractant, & Regni habe
 tur, qui honorifico aliquo munere
 qui divitiis longè supra alios abund
 quidem liberè, his naturæ donis,
 suæ cimeliis, & ornamentis, non a
 data sunt. Utantur inquam, sed ne
 illis argumenta gratitudinis suæ erg
 eos ad tantum honoris apicem eve
 riz, non fastus, non vanitatis, ut
 purâ suâ, præ aliis emineant, quan
 tis, vitæ integritate, & morum
 hæc præclaris sago togaque in Rem
 ritis, quæ vera & unica est Nobilit
 gnia Heroicarum, & illustrium an
 qui ad pompam, & luxuriam nati

nisi sanguine tales aut Fortuna? quæ si tollas nudi sunt, imo si ad primum hominem provoces, unde nisi à ligone, aratro, colo sunt qui tantopere Nobilitatem crepant? Ad hæc quid aliud luxuria vestium si aburaris, addo & conviviorum, nisi ægræ civitatis indicia, imo morituræ? Nam hæc homines ubi familiares opes defecerunt, ad facinora incendunt, & res novas sceleribus acquirunt.

Flura dicerem Auditores, sed memor aureæ illius sententiæ Ciceronis, *Modum dicendi non esse penes dicentem, sed audientem*, ne prolixiori Oratione vos demorer, finem facio. Audivistis in quæ pericula se, & alios præcipitant, qui plus nimio huic vanitati indulgent, & quàm longè hac in parte Gentiles ipsi nos à tergo relinquant. Quare fugite, fugite quæso in vestitu pompam, in cultu luxuriam, in amictu vanitatem: nam ut bene alibi Poëta: *Forma viros neglecta decet*. Videntis auditores rerum humanarum vicissitudines, vitæ humanæ inconstantiam, & corporum nostrorum quæ circumferimus *ἐδρεύεται*. Ad animum revocate quàm fragiles, & incertæ spes nostræ: Quàm lubricum, quàm instabile, quàm momentaneum, quàm fluxum, caducum vitæ nostræ spatium, in hoc corporis tugurio. Quotidie enim morimur, quotidie pars aliqua vitæ demitur, & dum crescimus, vita decrescit. Sericarum vestium ambitio quid aliud est quàm excrementa vermium? Homo intrinsecus turpis, externis ornamentis nihilo fit melior, quàm strigosus equus, & languens sub spendidis phaleris, & aureo freno Majores sumus, & ad majora nati, quàm ut corporum nostrorum sumus mancipia, quæ non aliter à nobis aspicienda, quàm vincula libertati nostræ circumdata, quàm Catastræ, Fidiculæ, Numellæ, Compedes, imo Carceres Animarum. Si quis in mutua, aut conductitia domo habitet, ex qua de die in diem migrare in animum induxit, eam ne periinde, ac aliam in qua ævum transigere

COR.

constituit, amabit? Non arbitror. Jam q
sunt corpora nostra, quàm animarum d
ex quibus brevi sperant se migraturas.
de iis ornandis tantopere solliciti sumu
aut exigua Animæ nostræ, quæ nobilif
bis pars est, habita ratione? Illa Audito
nobis præ aliis sit curæ, de ornanda
cogitemus. Et verè à nobis ornabitur, si
si mœrum innocentiz, si probitati, si
quæ altrix virtutis, & veræ famæ, sedulu
mus operam, si non tam hominibus, q
placere studeamus, si illibatam serven
scientiam, si ab omni vanitate, & luxur
castè, temperanter, & sobriè vivamus,
que nostras ita instituamus, ut non tam
ca, & externa professione, quàm vita,
bus appareat, nos verè Christianos esse
filios, ut tandem emenso vitæ nostræ c
nos aternæ illius beatitudinis consorte
quæ nullis verborum pigmentis, nullis c
nullis humani eloquii viribus, nullis c
num nec temporum spatiis circumscribiti
vobis ex intimo animi affectu, & mihi

D I X I.



O R A T I O XXXIX.

IN LAUDEM AURI,

recitata à

MAILLARDO ADRIANI.

SI eorum quæ Oratione tractari solent præstantia, non aliunde quam ex ejus qui de eis differit ingenio æstimanda sit, magnopere mihi metuendum esset, ne in hoc ornatissimo ad dicendum loco, materiæ dignitatem, de quâ mihi nunc declamandum est, ingenii mei tenuitate, & orationis inopiâ detererem. Dicturus enim de Auro, quod multos sui admiratores, ne dicam adoratores habet, optarem equidem dum laudes ejus vobis deprædicandas propono, ut aurea quadam apud vos eloquentia, provincia hac oratoria, mihi imposita defungi possem, ut tum expectationi vestræ, tum rei quam laudandam suscepi, merito satisfieri queat: Sed cum in his dicendi tyrociniis optari quidvis facilius, quàm spe:ari à nobis possit, vos rogo Auditores, & quam possum animi demissione à vobis contendo, qui & ea sapientia estis, ut quanti quæque res sit, ex natura ipsius, non ex iis quæ de ea dicuntur ponderare, & ea lenitate, & mansuetudine, ut eis qui potius quàm officium deferant, ejus onere opprimi malunt, facile, ac libenter ignoscere jam pridem didicistis, ut non minori benevolentia, quàm eos qui ante ex hoc loco declamarunt, me complecti dignemini.

Unum Auditores, ut mentem meam paucis apud vos circumscribam, Auri præstantiam, & dignitatem præ aliis mihi commendare videtur, quod eo nihil potentius sit, nihil validius. Nam inter res illas quarum vim, & potentiam reformatum solent homines, arma primum tenere lo-

Q

cum

cum neminem credo vestrum esse, qui ambigat, quæ si comitata sint numerofo fortissimorum militum exercitu, copiis equestribus, horrendo tympanorum strepitu, & clangore tubarum, quas non hominum strages, urbium excidia, regionum depopulationes, vastitates, incendia, minantur ubicunque illa ingruunt? ut merito Martem princeps ille poëtarum *Homæus* *βροτόλοιγον μαιφόνον*, *τείχεσι πλάτην* appellare non dubitaverit. Sed quid arma fodes, sine Auro? Vultis dicam? quod corpus sine nervis. Unde eleganter Græci *χρυσὸν εὖρα τῷ πολέμῳ*. Cui & illud poëtæ succinit; *Αὐτὸν* bella gerit, *μικρονibus* imperat *αὐτῳ*: adeo ut nihil tam munitum sit, quod non expugnari pecunia possit. Contra mendicitas ad omnem depurationem vocat armatos, & disciplinam non servat jejunos exercitus, cui ob egestatem, assueto latrociniiis, maxima peccandi necessitudo est. Audite Oraculum, *Ἀργυρίαις λείχῃσι μάχεσθαι, καὶ πέρτεσθαι νικῆσαι*. Ita quondam *Philippo Macedoni* respondit *Apollo*, cum *Graciam* expugnare, & imperio suo adjicere, staret sententia. Arx aliqua munitissima vallis, moenibus, propugnaculis undecunque cincta, milite præsidario fortiter occupata, vigilantissimi belli ducis obsidionem ridet, copias ejus illudit; onustus auro mulus in arcem ascendat, expugnabit, ut olim gloriatus est callidus ille regnandi, vir *Macedo*: scilicet

*Aurum per medios ire satellites,
Et perumpere amat saxa, potentius
Ictum fulmineo.*

Quid mirum Auditores? cum & animos hominum vincat, & velut catenis devinctos trahat in quam partem cumque sibi visum, corda subjiciat, mentes frænet, adeo ut quos ferrum expugnare non potest, Aurum expugnet, & qui nullis rationum momentis, nullis pollicitationibus, nullis minis, nullis tormentis, commoveri possunt, *Auro* flectuntur, & quorum integritas, fides, constan-

tia

et armis concuti non potest, Auro potest. Auro
 et mediæ acies, auro per portas, fossas, muros,
 mania itur, omnia castella hæc machina dejicit,
 ne hæc quid lorica, quid moles, quid propugna-
 da, mortariola, ignita jacula, tormenta bellica,
 aggestus, foecipes, iudes præpilæ, reductus, viz
 roptata, dimidiatur hinc, opera cornuta, accessus,
 orbes loricales, vineæ? nihil. Adversus Aurum
 idola et astuta consilia nihil possunt, debiles
 sunt omnes adversus Aurum machinæ, imbecilla,
 et inutilis adversus Aurum multitudo. Auro duce
 et medius hostes sibi et suis viam ferro faciunt
 illi duces. Adhæc quid rebus in hoc Mûndo er-
 um augustissimis, quæ sunt Tempia, Regum, et
 principum palatia, sceptræ, diademata, majorem
 enciliat ornatum, splendorem, majestatem. Unde
 iquam illa nisi ab Auro? Aperiantur antiquarum
 omorum familiæ: inspiciantur vetera ornamen-
 ta, prisca virtutis monumenta perlârentur. Hic
 burneos, illic aureos crateres, Dædala arte cla-
 oratos, hic preciosissimam smaragdum, illic ada-
 mantem, hic aurea Imperatorum, et Principum
 ionilia, illic jaspide fulgentes gladios reperie-
 mus. Unde verò pulcherrima ista dona, unde
 cæmia? Aurum dedit. Eximie, ac præclare Poëta:

Tempia micant Auro, radiisquo altarebus Aurum,

Auro certa fides, perpetuumque decus.

Aura Romæ; redimunt Capitolia Patres,

Parent vincta Auro, sidera, terra, fretum.

respectui nobis essent Principum Aulæ, Atria,
 cenacula, triclinia, speciosa, et spatiosa, tessellata
 avimenta, peristromata purpurea, nisi Auro ar-
 entoque undecunque radiarent, nisi tapetis, pro-
 rum imaginibus, armis, clypeis, hastis, vexillis,
 liisque ornamentis fulgerent: vilescerent apud
 os potentissimorum Regum diademata, nisi au-
 ro suo splendore oculorum nostrorum aciem
 erstringerent. Omnia enim condecorat, illu-
 rat, serenat. Intuemini mihi Auditores, Solem.

magnum illum Mundi oculum, cum radi-
to terram illustrat, & appetente jam Ver-
suo gramina, flores, herbas, e gremio, &
gnæ Matris educit, latari omnia, & no-
arridere videntur: Quàm grata tunc, quàm
na Naturæ facies, quanta Cœli clementi-
in signis aëris temperies! At vero cum
occasum, aut obscura, & densa aliqua nu-
ceptus occultatur, & vultus sui serenitatē
abscondit, terram illicò ornamentis suis
herbas exarescere, torpere flores, & on-
dammodo exanimari videmus. Haud al-
Auro comparatum, quo deficiente vil-
minia: at ubi splendor ejus affulsit, & lu-
fortunæ favor, vilissimis etiam decus, &
conciliat, spectantium oculos in se con-
in tacitam sui venerationem rapit. Ut en-
nodulo solum aureo exultat puer sibi u-
pulchrè felix; ut in sertis, & redimiculi-
gines; ut in pilei corona, aut cingulis A-
decoratis, adultiores? ut Matronæ sibi
cum monili aliquo aureo ornata, in
prodeunt?

Ad hæc potestne Auditores, potestne
in toto hoc Universo utilius quidquam
ri? Sanguinem vitæ vehiculum esse, &
mam hominem vivere, sentire, intelligere
experientia. Quid Poëta? Ἀρχύριον, inquit
to magis χρύσεον) ἔστιν αἷμα, καὶ ψυχὴ
quo qui carent, mortui inter vivos degun-
abs re magnus ille *Cæsar*, qua erat prudenti-
tiam Principis non fundorum possessio
amicorum numero, non aura populari, ne
Dictatura, sed Auro, militibusque parat-
non dubitaverit. Amicos quis desiderat,
consuetudine nihil dulcius esse potest?
audite: Conciliat hominibus amicos Au-
quo se fortuna, eodem etiam favor homi-
clinat. Desiderat uxorem pulchram

lem, dotatam, & vel ipso dignam Apolline?

Et genus & formam Regina pecunia donat.

Ambit & affectat honores? compendiarie ad eos
- via est Aurum;

Plurimus Auro.

Venit honos.

Πάντα ὄντα τὰ πλάττει.

Et quis neget eximiam gloriam Auri sæpius
quam virtutis esse beneficium?

Qui enim hodie Regni habenas moderantur, &
Reipublicæ gubernacula tractant, in Palatiis Prin-
cipum versantur, & Aularum cærent limina, non
egeni, non pauperes sunt, sed opulenti, qui in Au-
ro & purpurâ ætatem degunt, qui divitiis affluunt,
& quorum scrinia opibus restagnant. Quid mul-
ta? Exclamare hic mihi lubet cum *Euripide*: *O Au-
rum quam rerum humanarum grande decus es, &
columen, quàm ingens humani generis præsi-
dium! Sine te enim Pythagorice prandetur, & cæ-
natur, culina friget, fumaria torpent, amphoræ, ca-
di, dolia arida sunt, & sicca, in summâ rerum angu-
stiâ vivitur. Per te contra epulamur, & animo curis
soluto, ad hilaritatem nos componimus, phasian-
i, attagenes, perdices, scarorum jecinora, fumen apri,
conchyliæ Lucrina, murenarum lactes, nulli Mas-
silienses, Persarum, Arabum, Moluccarum, Japo-
nensium, Sinensium, dona, & quidquid exquisitissi-
morum ferculorum largissimo sumptu in gulæ
gratiam arcessunt delicati, lautitiæ tuæ sunt, & cu-
pediæ. Sine te tristis ubique rerum facies in foco,
cellis, horreis, mensis, verbo, pro thesauro carbo-
nes. Te destituti, destituimur Amicis, te contra
recepto, agminibus parasitorum stipati saluta-
mur, colimur, amamur: Te Mercatores suspi-
ciunt, & venerantur: Tibi laborant Opifices, tibi
famulantur servi, tibi milites gregarii. Quid ajo?
Summi etiam Imperatores, & belli Duces, sub te
stipendia faciunt, bellagerunt, Urbes expugnant:
Tibi navigant, maria pervolitant Nautæ. Tu Mife-*

ricordiam Judicibus instillas , Caufidicorum manus inungis , Clientibus patrocinaris , captivos liberas , afflitos erigis , & conclamatis penè vitam restituïs. Mihi credite Auditores , difficillimum est laudare , quod laudari satis nequit. Nihil tamen videor adhuc dixisse , nisi simul ostendero , nihil Auri possessione jucundius reperiri. Quid ? An non illa summa animos hominum voluptate perfundunt , quæ cum perierunt , non levem , sed summam nobis tristitiam asserunt , quæ ingenti luctu , & mærore nos macerant , conficiunt , torquent ? Nemo siccis oculis parentum funera comitabitur , nemo nisi mœsius Amici jacuram patitur. Sed gravior longe luctus ex Auro. Nam ut non minus eximiè , quam verè Poëta :

Majore domus gemitu , majore tumultu

Plorantur nummi , quam funera.

Contra quàm suavis homini , quàm jucunda Auri possessio ? *Caligulam* vobis ob oculos ponite nudis pedibus supra Auri acervos ambulantem , quantam ex contactu voluptatem cepit , quantam ex aspectu jucunditatem ! Non se capiebat Imperator , actum prius se Cæsarem Romanum agnoscebat , cum pedibus Aurum calcaret.

Sed mitto potentiam Auditores , mitto utilitatem , jucundam Auri possessionem , quid humano generi necessarium magis dari aut reperiri potest ? Cum sine eo non tantum non bene vivere , sed ne vivere quidem possimus. Quid enim est quod artes alit , fovet , conservat ? Aurum. Quid ingenium excitat , industriam acuit , mentem accendit , & inflammat ad res arduas suscipiendas , obscuras indagandas , involutas & difficiles extricandas ? Aurum. Quid virtutes commendat , & in publico Famæ theatro collocat ? Aurum. Quis liberalis , quis munificus , sine Auro ?

Omnis enim res ,

Virtus , fama , decus , divina , humanæ pulchris
Divitiis parent : quas qui contraxerit ille

Clarus

*Clarus erit, iustus, fortis, sapiens, etiam Rex
Et quidquid volet.*

Eant nunc, & facessant morosi, ne dicam stulti illi divitiarum contemptores, qui si vel unciolam sanæ mentis haberent, aliter longe sentiant. Contentus in dolio suo vivat *Diogenes*, cum patina sua lignea, crudis oleribus, ac simplici aqua victitet: affet ad focum rapas *Curius* ille Romanus: reportet *Policrati* talenta quæ accepit *Anacreon*: conjiciat in mare Aurum suum *Leberide* nudior, *Democritus* & vacuis oculis ambulet: Soli sapientes in Schola Philosophorum, divites audiant. Longe, longe præ aliis mihi sapere videntur, qui Aurum pretio suo æstimare didicerunt, quo omnia quæ in hoc Universo grata sunt, jucunda, utilia, necessaria, parari possunt. Morbo periculoso laboras? Medicum pete, accerse, voca; Auro sanaberis. Lis tibi in foro, aut pro tribunali? Causidicorum manus argenti-
na, aut numularia inunge, crumenam inaura, triumphabis. Doctrinæ gradum affectas in Academia? Aurum pollicere, promitte, numera, Doctor creaberis in amplissima forma, etiam Asinus. Vinum quis generosissimum, Falernum, Albanum, Malvaricum desiderat, remotorum litorum piscem, peregrini aëris volucrem, alieni temporis florem? æstivas nives solatia stomachi æstuantis? pavonum cerebella? vult aromata, unguenta odorifera, gemmas, corallia, & quidquid est mercium Indicarum, aut quidquid *Tagus*, *Nilus*, *Tiberis*, *Danubius*, *Rhenus*, *Tamesis*, *Sequana*, divite producit sinu, quidquid Oceano, dissitissimis terrarum oris, insulisque omnibus natum? Aurum dabit. Sed quoniam gratior est Auri possessio, quam laudatio, quod Aurum vobis audientibus, & faventibus, laudavi, illud vobis dextro *Hercule* & favente *Mercurio*, ex animo precor, & opto. Dixi.

calles supergressa impune dominatur, & furit, ut citius è corpore animam, & è Mundo solem sustuleris, quam è Republica Justitiæ metum.

Sed ut altius adhuc in vestros me insinuem animos, ponite quæso vobis ob oculos duella, tumultus, bella. Unde illa, nisi ab Auro?

Et quæ alia res civiles furores peperit, quàm nimia felicitas? Fidenter dicam. Opes sunt atque Divitiæ, quæ seculi mores affligunt, mensamque vitiiis suis, quasi sentina, Rempubicam pessumdant. Quam enim florentissimis Regnis, Provinciis, Urbibus, per bella vastitatem non inducit, non infert Auri sacra fames? quas non facultatum direptiones, ærarii expilationes, civitatum, ac municipiorum deprædationes, quas non inauditas, & intolerandas exactiones, quas non virorum sub gladio gementium cædes, funera, laniationes, matronarum ac virginum constuprationes, innocentissimorum fugas, exilia, proscriptiones, amplissimorum prædiorum, ac facultatum subhabitationes, sanctissimarum legum violationes: verbo, quot malorum, miseriarum & calamitatum agmen post se non trahit illa scelerum officina, è qua tanquam è *Vulcani* specu, fornacibus, incude quidquid ubique est flagitiorum, procuditur. Ad hæc si contentionum, discordiarum, & diffidiorum causam inquirere, & indagare nobis sit animus, inter parentes & liberos, affines & consanguineos, quæ alia fere dari aut statui potest quam Aurum? ut jure nobis hic rursus exclamare liceat cum Poëta

*Tu facis ingratus patrem quid filius odit,
Inter & agnatos jurgia sæpe mores.*

Artissimum enim illud Naturæ vinculum dissolvit, filium à patre, patrem à filio, socerum à genero, generum à socero, fratrem à fratre alienat, consanguinitatis jura violat, amorem, & affectum omnem exstinguit, amicitias dirimit, pacem familiarum turbat, odia internecina in pro-

pia-

pinquorum etiam animis excitat, foveat, accendit. Quo quid gravius, quid tristiùs, quid funestius in generis humani perniciem excogitari possit, non video.

Sed regerentem hic cum Antagonista meo audire mihi videor, Auro honores & dignitates parari: Venio Auditores quò me vocant illi fortunæ prosperæ, & popularis auræ admiratores. Certe si rem recto iudicii oculo æstimemus, quis Auro, ac non potius præclaris in Rempublicam meritis, & factis heroicis dignitates parari, iudicavit: Hæc, hæc sunt, quæ Virum vere nobilitant. Rara fateor hoc seculo virtus, in quo ampullata fere omnia, & ad pompam comparata, magis quàm ad usum. At si nullis nisi Aurum possidentibus deferendus est honos, quis sodes de virtute, & Animi fortitudine consequenda, quis de tuenda Republica amplius erit sollicitus? Quis tam puer est, ut pro Patriâ hostem laceßere, & adoriri, inire prælia, libertatem defendere, & pro eâ caput, fortunas, vitam periclitari, odium perditorum civium sustinere, calumniis malevolorum colluctari diutius velit? Si Auro parabilis tantum est honos; quæ generosis, & masculis animis ad res arduas suscipiendas erunt auctoramenta? quis ad virtutem stimulus, quæ meritorum, quæ fortitudinis præmia, industriam jacere, amorem Patriæ languere, alacritatem omnem exulare, virtutem sepeliri, & mundi finibus exterminari, necesse est, si Auro deferatur, quod Virtuti debetur: nam haud facile quisquam gratuito bonus est, & *quis Virtutem amplectitur ipsam, Præmia si tollas?*

Quamquam dum vos intueor Auditores, scientiarum præstantiam, decus ac dignitatem silentio præterire non possum, quæ doctis, & litteratis æternam nominis famam conciliant: quæ supra omnem inconstantiam & mutationis aleam posita, nudum, naufragum, & exulem de Mundi hujus quæ plurimos occupare solent, quisquiliis parum

sollicitum, ubique terrarum comitantur, vel ad extremos Garamantas. Sed quis ad ea consequenda animum adjunger, quis litteraturam desiderabit, quis eruditionem, quis ad doctrinæ fastigium enitetur, & animum artibus imbuet, si solo Auri pretio humana hæc omnia sint metienda? si non amplius hederæ, doctarum frontium sint præmia, nec *Apollinem* suum laurus, sed *Crasum* aliquem, aut *Midam* coronet? Et quoniam hæc turpissima esse judicatis, videor eo delatus, ut nihil Auro turpius, nihil fordidius esse demonstrem. Et jam in sententiam meam pedibus vos ituros confido. Quid enim aliud quæso metallum hoc quod tantopere amant, cupiunt, affectant homines, quàm splensens lutum, quàm terra ex sulphure, & Mercurio in terræ visceribus concreta, & calore solis concocta? Quid aliud si relegata *Fortuna* pompa rem ipsam intueri velimus, quàm domus *Plutoniæ* ejectamentum, longè, longè in Vestis penetralibus, reconditum, ab hominum oculis; nempe quod ad majora nati sint, quàm ut ea colant, venerentur, in pretio habeant, & prope modum adorent, quæ Natura esse voluit imiterrarum, & quæ quotidie à nobis conculcantur. Et hæc mentem regent, rationi imperitabunt, & eorum se Homo patietur esse mancipium, quæ Homini servire, & famulari nata sunt? non ipsa *Pytho* mihi persuaserit, hoc ut credam. Quid multa Auditores? Turpiusne quid eo esse potest, quod assequi sine flagitio nemo, aut certe vix ullus potest? Unde enim malæ fidei contractus, falsi testes, illicita fœnora, versuræ, æruscandi artes, monetæ arrosiones? Audite Sapientem, & causam horum omnium Aurum esse dicetis? Qui *festinat*, inquit, *Auro ditari, non erit innocens*. Audite *Satyricum*:

Quis metus aut pudor est unquam properantis Avari?

Ita qui nimia Auri cupidine flagrat, pudori valedicit, justitiæ & æquitatis obliviscitur, timo-

rem omnem *Dei* abjicit, amicitiaz, & confanguinitatis jura violat, conscientiam impietatis cauterio exurit, & de salute sua parum, aut nihil sollicitus, fortuitorum constantiam sibi spondet, & felicitatem suam, ac beatitudinem in Auro collocat. Omnia illi præ Auro vilia, & abjecta: Hoc unum venatur, huic soli perpetuo inhiat, omnes eò cogitationes, curæ, sollicitudines collimant: Nihil tam immanisvetum hospitio, horridum situ, Cæli natura intemperatum, quod non aliqua Auri spe, eum à Patriâ abducatur, fordidi quæstus, & nundinationis causa; hæc una votorum ejus est meta, hic laborum & vigiliarum finis, quo si decidat, mori mavult quam vivere, quia in Auro tanquam in summo Bono omnem spem suam, ac fiduciam repositam habet.

Ad hæc quantum illud est, quod ob Auri jacturam, multi ex desperatione violentas sibi inferant manus, sui ipsius tortores sint, & carnifices, & humanæ vitæ stationem, in quâ à summo illo Imperatore collati sunt turpiter deserant. Et si quis forte sit, qui eò furoris, & insaniz non delabatur, sed vitam suam Auro præferat, qui plus nimio in divitiis, opibus & lenocinantis fortunæ bonis (quæ vere *supra adæqua*) sibi placet, quid obsecro vos auditores ab iis reportat? Vultis dicam? pallorem in vultu, curas in animo, vigilias in oculis, timorem & anxietatem in membris: sitim ardentiorum in appetitu, parsimoniam, quid parsimoniam dico, sordidam tenacitatem in manibus, adeò ut sibi tantum natus esse videatur, imò durus, immisericors, & ferreus non in alios tantum, sed in se ipsum, dum aureis compedibus ambulat, genium suum defraudat, & turpiter vivere mavult, quam de Auri sui cumulo quidquam diruere. Olim cum adhuc esset Aurum irreperitum, & sic melius situm, aurea ætas erat, quæ, ut inquit poëta:

Sponte sua sine lege fidem, rectumque docebat.

At postquam itum est in viscera terræ, & in stygias umbras penetratum, ad effodiendas opes, irritamenta malorum:

Vivitur ex rapto, non hospes ab hospite tuus:

Non socer à genero, fratrum quoque gratia rara est.

Verbo dicam, & absolvam, ferrea sunt sæcula, nec unquam vitiorum, & scelerum feraciora, quàm cum Aurum protulerunt. Eant nunc illi qui cum morbo conflitantur, non nisi ab Auro sanitatem sperant. Sed heu quàm errant! & ô dementiam!

— non aris acervus, & Auri

Ægroto Domini deducit corpore fibres,

Non animo curat.

Eant qui sine Auro vivere se posse negant, quorum palatum nisi ad pretiosos cibos non excitatur, qui omnes regiones pervagantur, flumina scrutantur, maria trajiciunt, & cum famem exiguo possint sedare, magno irritant. Dementes! In alia, in alia longè sententia Romanus ille Sapiens: *Ad superflua non sapore, sed sumptu astimata, sudatur, ad manum est quod sat est: sed parum est luxuria, quod natura satis.* Jam si ad Naturam vives nunquam eris pauper. Si ad opinionem, nunquam dives. Quid refert quantum quis pascat, quantum ferneret, quantum in arca, quantum in horreis recondat, si non acquisita, sed acquirenda computat? *ὁ σπυδαῖος ὀλγυδύης*, & cui cum paupertate bene convenit, dives est. Natura enim paucis contenta est, imò panem, & aquam natura desiderat, adhuc nemo pauper est, intra hæc qui desiderium suum claudit, cum Jove ipso de felicitate contendat. Felices ergo Curii, Fabricii, Democriti, Anacreontes; & sexcenti alii venerandæ illius Antiquitatis illustres Viri, qui alieni ab omni Auri cupidine, alieni ab Apicii, aut Claudii, aut Caligula, aut Cleopatra portentosis deliciis, & portiuncula sua contenti, tranquillam egerunt vitam, & Lucullo appositis perdicibus, phasianis, turdis leporinis, siluris, aut mure-

vis,

ais, cœnarunt jucundius. Felix magnus ille dolii habitator *Dioyenes*: nam in gurgustii hujus angustia, quam angusto fuit animo, quàm generoso? veram magnitudinem metiens non spatiis, & latifundiis terrarum, ac regionum, sed horum omnium contemptu. *Animus enim est qui divitem facit, nec enim puto pauperem cui quamvolumcumque superest, satis est.* Pauper quidem iudicio vulgi, sed *Alexandri* liberalitate major, quam rejecit, nec eguit; quia ipsa virtus satis amplum sibi pretium est, nec ullam extra se mercedem quærit; & quia ditior est qui divitias spernit; quam qui possidet, & vere ille magnus, quem nulla res minorem facit. Plurimum quoque ille possidet & habet, qui desiderat minimum: habet autem quantum vult, qui vult minimum, imo supra quam vult, si etiam dum habet, non habetur, & *Fortunam* velut tunicam concinnam magis probat, quàm longam.

————— *Multa potentibus*

*Desunt multa, bene est cui Deus obimlis
Parcâ quod satis est manu.*

Adeo ut inter angustias paupertatis humillima conditio quavis tiara major trabeatos *Romuli* nepotes & purpuratos *Sarapas* longe superemineat, veris ingenii divitiis, quæ sola bona censerî debent.

Longius si itur, extra terminos itur, & in vastum illud INFINITUM. Solæ, solæ mihi divitiæ illæ, quæ perennant, & possidentem reddunt meliorem. Et ô si præclarissimis istis heroibus, atatis nostræ homines, similes extarent, quam innocens, quàm beata, imò verò quàm suavis, quàm jucunda, quàm grata, Mortalium in terris esset vita, si nullum eum iis Aurum concupiscerent, nec amplius vox illa impia, ac detestabilis audiretur!

*O cives, cives querenda pecunia primum est;
Virtus post nummos.*

Quanquam quid *Gentilibus* & paganis, Christianos

stianos homines similes exopto? Utinam (hoc tantum dicam) utinam & Virtutem homines amarent, & dignitatem suam agnoscerent, qui ad rerum cœlestium contemplationem nati, fluxa hæc, caduca, & terrena si sapiant, fastidirent, & non tam de acquirendo Auro, quam de Virtute sectanda essent solliciti, quæ unica est ad vitæ tranquillitatem via, & tutissima ad Cælum cynosura. Quod cum ipsi ignorare non possitis, Orationem meam hoc in voto concludo. Dixi.

ORATIO XLI.

In laudem

Sapientiæ, eoque à nullis quàm à Sapientibus Respublicas felicius administrari.

Habita à

JOHANNE MAURO ARABE.

NON facile dari aliquem mihi persuadeo, hoc qui non & animadvertat, & statuatur in vitæ humanæ societate non solum nihil præstantius, sed etiam utilius Imperio, ac Magistratu reperiri, nisi forte domi hospes, ac peregrinus planè extiterit. Si enim ii præclare de Republica mereri censentur, qui publicas vias sternunt, aut reparant, vel fontes puros, & integros eos conservant è quibus multi suum in usum aquam quotidie hauriunt, quid eorum opera, ac industria utilius excogitari potest in hoc Universo, qui haud aliter quam columnina, & stabilimenta, urbes, respublicas, regiones, regna, imperia tota fulciunt, tuentur, ac defendunt, opem afflictis ferunt, miseris succurrunt, orphanis & pupillis præsto sunt, viduis patrocinantur, oppressis jus administrant, probos protegent, malos compescunt, Subditis suis quietem, & sæculo in quo vivunt pacem, & tranquillitatem præstant,

præstant. Sed quanto sublimior, & eminentior est dignitas, & amplitudo eorum, qui ad urbium, provinciarum, regnorum gubernacula sedent, tanto majoribus curis, molestiis, & difficultatibus agitantur, quæ in Magistratus munere obeundo ubique se offerunt. Nota quippe, proh dolor! contumacia subditorum, nota plus nimio invidia, dissidia, odia, exilia, pericula, in quæ eos nonnunquam incidere docet experientia, qui optimè, rebus præclare gestis de Republ. meriti sunt, non bella, excidia, & id genus alia quæ tum Rebuspublicis, tum earum præfectis (tanquam *Damocli* gladius seta equina appensus) perpetuò impendent. Quæ ut nulla alia ratione certius, tutiusque superari aut declinari queunt, quam *Sapientia* eorum qui Reip. Clavo admoventur; ita nunc inpræsentiarum exercitii gratia, cathedram hanc conscendere non dubitavi, & de ea paucis ad vos verba facere. Favere modo, & facilem pro solita vestra humanitate, audientiam de re gravi, & seria dissertaturo, commodare haud dedignemini.

Quæri hic solet nutante iudicii trutina, à *Politicis*, satiusne sit opulentis, quàm tenuioris fortunæ hominibus, Remp. gubernandam committere, indigenamne præstat, quam exterum, & peregrinum ad honores evehere, tutiusne hos juvenibus, an ætate maturis, credere: utiliusne ad summam imperii, illitteratos & rudes, an doctos promoveri? Verum ego cum *Pittaco*, non quàm quis sit dives, quo loco natus, qua præditus ætate, ponderandum, sed quàm sit *Sapiens*, confiderandum esse existimo. Ut enim inter Metalla, Aurum longè aliis pulchritudine, & pretio palmam præripit: sic in societate humana, præ aliis virtutibus, *Sapientia* (quæ præterita cogitat, præsentia ordinat, futura prævidet) facile de principatu contendit. Quæ ut ornamentum Principis fastigio dignum, supra res omnes humanas assurgit, ita
qui

qui ad eam adspirat, his caducis, & fluxis non adhærescit, quæ brevi dilabuntur, & dum placent transeunt; sed

Negatâ tentat iter viâ :

Curusque vulgares, & udam

Spernit humum, fugiente penna.

Quasque sordidum, & indoctum vulgus mirari solet, ac pene adorare, opum ac divitiarum officias, & vilem portiunculam splendentis luti, despicatur & pro nihilo putat. Satis beatus hoc uno Sapientia thesauro, qui nec ab Indiâ subvehitur, nec auro parari solet. Illa si vitæ, si rationis clavum teneat, nullum nobis unquam à naufragio periculum. Unica eminet, & vera mentis saburra est, adversus novercantis fortunæ minas, & lenocinantis Mundi illecebras ac pestilens contagium: Unica anchora, adversus affectuum, & perturbationum animi decumanos fluctus, contra *Sirenium* cantus amuletum, contra omnia *Fortuna* tela ancile tanquam calo delapsum. Et sicut nimbo, vel procellâ ingruente, sub tectum confugimus: sic in publicâ, aut domesticâ calamitate, ad *Sapientia* hanc arcem, quæ nullis fortunæ machinis concuti potest, nullo sævientium malorum ariete, aut ballistâ subverti. Hac Magistratum tanquam monili aliquo pretioso, ac diademate condecoratum esse oportet, hac populorum *Principes*, & late terrarum *Dominos*, ut quod bonum est atque utile subditis id omni studio, omni curâ promoveant, quod periculosum, aut noxium provideant, ac averrant, & idem in Repub. præstent, quod in fronte oculi. At quomodo bonum prospiciet, quem dementia excæcat? Damna quo pacto, quâ ratione averter, qui fatuus, & consilii inopis? Quod enim in edificio norma, & regula est Architecto, hoc in regimine Reip. in consiliis, in deliberationibus, in comitiis, in curiis, in cancellis, in foro, in dicasteriis, in præfecturis, in omnibus denique muneribus, est *Sapientia*: quæ teste *Platone* virtutum dux est, vitæ

magistra,

magistra, antea facultatum animæ, actionum humanarum arbitra, directrix, & moderatrix, cujus augusta sedes fundamentum fixit in virtute Principis, & in amore ac reverentia subditorum. Sine qua maxime res tanquam corpus animâ spiritumque defectum, sua mole collabescant. Est enim illud omnium opinione, & consensu verissimum, rem arduam & difficultatis plenam esse, Reip. gubernare: quia nullum animal morosius est, nullum majori arte tractandum quam *Homo*. Natura enim contrarius est animus humanus, & ipse populus bestia est multorum caput. Itaque magno ingentis sapiens defuit ars quâ civem regerent, quàm quâ hostem superarent. Vires enim armis constant, & saepenumero his plus hominis fortuna, quàm ratio valet, & rei bene gestæ laudem cum *Victore* dividit. At ea vero maxime gloria est, si mens una sapiens multorum vinctat manus, & quæ naturâ impedita sunt, consilio expediat. Hoc autem sola potest rerum domina *Sapientia*: quæ profecto tanta est ut omnes Reip. dignitas, omnium hominum salus, vita, commoditas, foci, lares, penates, bona fortunæ, domicilia, ab eâ pendere videantur: eoque ut Animæ, pedes, manus, oculi negotium gerunt, si hæc immensa multitudo *Sapientia* quali spiritu regitur, nec arma, legiones, classes æque firma Imperii sint munimenta, quàm hæc ipsa: Quâ si careat Magistratus, non opes modo, ac fortunas subditorum in discrimen adduci, vitas civium periclitari, verum etiam leges venire in contemptum, abrogari judicia, innocentiam opprimi, vim dominari, aliaque multa intervenire, quæ Reip. interitum præfigere videntur, docet, & comprobatur satis superque omnium temporum experientia: ut haud incite *Pythagoras* dixerit, perinde periculosum esse, & furioso gladium, & imprudenti Magistratum committere. Miramur, cum improba *Caligula* facinora legimus, prodigiosum ejus nequitiam, libidines portentosas, cædes

innu-

innumeras, & vix unum unquam in hominem tot tantaque cadere potuisse flagitia, arbitramur: verum fidem his omnibus facit animus ejus destitutus plane omni virtute, ac *Sapientia*, quæ sola & unica Rerum publ. est custos, virtutum apex, omnis honestatis fons, acerrima vitiorum infectatrix, magistra pudoris, & modestiæ bonorum omnium procreatrix, & expultrix malorum. Quid ajo? Hæc una *Rerump.* est fundamentum, hæc basis *Imperiorum*, hæc fulcrum *Regnorum*, omniumque administrationum quædam quasi Athlantea columna, sine qua centuplex murus rebus servandis parum est. Per me enim, inquit, *Sapientia* in Scriptura, Reges regnant, decernunt iusta iudices, imperant Principes, & male hæc eadem, cum illo regno agi affirmat, cujus Rex puer est. Floruit si unquam regnum Israëliticum, sub *Salomone*. Quæ causa Auditores? Certe non alia quàm quod Rex nondum adolescentiæ annos egressus, non vitæ longinquitatem, non auri argenti que copiam, non victorias, triumphos, trophæa, sed animum sapientia instructum à Deo petiit, quo populum regere, moderari, & officio continere posset. Ut enim in *Helicen* suam, aut *Cynosuram* intuentur navium rectores, ita subditorum mentes & oculi in illos conversi quos in sublimi posuit *Superum* favor. Quàm vero tristis Reip. facies, sub ejusdem filio Roboamo, qui nec ipse sapuit, nec monitis sapientum aurum præbere voluit? Sua profectò stultitia ille effecit, ut maxima Regni pars ab eo defeceret. Quid *Xerxes*? potens quidem ille Rex, sed stultus, se & regnum suum perdidit. Nec aliter cum *Antiocho* illo Rege *Asia* comparatum fuit, qui ob stultitiam *Epimanes*, non *Epiphanes* dictus olim, & per contemptum sic appellatus, dum cura Reip. aliis concreditâ, commensationibus indulgit, *Heliozabalus* vero luxui & saginæ mancipatus, quantum sibi, & Imperio Romano, perditissimis suis moribus, infamix notam inussit? quantum ei-

dem

dem cladem intulit *Caligula* monstrum ex omnibus vitiorum portentis conflatum ? Stulti ambo : ira quidem ut alter araneas omnes *Roma* colligere juberet , quo Urbis inde magnitudinem cognosceret , decem millia murium , mille mustelas in theatro , populo publicè spectandas exhiberet : alter cum in expeditione quadam ad Oceani litus devenisset , tormentis , ballistis , arietibus , catapultis ad prælium dispositis , repente militibus mandaret , ut desidiosa occupatione , conchas legerent , his galeas suas implerent ; appellaret quoque hæc Oceani spolia. O deplorandum , & calamitosum *Rerumpubl.* statum cum à talibus reguntur ! nam qualis poëtarum ille *Cyclops* amisso oculo : talis *Princeps* , cui abest *Sapientia* , lumen hoc frõntis. Sed o beatas contra , & verè fortunatas *Respub.* si sapientes habeant gubernatores ! Qualem inter alios *Augustum* fuisse uno ore testantur historiarum monumenta. Ecquid enim causæ arbitramur , quod voce *Valerii Messala* , Pater Patriæ sit appellatus , Senatorum omnium suffragio , & communi civium applausu ; quod pro ejus salute vota Romani fecerint , diem ejus natalem , equites bidui spatio celebrarint ; Calendas Januarii strenam in Capitolio , etiam absenti vicatim dedicarint , nisi quod sapienter ille , moderatè , & clementer imperaret ? Unde contrà tot in *Italia* seditiones , sub ejus successore *Tiberio* ortæ , libelli famosi editi quàm plurimi , dentatæ satyræ sparsæ in vulgus ; morte ejus intellecta , tanta Romæ lætitia , inter omnes cujuscunque fortunæ homines ? Quod prudentiam cum modestia conjunctam *Princeps* lic quidem simularet , sed interim luxuriæ fibulam laxaret , genio indulgeret , comotationibus , & libidinibus deditus esset , insatiabili habendi cupiditate laboraret , perfidus in amicos , crudelis in propinquos , iniquus in omnes esset : Atque ita multorum odium , qui multorum damno peccat. Contra

Auditores , ut cum de *Germanici*, *Caligula* patris inuauetudine Romæ fama percrebuiſſet , ad eam attonita Urbs tota fuerit , morte ejuſdem haud multo poſt intellectâ in lacrymas , lamenta , eju-
latus effuſa , ſolatiis nullum locum reliquerit ? Quia ſcilicet Princeps hic , adoratum populo caput , non affabilis modo , & benignus , verum etiam fortitudine , & prudentiâ ſingulari præditus , rebus geſtis egregius , benè de omnibus merendi ſtudio inſignis extitit. O verè *Principem* ! qui in tanto ſaſtigio poſitus , non *magnus* magis quàm *bonus* audire voluit , ratus non regnum eſſe , ſed officium IMPERARE. Et cum plurimis amicitiiſ fortuna *Principum* indigeat , præcipuum eſſe *Principiis* opus , amicos parare. O rem memoriæ , litteriſque mandandam : Virtute nempe ſua Princeps optimus hoc ſibi conciliarat , quæ benevolentiam populi parit , benevolentia amorem ſubditorum , amor ſubditorum ſecuritatem producit , ſecuritas Imperii diuturnitatem adfert , quarum omnium rerum comes immortalis eſſe gloria ſolet. Nihil enim eſt in ſupremâ fortunâ majus , quàm poſſe , nihil melius quàm velle prodeſſe quàm plurimis , & longe lateque pomœtiis propagare benignitatis ſuæ ac beneficentiæ. Quia & inde non Principum ſolum , ſed & populorum felicitas pendet. Ut enim ſiderum vis non intra agellum , aut prædium privati alicujus coërcetur , ſed ad vaſtos terrarum tractus ſe exporrigit : Sic Principum vitia aut virtutes ad plures pertinent. Et ut integra Regna bonorum virtute ſoventur , ſic eadem illa magnis peccandi exemplis , ceu peſtilenti quodam afflatu ſiderantur.

Præclarum , & memoratu dignum *Agamemnonis* votum fuit , cui cauta potius conſilia cum ratione , quàm proſpera ex caſu placebant , cum ſibi ut *Trojam* facilius expugnaret , non *Achillis* , non *Ajaciſ* , ſed *Neftoris* decem ſimiles opravit , & *Darins* tot *Zopyros* quot grana inſunt malo Punico.

Non

Non me hercules injuriâ. Nam magna negotia magnis adjutoribus egent: & nemo magis idoneus ad consilium exequendum, quàm ipsius author: non minus verè, quàm eleganter Poëta:

Vis consilii expert mole ruit sua. Quare

Non semper viribus aequum,

Fidere, sepe acri potior prudentia dextrâ est.

Σίφον γὰρ ἐν βέλαιμα τὰς πόλλας χέραις νικᾷ.

Et virtus imperatoria non corporis robori potius quàm prudentiæ est adscribenda: neque enim viribus corporis sed animi res magnæ geruntur.

Atheniensibus ad electionem Ducis olim convocatis, cum Oratores *Charætem* quendam juvenem, & robustum, *Iphicrati* valde seni præferrent, *Timotheus* ex principibus viris unus; Talem, inquit, non Ducem eligit, sed qui Duci suas stragulas portet: innuens rebus regendis, non lumbos fortes, non validos lacertos sufficere, sed magis requiri judicium, ac experientiam: atque idèo tutius præsertim deploratissimis Reipub. temporibus, Senibus, quàm aliis, earum administrationem committi, ut qui plerumque *Sapientiâ*, & prudentiâ, juniores longè superant. Quâ si careat Princeps, quomodo aliis imperabit, qui quid imperare sit, nescit? quâ ratione in ferendis sententiis, quid iniquum sit, videre poterit? in dirimendis litibus, quid legibus consentaneum, quid ab his alienum? nisi prudentiâ, ac Sapientiâ præditus sit. Quo pacto denique belli tempore, curam rei militaris suscipiet, urbes moenibus vallisque cinger, arces fossis, aggeribus, pluteis, loriceis munit, legiones contra hostem instruet, ordines disponet, prælia inibit, victoriam reportabit, si eorum omnium rudis sit, nec intelligat cur, quando, ubi, quomodo, quibus copiis, qua acie dimicandum, qua ratione latera, terga, & cornua inter telorum undique ingruentium agmina, & nimbos, tonitruum hostilium iras, inter suorum mores & cadavera, prædiis firmanda, qui mi-
lites

lites in fronte, qui in fine & ad alas, si periculum immineat, collocandi, levisne armaturæ, an triarii, cum cuneus cuneum, phalanx phalangem acies aciem premit. Ignoret loca quo duci possi exercitus, ubi commoda castrorum locatio, ut locorum opportunitate insidiæ strui, ubi evitari prudenter queant: quando denique pro re nata successibus insistendum, & oblata casu flectend ad consilium. Cum inter abruptas sæpe deliberationes, & consiliorum intervalla (quoties periculum in nimia præcipitantia, aut mora) elabi certum est optimas occasiones, & ex incertis & discrepantibus plurium suffragiis, maximarum rerum momenta suspendi. Exempla vultis adducam Auditores? Ponite vobis ab oculis duos dissimilissimos moribus Imperatores, *Fabium Maximum*, & *Terentium Varronem*, illum prudentem & circumspectum, qui quanquam laceratus saepius ab *Annibale*, prælium quod non minus si *Imperatoris*, consilio superare, quàm gladio, inire cum eo noluit, nec ultimam Patriæ spem sit concreditam, dubia & ancipiti *Martis* alea periclitari, sed quia multa bella impetu valida, pericula ac moras evanescunt, cunctando hostium vires elusit, attrivit, fregit, & res Romanas afflictissimas sapientissimè restituit: alterum imprudentem, & temerarium, qui moræ impatiens irreparabilem pene ad *Cannas* cladem passus, se & exercitum perdidit, Patriamque ad incertam redactam, tot periculis objecit, ut dicerii illius omnium ore triti occasio fuerit, ejus temeritas non stulta solum sed infelix, *Hannibal ad portas*. Qui multa? Intuemini mihi quæso duos illos Imperatores *Alexandrum Magnum*, & Persarum regem *Darium*, illum consilio, & prudentia conspicuum qui totum fere terrarum Orbem, exigua militum manu imperio suo adjecit, qui tot gentes domum immanitate barbaras, numero infinitas, locis dissimilissimas, omni copiarum apparatu abundanter

dantes. Hunc vero consilio, prudentia, fortitudine destitutum, cum numeroso suo exercitu profligatum, & in fugam datum. Qui aliter potest? nam cum ad gubernacula Reip. temerarii, rudes atque audaces homines accedunt, maxima ac miserrima naufragia sunt.

Apage ergo illos male feriaros, qui existimant Principes à nulla re magis alienos esse debere quàm à libris, & studio Sapientiæ, perinde quasi hæc duo ex diametro inter se pugnent, *Sapere, & Principem esse*: cum ita inter se nexa sint, ut si alterum alteri adimas, nihil jam relinquas, præter inanem *Principis* titulum. In illa enim altitudine, nil nisi altus: & ut cupressus, cetera sterilis, præter speciem nihil habet. Vidit hoc fabulosa olim Antiquitas, quæ Asinini MIDÆ auribus, in aureo tribunali sedentis, sceptrum manu tenentis quid aliud adumbrare, & vivis quasi coloribus depingere voluit, quàm hebere, & crasso ingenio Principem, indignum qui Reip. gubernacula tractet: Cenotaphiorum instar, quæ mole magnâ, non re, nomina, & stemmatum imagines ostentant, intus vacua. Quales olim fuere barbari, & indocti *Maximini*, imperiti *Valeriani*, stolidi *Gallieni*, inepti *Licinii*, totidem fere humanæ gentis onera, Orbis opprobria ex omni vitiorum fæce concreta, & bonorum hirudines, & sanguifugæ. Verbo: *Vervæcum in patriâ crassoque sub ære natî*. At è Principe sapienti, & in Republica primo, quantus in universam Remp. manare fructus solet? quanta in Patriam salus, in populum felicitas? in cives splendor, & decus, in leges autoritas, in omnes denique quanta tranquillitas, & pax? Unus ad clavum Gubernator navem regit, & servat: unus Imperator exercitum: unus pastor gregem. Idem hîc. Unum Reip. corpus unius animo regendum: Unius Principis prudentia, ac virtus toti populo salutaris est, quia imago est, & exemplar *Dei* in terris, rerum moderator & ar-

biter, in cujus manu positæ opes, & subditorum. Exempla nobis suppedita, historiæ cum Græcæ, tum Recessulo, omni ævo, quæ si communis animus, quam latus, ac amplius se offerret: domestica, ne longius abeinstar omnium. Quantâ enim prud& columina Reipublicæ, Patres pat sui fines non defenderunt solum stem, terrâ marique formidabilem, ditionis suæ pomœria prolatarunt i mi rebus, profligata tyrannide, do attrito Occidente, quicquid Universipitur, nominis sui, & rerum gestarplerunt, hostiumque fremitus & t armorum magis, quam togarum compescuerunt. Quàm præclara fuer suæ & Religionis prædia & stabilis sapientiâ, quo consilio, quâ animi inter tot fluctus quibus res humanarum clavum tenuerunt & adhuc tenent? quâ vigilantia, indies prospiciunt c& fidis in studio justitiæ, & Alcibiad& nonde in studio fortitudinis, ne quid trimenti capiat, dicerem Auditores libenter nisi ejusmodi essent, ut ne jusquam vel eloquentissimi hominis plicari oratione possint. Quare ut v& vela contraham, Deum quod unum go, qui bella, qui pacem moderatus, Principibus, atque universis illis leges, jura ponit; qui victorias, triumph& decernit: qui clades, periculum hostium concursus, & incursus avergnus Auriga, & Rector Universi, hæc Mundi curru temperat, ut quemadmodum fitas omni lege potentior, & iusta ac libertatis defensio fecit auspiciump&nc calamitatum nostrarum, ac cl

sub tuta hac, stabili, ac inviolata pace
 quæ novum nobis victoriæ genus sit, &
 securitatis, adversus exterorum tyran-
 , ac tranquillitatis publicæ stabilimentum,
 nil nobis & ad famam honorificentius, &
 in tutelæ nostræ firmitus, & ad existimatio-
 nicinorum speciosius accidere potest: ut tan-
 atriâ ex profundo miseriarum, repentina re-
 volutione emergens, dum *Europa* tot moti-
 itatur, & regna in ea ardent seditionum
 a & bellorum, omne in serenitatem tem-
 mmutetur, ponant venti, fugiant nubes,
 residant. Omnia inter hæc vitæ ærum-
 e *Mundi* lubricos casus, foris placida sint,
 prospera: ac post rot pugnata bella, velut
 quodam seculo, pietas, Religio, optimæ
 & quidquid est honestarum artium simul
 cat, quæ pacis & comites esse solent, &
 e, magnumque in paranda virtute adju-
 n, vel in parata ornamentum: Quin,

*ut vos avidè rura perambulet,
 itet rura Ceres, almaque Faustus:
 utatum volitent per mare Navita,
 Culpari metuas fides.*

pat, redeat inquam villis, agrisque fertili-
 ribus honos, Mari commercium, animis
 , & integritas. Verbo, quicquid Remp.
 orest, & bonis omnibus cumularam, à
 ia impotentissimi Dominatus, & ab inter-
 rnum vindicare. In quo voto PATRIÆ
 quam amans finio, & acquiesco. Dixi.

ORATIO XL

In Chorearum vituperium.

Habita à

DODONEO MERAN

Non minus præclarè olim, quàm vererum ille Princeps:

Ætas Parentum peior avis, tulit

Nos nequiores, mox daturos

Progeniem vitiosiore.

Ita profecto est: Auream argentea ex ære, argenteam ænea, æneam ferrea, & in ferreis quasi omnis Honesti repagulis, & confut agmine, omnis generis flagitia instar tuncujusdam violenti, irruerunt, quæ hodie omnem, ac modestiam proscribunt, ut scilicet & velut ex tripode Poëta noster, *Damnosa imminuit dies?* Sed tamen temperandum lachrimis, & querimoniis foret, si non etiam culorum, atque ætatum mutatio, mortali res immutaret, missoque probitati & repudio, ad ea Juventus se conferret studio maximo cum dedecore conjuncta sunt; sanguine viperino cautius fugienda esse, bonorum omnium consensus docet, edicit, imperat.

Etenim ut paucis mentem meam circumdabam, nec longioribus verborum ambagibus demorer; quanto cum ardore, quanto ardore, quanto conatu, juvenus hodiernorationes molitur, & tripudia? Quam avidè frequentant publica ad hanc artem (men ars) instituta gymnasia, quanto tunc dispendio, quantà meliorum horarum in hoc studium incumbit, quantà industriâ, his exercitiis levitatis, & lascivix pleni

brachia , manus commodat , quanto denique z-
re illis stant hæc vanitatum certamina? Quo fit ut
dum excæcati hujus vitii turpitudinem non agno-
scunt , summo ea amore complectantur , quæ
odio Vatiniano prosequi debebant , & in iis sibi
placeant , quæ displicere ipsis possent , nisi mentis
aciem illis perstrinxisset *Moris Tyranni* inveterata
hoc zvo licentia. Cui ut occurrere hac mea ora-
tiuncula in animum induxi , ita Auditores qua
possum animi demissione à vobis contendo , ut
pro solitâ vestrâ humanitate , facilem mihi aurem
præbere haud dedignemini.

Hominem si altius , & velut ab ipsis originis suæ
primordiis contemplari nobis sit animus , tanta e-
jus est præstantia , Auditores , ut quotiescunque Ve-
teres in hanc cogitationem descenderunt , homi-
nem admirari satis , nec eum pro meritis extollere
potuerunt. A Sapientibus enim *Ægyptiorum* , ani-
mal admirandum appellatum fuisse memoriæ
proditum est : à *Mercurio* illo *Trismegisto* naturæ
miraculum : à *Pythagora* μέτρον ἀπάντων à *Pla-
tone* Principe Philosophorum , *Θαῦμα θαυμάτων*
à *Theophrasto* proximum à Deo animal : à *Cicerone*
divinum : à *Plinio* mundi Epitomen : ab omnibus
μικροκομον , & compendium Universi. Quid er-
go tandem decere minus hominem potest , ad
modestiam natum , & verecundam morum gravi-
tatem , quàm saltationes & tripudia , quæ omnis
licentiæ , & lasciviæ argumenta præbent , ac latam
intemperantiæ , ac luxuriæ fenestram aperiunt in-
cautæ Juventuti. *Ciceronem* quæso audite , magnum
illum non dicendi solum , sed & vivendi magi-
strum : *nemo* , inquit , *saltat sobrius* , nisi forte insanit ,
neque in solitudine , neque in convivio moderato ,
ac honesto. Unde etiam *Basilins* seculi sui *Choreas*
perstringens , vinum saltationum authorem esse
dicere non dubitavit. Ex quo facile intelligi potest
saltationis , & tripudii aut crapulam esse , aut insa-
niam. Quo spectans haud dubie Rex *Arragonum*

Alphonsus, nobilitatis vera imago
temperantiae, & virtutis exer-
magnitudinis, & gravitatis sum-
servantissimus, cum forte mu-
impudentius saltantem vidisset:
mox Sibylla edet Oraculum: Inni-
insaniae genus esse. *Sibylla* enim
Oraculum, nisi furore corrept-
olim cum *Philippum Macedonem*
illius *Alexandri* largius asper-
parris, saltantem intueretur cum
in has voces magnam sermonis, &
erupit: *Eum. o Rex fortuna tibi*
senam imposueris, non pudet te fa-
tem. Profecto si tripudia Regibus
purpuram eorum devenustant,
augusto sceptrorum mantili, sp-
induunt virtutum, quis adeo me-
expers, qui non videat illa ipsi
vituperanda esse, & justam rep-
censuram mereri? Viderunt ho-
brata in historiis, Spartanæ pu-
Lucippe, & Aristippe, quas hono-
no, & quarum nunquam apud
scet memoria, quod virginibus,
saltantibus, choreas caste & ve-
rint, nec cur iis se commisceren-
aut rationibus adduci potuerunt.
quiet hic forte aliquis, & arro-
runt. Sed quis verecundiam sine-
esse potest, nihil honestum, super-
gantiam appellabit? Nullum for-
menti huius, & recreationis defi-
tas tamen impellebat, quæ plus
vitates propensa est. Occasio null-
vero provocabant: sed vera iis v-
luptatis contemptio. Cur igitur t-
Dicam Auditores, nedum foemin-
ant, vel tantillum castimonie,

rum illibatæ simplicitati detractum irent , nam inter omnia certamina , duriora sunt prælia castitatis , quia ibi continua pugna , & rarior victoria. O si talis hodierno die apud nos virginum esset modestia , si ea morum verecundia multorum animos occuparet ; si exemplum hoc sibi imitandum proponerent , qui castitatem hodie , ac pudicitiam profitentur ; sed stultitia hæc proh dolor ! ne dicam insania , adeo invaluit , moresque multorum ita immutavit , ut quod vitium fuit olim , nunc virtutis nomen sibi vendicet , nec in veniam solum veniat , sed & in laudem , ita ut quisquis hæc averfatur pugnet cum seculo , & similis sit natanti adversus torrentem. At vero quid homine indignum magis esse possit , non video , nisi conditionis suæ forte immemor , sensum omnem humanitatis cum ratione exuerit , & apud eum vilia sint probitas , pudor , pudicitia , quæ luxuriantes , & quasi fruticantes cupiditates stringunt ac coërcent , & inditos nobis a natura honestatis igniculos excitant. Non latuit hoc imperatorem *Tiberium* , qui choragorum *Histrioniam* civitate Romanâ prohibens , vetuit ne artem suam (si tamen ars dicenda est) tanquam homine indignam usquam terrarum unquam exercerent. Non latuit *Domitianum* qui *Calium Rufum* Senatu movit , quod saltasse diceretur , & quod tripudia viris cordatis , & gravibus indigna judicaret : Non latuit *Clisenem Syracusanum* illum Tyrannum , qui cum *Hippoclidam Tisandri* filium in convivio , Atticos Laconicosque modos , ad tibias saltasset , cruribusque , ac brachiis modulatus esset , tametsi illum inter procos dignissimum judicaret , cui filiam elocaret , nihilominus filiam illi suam brevi hoc , sed arguto sermone recusavit , inquires : *Tisandri fili desaltasti matrimonium* Quod si Imperatores , Reges , Principes , tripudia tantopere improbarunt , si saltatores Regnorum suorum finibus prohibuerunt , si eos exilio multarunt , si civitatibus suis eos tanquam degeneres incolae eie-

se ejus artis cultores promerentur. sapientiz laudem reportare , qui tam in tripudiis placent? immane quantur. Quis adeò rerum omnium ignarus, mentis insanientis argumentum est, esse sapientiz? Dicamne hinc ditio minime gentium. Non alia enim pernix brevior magis, & compendiaria camne hinc ad honores, & dignitatem? nimium videar levis, si levi gradum esse statuam ad Honores. Hecam, non irritus planè tripudiantium & aliquem laboris sui fructum reportur, dum magno conatu nugas agunt quem Auditores? dicam: trahunt et brachiis circumferunt, à fronte deteum denique corpore suspiciosi, & validè, & calidè ostentant in hoc lascivitas ergastulo: Obsecro enim vos est saltatio, quam mimica & Histriolatio quædam inter scenicos, & ludivelut signo data, longa hominumina, longa series, stat non ita procul, stat, aut cytharam pulsat, virginesritatz (heu avi dedecus!) adolescunt, innotant, mant

quid nisi hominem mentis impotem magis, quàm compotem arguunt? Sed regerentes hic audio, summam hinc capi voluptatem. Itane? Sed quis obsecro vos (si rem recto iudicii oculo æstimes) adeò ab omni rationis sensu derelictus est, qui in lassitudine, & violenta agitatione corporis, (ut nunc mores) voluptatem statuet? profecto si in ullo corporis exercitio collocanda sit voluptas, quis in tripudio illam quæret, ubi ad sudorem itur, flexitur, rotatur, curritur? Ubi Veneris præludia conspiciuntur, & instrumenta libidinum, ubi specie quadam urbanitatis virginum tentatur pudicitia, ubi liberæ manus, liberi oculi, liberi pedes, liberæ voces? ubi oculi impudici cordis nuntii, fenestrarum instar sunt, quibus concupiscentiæ venenum in intimos animi recessus penetrat? Ubi denique major quotidie peccandi cupiditas, minor verecundia?

Quæ omnia quid aliud sunt (si res dicenda est) quàm effœminatæ artes, & indecora sæculo studia, quàm libidinum stimuli, licentiæ irritamenta, atque impudicitæ facès, & mixtæ poenitentæ voluptates? Hinc quanta morum labe, quæ proborum fomenta, quæ alimenta vitiorum? Choreæ enim est circulus, cujus centrum est diabolus, qui in medio tripudiantium ignem concupiscentiæ inflamat. Sed quid Soli longius lucem fœneror, Auditores, iisque probandis prolixius incumbo, quæ vel me tacente loquuntur, & chorearum vanitatem, lasciviam, petulantiam, levitatem, ne dicam turpitudinem, & hilarem insaniam, plenis buccis deprædicant, adeò ut castis animis horrorem incuriant, ne hac labe se pollui patiantur? Certè ab iis sub meliore ævo, & vigente adhuc disciplina in Republica Romana, abhorruit ipsa gentilitas. Fuit *Lucius Murena* nobili genere oriundus, nec non ob eximia ejus in Rempublicam merita, ad Consularem dignitatem evehctus: sed cum multos haberet amicos, fuerunt qui cum

convitiis impetere , & nominis ejus famam traducere non dubitarunt , quod saltasset. *Cicero* qui causam ejus egit , tripudia defenditne aut excusat? Nequaquam , imò verò concedit magnum esse crimen , & muneris abdicatione dignum. Quid ergo? Purgat *Murenam* , & hoc unum pro tribunali urget , non videri verisimile , virum gravem , sobrium , temperantem , virtutibus egregiis , præ aliis præditum , usque eo nominis sui , & muneris oblitum esse , ut saltationibus indulserit. Non alio quoque modo *Dejotarnum* in *Asiæ* Regem. defendit apud *Cesarem*. Idem reversus ab exilio , perditissimos cum *Auli Gabirii* mores Senatui aperiret , inter alia lenonis , mollisque , & effœminati hominis vitia referens , cum calamistratum Saltatorem vocat. Si gentiles hæc Auditores , qui solo naturæ lumine ducti fuerunt , quid nos Christiani , quibus tanta hodie lux Evangelicæ veritatis affulget? Faceßant , faceßant ergo longè à nobis hæc vanitatis , & levitatis certamina , turpia hæc libidinum irritamenta , invercunda luxuriæ fomenta , amorum illicitorum lenocinia , voluptatum illecebræ , *Satana* laquei , mundi tendiculæ , numellæ , compedes , quibus irretita juvenus in vinum , & in Venerem prona , deliciis & luxu perditæ , non ante capi se videt , quàm cum capta est , nec ante periisse , quàm cum periit. Adeo ut ab armata manu non tantum terroris , ac periculi sit adolescentibus , recta , & liberali indole præditis , ingenioso in hoc unum sæculo , quantum à lenocinio voluptatum , quæ blanda vi , & arte Sinoniam , quidquid in nobis est ingenui sanguinis extinguunt , & in ipsam rationis arcem , in animæ Sacrum per cuniculos irrepunt verius , quàm irrumpunt , faciuntque ut invisæ primò morum protervia , postremo tandem ametur ; & tunc demum consummata est infelicitas , ubi turpia non solum delectant , sed etiam placent : & desinit esse remedio locus , ubi quæ fuerant vitia mores sunt. Et hi tales quibus Calum est præstibulum ,

lum, Deo, meretrix ara sinus *Thaidis*, sacrificia impurus sermo, & putre osculum, exercitia, salutationes libidinosæ, & tripudia.

Ut verbo finiam Auditores, virtutum omnium custos sit Modestia, quam commendat verecundia, & monum gravitas, cujus laude, & encomio si actiones nostræ destitutæ sint, splendoris sui decus amittant necesse est. Quare ita vitam nostram, ita actiones, ita studia nostra instituiamus, ut graves, ut verecundi, ut modesti simus, ut quas virtuti inimicas choreas & Reip. bene constitutæ dehonefamenta, & propudia esse non ignoramus, nunquam amemus. Dixi.

O R A T I O XLIII. IN AVARITIAM,

Habita ab

ANTONIO DOORNICK.

Socrates cum Alcibiadem aliquò die de opibus suis, villis, prædiis plus nimio gloriantem animadverteret, duxit eum in quendam locum, ubi suspensa erat tabula totius Orbis terrarum, & in hac iussit eum quærere Atticam? qua offensa, monstra mihi inquit in ea, agros tuos, & prædia: Alcibiadi respondenti nulla eorum vel minima extare vestigia, regeffit Socrates sapienter, & tanquam ex tripode, cur igitur tantos capis animos ex rebus tam exiguis quæ oculos tuos fugiunt? Appositè me hercule, & ad rem. Quid enim illa quæ tantopere mirantur homines? vana, vana sunt, in hoc fluxu, & refluxu rerum humanarum, & alimenta vitiorum, præsertim *Avaritiæ*, quæ ut perturbationum animi violentissima est omnium, ac furiosissima: ita homines in quos dominatur, transversos rapit, &

serpetuis quasi tempestatibus concitat. Et ut aliquos videre est ita natura turbulentos, ac seditiosos, ut qua in domo vel Republica pedem figunt, in eam statim dissidia, rixas, contentiones spargant: ita pernicioſa hæc *Alecto*, tanquam una furiarum, ubi animo ſemel recepta eſt, non poteſt quin è veſtigio immoderatarum cupiditatum pugnas cieat, quæ hominem avarum in ruinam præcipitem agunt. Tyranno haud abſimilis qui Reipublicæ quam per vim invaſit, conſilium, & ordines è medio tollit, nemine relicto, qui conatibus ejus nefariis reſiſtere queat, quominus omnia ſuo arbitratu gerat. Sublato enim omni conſilio, non ſui amplius eſt juris, ſed mancipium ejus, cui ſe regendum tradidit. Nullus quippe ſinis eſt, neque modus ipſius ſollicitudinis, diſſidentię, timoris, invidię, deſperationis, quæ dormientem, & ſopitum identidem torquent, pungunt, lancinant, haud aliter quàm ſi in denſiſſimis vepribus, aut carduis recumberet. Illa enim ſuos curis, & laboribus oppreſſos necat: per maria, per terras, per teſqua, per ſolitudines, per æſtus, per frigora, ſine ulla intermiſſione trahit, rapit, agit. Quot periculofas ſuſcipiunt navigationes, vel ad ultimam *Thulen*, quot trajiciunt freta, ſuperant flumina? Quot ſaxa inhospita, ſyrtes, brevia præterlabuntur? Quot procelſis, & tempeſtatibus furente Borea ſe exponunt, quæ ſingulis illis mortem momentis intentare videntur, ut opes quo jure, qua injuria corradant? & dum eas capiunt, novas cupiunt, & patulis rimantur faucibus aurum, magnoque gaudent ſudare tumultu, ita ut gurgites maris citius expleveris, & pertuſa dolia *Danaidum*, quàm inſatiabiles illos bonorum helluones. Cani ſimiles qui quicquid excipit, protinus integrum devorat, & ſemper ad ſpem futuri hiat: aut renibus qui adipe circumvoluti, ſicci ſemper ſunt, & aridi. *O Euclyones, O Tan-tali!* Quid enim reſert quantum quis paſcat, quantum foeneret, quantum in arcâ, quantum in horreis recondat, ſi non acquiſita, ſed acquirenda

computat, & si opes suas, & pecunias habet ut febricitantes febrim, & compediti compedes, quas non tam habent, quam ab iis habentur? Bona à Græcis non κτήματα solum, sed & χρήματα appellari solent: nec me hercule de nihilo.

Quo (enim) mihi divitia si non conceditur uti?

Certe si bona censerī debent, censeantur ab usu, non à possessione, quæ usu legitimo, & honesto destituta, possidentem destituit, & ad inediam pene redigit, dum sordide tenax Avarus genium suum defraudat cumini sessor, & pane atro, vino mucido, lardo rancido, cepis, allio, milio, & recoctâ identidem crambe ventrem latrantem, & famelicum farcit, suaviorum quidem cupidum ferculorum, si haberet; sed Avaritia negat, & has, non alias mancipii sui vult esse dapes, & cupedias: quod si fortè lautius aliquando prandeat, aut cœnet, foris sit: Domi splendide esurit, culina friget, fumarīa torpent, amphoræ, cadi, dolia arida sunt, & vacua, vivit ut pauper, ut moriatur dives, custos magis pecuniæ suæ quam dominus: cui tam deest quod habet, quàm quod non habet. Sed unde hæc tam sordida tenacitas? certè non aliunde quàm ab immoderatâ illâ habendi cupidine.

Crescentem sequitur cura pecuniam,

Majorumque fames.

Veri *Erisichtones*: quia ut ille epulas in epulis, sic illi opes in opibus quærunť: & restagnantibus auro, argentoque scriniis, satiari tamen nequeunt, novæque identidem tollant licet omne quod usquam est, *Auri atque argenti*, fame, & siti pecuniæ laborant. Miseramur ægrum qui picâ vexatur, aut *βελμῖα* deploramus hydropicos qui ventres distentos habent aqua intercure, tanquam tympanum, quod illius fames nunquam satiari potest, & pleno queritur jejunia ventre; horum sitis restringi nequit, sed quo plus sunt potæ, plus sitiuntur aquæ. At non minori commiseratione digni sunt avari. Quis enim modus, quis finis, quæ meta cupidinis eorum? Citius aquam Maris ex-

haurias , quam talium desideria , eoque pueris magis sunt pueri : quia jentaculo suo , & portunculæ contenti plura non concupiscunt , nihil aut parum de crastino solliciti. Avari quid ? Oculos cupiditatum suarum ventre majores habent.

Cuncta cupit Cræsus , Diogenes nihilum.

Et uter igitur ditior ?

Brevissima ad divitiās , per contemptum divitiarum , est via.

Et maxime divitiis fruitur , qui minimè divitiis indiget.

Contra avaritia vitium tenax , sui abstinens , aliena concupiscens , suspicax , invidum , limis intuens oculis alienas opes , suos sollicitè servans , quasi omnes ei insidiarentur. Avaritiæ uncæ sunt manus , rem facit alterius damno. Vis *Mævium* divitem efficere ? non est addendum ejus pecuniæ , sed detrahendum cupiditati. Nam Avarum irritat , non satiat pecunia. Quidam Patrum haud ineleganter Avarum comparat cum sepulchro , hoc tamen discrimine , quod sepulchrum quidquid illi ingeritur , consumit , sed avarus recondens in horrea , cellas , arcas quæ habet , non alio hæc habet fine , quàm ut habeat , & fervet. Loculi ejus impleri possunt , non cupiditas ; quia instar abyssi , fundum non habet. *Bernardus* avaritiam comparat Foeminæ sedenti in curru , cujus quatuor rotæ , quatuor sunt vitia ; *Contemptus Dei , Inhumanitas , Mortalitatis oblivio & Dissidentia* : duo equi , *Tenacitas , & Rapina* : Auriga , *habendi Desiderium*. Verbo. Matri sceleratæ non absimilis , quæ liberos parit , & homini inimicos.

Avarus enim Idololatra est : quia nummis suis aras erigit , & fiduciam suam quàm in uno & solo *Deo* collocare debet , transfert ad creaturas , quas pro *Deo* colit , & quidem contemptissimas. Quid enim hoc Aurum quod tantopere adorat , si relegata fortunæ pompa rem ipsam intueri velimus , quid inquam aliud est quàm domus *Plutonix* ejectamentum , longè , longè in Vestæ penetralibus recond-

reconditum ab hominum oculis , & quid sordidius , quàm ea colere , venerari , habere in pretio , quæ pedibus cottidie à nobis conculcantur , & quæ natura esse voluit ima terrarum ? Pluris tamen facit Aurum suum , quàm *Deum* : præ Auro Religionem contemnit , *Deum* obliviscitur , ut serviat Avaritiæ , in auro repositam spem habet : nihil amplum aut magnificum agitat animo , non de gloria *Dei* , aut utilitate publica , sed de pecunia corradenda perpetuo cogitat ; si ejus jacturam patiatur , majori ægritudine afficitur , quàm si peccatis suis , & offensis *Dei* gratia excidat , avidior longè ad quæstum , quàm ad preces , & numinis divini invocationem. O miseros ! Itane homines immutaverit ? Itane philtro divitiarum fascinari , eoque impietatis delabi per Avaritiam ? parum memores salutaris illius moniti Servatoris nostri Jesu Christi : *Quid homini proderit si totum lucretur Mundum , & anima sua jacturam patiatur ?* Animæ dico , nobilissimæ sui partis , qua servata , omnium mortalium fortunatissimus censeretur debet , *Ira* licet , aut *Ibyco* pauperior ; contra qua perditæ , creaturarum omnium miserrimus , etiam si *Crassi* divitias , *Crassi* opes , *Alexandri* aurum captivum , cui triginta vix millia mulorum ferendo erant , securus possideat. Sed ut concatenata inter se sunt vitia ? non in *Deum* solum injurius , & contumeliosus est Avarus , sed & in proximum suum : non Idololatra tantum , sed Fur. Invisum fateor nomen , sed tamen verum , & Avaro dignum. Quas enim fraudes , dolos , malas artes non comminiscitur , quas non struit insidias , quæ non molitur. quem non movet lapidem , ut aut apertâ vi , aut specie recti , aliena bona surripiat æriscator sordidus ? Totus in hac cura , ut sinistrè opes opibus cumulet , candidioribus imponat , & bonis fucum faciat , per vetita lucri aucupia , qualia sunt iniquum pondus , injusta ulna , inæqualis mensura , fucosa merx , fallax moneta , usura , aut alia quævis ratio *rem faciendi* , à Deo interdicta , ut simulando , men-

tiendo ,

tiendo, & eos quibuscum agit commodi sui causa subdolè circumveniendo: nempe unde habeat parum sollicitus, *sed oportet habere: virtus post nummos.* Hirudines veræ, & sanguisugæ non missuræ cutem nisi plenæ cruoris. Quid ajo? Harpyæ, quæ quicquid tenent unguibus, sive vendicant. Adjice quotidianas hominis avari sollicitudines, quæ eum sine fine discruciant, quia majore tormento pecunia possidetur, quam quæritur: & ut nihil Avaro fortuna detrahat, quicquid non acquiritur, damnum est.

Amplius. Etiam Homicida est, quia inediâ perire patitur eos qui opem ejus implorant; qui ad portam ejus, cum *Lazaro* prostrati optant miculis de mensâ cadentibus satiari; *Sed nullis ille movetur fletibus, aut voces ullas tractabilis audit*, dentemque sibi unum facilius patitur ex ore excuti, quàm nummum ex arca. Quid? Illene tantum censendus homicida, qui hominem ferro, sicâ, aut veneno necat? Non. Non servare hominem, est perdere, & negare famelicis quo vivant, est vitam illis adimere, cum sine alimento, cibo, potu, vita conservari nequeat: non ille tantum lampadem extinguit, qui eam afflat, sed qui subtracto oleo, perire eam patitur, & extingui. Non tam Domini sumus bonorum nostrorum, quàm Dispensatores: sed quâ lege? Dicam Auditores, non ut steriles nobis sint manus, & nostri solum rationem habeamus; sed & eorum, qui nos communione unius, & ejusdem naturæ proximè attingunt, & quos *Deus* pauperes, miseros, afflictos esse voluit, ut aliquis apud eos beneficentiæ nostræ esset locus. Quo spectans Patrum quidam: *Esurientis*, inquit, *est panis quem tu retines, nudi est vestis, quam in arca custodis, discalceati calcens qui apud te marcescit, egent argentum, quod tu possides. Clamat ante domum tuam nudus & negligens, & tu sollicitus es quibus marmoribus pavimenta tua vestias. Pecuniam pauper querit, & non habet, panem postulat, & Equus tuus aurum sub dentibus mandit. Quantum ô Avere sumis tibi iudicium, Populus esurit,*

esurit, & tu horrea tua claudis, populus lugeat, plorat, ingemiscit, & tu gemmam tuam versas, sepositasque infelix strangulat arca Divitias. Aliter, aliter longe comparatum olim cum optimo illo Spiridione, omnibus numeris absoluto virtutis exemplo, cuius fit mentio in historia Ecclesiastica, qui omnibus venientibus domum suam pauperibus, claves horrei tradidit, ut inde quisque sumeret, quantum sibi suisque alendis sufficeret. Cimo Atheniensis fertur non clausisse agros, ut cuivis egeno fructus colligere liceret, prout ipsis opus esset. Benè me hercule, & sapienter! Nusquam enim lucrosius, nusquam tutius reponi, & collocari possunt bona, quæ Deus in nos contulit, quam in manu, & sinu pauperis, magno semper cum fœnore redditura. Quia Deum remuneratorem habent, apud quem opera hæc charitatis nunquam in oblivionem venient. Date ergo (ut verba Patris cuiusdam mea faciam) quod retinere non potestis, ut recipiatis quod non poteritis amittere. Quæ stultitia est illic relinquere unde estis exituri, & illuc non præmittere quo ituri? Illic substantiam vestram collocare, ubi Patriam habetis: qui collocat Thesauros in terrâ, non habet quod speret in Cælo: ut quid respiciat Cælum ubi nihil habet repositum? Quæ alibi locantur, fluxa omnia, & nutum fortunæ sequentia, in quæ tamen maxima pars hominum se immergunt, & adhuc tantum calent, & callent. Perperam, & ridicule, Auditores. Nam infinitum est quod petunt, qui plus petunt quam quod deest. Quid quod & illa tot annorum cumulata felicitas subito turbine quassatur, & evertitur in lubrico fortunæ fastigio. Sicut Solem assidue vel nubes aliqua subducit, vel nox condit: talis omnis hic purpuræ, aut Pluti splendor cadit, aut evanescit: Imo omnia illa somnium, umbra, NIHIL, si cum Æternitate comparentur. Dixi.

ORATIO XLI

De

CONTEMPTU MORTIS

Carminē habita à

PHILIPPO BAELDE

Immensum repetit radiis Sol splendidus
 Et solitos lustrare locos, & inhospita fa-
 Incultasque plagas, atque inhabitata Col-
 Arva cupit, cursumque parat, reditumque
 tur,

Atque in se sua per vestigia volvitur annus
 Menstrua noctivagæ redeunt nova cornua
 Equora spumiferos volvunt ad littora fluæ
 Itque reditque viam toties maris unda pro
 Nos ubi decidimus, quò Tullus dives, &
 Corpora nostra cadunt, nunquam reditura
 inde ut

Gramina quæ gelido Boreas cum spirat ab
 Falce metit: Veluti pingui cum gaudet a
 Luxuriare solo, simul ac exorta procella
 Sternuntur segetes, sata læta, Boumque li-
 Rura jacent, Calamisque nocent surgentil-
 bres:

Sic Deus Astripotens, densis occulta tenet
 Tempora mortis habet: quæ nunc celebra-
 manâ,

Fert animus, fixumque polo mortalibus a
 Et versu rapidæ decurrere flamina vitæ.

Adsis Magne Parens, rerum cui summa pot-
 Qui vitæ fons ipse, fave tu virgine Nate,
 Sis mihi Principium, tu sis mihi certa sal-
 Anchora, tu nostram tranquillo siste caris
 Littore, tu nostris juvenilibus annue cœp-
Adam primus homo damnavit læcula por-

Et mortis substravit iter, dum sacra potentis
Jussa Dei violans nimium mens credula dictis
Foemineis, parulas dedit infelicibus aures.

O Miseranda lues, multos dominata per annos!

O nimium funesta mali contagia! tantum

Heu potuit, peccasse semel! tantisne parentum

Prisca luunt poenis seri commissa Nepotes!

Qui magni quondam dignus fuit incola Mundi,
Natus homo, quantum, quantum mutatus ab illo,

Jam jacet, & miseræ post tot discrimina vitæ,

Cogitur heu tandem tristi succumbere letho!

O Rerum fatique vires! o prodiga vitæ

Tempora! debemur morti nos nostraque: frustra

Solvimur in lachrymas, gemitus, suspiria, fletus,

Stat sua cuique dies: Breve, & irreparabile tempus

Omnibus est vitæ, nulli sua profuit ætas.

Quid loquar eventus rerum, fugitivaque seclī

Tempora, quid Syllas, Marios, quid Marte Camillos

Conspicuos, quid sæva loquar duo fulmina Belli,

Scipiadas, totque Heroes, quos falce recisos

Abstulit atra dies, & funere meruit acerbo?

Quid Juveneth referam Pellæum, & fortia tanti

Arma Viri? cujus nunquam moritura perennat

Fama, per invisas gentes, ubi Rhodanus arva

Alluit & Thamesis tumidis se fundit in æquor

Fluctibus: Occubuit, Stygias damnatus ad umbras.

Quid Satrapas rerum Dominos? quid bella Potentum

Ambitiosa loquar? regnandi quanta Cupido

Magnanimos inflat Reges? Hinc quanta moventur

Bella viris, hinc diluvies immensa malorum,

Et labor, & miseranda fames, & mille dolores:

Sed felix trepidæ meditari incommoda vitæ

Qui didicit, fortique animo contemnere mortem,

Illius ut pectus subeat tranquilla voluptas,

Et vitæ despectus, & alta incuria lethi.

Quæis sine nec dulces fas est deducere luces,

Nec cælo oblitam terrarum attollere mentem.

Quar

Quare age nunc animum vera ratione docebo,
 Ante obitum munite, pia quò pergere tandem
 Festinant animæ, mœstisque excedere rebus,
 Ereptæ lethi imperio, & crudelibus umbris.
 Quid trepidas mortalis Homo? quæ causa latentem
 Terrorem lethi ingeminat? tantisne superstes
 Deliciis hæc vita scatet, tantisne redundat
 Vita Bonis? Horrens duræ ut crudelia Mortis
 Pocula degustare neges, fatumque subire?
 Quod magnos humilesque ferit, quod fortibus æ-
 quat

Imbelles, populisque duces, seniumque juventæ?
 At non sic Scythiæ populi, quos Thracia nutrit;
 Thracia perpetuis passim damnata pruina.
 Namque ubi jam natus sub lucem vagiit infans,
 Exululant cuncti pariter, suspiria miscent
 Ædibus, ærumnæ memores, memoresque malo-
 rum,

Et quibus infelix sub curis ducitur ætas;
 At contra læto properantem murmure mortem
 Excipiunt, faustosque vocant, quos fata profun-
 dis

Eripiunt tenebris, tutaque in sede reponunt.
 Haud male. Nam tantis si vita hæc obsita curis,
 Si tantis comitata malis, quid vivere longum,
 Fert Homini? quid crebra nimis suspiria misces?
 Udaque frigidulis singultibus ora fatigas,
 Impatiens? quia si vitam componere morti
 Stulte cupis, quid vita aliud, quam Mortis imago?
 Quid nisi fons, sentina nocens, ac lerna malo-
 rum?

Quæ requies, quandiu miseri jactamur in alto
 Mœrorum hoc pelago? velut unda truditur unda.
 Aut velut in circo cum se effudêre quadrigæ,
 Faucibus è pictis, volat irrevocabilis axis,
 Raptus equis: aut si nervo discussa sagitta est,
 Acta volat, tenuesque secans perlabitur auras:
 Haud aliter properant dubiæ fugientia vitæ
 Tempora, dum violas, dum sæta, unguenta
 puellas.

Poscimus, obrepit non intellecta senectus.
Omnia prætereunt, finisque ab origine prima,
Fit propior propiorque sibi; sic læta juvenus
Paulatim ut oritur, senioque accedit inerti,
Et mœsto tandem clauduntur cuncta sepulchro.
Ipsa monet mors quemque sui? Mors omnibus æ-
qua est,
Imbellem, fortemque manet, non India quidquid
Amne suo rutilante vehit, non stagna rubentis
Aurea Pactoli violenta repellere Mortis
Tela queunt, rabiemque Erebi frenare minan-
tem.
Ortum quidquid habet finem timet? Ibimus o-
mnes,
Ibimus, immensis urnam quatit Æacus umbris.
Unum omnes expectat iter. Nonne aspicias ultrò
Ante oculos ut nulla dies sine funere, Solis
Tingat equos pelago, tumultosque ante ora tuo-
rum
Præbeat, ipsa tibi, totidem documenta futuri
Certa rogi? Sed quid trepidas? Mors meta labo-
rum,
Te monet aspirare alio quo maxima quemque
Evocat, & misso petitur certamine palma:
Hæc portus, statio, rebus solamen in arctis,
Afflictis medicina animis, hæc firma salutis
Anchora, & æternæ faulrix placidissima mentis.
Quippe illam sedes animarum, innoxius æther,
Excipit, & tristi defunctos corpore cingit.
Quid mihi singultus, lachrymas, tormenta, do-
lores,
Nutantes oculos, atque ora rigentia, Mortis
Instantis mihi signa refers, deformia visu?
Desipis, & lethi fallax te ludit imago.
Nec dolor est in morte gravis, dolor omnis ab-
actus,
Ante obitum cum luce perit. Quæcunque time-
mus,
Aut tulimus, dum vita manet, dum spiritus. Una
Discedunt cum blanda suo de corpore vita

Diffluit, & tenues animus differtur in auras.
 Ergo dum superest vigor ille intactus, & acer,
 Dumque calent ferventque animi, dum robor
 corpus

Sufficit indomitum, venturi in tempore lethi,
 Contemptum exercete Viri, fatique latentem
 Expectate diem. Sic vitæ impenditur ætas,
 Virtutis spatio descripta, & laudis honore,
 Quam nec summa dies, nec fors intercipit ulla.
 Dura licet patimur cuncti. Patientia vires
 Intendit, sensusque docet submittere Morti:
 Omnia nam superat lethi contemptus, & acer,
 Invisusque animus: Nihil illi triste, minaxque,
 Qui mente intrepida potuit succumbere fato.
 Quid facias? stant Fata Dei, stat ferreus ordo, &
 Ad Stygias descensus aquas est omnibus idem,
 Serius, aut citius: Quare dum vita superstes,
 Disce mori, ut vivas semper, sic sidera migrant,
 Heroës, magni sic scandunt æthera Manes,
 Qui Christum amplexi, Christique in sanguine
 vitam,

Et meritis posuere fidem. Si cura salutis
 Te tenet, & celsi speras confinia Cœli,
 Hanc deponce FIDEM, votisque ardentibus insta:
 Non alio datur ire via. Præsentia sperne,
 Venturisque intende animum, brevis incola
 Mundi,

Quin etiam vitiorum odium, & virtutis amorem
 Posce frequens. Mors attonitas formidine tor-
 quet,

Exercetque animas, Furæque in limine Fati
 Flammigeræ, facibus, tardis, & tristibus Hydriis,
 Supplicia intentant miseris, poenasque minantur,
 Quas probitas, quas prisca piis à mentibus arcet
 Simplicitas, Cælique probis inspirat amorem;
 Felices nimium quibus his se jungere solis
 Contigit, & vitæ comites assumere tantas.
 Has sequere, his assuesce lubens, his pectora
 firma,

Mitte animum longè super æthera, mitte roben-
 tes

Au-

Auroræ thalamos supra, & laquearia Mundi
Ultima, si lethi tibi cura excedere fines,
Et vitam liberare prius, penitusque requiris,
Ante suo fractæ quàm cedant corpore vires.
Et compos mens ipsa sui est, & certa facultas,
Et ratio, tempusque sinunt, ea cura recurset.

Interea tu Magne DEUS, Pater optime vitæ
Arbiter, & mortis solus mortalibus Author,
DA nostros numerare dies, fugitivaque vitæ
Tempora, & humani molimina vana laboris
Omnia sollicitis RECTI traducere curis,
Et Cœli tentare vias, pietatis amore:
Donec inoffensi tandem, saturique dierum,
Et vitæ egressi tenebris, donemur Olympo,
Pax ubi læta habitat nullis obnoxia curis.

O R A T I O XLV.

Consolatoria super Obitu amicorum ,

Habita ab

O T H O N E de V O O G H T.

EXimiè Patrum quidam; *πᾶν κλίσεν τρέπτον ἐστ.*
Caduca hîc omnia, oriuntur, & abeunt nobiscum;
nec stirps aut genus, aut opes sunt, quæ nos eximant
aut nostra à mortalitatis lege, quæ (ut rerum omnium orbis)
à principio dicta huic Mundo, nasci, denasci, oriri, aboriri,
nec quicquam stabile, ac firmum summus ille rerum Arbiter
esse voluit præter ipsum. Quis enim tam rerum omnium
ignarus est, hîc qui non videat, capiat, intelligat? Et quid aliud
testantur omnium temporum monumenta? quid Annales,
& hodiernus adhuc dies? quàm rebus humanis inesse
fatalem quandam catastrophem, & rapidissimi torrentis
instar, florentissimas urbes, provin-

undi causa. Oriuntur, florent, crescunt, &
 ipsum ut cadant. Ubi enim nunc illa Te-
 mina gentiumque ROMA, Orbis cor-
 Urbs urbium, quæ sub Principe Augusti-
 dine, & felicitate sua laboravit? obruta,
 ruta. Ubi septem illa Mundi Miracula, &
 multo mirabiliora sequentium annorum
 ambitio? solo æquata sunt, nec min-
 fuerunt, quam ii quicquid fecerunt. Ubi
 cumulata opes, ubi Cælo certantia op-
 parent. Imò omnia illa, somnium, ut
 Πάντα γὰρ ὄντις ἐν Ἑυκρίῳ, ἀνα-
 σπείσεται. Inter peritura vivitur,

————— *magnifico negatum,*
 ut inquit Poëta,

Stare diu, nimioque gravibus sub pondere
 limites enim suos habent, quo cum vi-
 stunt, retroeunt, ruunt.

Nec Regnorum tantum, & Actum
 vicissitudo, sed & hanc instabilitatem
 humanarum catastropharum in ipsis ho-
 dere est. *Omnes eadem cogimur, Omnis*
Urna, serius ocinus fors exitura: Et ut his

magno illo hominum grege venatur, capit, tenet fatalis illa hora, quæ cum Mundo cœpit, & tum desinet, cum desinent esse Homines. Dispendia me hercle tristia, ac luctuosa. Ferenda tamen ut omnia quæ nobis immittuntur, & parendum æternæ illi legi. Ita enim visum summo illi rerum Arbitro, ut ex crebris his mortalitatis exemplis multo ante in hac vitæ statione collocati mori discamus, quum moriendum est, & tam diu, Patriæ, Ecclesiæ, Deo vivamus,

Donec vocamur, parque nos jubet dies

Fatale magno reddere expensum Deo.

Una est catena quæ nos alligatos tenet, *Amor vitæ*: qui ut non est abjiciendus, ita minuendus est: ut si quando res exiget, nihil nos detineat, nec impediatur, quò minus parati simus.

Nam quid vita hæc nisi *Scena*, mundus *Theatrum*, *Actores* homines, mors *Siparium*? quæ in ipso dramate, illos citius, hos tardius spectantium oculis subducit, & ut omnium finem facit Comœdiæ finis, sic Mors nostri. Quid Vita hæc nostra (si modo vita dicenda, ac non potius vitæ umbra) quam inconstantia imago, temporis spoliolum, calamitatis trutina, peregrinatio molesta, navigatio periculosa in qua nullus sinus, aut portus nisi Mortis? imo si res dicenda, quid hæc vita nisi iter ad vitam? Amissos scio dolemus consanguineos, dolemus amicos. Quidni? Homines sumus, non scopuli, illusione rerum fortuitarum movemur, & habent suspiria dolentibus quoddam levamen. *Sedatur lachrymis, egeriturque dolor.* Sed quem nobis dolorem permittit ratio, etiam coërcet & lenit. Non enim ut palea ab omni vento, sic nos rapi ab affectuum turbine debemus, sed rationis pondere stabilire hunc animum. Communis enim hæc naturæ lex est, ut qui cœpit esse, aliquando desinat. Ad quam componi, non Sapientia, non ratio solum sinadet, sed necessitas cogit, & quam flectere velle temeritatis est, accusare dementiæ. Longè

satius est pati, quàm obniti, quod viri fortis est,
 muniti adversus omnem fortunam; vel aspernan-
 dam magno animo, vel tolerandam invicto. Im-
 mo optimum est pati, quod emendare non potes,
 & Deum, quo auctore cuncta proveniunt, sine
 murmure comitari. Contra pusillus, & degener
 est animus qui obluetur, quique emendare Deum
 malit, quàm se. Qui adversus tempestatem niti-
 tur, sæpe naufragium facit, at qui procellæ cedit,
 superat. Ridemus si quis cum tributa populariter
 danda sunt, lamentetur, & sortem suam accuset,
 qui omnes cum dant, non superbè solum, sed
 stulte facit qui se vult eximium, aut exsortem, &
 tanquam albæ, quod ajunt, gallinæ filium, extra
 publicam aleam collocari. In hoc humani generis
 tributo, cur non sic affecti simus? cur ut proprium
 dolorem, aut cladem interpretamur quod omni-
 bus, quod semper evenit, & eveniet? Quid? an non
 in orbem ista tempestas, & sine delectu vastat om-
 nia? & cui usquam terrarum contigit impunè
 nasci? Totum Orbem vide, notum, ignotum, mul-
 ta millia omnibus momentis nasci & mori certum
 est, cur fata mollitie querimus nos in ea condi-
 tione esse, in qua nemo non est? prima enim pars
 æquitatis est æqualitas? cur miramur aliquid nos
 amittere, amissuri omnia? Hoc enim ipso quod
 homines nati sumus, mori nati: & si quid ultra
 punctum, horam, diem, annum vivitur, donum
 est, non debitum, & in gratia, ac lucro ponendum.
 Quid? quod nulli potest secura vita contingere,
 qui de producenda nimis cogitat. Ad quid igitur
 Auditores immoderatus ille luctus, ad quid
 lachrymæ, si quod lugemus, non posse tantum, sed
 debere evenire præscimus? Si & nobis quod aliis
 evenire potest, & debet, ab eo, cujus supremæ vo-
 luntati nostram submitti par est, & æquis animis
 ferre, quidquid vult, quidquid jubet; haud aliter
 quam Universum & in hoc magno Universo Sol,
 Luna, Sidera, Elementa non invita parent Condi-
 tori

tori. In hoc luctu, oculos mentis ad Deum summum illum vitæ ac mortis arbitrum flectere oportet, unicum afflictæ, & exulceratæ animæ per-fugium, & ab illo robur mutuari, quod dolorem nostrum in mœroris deliquio mitiget, aut mergat. Nullum hic fata discrimen agnoscunt, nullum ordinem in Reges atque inopes, *Græci* atque *Troes*, in senes, juvenes, in decrepitos & validos, in infantes, & pueros suum exercent jus. Æquat omnes cinis, impares nascimur, pares morimur. Aliis alia est meta, si tempus spectes; eadem si finem: Ita est, cui nasci contigit, restat mori, neminem ætas immunem facit. Alii paullo longius; alii brevius, sed omnes in eadem via currimus, & ad eundem finem. Arte mansuescunt feræ vel immanissimæ. Est quo frangatur marmor, est quo mollescat adamas, nihil est quo mortem delinias, & nemo in crastinum sui certior.

Pomæ ut in arboribus pendent: sic corpora nostra

Aut matura cadunt, aut cito acerba riuunt.

Veterem Poëtam audite: *Avellimur*, inquit, *deji-cimur*, *spon-te cadimus*: & magnum illum Romanæ eloquentiæ principem: *Adolescentibus vitam vis eripit*; *senibus maturitas*: & hæc omnia ex fatali illa lege. Ideo nullus non dies tanquam ultimus aspiciendus est, & Christiano homini sic ordinandus, tanquam canat receptui, (quid enim hominuli sumus? aut quamdiu hæc vita?) ne cum illi moriendum, mortis nomen reformidet, quam sibi reddidit multa cogitatione familiarem. Nullis illa gravis est, quàm quibus est repentina: facile eam sustinet, qui semper expectat, & cujus perennis Philosophia est Mortis meditatio. Ut è convivio etiam lauro abeundum semel est; ita ex hoc mundo qui ad tempus hospitium dat, nulli in ævum; ita nati sumus, nec alia lege intratur in hunc mundum, quàm ut ex eo migretur aliquando, cum vitæ illud depositum repõscit ille qui vitæ Author. Nam si eam recta veritatis amissi metiamur, quid

aliud homines sumus, quam viatores, aut atque quibus certandum assidue, sudandum, anhelandum, currendum, donec attingamus optatam iam metam, sedem quietis, ut nos vitæ hujus rumnosæ curriculum emensos tandem patriâ cipiât Coeli indigetes. Formidare mortem Christum afficere injuria, quasi nobis male spectum esset, cum eo esse. Si Martyres non formidarunt mori per ignes, cur formidabunt mori per morbos, quandoquidem eandem litemus cum iis spem? Si Gentiles nonnulli ad vitam properarunt cum vultu eorum qui ab eis vertuntur, cur eam adiremus cum metu, minus Spe præditi! Cur ambitio in iis plus poterit, quam in nobis fides? Et si Miles summis se periculis jectat, primus murum conscendit, pro vili & magno stipendio, quid à nobis non oportet fieri Regno illo æterno ad cujus hæreditatem aspiramus? O vere sapientem, qui hic sapit! qui humanis altius caput exserat, & totus Deo, totisque meditationi vacans Christum pectore Christum ore, Christum opere spirat, animus coelo infert, antequam animam, nec quicquam impotentius contra inevitabilem hanc necestem molitur. Repugnas? nihil tam exasperatorem vulneris, quam ferendi impatientia. Timideris? Frustra, imo stultum est timere, vitari non potest. Tales pisces haud absimile hamo pendens si se moveat, magis intricatur aut avi visco aut plagis decepta, quæ si se exire tentet, magis implicatur: contra

— *Levius sit patientia*

Quicquid corrigere est nefas.

Necessitatis enim non aliud est effugium, quam velle, quod ipsa vult, & nō facis, trahendus nō minus, aut impellendus; ut equi qui sessorem ferunt, & ob id stimulis acrioribus concitantur. Quæ autem dementia est potius trahi quam resistere. At triste inquit illud *divelli* à parentibus, an

confanguineis. Triste esset, si verè tale esset. Quid? Divelline possumus ab iis quos votis nostris quotidie comitatur in meliorem illam sortem! quorum indies ob oculos nobis versatur imago! quos in animo circumferimus, tanto quidem felicius, quanto tutius quos loquimur, cogitamus, spiramus? ad quos pleno gradu tendimus? Nam quid mors aliud, ad quam tantopere trepidamus, nisi vitæ portus, quid nisi miseriarum, omniumque dolorum & solutio, & finis: exordium felicitatis, & ad illam aditus? Illam dico aternam & beatam, ut cui uni vita hæc vivit. Et ut diutissimè vivas ita voveo, pauca lustra supersunt, fortassis anni. imo dies, & sequeris qui ante te obiere: adeo nihil tutum atque exploratum est homini, ut ne in unum quidem diem de vita sua certe quid spondere audeat: quia bullis similis est quarum aliæ simul ac natæ sunt protinus evanescunt, aliæ paulo diutius durant, omnes brevissimis quibusdam intervallis aliæ aliis succedunt. Nihil hic diuturnum & hodie fieri posse cogita, quod intra decennium aut lustra aliqua solet. Et hoc divelli appellabis? Non divulsi à nobis sed prægressi, non amissi, sed præmissi sunt, non obierunt, sed abierunt ex tristibus, & turbidis ad lætiora & puriora. Quis metallum perire dixerit, cum liquefcit, & posita per ignem scoria, insignis statuae materiam præbet? Idem in iis quos tantopere luges, qui defæcati jam per mortem, in splendidam imaginem Dei transierunt; eoque felices merito censerì debent, & verè μακαρίται, qui educti. Hominem fateor lugere humanum est, Parentem pium, sed si votis nostris, si suspiriis, & lachrymis retractum imus in terram, qui jam cælum habitant, & in felicem illam libertatem postliminio redierunt, nimio amore, nimio affectu peccamus & crudeliter officiosi his rursus vitæ ærumnis immergi operamus, qui jam inter tot sidera, tot micantes ignes, in Dei, in Angelorum, in beatarum animarum cho-

ro, divitum pavimenta rident, & totam cum auro suo terram. Quis ubi liquit carceres, non tendit ad metam cursor? Quis æstuoso mari decumanis jactatus fluctibus, portum recusat? aut exul errans per nemora, & solitudines, doleat reverti in patriam? Reverſi ſunt. Queri hic, aut angi mollities eſt, reluctari inſania. Deus qui in hac vitæ ſtatione eos collocaverat, evocavit. Si Deus: quid queris? quid fleſ, quid optas? juſ ſuum tenet in dando, & adimendo. Satiuſ eſt non diu felicem eſſe, quàm nunquam, & meliuſ diſceſſura nobis bona, quàm nulla contingere. Ad hæc culpæ poteſ mali aliquid in eo, & ab eo qui bonitas totuſ & à quo non magis eſt, ut malum aliquid emanet, quam ut maluſ ſit ipſe, qui à beneficentia optimuſ, à potentia maximuſ nominatur? aut ſi quid mali, quid niſi hoc unum quod indignariſ, & querariſ? Providentia ſtatuit; provide ſtatuit; Summuſ bonuſ fecit; benè fecit: & quod à Deo factuſ audiuſ, cogita non temerè, non fortuito, ſed eo conſilio, quo non modo niſi quod æquuſ, & juſtuſ, ſed niſi etiam niſi quod bonuſ, ac ſalutare nobiſ providet, decernit, vult. Ubi juſtitia, & æquitæ, quiſ inter tot orbitatiſ exempla, inter tam denſa ſenuſ, ac juvenuſ funera, reclamare audeat, quiſ obniti? ubi vero cum æquitate illa noſtra quoque conjuncta eſt utilitaſ & ſaluſ, quæ illa ingratitudo foret, non æquo, non moderato animo ſuſcipere, quidquid benigno huic Patri noſtro placuerit, & quem ſequi & obſequi prima eſt ſapientia, & quæ ſola ſit dolori omni mitigando, aut tollendo? Certè Chriſtiani ſic inſtituti, ſic imbuti ſumuſ Vitam hanc, ſub cujuſ nomine moſ latet, eſſe carcerem, lachrymaruſ vallem, navigationem periculi plenam, per brevialia, vada, Syrteſ, profectionem e terra in Cœluſ, per nemora, & reſqua hujus Mundi. Mortem contra refugiuſ, & aſy. um maloruſ, & in hiſ mundi fluctibuſ, portuſ quem ſapienſ ſecutuſ ſui poſſeſſor,

fessor, & qui crastinum sine sollicitudine expectat, nunquam fugiat, imò (Deo vocante) totis velis in eum feratur. Quid ergo dolori nostro lenocinamur? Quid querelis prosequimur quod votis debebamus? Obiit Parens, obiit consanguineus, aut Amicus aliquis: ab exilio ad patriam ivit, è carcere ad libertatem. Abiit à terrenis ad cælestia, à fluxis his bonorum umbris, ad æternas illas opes. Tia enim animæ deest quantum restat, nec unde veniat pendit, sed quo tendit. Quæ si cogitamus, dolori nostro quis hic locus? Aut si dolori, qui patientiæ? cujus hoc proprium, ferre quæ Deus immittit, nec obniti. Quis amor? qui cum sua noxa, bene etiam illi vult, quem amat, nec revocari optet, aut retrahi hanc mundi scenam, quem summa beatitudine frui certò confidit, & emissum his tenebris totum jam lucem illam aspiciere, quam nos per angustissimas oculorum vias obscure intuemur. Ratio si recta est, superari à dolore non debet, si firma, non potest. Placuit id Deo? placet etiam nobis: quod vult velimus, & quò ducit, eamus. Quid enim abstulit nisi quod dedit? Quid recipit nisi quod ad tempus tantum dederat? Nusquam animo deijci Sapientis est, imo & facere, & pati fortia, Christianum est: sed in his casibus, quibus omnes ex æquo obnoxii sumus, immoderatus lugere, non est Sapientis, non Christiani. *Turpis est navigii rector, cui gubernacula fluctus eripit, qui fluctuantia vela deserit, permittit tempestati ratem: at ille vel in naufragio laudandus, quem obruit mare clavum tenentem, & obnixum. Feras non culpes, quod mutari non potest, inquit Pubi ille Mimus: neque enim necessitatis aliud effugium est, quam velle quod ipsa cogit. Non sacræ paginæ exempla, sed gentiliū hic producam, qui licet solo naturæ lumine imbuti fuerint, nobis hac in parte præeunt & constantiæ suæ specimina nobis reliquerunt non pœnitenda.* Q. *Marcus* ea olim animi firmitate fuit, ut ab ipso rogo filii & quidem

quidem uniri in Curiam veniret, operam Reipublicæ navaturus. Quid *Rutilia*: Matris certè affectum sic temperare potuit in ipso luctu, ut nemo lachrymas ejus, post elatum filium notarit. *Pericles* Atheniensium dux, cum intra quatrimum duobus adolescentulis orbatus esset, solito vultu, atque adeo coronatus in publicum prodiit, & in concione dislerat. *Xenophon* cum inter sacrificandum, mors filii nunciaretur, coronam modo deposuit, & eandem mox animo composito, optimo ærumnæ condimento, simul ac fortiter in acie cecidisse intellexit, reposuit. Quam nobilis illa vox fuit *Anaxagora*, cui cum nunciatum esset filium vitam cum morte commutasse, sciebam inquit me genuisse mortalem. Quid *Paulum Æmilium* loquar, qui intra septem dies duobus defunctis filiis, progeßus in concionem, ultrò populo Romano gratulatus est, quod publicam fortunæ invidiam, domestico luctu redemisset? Quid *Fabium Maximum*, qui cum filium consularem amisisset, cõsul in concionem prodiit, & encomium filii recitavit? Quid *Catonem Censorium*, cui cum filius natus major obiisset, singulari ingenio, summa virtute juvenis, ad hæc prætor jam designatus, nihil tamen hoc casu commotus est, ut Reip. negotia segnius administraret. Quid denique *Pisones*, *Scauros*, *Metellos*, *Scauros*, *Marcellos*, aliosque magni nominis Romanos, à quibus animi magnitudine Christianos longe superari turpe esset ac probrosum? Sed quid viros in medium produco? fœmina nobis præeunt exemplo suo, quæ orbitatem liberorum forti tulerunt animo: *Cornelia*, cum duos filios *Tiberium* & *Cajum*, magnos illos *Gracchos* contrucidatos vidisset, ac eo nomine eam consanguinei consolarentur, miseramque dicerent, respondit: *Nunquam non felitem me dicam qua Gracchos peri.* Haud aliter Spartana illa mulier, quæ cum intellexisset filium in prælio cecidisse, *Idio*, inquit, *silum genni, ut esset qui pro patria mori non detrederet.*

Si hæc foemina, quid viri? Absit itaque Auditores, absit dolor qui nulli minus gratus est, quam ei cui præstari videtur:

Absint inani funere nania.

Luctusque turpes, & querimonia.

Nam supervacuum est dolere, si nihil dolendo proficias, & iniquum queri de eo quod uni accidit, & omnibus restat. Quid autem dementius, quàm cum idem tibi iter emetiendum sit, flere eum qui antecessit? Intervallis distinguimur, exitu æquamur, & in tanta volutatione rerum humanarum, nil cuiquam, nisi mors, certum. Adhæc quis eo animo navigat, ut semper naviget? quis ita militat, ut nunquam militare desinat? quis ea mente laborem suscipit, ut alios ex aliis labores perpetuo excipiat? sed & qui navigat portum, & qui militat victoriam, & qui laborat quietem ac otium spectat, quò qui pervenere, gratulari eis amici, non dolere illorum vicem debent.

Gubernator aut *Palinurus* aliquis in navi, non frangit impetu magnos illos, & decumanos fluctus, sed vitat aut declinat: Sic in tristi illo liberorum, amicorum, parentum obitu, errat quisque recalcitrat, aut obnititur. Patientia quæ virtutum omnium maxima est, & quæ palmæ instar ponderi astringit, superanda sunt, & magno animo excipienda, quæ vitari non possunt. Sic ignem superavit, & vicit *Mulius*, crucem *Regulus*, venenum *Socrates*, exilium *Rutilius*, mortem *Christianus*. Et ut musto tempus damus quos despumet: sic mæsto animo ut ægritudinis fæces ejiciat, diesque paulatim leniat, & mora quod sola ratio non potest. *Λύπης γὰρ πάσης ἔστιν ἰατρὸς χρόνος*. Vultis finiri Auditores? Optima hæc lugendi defunctos ratio est, non tam in mortalitate Amicorum, quam exuerunt deploranda, quàm in nostra seriò meditanda occupari, ut multo ante mori discamus, quàm moriendū est; ne nos incautos opprimat fatalis illa hora, sed paratos ad iter, & succinctos quocunque etiā die & loco.

loco. Quæ multo ante provisa sunt, languidius incurrunt, & necesse est magis corruant, qui quasi ex inopinato feriuntur. Nullis enim illa gravis est quam quibus inopina est, & repentina: At contra facile eam sustinet qui altiori mentis contemplatione, & animo terrenis cogitationibus defecato eam Deo & pietate ducibus semper expectat, qui quicquid fieri potest, quasi futurum cogitat, & corpus suum non aliter adspicit, quam vinculum aliquod libertati suæ circumdatum, & venturum iterum qui nos in lucem reponat diem, unicam quietis hic ancoram, unicum ad perpetuam salutem viaticum, & viam. Quare ut in Scena partes qui peregit, personam vestemque ponit, & libens domum abit: sic noster hic animus æternitatis candidatus, à temporario Theatro, in ætheream illam Sedem. Dixi.

ORATIO XLVI.

De Vulgi inconstantia.

*EST leve prævalidis telum quod viribus arcu
Mittitur, & levis est dubia inconstantia sortis.
Et tumidi levis est sursum sublata procolli
Pluma noti, torrensque levis qui montibus altis,
Præcipitique fluens de valle per aquora currit.
Si tamen observes animo, volvasque frequenter,
Quanta sit in vulgo levitas, sit quantaque plebis
Mobilitas stolidæ, multo leviora caducis
Arboris esse magis commenta fatebere ramis
Et foliis, quæ ventus agens tollensque repellit:
Adde quod & multis sit Bellua frontibus, ardens
Invidia, studioque tumens invisa nocendi.
Veræque nunc iterans, nunc ficta repente reportans
Instabili, blandis hominem nunc laudibus aquat
Sideribus, lucri sibi spe lactata futuri,
Nunc eadem pariter subito commota per iram
Convulsi perijura petit, laceratque procaci*

*Facta aliis clam vana loquens mendacia lingua;
 Quodque magis vulnium presenti fitta favente
 Et simulata refert, tergo sed fraude malignas
 Insidias qua parte potest struit illa, datorum
 Haud memor, & lucri, priscique oblita favoris.
 Ergo quid Mundane levis mendacia Vulgi
 Insequeris? vanaque tumos quid laudis amore
 Inspiciens? verbosa rudis quid murmura plebis
 Mobiliora notis levibus petis improbo? multum
 Falleris, & nimium fidis casurus inani.
 An non erudiunt te magna pericula? semper
 Illudi Mundo pateris tibi, pendulus haves
 Sollicitusque manes, alieno ex oro tumescens,
 Et semper laudum quantum volet illa turram
 Fit modus, & quantum volet hac mensura favoris
 Decrescis, crescisque velut cum turbine magno,
 Ventorum sublata ratis vaga gurgite curvo
 Tollitur, atque eadem manes cito tendit ad imos.*

*Ecquid enim certi queso? firmique quid inde
 Proveniat, quod mare noti statione morari
 Atque loco nequit, adest semper nova concipit intus
 In levitate sua constans, modo rumpit, & auge
 Subdola amicitias, demum scelus omne ministrat,
 Quid nec forte novum cividam videatur, ubique
 Cum satis existant exempla illustria, quorum
 Hac tamen excellent magis, ut sis quanta probatur
 Mobilitas Vulgi reprobi, plebisque maligna.
 Scilicet inconstans ut erat, ventosaque multum
 Judicioque levis, Christum nunc regis honore
 Afficiunt, titulisque colunt sublimibus auctum.
 Nunc eadem cito versa animis, mutata novisque
 Consiliis, cupiunt ipsum graviora recantes
 Supplicio torquere, prius quem laude ferebant.
 Sic quoque Naumfragio Paulus forte Melitana
 Pulsus & exaltis tot casibus, isset ad oras
 Exceptusque foret satis hic humaniter ipse.
 Accidit, ut cumulans sarmenta reponeret, apto
 Igne cremanda solo, duro quia frigore pressus;
 Sed cito proficiens serpens ex igne, caloris*

*Impatiens, moritura manus invasit, ac illi
 Hac nova cernentes statim fecere Latronem,
 Qui cum tanta maris discrimina, mille procellas
 Effugerit, vita tamen hic expendere panas
 Debeat, illasum sed cum jam moribus illum
 Conspicerent, dixere DEUM vitisq̃ue carentem.
 An non magna hominum hæc precor inconstantia, plebis
 Et levitas, quod dicta cito conterrita motu
 Consiliumque fidemque neget, mutetque frequenter,
 Opprobriisq̃ue ingrata premat, tunc tollat, & inde
 Deprimat, incertis studiis detenta per horas?
 Felicem hunc igitur semper, penitusq̃ue beatum
 Dixero, quem poterant non dicta movere maligna
 Plebis, & instabilis commenta profana popelli.*

ORATIO XLVII.

Carmen quo hortamur de reddenda Deo gratia pro tantis Beneficiis.

*Am qua penna feret raptum me, ut magna Tenantis
 Omnia conspiciens, data munera volvere possẽ.
 Hei? Qua lingua mihi, qua vena aspersa Poësi
 Argutula, precor addet opem, latumq̃ue juvamen.
 Nunc nova sufficiens mihi carmina, ut alma benigni
 Numinis in me sit bonitas laudata clientem
 Indignum tamen: equali si pendere lance
 Cuncta cupit delicta, mihi & dare justa merenti:
 Rursus age ô venias igitur mea Musa, canamus
 Ut meruit, laudesq̃ue Dei celebremus ubiq̃ue,
 Cantantes pariter pandamus facta, manumq̃ue
 In mortale genus pronam, penitusq̃ue benignam.
 O multum laudanda Dei clementia, semper
 Flagranti nos amore fovens! Qui Numine forti
 Reddidit illasus toties nos fidus ab Hoste.
 Annua sed nobis rursus rediere vicissim
 Tempora, Laus Domino data sit, quoque Gloria soli
 Reddita quæso Deo, qui nos dignatus es artibus*

*In rebus servare, tuas sermonibus aures
 Multum vah! faciles tendens, miseratus egenos
 Edita sit tua laus semper, quo vita misella
 Obruta saepe malis variis, suscepta sub alis
 Conservata tuis fuit, ô spes una; tuorum
 Hospes, & afflictis statio tutissima rebus,
 Alma Salus nobis miseris, te vindice tuto
 Rupta fuit, disiecta simul quoque si quo virorum
 Impia fraus fragiles voluit nos perdere, forti
 Solatium miseris ope, ductus amore dedisti,
 Sola tibi laus sit, lapsa qui fortiter arripuit
 Invictos reddens, firmosque, benignus ab omni
 Mole procellarum, quibus obnoxia vita
 Obiectos dextra, servasti. Quanta Tonantis
 Hec Bonitas, quantus favor Omnipotentis, Olimpo
 Aspiciens, qui non est dedignatus egenos
 Nos donis cumulare suis: variisque beare
 Conservans pariter quoque nos fulcire caducos.
 Sed quid dona precor, vitam quibus ille misellam
 Tollit saepe malis oneratam: pendimus illas
 Regis opes Superi potius quibus ipse beatas
 Esse animas voluit memoremus carmine quaso.
 Nostra suo tenebris circumdata pectora verbo
 Aeterno semper renovat Deus, ille procelis
 Litus, & electis spes unica, solaque vita:
 Opprobrio nos esse facit procul; Optime Rector
 Confirmas, lustrasque tua nos luce, profana
 Obsita perpetuo quibus est Natura, repellis,
 Eruis atque tui vi Spiritus, illa Saluti
 Parte qua nocumenta darent, tu denique Solus
 In miseris adjutor: opem dare promptus, utrumque
 Sustentas, nutrisque parens, alimenta cuique
 Tradens apta; cibos nobis, animisque salutem.
 O quam vera tua in nobis Bonitatis imago
 Lutea materies; tantum qui dicimur, ardet.
 Ach tibi quis dignas nostrum pater optime grates
 Motus amore tui referat, quis digna reportet
 Munia, quis precibus, grata quis mente rependas!
 Ista tua larga Regalia munera dextra*

*Tantum sufficiat tibi nos voluisse, voluntas
 Totius oro loco sit, vita mobilis atque
 Obsecro sis memor, alma parens, nobisque remittas
 Ante tui si laesa fuit patientia-tardi
 Numinis ad pœnas, si crimina fecimus, illa
 Non indignatus capias punire, rebelles
 Obstitimus quoque si tibi, nec maneribus ullis
 Meta fuit mens nostra tuis, ignosce misellis,
 Daque simul veniam nobis: Qua commoda quaso
 Xerxis enim miseris praberet scrinia Ditis
 Cum tamen ira tuos sequeretur iusta ministros,
 Vana foret res tota; precor Deus optime, quare
 Indignis ne tu nobis mortalibus obstes.*

S C R I P T O R.

*HÆc Germane meo nuper commissa papiro
 Ante tuas supplex offero dona manus.
 Nostra precor nec tu munuscula despice totius,
 Ingenii messem, ast suscipe quaso mentem
 Si placeat scriptum, si non, amplectere mentem,
 Majus erit voto si sit utrumque meo.
 Perlegas primas litteras superiorum carminum &
 harum sensum ubi revolveris percipies. 1596.*

O R A T I O XLVIII.

In laudem Græcæ linguæ loco strenuè missa.

*SI tantum, Auditores ornatissimi, rei susceptæ
 dignitatem; quantum ejusdem difficultatem
 consideremus, non nihil nos adversari videbitur,
 & nostrum quodammodo minuere consilium, id
 quod vulgari illo ac eleganti Proverbio dici so-
 let, *Vino vendibili non opus est suspensa hadera*; qua
 innuere voluerunt sententia veteres, talia laudibus
 efferenda non esse quæ nullas commendationes
 desiderant, aut quorum æstimatio sic cordibus
 hominum invaluit, ut nec tantum ab aliquo
 laudari possint quantum ad ipsa laudanda suffi-
 ciat. Quod licet non inconvenienter ab adver-*

fariis hic obijci solet & inculcari , ejus pene omnis irrita ac otiosa videretur laudatio , si quod nullis commendationibus eget , sed abundat potius ; quodque ab eruditis , doctissimisque viris tantopere probatum est , nostris etiam præconiis evehere cupiamus : His tamen causis impulsus eo me lubentiozem tantæ difficultati submittère volui , dum quanta apud tyrones commendatione indigeret , quantumque ejusdem linguæ utilitas ac elegantia ipsis proponi deberet considerare ; Si quod passim ita cuivis nota non sit ut putatur , aut si nota quidem non ita quosvis in ea versatos , ut perfectionem sibi quandam adscribere audeant : & cum ita sit ut omnium rerum sint subitæ vicissitudines , subiti motus & mutationes , ut modo laudentur , modo contemnantur , modo floreat , modo defloreat , sic etiam linguarum , artium & scientiarum , ut qua citissime extollantur & deprimantur , non iniquum & à re literaria alienum putavi , si tantis incitatus utilitatibus præsens à nobis susciperetur laudatio. Ac primo quidem non uni tantum maximas utilitates afferre videtur , nec uni saltem necessaria , si cum quotquot qui in arte aliqua , scientia & omni denique studio excellere conantur , perpenderit , quam plurimum iis prodesse videamus , sive quis se ad Theologiæ studium contulerit , sive Philosophiæ operam dederit , sive etiam Medicinæ , aut aliis porro , quibuscunque artibus , nullas demum didicerit , in quibus ex Græca lingua magnum solatium & studiis suis levamen sibi non consecutus fuerit. Quod autem ad Theologiam pertinet ; quamplurimos Græcos libros , qui ad ejusdem perfectionem hominem conducere possunt , posteritati relictos videmus ; ac quod omnium maxime mirandum est , omnes pene Libri Novi Testamenti tali idiomate scripti deprehenduntur ; hac maxime lingua usi Apostoli quod vel u-

litatissima esset inter totum terrarum orbem, vel nulla elegantiori ea exprimi possent, quæ ipsi Spiritu Sancto revelata fuerunt. Adde quod vetus Testamentum, quod antea Hebraica lingua scriptum erat, aliquando in Græcam traductum fuerit: Quod ne meo cerebro commentum effingere videar, testis nobis erit frequens horum ab Apostolis mentio, qui eam versionem sæpius ita suis scriptis confirmant. Quis itaque non fontes ipsos potius consulendos, & ad authentica scripta recurrendum esse judicaverit? Hic à nobis discedunt qui in alias linguas fideliter traducta esse frequenter obijciunt: Sed sit ira ut in alias sint versa linguas, quod non infiteor, fidelitatem tamen prorsus diffiteor, quod ex diversitate scriptorum, & scribentium opinionum plus satis patet, si cum quotquot auctorum versa conferri debeant, maxime inter se differre deprehendantur. Et quam quæso certitudinem & veritatem ex scriptis illis colligere quis possit, ex tanta auctorum discrepantia, qua sit ut animos lectorum magis perturbent & in suspensiones inducant quam erudiant. Accedit & huc etiam quod sæpius non magna eruditione & experientia præditi sint, ut omnia perfecte percipere possint, hinc maximos errores sæpius inferentes, omnia potius invertant quam vertant; Nec verò ut id per ignorantiam solum faciant, sed videamus etiam plurimos perversos, & veritatis ipsius eversores, qui dedita opera ad talia scelera efferuntur, ut hæreses suas, sententias de rebus animo commentas, ac denique dogmata sua falsissima tali prætextu occultare possent, & ne mendaciis aliquando convinci queant. Hoc igitur damnum & talium auctorum technas ac infidelitatem præmissi, ne fidem nostram & Sacre Scripturæ veritatem, in iis quæ hominum ingenio proveniunt, collocans *veris fontem*, non rivos illos perditissimos consi-

lanw

lamus , quod autem fieri non poterit nisi ad ejusdem linguæ perfectam cognitionem contendamus. Porro cum omnes linguæ suas proprietates habeant, & varios loquendi modos qui intelligi non possunt ac percipi, nisi ab iis qui in linguis maxime periti feruntur. infinitos autem Gracismos, dialectos, figuras Græca lingua contineat, id quod laboris erit iis cognoscendis omnem operam intendere necesse est: Quod si fiat non verborum ipsorum & sententiarum difficultates, sed & abstrusissima quæque facillimo labore intelligi poterunt. Sed illa etiam difficilia & quæ vulgi captum excedunt, quæ à Patribus nostris *Augustino*, *Chrysostomo*, *Cyriano* & aliis fideliter explicata sunt (quorum opiniones de rebus contemni non debent) levissima opera cognosci poterunt. Qui cum omnes pene Græci fuerint & hoc maxime idiomate usi, qui vero Latini, tam multa Latinis Græca commiscuisse, ut difficulter sine ea intelligi possint; Quis non hujus linguæ cognitionem summe studio necessariam esse, qui in omnibus peritus haberi velit, fateatur? Quod ne mirum alicui videri possit, experientiam ipsam consulamus, & ab eventu quotidiano rem judicemus, certissimum enim hoc semper fuisse manifesto satis apparet. Ubi cum in precio aliquo & dignitate ab hominibus Græca linguæ habita fuit, & manibus studiosorum Scholisque versari cœpit, ne magnas quidem solum ipsis attulisse utilitates, sed infinitos etiam errores resectos fuisse. Quod nostri quoque seculi exemplo colligere licet, quo cum magis apud homines valere cœpit & exerceri, etiam ipsi S. Scripturæ lucem non parvam accessisse videamus, & multas perversorum ac reproborum hæreses patefactas, quas ruditate, & ignorantia linguarum pertinaciter magis magisque tuebantur ac confirmabant. Neque vero quod nonnulli dicunt etiam Patrum nostro-

nostrorum memoriam plurimum floruisse & ex-
cultam magnopere fuisse Theologiam Scholasti-
cam sine Græcæ linguæ usu ac cognitione, ac ideo
non ita necessariam esse, ut putatur, homini, qui in
artibus & scientiis excellere cupiat. Sed hoc laudes
& ejusdem linguæ cognitionis necessitatem non
minuit, nec hoc ipsis adscribendum est quod ali-
quando floruerit cum scriptis Patrum nostrorum,
si quæ utilia ad nos redierint, excerpta fuerunt, non
autem industria, & ingenii sui acumine inventa,
cum potius perversa & Religioni sæpius repugnan-
tia ab illis prodita, ab eruditis censeantur. Hinc
est ut infinitas quæstiones, subtilitates, fallacias pro
arbitrio proponerent, rationesque frigidissimas ac
nullius momenti instituerent. Omitto perniciosas
de rebus opiniones, sententias absurdissimas, erro-
res denique à verè Christiano detestandos, quos
Græcæ linguæ ruditate ac ignorantia, & disputatio-
nibus hujusmodi inutilibus ac otiosis invexerant.
Neque est quod quis objiciat etiam nunc temporis
egregios & præstantes esse Theologos, qui Græcæ
linguæ prorsus rudes sint ac ignari; Quid enim quæ-
so absurdius? quam si quendam ad absolutam per-
fectamque Theologiæ cognitionem contendisse
videamus, qui huius prius linguæ peritus non fue-
rit, aut sit ita quidem, ut indocti aliqui & idiotæ
pure quidem & sincere Evangelium hominibus
explicent, & pietatis ac Dei quædam zelo accensi
errores quidem pro viribus manifestent & extin-
guant, non tamen ideo putandum est hoc ab ipsis
fieri quod linguæ Græcæ rudes sint, sed potius
quod Doctorem manu ducti, & auxilio eorum ad-
juti, talia præstare possint. Quanquam quis hoc cre-
dat, neminem non nisi summe Græcum ad Theo-
logiam admittendum esse, imperitos vero exclu-
dendos? Hæc tamen sic à nobis dicta sint, ut qui in
studiis aluntur & exercentur, & qui aliquam
Theologiæ cognitionem consequi sperant, adeo-
que & adversariorum calumnias & hæreses vin-
cere

eere ac refrenare conantur, maxime iis in hoc laborandum esse, ut vel ad perfectionem ejusdem linguæ quantum licuit accedere possint, vel ea saltem difficillima, & omnium utilissima aliquando memoriæ tradita ac servata tanquam ex elencho quodam in necessitate ad usum revocare possint. Cujus rei non parvam utilitatem Jesuitæ percipientes, maxime his suos errores confirmare ac stabilire conantur. Hæc vero ex adverso Anabaptistæ rejicientes, & contemptu quodam ac fastidio aspernantes præ nimia ejusdem linguæ ignorantia, dum rationibus firmissimis interdum se fultos existimant, ridiculos se eruditis reddant, ita ut proprias sæpe hæreses & dogmata falsissima ruditate sua ipsi manifestent, & se suo quod ajunt gladio incautos jugulent. Hactenus de Theologia. Jam quantum ad Philosophiæ cognitionem conducatur videamus, neque ad ejusdem perfectionem nemo unquam pervenire poterit, nisi in Græca lingua plurimum se exercuerit, si à quibus inventa sit consideremus; cum enim à Græcis originem suam habeat, & ab iis semper plurimum exculta; nulli denique præter Græcos Philosophi præstantes unquam extiterunt, quis ad hanc quoque Græcæ linguæ cognitionem necessariam esse non approbaverit? Nec obstat quod ab aliquibus hic objici solet, multos etiam Latinos extitisse Philosophos, qui omnem fere in hoc studio atatem suam consumpserunt. Quis enim talium in scriptis suis tenuitatem cum hac conferendam putaverit, si quali ordine, elegantia ac ornatu expolita, ac denique in quantam perfectionem à Græcis redacta sit perpendatur. Neque est quod tantum Latinis attribuant, quam enim certitudinem ac Philosophiæ cognitionem ex tam infirmis accipere quis possit. Etenim nulla præter paucula aliqua *Ciceronis*, *Plinii*, *Boëtii* ad posteritates transmissa sunt, atque ea quidem quam sint diluta & incerta satis patet.

patet, non quod manu puerorum prorsus mittendos esse censeamus, sed quis non tam literis & scientiis Romanos quam militiæ & præliis committendis ac reipub. salutis labores omnes suos & curas impendisse? Quis etiam eos non magis fortitudini & strenuitati Græcis intentos fuisse fateatur? ita ut publicis impediri negotiis, & recte belli administrandi curis detenti, non ita studiis vacare licuit ut in omnibus excellere potuissent. Hinc tanto ad bella desiderio propulsi, sapius hos qui inter parietes privatos se continerent, & Philosophiæ se applicarent, per contemptum hoc iis agnomen imponerent, ut Græculos eos vocarent tanquam non publicæ, sed suæ tantum studentes utilitati, non aliis sed sibi natos. Ac quod omnium maxime mirandum est, tanta sapius in eos irâ & odio invehebantur, ut tanquam indignos civitate & hominum consortio sapius in exilium mitterent & Rep. ejicerent. Sed videamus quo pacto a nobis iis obviam iri possit, qui utilissima etiam ad Philosophiam à Scholasticis posterioribus prodisse affirmant. Multa quidem admittenda, ab iis inventa fuisse non diffitemur: quæ tamen ex adverso non damna Philosophiæ intulerunt? quibus non erroribus ac tenebris eam obscurarunt Latinæ ac Græcæ linguæ ignorantia? adeo ut ea etiam quæ animis concepissent, commodè & aptè satis proferre non poterant: hinc infinitas quæstiones, & de vilissimis quibusque rebus controversias nasci, hinc plurimos errores oriri necesse fuit. Quæ omnia tamen hoc modo cavere potuissent, si suam sententiam dilucide & perspicue primo proposuissent. Cur igitur dicat quis versa sunt præstantissima etiam quævis scripta Græcorum quæ ad Philosophiam spectant, si nulla ad juventutem utilitas ex his proveniat. Versa quidem esse non infiteor, sed à Tironibus quomodo intelligi poterunt? Etenim multæ

multæ in iis sententiæ obscuræ , multæ ambiguitates , multa denique quæ difficultatem non paucam discipulis movere possunt , quibus se expedire , & ad eorundem notitiam nunquam pervenire poterunt , si nullam prorsus cognitionem Græcæ linguæ habeat , ad quam in necessitate ad veritatem rerum difficilium cognoscendam recurrere possint. Sed his non diutius insisto. Proximum est ut quàm necessaria quoque Græcæ linguæ cognitio ad Medicinam sit videamus. Tantum enim abest ut carere Græcâ quis possit , ut sine ea ne minimam quidem hujus artis cognitionem consequi queat ; cum enim nulli unquam præter Græcos Medici præstantes extiterint , quomodo quis in ea se exercebit , si hujus imperitus fuerit ? Nisi vero quis dicat multos etiam Medicinæ præstantissimos extare cultores Arabes , *Avicennum* , *Mesum* , *Averroem* & alios , qui in hac maxime celebres se reddiderunt. Sed quem quæso latet , si quæ egregia & utilia ad Medicinam ab ipsis prodita fuerunt , non à Græcis hæc sibi conciliaffe ? & ex scriptis eorum excerptisse quibus hæc præstare potuissent. Quod ex eo manifestum est , quod multis eam erroribus interdum obscurarint , adeoque multa absurda intulerint quæ sine Græcis corrigi & emendari non possint. Tanta denique in scriptorum Arabum versione est vitiositas & incertitudo , ut parvos fructus ex talium lectione capere quis possit , qui linguæ Arabicæ sit imperitus. Hinc est ut nunquam in Scholis & Academiis Arabes sed Græcos artis hujus tanquam origines & fontes discipulis prælegi videamus. Quod autem ad historias attinet ; Antiquissimas & præstantissimas quasque à Græcis esse constat , ut *Herodoti* , *Thucydidis* , *Xenophontis* & aliorum. Etenim nulli unquam extiterint qui tantum historiis laborem impenderunt , adeoque illis se celebres reddide-

quibus quæſo non vitiis aſperſæ ſunt, & infectæ? quibus non malis ſolent comitari? His enim homines vel ad ambitionem, vel gloriæ appetitum excitantur, ut honores apud vulgus conſequantur, & ad quendam dignitatis gradum evehantur: Alii his impelluntur ad avaritiā & φιλαργυρίαν, ut divitias, opes, poſſeſſiones accumulēt, omnia corradant, dominium denique ſuum latius extendant. Alii denique ad luxuriā, voluptates, libidines illicitas, & huiusmodi vitia enormia ac deteſtanda incitantur. Sed quid Theologia? Quid ſimile? ſola ad perfectionem contendit, ſola ſanctitatem, juſtitiam, & ſimplicitatem amplectitur, ſola hominem erigit, ſola ex tenebris ignorantiz hominem liberat, ſola mundanis voluptatibus immerſos peccatores reſtituit, & errantium oculos abſtergit, ut clariuſ videant Deum, renunciantes propriæ carni & voluptatibus mundanis, contemplantur opera ejus, admirentur, agnoſcant, & in æternum celebrent. In quo equidem multorum hominum ſæpe requiro prudentiam, qui hoc ſtudium, quia contemptum ſit & à vulgo rejeſtum, aſpernantur & vituperant. Quis enim naturam vulgi non novit? quis plebeculæ imbecillitatem & inconstantiam non intelligit? Fit enim ferè ut ad ea quæ ipſi rationi & veritati diſſentanea ſunt, efferantur, juſta vilipendant, bona vituperent, ea denique quæ communi piorum hominum conſenſu approbantur, tanquam pernicioſa deteſtentur. Quid igitur miri videri debeat alicui, ſi Theologiam ſacram, puram, à Deo denique ipſo promanantem rejiciat, ſi ſtudium illud optimum, & ſimpliciſſimum contemnat: Nihil ſanè ita ut meritò veteres eam belluam multorum capitum appellarint. Fatemur magnis quidem eam ſæpe numero periculis, ac damnis eſſe obnoxiam in hoc vitæ curriculo. Primo enim externorum hoſtium tyrannide ac armis circumcingitur, exiliis, pœnis, ſuppliciis & huiusmodi cala-

calamitatibus interdum opprimitur. Adde odium impiorum, invidiam amicorum, persecutiones malorum, vulgi denique calumnias, quibus solent nonnunquam instar flagitiosorum allatrari. Quid tamen jucundius his omnibus ad trutinam rectè pensculatis? Quid suavius? Quid gratius? quam cum animo quis perpendit, & cogitat se non scelerum, vitiorum aut criminis alicujus detestandi gratia plecti, in exilium mitti, odio & calumniis affici, sed immeritò, justa scil. causa, & *Jesu Christi* nomine hujusmodi malis esse obnoxium. Quid inquam hæc recordanti poterit accidere delectabilis? quo poterit magis demulceri & excitari? Adde *εὐθυμίαν* illam & constantiam, qua solet etiam magis commoveri animus ad hujusmodi pericula perferenda; adde *πληροφορίαν* illam & *πεποιθεσιν*, qua magis etiam in Deo acquiescit. Et profecto si alias quoque disciplinas, artes, & studia exactius inspiciamus, videbimus non ita malis esse expertia, quin varias sæpe cogantur subire vicissitudines. Licet enim multi variis externè videantur circumfluere divitiis, omnia ipsis ex animi succedere sententia, & quietissimam degere vitam? Nihilominus tamen maximis sæpe obruuntur molestiis, & gravissima perpetiuntur incommoda, vel enim amissione bonorum macerantur, depopulationibus agrorum, & hostium grassationibus extorquentur; vel si non, augendi saltem libidine inextinguibili cruciantur, morsibus conscientiae assiduis lacerantur, ita ut infeliciorem vitam aliis sæpe degere videantur.

Quæ cum ita sint, tantaque sit hujus studii dignitas, ut cæteris omnibus anteponatur, merito id totis viribus excolamus, in eo nos exerceamus, fugiamus contra falsas plebeculæ persuasiones, & opiniones vulgi insulas, proponentes nobis semper ante oculos gloriam Dei, animarum salutem, Ecclesiæ denique & Reipubl. utilitatem.

JACOBI CRUGERI
ORATIO L.*De Peccato declamatio.*

Cum pro laudabili Scholæ nostræ consue-
ne, Viri ornatissimi, & Auditores humi-
mi, id semper moris inter dicentes esse ar-
verterem, ut jussi arbitrio, & voluntati
ptorum lubentissime obtemperarent, & in
ipsis æquo animo susciperent: non potui
quantum id mei officii ratio, & præceptorum
observandi voluntas postularet, quam or-
anteponendam esse duxi, cum hæ mihi cæ-
partes impositæ sint, præsentem de Peccato
teriam lubens aggæderer: arduum licet
rum mihi fore non dubitarem, tantam rem
difficilem, totque sententiis doctissimorum
rorum agitatam in me recipere, qui nec in
multum & usu parum possum, & qui ne
rebus Theologicis, & divinis S. Scripturæ
riis sum exercitatus, tantum mihi confide-
deam: id tamen spero vos nullo mihi di-
vitio, si hanc non tam perficiendi aptè,
tentandi saltem causa in me receperim: Quod
quidem intelligitis, nullâ me nec ingenii
doctrinæ ostentatione (quam exilem in me
non ignoro) aut animi quadam contumacia
fretum has partes suscepisse; sed potius hoc
muneris mei esset, & officii jussu eorum
re, quorum voluntati si non ut cupio,
saltem ut possum, obsequi velle. Accessit hu-
temperandi necessitati in multis vestra mihi
specta facilitas & benevolentia, quibus non
in me ipso commotus, nullum vobis con-
tius gratiusque his temporibus argumentum
ferri posse existimavi. Quis autem fructuosius
bor excogitari potest, quam is qui ad
scientiæ animarumque tranquillitatem ac

rem plurimum conducit ? præsertim cum tot tantisque Diaboli tentationibus ac insidiis quotidie oppugnati simus, nostrâ etiam infirmitate à cultu Dei assiduo abstracti. Quanta itaque potero brevitate ac compendio præsentem de Peccato materiam non pro rei dignitate, sed ingenii viribus, ac facultatibus tractare conabor. Vos omnes interim oratos habens, ut meam in dicendo tenuitatem longè tantæ difficultati imparem agnoscere, eamque vestrâ humanitate juvare cupiatis, si non pro ipsius materiæ magnitudine ac dignitate argumentum hoc sum tractaturus, quod me posse non ita sum demens ut existimem, sed tantum vobis occasionem præbeam, copiosius & prudenter magis de iis quæ dicturus sum cogitandi.

Ut igitur horum consideratio magis perspicue fiat, & singula melius à nobis intelligantur, certissimum ac tutissimum esse duxi ut definitionem ejusdem primo mihi afferendam esse proponerem, ut ea veluti normâ ad quatuor peccati circumstantiarum explicationem viam quandam mihi præbeam, & plenior, uberioresque in hac materiâ copiam mihi suppeterem : Nimirum, ut primum de naturâ Peccati ; De præcipuis ejusdem speciebus, de causa, de subjecto ac denique de tristissimis ejus per totum genus humanum diffusis effectibus pro virium mearum tenuitate dicam. Ut igitur quid Peccatum sit probè noverimus, ejusdemque naturam ante oculos expositam consideremus : Audiamus Spiritum S. per Apostolum *Johannem* loquentem, *ἡ ἀμαρτία ἐστὶν ἀνομία* (Hoc est) *Peccatum est quicquid pugnat cum lege.* Qua definitione quid brevius ? Quid aptius ? Quid clarius ? Quid (inquam) perfectius dici potuit ? Nam quæ à Prophetis olim ac patribus rudiori populo loquentibus tantâ verborum copia, tantâ eloquentia, tot denique scriptis expressa sunt,

quibus peccatorum magnitudinem & gravitatem, ut ab iisdem discederent, iramque Dei & maledictiones gravissimas, quas hominibus immittit, proposuere; hoc solo Τῆς ἀνομίας vocabulo nobis exhibuit. Quid enim aliud peccatum nisi ordinis a Deo impositi confusiones edicemus? Nam cum non nisi perversæ hominum naturæ legem sancitam esse non ignoremus peccata autem & quidem omnia legem Dei omni ex parte transgrediantur, quis non ea legi violationes esse dixerit? Nec immerito: si enim nulla essent peccata, nulli in homine defectus neque quicquam horum unquam futurum fuisse nulla certè à Deo hominibus Lex lata esset, & quam velut ad rectam vivendi regulam se componerent, hac additâ transgredientibus comminatione: *Maledictus omnis, qui non permanet in omnibus quæ scripta sunt in Libro Legis* ea faciat. Sed ne quis fortè Apostolum peccata contra Evangelium perpetrata præterisse putet, hunc ego ad Canonicam *Johannis* remitto: quid enim absurdius & à veritate magis alienum fingi potest? quam si Apostolum varias quidem peccatorum species non Legi modo morali, sed & Evangelio quoque adversas in Canonicâ sua recensere, permittamus: Definitiorum autem hac peccatum sola Lege prohibitum intellexisse dicamus? Etenim cui verbi Dei paupotissimum averfatur negatio Filii Dei quam Apostolus his verbis descripsit: *Quicumque Spiritus non confitetur Filium Dei in carnem veni, ex Deo non est*, & paulò post, *Qui non habet Filium Dei non habet vitam*, non Evangelio? Quid igitur? efficitur utique hinc Apostolum & universum descripsisse peccatum & nomine *Legis* integrum Dei verbum Legem videlicet & Evangelium complexum esse. Sed his non diutius insisto. Nunc ad præcipuas peccati species conversus, de malis lapsi

lapsus vitio Originis, & denique peccato actuali ita differere conabor, ut quæ modo in universum de naturâ peccati dicta sunt, à quolibet, modo aures attentas habeat, facilius perspiciantur. Ad lapsum igitur primorum parentum quod attinet, si eum penitus inspiciamus, quis non sub hac *Johannis* definitione comprehendi posse fateatur? Inobedientia enim & spontanea à mandato Dei aversione creatorem suum (à quo tantis prius cumulabantur beneficiis, ut ad imaginem ejus creati æternum cum Deo viverent) efferruntur, & infirmitate sua, adeoque & Diaboli tentationibus decepti deficiunt, nec deficiunt tantum, sed conditorem suum perhorrescunt, seque ne in conspectum ejus veniant, occultant. O durum & exitialem pomi morsum! O repentinam mutationem! Quem Deus in summa perfectione creaverat, nunc peccatis contra Deum efferrî cernimus: quem judicio & ratione donatum esse voluit, ut Deum creatorem suum cognosceret, diligeret ac celebraret, contumaciâ cordis sui omnes in se Dei maledictiones accumulare videmus: Ab eo cujus imaginem repræsentabat deferitur: Ab eo à quo tantis prius afficiebatur beneficiis, rejicitur: ab eo denique cujus non nisi summam bonitatem apprehendebat, infestissime è Paradiso detruditur, omnibus comitatus miseriis, calamitatibus ac damnis, mille sui corporis infirmitatibus obnoxius. Ita ut verè nobis cum *Augustino* dicere liceat, superbiâ infectum fuisse, quia in sua potius quam Dei potestate esse dilexit; Et Sacrilegio: quia Deo non credidit, sed Diabolo & fornicatione spirituali, quia integritatem mentis suæ serpentinâ persuasionem corrumpi passus est. Et furto: quia cibum usurpavit prohibitum. Et denique avaritiâ: quia plus quam sufficere debuit, usurpavit. Sed mirum alicui videri posset, quomodo is qui ad imaginem Dei creatus erat

quis

T 3

qui in vera simplicitate , ac sanctitate constitutus , qui tanta denique dona , tanta à Deo acceperat , labi potuerit : Si tamen idipsum consideremus , non alienâ , priâ voluntate lapsum , & à Deo defecissimus. Licet enim Deus lapsum primorum tum prænoverit , non tamen in eo culpa injustitiâ. Quis enim eò pervenit temeris insanix , ut aut regula justitiæ aut officii (quo lapsum prævisum impediret) obligare se dicere audeat ? Quis Deo summo , justum ac liberrimo Legem figat ? Quis justitiæ hoc , quæ ne Angelis quidem nedum hominibus comprehensibilis est , culpaverit ? Creavit Deus in principio hominem rationalem , justum ac sanctum , eique (ut in ecclesiasticus) hoc dedit mandatum : *Et aquam tibi proposui , ad utrum voles vitam dirigo.* Quis igitur coëgit hominem peccandum ? persuasit quidem Diabolus , coëgit : Deus autem , neque suasit unquamque vi eum ad peccandum adegit. Spiritus absque ulla coactione primus homo defecit : libere imaginem Dei & justitiæ ginalem extinxit : ac insana melioris bestie omnesque posteros in obscurissimum tenebrarumque omnium miseriarum labyrinthum præcipitavit. Hinc tanquam ex venenatam ac perenni fonte in omnes posteroditur turpissimus ille , ac foedissimus fluvius peccatum originale dicimus ; quod & particula ἀνωμίας comprehensum , nil aliud quam hæreditaria totius naturæ humanæ corruptio , & ad repugnandum Legi Divinæ pensio , secuta lapsum primorum parentum eisdem derivata in omnes posteros , et naturam sic depravans , ut omnes rei *ternæ iræ Dei* , nec quicquam Deo placere possint. Cum eo enim homo ab ipso

ceptione, hoc veluti tenebris mentis suæ impedire quæ Spiritus Dei sunt intellectu suo accedere non potest, sed vagis jam nisi gratiâ Spiritus Sancti adjutus fuerit, extra ordinem contra Deum effertur, adeo ut, seu voluntatem hominis, seu mentem consideremus, nil nisi meram donorum Dei confusionem inveniemus. Voluntatem (inquam) quia sponte & libero motu Deum odio prosequitur, fugit, ac horribiliter offendit: Mentem vero, quia pertinaciter Deo rectoque ordini repugnat ex cordis quadam contumacia, lucisque divinæ amissione. Quod ne meo cerebro commentus effingere videar: hanc quæso in ipsa hominum tenella adhuc ætate consideremus, nonne videmus pueros magna etiam committere peccata, & malo quasi delectari, adeo ut vel mendaciis se dedant, aut furto, aliisque perversis mentis inclinationibus. Et unde hæc tantæ naturæ suæ corruptionis semina hauserint? an ex imitatione? Minime: Quid igitur? ex perversa hominum naturâ per lapsum in posteritatem omnem diffusa. Hæc igitur si in pueris tanta sint, quantò majora in adultioribus esse indicabimus? Crescente enim hominum judicio & ratione ad graviora etiam contendunt, ita ut inclinationibus malis mentis commoti homicidia committant, malum proximis suis intentent, adulteriis se foedent, Deum denique peccatis suis singulis momentis offendant. Adde innatam de Deo ignorantiam, adde dubitationes, hæreses, errores, & hujusmodi quibus omnibus à Deo abstracti æternas ejus maledictiones in se accumulunt, licet autem quosdam invenire est, qui aut à Spiritu S. gratiam aliquam acceperunt, aut virtutis quodam studio ducti rectis honestisque disciplinis cupiditates quidem frænare videntur: interius tamen mentis suæ inclinationibus, perversoque quodam Zelo sæpe ducti turpiter à Deo deficiunt. Huic enim vitio ita totum genus

humanum ex primâ Adami transgressionis noxium, ut dum in hoc vitæ curriculo perfectionem consequi nequeant: etiam S. in ipsius gratiam suam continuante. Veni-
missa faciamus, nunc ad peccata actualia Originali illa hominum corruptione & fonte quodam emanant, veniamus: Quæ actualia vocari solent, quod in actum ab-
bus transferantur, hæc autem sunt inter-
terna. Interna sunt omnes occultæ & ab-
ditæ cogitationes: quales sunt errores de
jus voluntate, neglectio Dei, diffidentia
re vitam nostram & voluntatem mandati
affectuum denique nostrorum vitiosa quæ-
les: Alia sunt externa, quæ à peccantibus
liter committuntur, ut homicidium, re-
bellio, idololatria, peccata denique om-
missionis & ignorantiz, quibus præstanti-
tiam sunt obnoxii, & in quibus inchoata
qua cognitio Dei & obedientia. Habe-
in cordibus suis sæpe pravæ de Deo dubi-
inclinationes, infirmitates denique multas,
si non resisterent auxilio Spiritus Sancti
cum reprobis iis essent dediti. Mani-
firmum peccata nil aliud quam Legis
lationes esse, nimiaque sub hac *ἀνομιᾷ*
comprehendi. Et quis tam mente captus
cupiat, qui hæc tam perspicua, & ipsi rat-
sentanea negarit? Nam si singulas peccato-
cies supra citatas consideremus, quid erit
quod non contra Legem manifesto impingit
quod non omni ex parte eam transgreditur
ut parvum fuerit & levis momenti, siquidem
sectionis Legis meri defectus sint & privi-
Sed hætenus de naturâ peccati, præ-
ejusdem speciebus satis mihi dictum est
Restat, ut ejusdem peccati subjectum
mus, & in quem tanta, tamque horribi-
cata cadunt, indagemus. Profecto si re-

inspiciamus, non alium quam hominem iis obnoxium esse videbimus. Ejus enim internæ omnes ac externæ vires propter lapsum ita sunt depravatæ, ut nec possit nec velit ad Legem Dei se componere. Hanc nobis eleganter & concinnè hominis corruptionem depinxit hac sententia *Jesaias* Propheta, inquiens: *A plantâ pedis usque ad verticem non est in eo corruptio, sed vulnus, livor & plaga recens.* Et *Paulus* alibi: *Animalis homo non percipit ea quæ Spiritus Dei sunt.* Quas igitur cum viri sapientes tantas in homine radices agere viderent, hominem causâ peccati cum morbo comparari voluerunt, cujus omnes corporis partes ita morbo statim deficiunt, ut solito suo vigore penè destitui videantur: Eadem enim est ratio hominis hac labe peccatorum infecti; hujus enim ita omnes corporis vires per lapsum sunt depravatæ ut non nisi non malum*****.

O R A T I O L I.

In vituperationem tripudii. In genere causæ demonstrativo,

Habita à

P E T R O de S A L L E N G R E.

NON minus eximie olim quam vere Lyricorum ille princeps *Flaccus*:

Damnosa quid non imminuit dies?

Ætas parentum pejor avis tulit

Nos nequiores, mox daturos

Progeniem vitiosorem.

Ita est profecto Auditores, auream ætatem argentea excepit ætas, argenteam ænea, æneam ferrea, & in ferream fractis quasi omnis honesti repagulis, & conferto veluti agmine omnis generis scelera instar torrentis cujusdam violenti irruerunt, quæ hodie omnem pudorem ac mode-

proditatis, ac modestie reputare
conferret, quæ maximo cum dede-
dine conjuncta sunt, & quæ san-
carius fugienda esse bonorum or-
sus docet, edicit, imperat.

Etenim ut quæ dico in compen-
nec longioribus verborum ambagi-
rer, quanto ardore, quanto
quanto conatu Juventus hodierno
molitur & tripudia? Quam avide
quentat publica ad hanc artem inf-
Quanto temporis dispendio, qu-
horarum jactura in hoc studium i-
ta industria & cura his exercitiis
sciviz plenis, pedes, brachia, man-
quanto denique aere illis stant
ramina! Quo fit ut quum ex-
turpitudinem non agnoscunt, sui
amplectantur quæ odio Vatiniano
hant, & in iis sibi placeant quæ
possent nisi mentis aciem illis pe-
ris tyranni inveterata in hoc avo-
caxitati huic tantisque animorum
aliquam afferre; grassantique hui-
re in animum induxi. Et si Audit
hi aurem pro solita vestra humar

altius & velut ab ipsis originis suæ primordiis contemplari: Certe tanta est ejus præstantia ut quotiescunque in hanc cogitationem veteres descendebant, hominem admirari satis, nec pro meritis ejus extollere potuerunt. A sapientibus enim Ægyptiorum *Anima admirandum* appellatum fuisse, memoriæ proditum à *Mercurio* illo *Trismegisto*, *Natura miraculum* à *Pythagora*, μέτρον ἀπάντων, à *Platone* principe Philosophorum, θαύμα θαυμάτων à *Theophrasto*, proximum à *Deo animal*, à *Cicerone*, divinum, à *Plinio*, *Mundi epitomen*, ab omnibus, μικροχίσμον, & *compendium universi*. Quid ergo tandem decere minus hominem potest, ad modestiam natum & verecundam morum gravitatem, quam saltationis studium? quod omnis levitatis, licentiæ & lasciviæ argumentum præbet, & latam intemperantiæ & luxuriæ fenestram aperit incaute juventuti. *Ciceronem* quæso audite, magnum illum non dicendi solum, sed vivendi magistrum: *Nemo*, inquit, saltat sobrius, nisi forte insanit; neque in solitudine, neque in convivio moderato ac honesto. Et sane vix matutino tempore saltatur aut ante prandium. Unde etiam *Basilus* seculi sui choreas perstringens, vinum saltationis autorem esse dicere non dubitavit. Causa ergo saltationis & tripudii aut crapula est, aut insania. Unde non libere magis quam graviter *Demades* olim cum *Philippum Macedonem*, parentem magni illius *Alexandri*, largius fortassis aspersum flore *Liberi Patris*, saltantem videret cum purpuratis suis, in has voces magna sermonis & animi parresia erupit, Cum, ó Rex, fortuna tibi nomen *Agamemnonis* imposuerit, non pudet te saltis agere *Thersitum*? Profecto si tripudia Regibus turpia sint, & purpuram devenissent, quorum vitia sub augusto scepticorum velo speciem induunt virtutum, quis adeo *Mentis* & *rationis* expers, qui non videat illa ipsa in aliis quoque vituperanda esse ac detestanda? Viderunt certe hoc præ aliis celebrata

illa in historiis Lacedæmoniensis pudicitia: na *Lucippe & Aristippe*, quas honoris causa rino, quod nunquam apud posteritatem earum olescet memoria: quia virginibus aliis & minoribus saltantibus, choreas verecunde declinavit nec ut iis se commiscerent ullis precibus, actionibus adduci potuerunt. Superbius, in hic aliquis, se gesserunt. *Sed in pudicas si nulla cadit.* Nullum fortè in illis desiderium ætas tamen impellebat, quæ plus satis ad huiusmodi vitas propensa est. Occasio nulla se obtulit vero sociæ provocabant. Cur igitur detrecta? Ne minus continentes viderentur quæ minime ambirent. O si talis hodierno die apud nos virginum esset modestia! Si ea morum verecundia temperantia multarum hodie animos occurreret exemplum hoc sibi imitandum proponeretur quæ castitatem hodie profitentur & pudicitiam. Sed immane quantum ab illis discrepant! Inter privatos parietes se continebant, nostræ publicum prædeunt, & dum spectatum veniunt aliis spectari volunt. Illæ tripudia ignorabant, & ignorantiam hanc ducebant laudi: nunc in iis discendis & exercendis gloriam ponunt illæ cum æqualibus saltare recusabant: nostræ reus se immiscent etiam virorum. Adeo hæc pudicitia, ne dicam infamia, invaluit, moresque nostrorum immutavit, ut quod vitium fuit olim, virtutem. (si esse tamen virtus potest) prava consuetudine & pessimis longe exemplis facere tendat.

Quamquam neque ita disputo ut honestatem saltationem esse affirmem: Mihi vero dicite, Auditores, nihil est quod hominem indignum esse queat, nisi conditionis suæ immoralem sensum omnem cum ratione exuerit. latuit hoc *Tiberium Imperatorem* qui saltatorum vitæ Romana prohibens, veruit ne suam aetatem tanquam hominibus indignissimam, usquam

rarum unquam exercerent ! Non latuit *Domitianum* qui *Calium Rufum* senatu movit quod saltasse diceretur , quoniam tripudia honestis & gravibus indecora & indigna judicabat : Non latuit *Clisthenem* Syracusanum illum Tyrannum , qui cum Hippoclidem Tisandri filium ad mensam Laonicos Atticosque modos saltasse intellexisset , tametsi dignissimum illum inter procos æstimaret , nihilominus filiam suam brevi hoc & arguto sermone recusavit , inquiens *Tisandri fili , desaltasti matrimonium*. Quod si Imperatores , Reges , Principes , saltationis studium tantopere improbant , si saltatores à regnorum suorum finibus & pomœriis arcent , si exilio mulctant , si civitatibus suis eos ejiciunt , tanquam indignos qui civium honestorum societate fruantur , qua fronte , obsecro vos , Auditores , quo rationis ostentu , quo colore apud nos erunt in pretio quos sanior semper despexit ac contempsit Antiquitas ?

Veruntamen ne dissimulare quicquam videamur , agite inquiramus tandem , quodnam illis commodum ex saltatione proveniat , qui se ejus artis cultores profitentur. Dicamne sapientiam hinc eos reportare qui tantopere sibi in tripudiis placent ? Absit , Auditores , absit ; non adeo sum ab omni ratione derelictus ut quod mentis insanientis argumentum est , id credam esse sapientiæ fundamentum. Dicamne hinc ditiores reverti ? Minime gentium ; non enim alia perdundæ pecuniæ brevior magis & compendiosior est via. Dicamne hinc ad honores aditum aperiri ? Nimirum videar levis qui levitatem istam gradum esse statuam ad honores. Hoc unum dicam , non irritus plane tripudiantium labor est , & aliquem laboris sui fructum reportare videntur , dum magno conatu nugas agunt ; Quæritis quem , Auditores ? dicam , trahunt eum in pedibus , in brachiis circumferunt , à fronte detergunt , toto eum denique corpore suspiriosi & anhelantes ostentant.

Obsecro vos, quid aliud est saltatio quam inimica quædam & histrionica gesticulatio, ad tibiarum, cithararum, aut fistularum modos? Nemini prorsus dubium erit, Auditores si parum per hos saltatores oculis intueri & speculari sit animus: Longa necitur hominum catena, longa series: stat non ita procul qui tibias inflat, aut citharam pulsat: virgines aut jam maritatarum adolescentibus aut viris junguntur: manus manum tenet, pes pedem sequitur, brachium brachio assurgit: nunc eunt, nunc redeunt, nunc in aerem se attollunt, nunc descendunt; nunc ad dextram se vertunt, nunc ad sinistram defleunt, & hæc gestulationes omnes, gyri, rotationes, capreolarum, gressus, regressus, & alia id genus, quæ non nisi lasciviam redolent & insignem talium levitatem, quid non nisi hominem mentis potius impotem quam compotem arguunt? Sed regerentes audio, summam hinc capi voluptatem. O lepida capita! quæ ajo helleboro digna, quum qui in tædio, sudore, lassitudine, violenta corporis agitatione voluptatem ponunt. Profecto si in exercitio collocanda sit voluptas, quis in tripudiis illam quæret, ubi ad sudorem itur, flebitur, rotatur, curritur: ubi veneris præludium, & turpitudinis omnis quoddam quasi auspiciu[m] est.

Videtis enim quam

Periculosa plenum opus alea

Tractent, & incedant per ignes

Suppositos cineri doloso.

Illic specie quadam urbanitatis virginum tentatur pudicitia, illic libera manus, liberi oculi, libera voces. In choreis adolescentum, virorum, & mulierum, atque puellarum promiscuus confluxus est. Sunt Fenestrarum instar oculi quibus concupiscentia in intimos animi nostri recessus penetrat. In quantum itaque veniunt discrimen viri illi & mulieres, nec non ipsa juvenus, quibus licet se invicem intueri, inter se congregari, sibi in-

vicem

vicem blandiri , attingere , deosculari : Hæc omnia quid sunt nisi libidinum stimuli , impudicitiae faces , atque licentiae irritamenta ? Puderet certe nos extra choreas ita & loqui & gesticulari. Idcirco *Chrysostomus* aliique excellentissimi servi Dei tripudia , *Satana* illecebras , *veneficia* , atque *libidinum lenocinia* semper esse dixerunt. Utinam falsissimum esset quod proh dolor nimis verum est : Sæpe matronam in tripudiis , diu servatum decus pudicitiae suae turpiter amisisse ? Utinam affirmare non possem virginem sæpe hac occasione fuisse constupratam , & unius horulae spatio perdidisse quod integræ vitæ suæ cursu illibatum servaverat. Quid quod intimè levitate non careat tripudium : Vidit hoc *Imperator* ille *Albertus* , qui saltationem omnem muliebrem esse dixit : Vidit *Arragonum* ille *Rex* , nobilitatis vera imago , & in purpura temperantiae & virtutis exemplar , qui de *Gallis* verba faciens apud suos , *leves* eos potissimum esse dicebat , quia quo magis aetate proveci essent eo magis tripudiis indulgerent. Atque idem cum mulierem impudentius saltantem vidisset , Exspectate , inquit , mox *Sibilla* oraculum edet. Ita nempe sentiebat Vir altæ mentis , saltationem insaniae genus esse ; quoniam *Sibylla* non nisi furore correpta oraculum ederet. Sed quid Soli lucem foeneror , Auditores , iisque probandis prolixius incumbo quæ vel me tacente loquuntur , & chorearum vanitatem , lasciviam , petulantiam , levitatem , ne dicam turpitudinem plenis buccis deprædicant , ut castis animis horrorem incuriant ne se pollui patiantur. Certe ab iis , sub meliore ævo , & vigente adhuc disciplina Romana , abhorruit ipsa Gentilitas. Fuit *Lucius Murena* nobili familia oriundus , nec non ad Consularem dignitatem evectus ; sed cum multos haberet æmulos , fuerunt qui in eum insurgentes inter alia hoc illi vitio vertebant quod saltasset. Cicero qui causam ejus egit , quid ? tripudiane defendit , aut excusat ? Minime

vero : concedit magnum esse crimen , & abdicatione dignum à publico munere. Quid ergo? purgat Murenam , & hoc unum pro tribunali urget , non videri verisimile virum gravem , sobrium , temperantem , virtute eximia præ aliis præditum eoque nominis & muneris oblitum esse ut saltationibus indulserit. Non aliter quoque *Dejotarum* in Asia *regem* defendit apud Cæsarem. Idem Orator ab exilio redux corruptos *Auli Gabinii* inimicos mores. Senatui referens inter multa lenocinis mollisque & effœminati hominis vitia eum quoque *calamistratum saltatorem* vocat. Sicuti etiam cum *Antonio* , perditissimis moribus viro , disceptans ei præter crebras & frequentes scortationes & vinolentias , *saltationes* illi insuper exprobravit. Si Gentiles hæc , Auditores , qui solo naturæ lumine ducti fuerunt : Quid nos Christiani quibus tanta hodie lux Evangelicæ veritatis affulget?

Faceffant , Faceffant igitur , ut finem dicendi faciam , lōnge à nobis hæc vanitatis & levitatis certamina , turpia hæc libidinum irritamenta , luxuriæ fomenta , amorum illicitorum lenocinia , voluptatum carnalium illecebræ , Satanæ laquei , mundi tendiculæ quibus irretita Juventus non ante capi se videt quam cum capta est , nec ante perire quam cum periit. Adeo ut non tantum ab armata manu terroris ac periculi sit adolescentibus , recta ac liberali indole præditis , quantum à lenocinio voluptatum , quæ blanda vi & arte Sinoniam , quicquid in nobis est ingenii aut sanguinis extinguunt , & in ipsam rationis arcem in animæ sacrarium per cuniculos irrepunt magis quam irrumpunt : faciuntque ut invisa primo morum protervia postremo ametur. Ut verbo finiam , Virtutum omnium custos est modestia , quam exornat verecundia & morum gravitas , cujus laude si actiones nostræ ornatae non sunt , omnem honorem , splendorem omnem amittant necesse est. Ita igitur vitæ nostræ rationes instituanus ut modesti.

desti sumus , ut graves , ut verecundi , ut quam virtutis inimicam esse saltationem non ignoramus , nunquam amemus. Dixi.

O R A T I O LII.

de

JUSTA BELLI CAUSA,

Habita à

NICOLAO ASSENDELF.

Magna profecto & ampla sunt Imperia , quæ illustres Christiani orbis Principes , longè latèque diffusa possident ; sed multo majores sunt virtutes , quibus hæc Imperia tuentur ac conservant : quarum duæ cæteras longè antecellunt , quæ ingentes illas Imperiorum moles tanquam magni quidam Atlantes humeris suffulciunt , *Justitia & Benevolentia*. Illa est eximia & præclara omnium legum mater , & rerumpublicarum conservatrix , per quam justa rectaque civibus subditisque suis decernunt. Magna sanè virtus ; sed quæ (si *Lactantio* Ciceroni Christiano credimus) tanta non esset , nisi raritas pretium dedisset. Sed ut omnium virtutum Regina est , ita huic cedunt utroque fasces submittrunt boni omnes Reges & Principes : intelligunt enim proprium suum esse munus , semper meminisse non solum quantum sibi commissum sit , sed quid , & quatenus permissum. Qua etiam de causa veteres olim Philosophi , & acres illi divinioris Sapientiæ indagatores , non abs re Justitiam finxerunt , perpetuo Jovi comitem sociamque adistere , quod ab illâ Jupiter hanc universam Mundi machinam bene feliciterque regendi præcepta caperet , ut quidquid ille decerneret justum esset , non quia ipse

parasitus & assentator, Magno illi & nomine & re Alexandro, ob occisum à se Clytum gravissimè dolenti, persuadere conatus est) sed quia Justitia adstante ita decrevisset, nam fruendæ Justitiæ causa credebant sapientissimi olim viri, Justitiæ amantes Reges constituendos esse. Quæ quidem virtus quanquam per omnium hominum vitam ita se effundat, ut nihil recte, nedum præclare quidquam sine eâ præstari queat, nec omnino honestè vivere homines sine eâ possint: Tamen si usquam certe in illustri & augusto Principum munere longè præ cæteris virtutibus emicat, & facile de Principatu contendit. Ea nimirum ab ipsis exigit, ut leges quas à Majoribus suis tot retro sæculis, per tot hominum manus inviolatas ad se transmissas acceperunt, & quas ad ingenia, mores & naturam gentis suæ conformatas esse vident, sanctas & intemeratas esse velint: nam eas si violant, tollunt & funditus subvertunt Imperia sua. Non enim ut gladius Delphicus multis ac diversis usibus, sic unæ eademque leges omnibus populis conveniunt: non iisdem Imperiis, non eodem modo regi omnes debent aut possunt, sed suis unaquæque Respublica stat legibus, & in earum observatione legitimum ac stabile est Principum imperium: estque illud supremæ suæ dignitatis fundamentum, ac firmamentum

Quanquam alterum illud quod *Benevolentiam* appellamus, ipsi quoque non ignorant, quantum nempe momenti afferat ad tranquillum, ac diuturnum Reipublicæ statum: hunc intelligo affectum, amorem, studium benefaciendi subditis suis, eorumque commodis, cum privatis tum publicis invigilandi, ex quorum usu metienda esse omnia consilia sua, omnesque actiones suas profitentur. Hæc ipsa efficit ut subditorum Patres sint, non Domini; Reges, non *Tyranni*. Ab hoc uberrimo fonte reliqui Regalium

um virtutum rivuli copiose promanant, Clementia, Mansuetudo, Comitas, Beneficentia. Hoc denique verum est illud assiduumque publici boni studium; cuius causa ab ipso Deo opt. Max ad Reipublicæ clavum collocati sunt; et subditorum gratia ad hunc honoris gradum recti, ut hos autoritate, virtute ac prudentiâ suâ teneantur ac defendant.

Quapropter cum in duabus his Virtutibus omnis regendi scientia, Principum magnitudo, subditorumque omnium salus versetur; Tyrannum eum se quis non videt, quicumque Princeps has negligit, contemnit, aspernatur? Cujus ut iniquæ voluntati ac libidini obtemperare nemo tenetur, ita neminem vestrum esse arbitror qui non facile intellegat, quo loco habere debeamus communem illum patriæ nostræ hostem Hispanum, cujus violento nimis imperio cum jam à multis retro annis *tristissimi potentissimi*que confœderatarum Belgii rovinciarum *Ordines* non minus justè quam strenuè hætenus restiterint, & etiamnum hodie resistant *οὐν δὲ οὐν ἀσπλῆ*, visum mihi fuit, de justa et tyrannidem belli causa, pauca ad vos loqui.

Ut autem rem altius persequamur, solent illi qui Politicam tractant, duplici modo considerare Tyrannum, *vel absque titulo; vel exercitio seu administratione*. Tyrannum absque titulo vocant, qui Rempublicam sine ullo justo vel successionis, vel electionis titulo usurpat, invadit, occupat, aut aperta, aut malis artibus. Huic quia nullum habet fundamentum sui principatus sive regiminis, tantam privato licet sine ullo conscientiæ scrupulo consistere, eumque pellere vel è medio tollere; quia defensio hæc est juris naturæ. Tyrannus administratione est, qui quidem legitimè est constitutus princeps, sed tyrannicè regit: & si ejus notas, si indicia queritis Auditores, hæc sunt: quod leges Reipublicæ fundamentales violet: quod subditorum suorum hostis sit: quod abutatur juribus Ma-

jestat.

jestatis: quod nullam justitiæ rationem habeat: & denique, quod totis viribus ad statum Reipublicæ evertendum, & opprimendos subditos enitatur: quod res Regni in perniciem publicam concertat, bella, factiones, dissidia nutriet, Primores Reipublicæ opprimat, æraria dissipet, minuat, alienet, nec opes tantum publicas, sed & privatas subditorum exhauriat, & vel vi aperâ, vel fraudibus subditos expilet, ut ad summam rerum angustiam redacti, violento ejus imperio resistere nequeant.

Habetis hic paucis, Auditores, veram, & genuinam Tyranni imaginem; quam si penitus inspiciamus, quis in illa ingenium, mores & indolem Hispani ad vivum depingi & adumbrari non videt? At, inquires, titulum habuit; habuit certe, atque ideo in numerum eorum qui absque titulo Rempublicam invadunt, non esse reponendum censemus, ad quem justo successio-
nis titulo, nec non jure hæreditario devolutum est olim in Belgium imperium; sed Tyrannum dicimus administratione & exercitio, vel Cæsaris ipsius Caroli Quinti judicio. magnus enim ille Imperator, post tot tantasque Imperii curas, tot exantlatos labores, tot emensas cum incredibili successu expeditiones, novem in Germaniam, sex in Hispanias, septem in Italiam, decem in Belgium, quatuor pace & bello in Galliam, post bina in Africam peracta itinera; cum funesto Germaniæ bello supersedere staret sententia, & jam gravis ætate laudumque Imperii satur, redditum in Hispaniam parans, in alto ibi & tranquillo otio reliquum vitæ transacturus, omnibus se Regnis ac Imperiis abdicavit maximus Imperator, & Philippo filio omnem Imperii curam commisit, eumque (ut boni fere Principes haud raro solliciti sunt de Successorum suorum in Rempublicam studio) serio adhortatus est, *non semel, sed identidem, præsentibus Prin-*
cipe

de Auriaco , aliisque Nobilibus , ut præ cæ-
 ris Regnis suis , hisce imprimis Belgii Pro-
 nciis maximam adhiberet curam , sciret hanc
 rem nullâ imperii severitate gubernari so-
 lam , ab omni abhorrere fastu & insolentia
 Hispanorum , libertati suæ ac privilegiis suis val-
 de esse addictam , ac proinde cum omni bene-
 volentia , ac , ut fas erat , cum justâ suarum le-
 um observatione hunc populum regendum esse.
 eminerat optimus patriæ parens , idemque for-
 tissimus Imperator , se à Belgis suis re & con-
 silio fideliter aliquando fuisse adjutum : sciebat ,
 in omnium temporum memoriam replica-
 re , imperia Hispanorum in subditos suos ac
 diversos populos violenta plerunque extitisse ,
 jam inveterata quin & ingenius Hispanorum
 sita quædam esse in Belgas odia , sæpiusque
 a palam apparuisse , ad animum revocabat Phi-
 lipum filium in Hispania natum esse & educa-
 tum , ibique cum lacte ipso nutricum imbibisse
 puero hæc ingenii morumque vitia ; atque ad-
 id , ut non nisi Hispanicè loqui posset , cum non
 si ministris Hispanis uti vellet.

Sed hæc optimi Principis prudentissima con-
 sideratio , cum primum Cæsar Belgium reliquisset ,
 contemnere , & sursum versum omnia subver-
 re , bellis , incendiis , depopulationibus cun-
 a vastare , Divina pariter & humana miscere
 aluerunt Præfecti , quam privilegia avita &
 libertatem , quæ indigenis semper vita ipsa &
 sanguine cariora fuerunt Belgis relinquere. Ita-
 que hanc sibi viam ineundam rati : primum , ut
 illo eos tanquam hostes peterent : tum , ut vi-
 sis jus patrium adimerent , ipsi novas leges vi-
 sis victores darent. Non negabat hoc olim *Dux*
Ulpianus ; qui cum jam confirmatâ Civili dissensio-
 ne , florentissimas urbes bello diripuisset , dixit ,
 non & palam jactitare non dubitavit , Regem non
 amplius Principis , sed victoris jus obtinere in
 Belgio :

Belgio: itaque haud aliter quam in debellato:
lentum ubique imperium exercere, leges ini-
simas ferre, vitam juxta & fortunas optimi-
que & fortissimi civis proscribere, easque mil-
hastis, & carnificum gladiis subicere coepe-
Quid? An tale quicquam ullus unquam Tyrannus
ullus hostis instituit? Sed hoc nimirum illud
quod plenam integramque Obedientiam vocat
nos verius Tyrannidem, quæ est intoleranda
contra leges, & mores Reipublicæ optime con-
stitutæ Dominatus, quo jam dudum afflicti tan-
teruntur tot populi Indiæ, Siciliæ, Neapolis, Na-
briæ, Mediolani, Arragoniæ, quos omnes Reipublicæ
sux legibus vivere nec volunt nec patiuntur
ad quos ex Hispania, velut olim à Roma, mi-
runtur Proreges, Præfecti, Legati, atque illi omnes
spani; Et quam ejus rei causam esse creditis? Au-
tores? non aliam quam quod nimirum per
hoc illa dignitas & Majestas Monarchiæ ima-
riæ, quam toti Mundo volunt esse formidabilem

Ex quo satis superque intelligi potest, Audite
armorum nostrorum aequitas, quæ sub auspicio
legitimi Magistratus, pro salute patriæ, pro
libertatis, pro vitæ conservatione, pro redimendo
sanguine sumpsimus, contra violentiam in-
tentissimi dominatus. Nam (ut nihil hic de
gionis negotio in præsentia dicam) quænam
stior belligerandi causa existere potest, apud ho-
nes indole & forte liberos, quam pro capite
care, quam iniquæ servitutis depulsio, quæ
rosis & celsis animis quovis supplicio gravior
solet? ne tamen temere, leviter, & inconfidenter
ultima hæc defensionis remedia tentata fuerint
absit, absit Auditores, ut quenquam hæc sit
cogitatio: ad extrema hac ventum est, cum, om-
bus frustra adhibitis mediis, plus nimio ex-
quid ajo? imò læsa & in furorem versa patientia
nullum aliud incolumitatis suæ & salutis as-
invenit, quam ut vim vi, vel potius intoleran-

servitiam adversa virtute propulset.

Quam multa enim, & quamdiu perpeffi sumus, quam patienti, quam infracto animo, quæ in Republica libera ac bene constituta ferenda non erant? quam ægre tandem, quam sero arma sumpsimus, in eos qui re & factis jam pridem infandam in nos Tyrannidem exercuerant? Ecquis enim est rerum Belgicarum ita hospes cui posset esse obscurum, quantam & quam horrendam florentissimæ illæ paulo ante ditiones, vastitatem ac solitudinem eo tempore viderint? quas facultatum direptiones, ærarii expilationes, civitatum ac municipiorum deprædationes? quam intolerandas atque inauditas exactiones, quas virorum nobilissimorum sub gladio gementium cædes, funera, lanienas, innocentissimorum fugas, exilia, proscriptiones? amplissimorum prædiorum ac facultatum subhastationes, sanctissimarum legum violationes, immunitatum ac privilegiorum, quorum ante in verba jurant Principes quàm Imperii gubernaculo admoventur, conculcationes modum omnem supergressas? quantum denique, ut verbo dicam, à milite longe omnium superbissimo, in populum natum ad humanitatis cultum & mitioribus imperiis assuetum, promiscuam sæviendi libidinem nunquam fando auditam, nusquam in Annalibus memoriæ proditam? Quis adeo domi peregrinus est qui ignorat quantas strages *Dux Albanus* ediderit, monstrum illud hominis, funestum illud caput, ex omni scelerrum colluvie concretum, qui patriam nostram rapinis, concussionibus, latrociniiis exhaustit, qui florem Nobilitatis *Comitem Emondanum* & *Hornanum*, aliosque nonnullos illustriæ familiæ Nobiles, obtento rebellionis crimine, gladio carnificum crudelissime subjecit: qui cuncta ferro, flamma, luctu & innocentium sanguine foedavit, nullâ nec ætatis, nec sexus habitâ ratione. Sub ejus enim imperio militis Hispani, effusi in omnes li-

gentes ad eorum memoriam
exhorrescant.

Quæ tamen si cui fama quæ
videantur, is sibi proponat ut
pudore derelicti vocem, se-
habitam, quam in Hispani-
rans inter epulas usurpavit,
poterit facere conjecturam,
tur, Sese in Belgio præfecturæ
sexennium non excedit, p.
supra duodeviginti millia,
victimas atque odii publici
modis & exquisitis supplicii-
delitas est in pœnas) carnifi-
(quia agere aut loqui pro Ro-
nefas erat, & ultra audaciæ
omnes, quos, certè multitu-
vel militaris insolentia per se
vel hostilis iracundia per se
nem terrâ marique absumptæ
ad hæc ipse stipēs, aut quis te-
mane & barbarum in ullâ ba-
si quis Hispanum huius cr

tium cæſorum manibus immolari? Sed planè contra evenit: non enim tantum impune hæc abierunt: ſed reſerſus in Hiſpaniam, ſcelus hominis, præmiis & honoribus, tanquam re bene geſtâ, ad multorum invidiam auctus fuit & cumulatus: *Albanum* quippe Rex Luſitaniz Regno præfecit, & tanquam Patrem ſuum obſervavit.

His ergo tot injuriis & calamitatibus laceſſiti Illuſtriſſimi Provinciæ Unitarum Ordines, eâ quâ dixi animi fortitudine, unanimique conſenſu decreverunt olim, atque, etiamnum hodie in eâdem perſtant ſententiâ, profundere vitam & facultates, poſſeſſionesque omnes pro vindicandâ ſalute libertateque communi Belgarum: quanquam (ut ſapientem & bonum quemque civem initia belli Civilis ſuſcipere invitum, extrema il-lubenter tentare decet) ægre admodum arma ſumpſerunt: quippe videbant nullam aliam viam ſu-pereſſe ad effugiendam ignominioſiſſimam mortem, ſervitutemque deteſtandam Hiſpanorum; non ſupplicationibus, non precibus, non Lega-tionibus, non Imperatoris ipſius, non deniq; po-tentiſſimorum & Sereniſſimorum Principum Ger-maniz interceſſionibus ullum locum dari; tandem ſola arma reliqua eſſe, quibus à cervicibus ſuis ſervile hoc Tyrannidis jugum dimoverent.

Quid! itane rerum ignarus eſt Hiſpanus, ut non intelligat quam arcta eſſe debeat conjunctio ani-morum, volûntatum, conſiliorumque omnium inter Se & Subditos ſuos, per mutuam fidem, ju-risque jurandi religionem contracta? quæ ſint le-gum & fidei vincula, quæ vinciunt munera offi-ciaque omnium Principum Senatusque & Subdi-torum, Domini & vaſalli? Quibus enim de cauſis Vaſallus feudo excidit, iſdem dominiî proprie-tate illius Principem privari juſ eſt: huic Vaſal-lus nec fidem nec obſequium præſtare cogitur, ſi ipſe fidem & jura feudi Vaſallo recuſavit. Præ-clare olim Domitius Orator *Cur ego te habeam*

Principem, cum tu me non habes. Senatores inſcite Lucius Craſſus; *Ego te Conſulem* tu me non putas Senatorem? Cur non & dicamus unâ voce, Hiſpanum non agnoscit, ſed iſcis & hoſtibus habet. Quanquam quo a voluntate, quo affectu potuit à legibus tum abhorrere & diſcedere, ut earum ſuam, quam omnes boni Principes ſacramque habere, & tanquam omnis judicamentum inviolatam ſervare ſolent, tuleret, infringeret, abjiceret? An ex injuriâ & præter æquitatem conſtitutæ? aut Mæj jus quicquam derogabant? At qui Cæſar Principes, Majores ejus, & haud dubi & dignitate Imperii & laudum rerum ſplendore, eas ſibi iſtis tulerant & præſtarent, ad quas, ut juſtiſſimas & Reipublicæ fundamenta & columina, magnus cæterique omnes Anteceſſores, omni cunctis obſervandas acerrime evigilarunt.

Quare ſi jus violenti nimis imperii eſſet Hiſpanus, exerceat in Italiâ, quæ jam annis hoſtico jure ei paret: ſi Rex habet Hiſpaniâ, ſit in Peruvia: ſi Monarcha, dudum Hiſpani ejus haruſpices beneſunt, ſit, ubicumque illa bellorum incenſit: ſi magnus denique Dominator, ſit in Africâ, nos neque hæc ſuperbiſſima in nomina, neque leges iniquiſſimas agnoscant liberâ noſtrâ Republicâ, nec ulla nobis ſocietas eſt cum talibus, quin potius iſtraſtio; & quid ni? Græci olim divitiis illis tribuerunt, qui in Tyrannos inſuſi Romani Regem Tarquinium Superbum ſtantem ſtatum imperii ejecerunt. Nos non modo Belgium, ſed univerſum præſentem dum vaſtare & ſubvertere molientem iſtrâ Republicâ feremus? Fergant, pergam

si pace satis tuta bellum finiri nequeat, Præpotentes Patriæ nostræ Ordines, intolerandæ huic Tyrannidi strenuè constanterque se opponere: perseverent longè, longèque eam à finibus Patriæ repellere, avertere, amoliri: & eum modum belli teneant quem occœperunt, ut non suas tantum, sed & reliquas quoque Belgii provincias pristina libertati aliquando restituant, easque à durissimo Tyrannidis jugo liberent: atque ita restituta tandem aliquando meliusque stabilita cum universi Belgii provinciis societate, facilius impendant insensissimi hostis impetus & violentiam, eosque unanimes arceant ad communem Patriæ & libertatis bello partæ securitatem.

Tu, Summe Deus, qui cœlum, maria, terras, bella, pacem moderaris, qui Regibus, Principibus atque universis mundi populis leges & jura ponis: qui victorias, triumphos, trophæa statuis & discernis: qui clades, miserias, calamitates, Rerum-publicarum subversiones inhibes, avertis; Exurge, Magne Deus, & judica causam tuam; ne patiaris adversus Te insurgere hostes quicunque tandem sint omnis justitiæ & pacis hostes, Ecclesiæ tuæ, hostes nominis tui, laudum tuarum, & gloriæ. Quo providentia tuâ & consilio, Clementissime Deus, liberatus aliquando plenè & plane populus tuus, sanctissimum nomen tuum summâ cum pietate verâque religione colat, suspiciat, veneretur. Dixi.

O R A T I O LIII. DE LIBERALITATE,

habita à

FRANCISCO vander LEE.

Cum omnibus fere in orationibus, quæ
ab eloquentiæ studiosis hoc loco haberi
solent

solent, in limine primoque aditu plurima occurrant, quæ etiam in hoc studii genere versatissimos haud parum perturbare solent: tum hocce in argumento ad tractandum proposito, plurima sese offerunt quæ anxium me reddunt & sollicitum. Neque tamen de iis nunc verba faciam, quæ vel in Principum aulis ventilari, vel Rerum publicarum consiliis agitari solent; neque etiam de Periculis in dicendo vi, quem sic animos Græcorum movere, flectere & percellere solitum, memoriæ proditum est ut Poëtæ tonantem potius & fulmen cientem finxerint; ne de Aristidis Justitia, Alexandri fortitudine, prudentiâ Fabii Maximi, continentia Epaminondæ, Curii, Fabricii, & aliorum virtutibus agam; sed de Liberalitate, nobili illa virtutum reginâ, apud vos dicere in præsentiarum est animus, Vos Auditores qua par est observantiâ rogatos volo, ut attentam mihi aurem largiri haud dedignemini.

Ac ne diu extra oleas, ut ajunt, vagari videar, quis adeo est ab omni ratione derelictus qui non videat decere militem, ut Imperatori suo morem gerat? servum, ut Domino suo obsecundet? filium, ut patris voluntati pareat? dispensatorem, ut bona Principis sui fideliter distribuat? Haud aliter nobiscum comparatum, Auditores, in hac mundi œconomia. Milites sumus summi illius Imperatoris; qui ut in cœlestia, sic & in terrestria suum exercet imperium: cui maria, venti sidera, cui cœlum, terra, creaturæ quotque sunt in hoc Universo militant: quid ajo? imo si vi sumus illius Domini, qui nos condidit, admiranda sua providentiâ tuetur ac conservet denique dispensatores illorum bonorum, largâ manu in nos contulit. Quid enim ocreo, Auditores, habemus, quod non accimus, sive bona sint animi sive corporis? quo fine, nisi ut illorum dispensatores simus secundum voluntatem magni illius Oeconomi

Rectoris Universi, qui vult, imo jubet, nos proximi-
 nis nostris succurrere & opitulari: ita enim no-
 bis præcipit per Prophetam *Esaïam*, *Partire esu-*
rienti panem tuum, & pauperes introduc in domum tuam,
cum videris nudum tege cum, & ne subtrahes te carni
sua: & per *Mosè* populo Israëlítico ut septimo
 anno agros, & vineas incultas relinquant, in u-
 sum & alimentum pauperum: alibi; ut injustè
 victos solvant, in carcerem coniectos liberent,
 omnia denique humanitatis officia proximo suo
 præstent. Quam liberalitatem Deus non tantum
 præcipit in verbo suo, sed & amplis promissio-
 nibus nos ad illam exercendam passim in sacrâ
 paginâ per Ministros suos invitat. *Qui*, inquit
Hebraus ille. Sapiens, pauperis miserescit, Domino fa-
neratur. Servator noster *Christus* in extremo Ju-
 dicio laturus sententiam, non aliorum operum
 recordabitur quam liberalitatis, *Adeste benedicti Pa-*
tris mei celestis, & possidete regnum patrum vobis à ja-
ctis mundi fundamentis? *Esurivi enim, & dedistis mihi*
quod ederem; sitiivi, & dedistis mihi potum; pere-
grinus eram, & collegistis me; nudus, & amiccivistis
me; egrotus, & invisistis in carcere, & venistis ad me:
nam quod minimis meis fecistis, hoc mihi factum depu-
to. Inter hos liberalitatis cultores eminuerunt
 præ aliis in V. Testamento *Abrahamus* & *Lothus*,
 qui adeo benefici, adeo liberales fuerunt, ut
 etiam in portis sederent & peregrinos adventan-
 tes expectarent; ut eos in domum introductos,
 & ex itinere defatigatos, cibo & potu refice-
 rent; inter quos etiam Angelos inscii hospitio
 exceperunt. Quid *Jobus*, eximium illud non pa-
 tientia solum in adversis, sed & commiseratio-
 nis & benignitatis exemplar? non me sed ipsum
 de se loquentem audite: *fui*, inquit, *pes claudus,*
oculus caco, os muto, & pater egenorum. Quid *To-*
bias? majorum suorum vestigia premens, in uni-
 versa vitâ suâ in pauperes liberalissimus fuit; nam ut

de se testatur, cibos suos dedit esurient
vestimenta nudis, & si quem ex gente
mortuum, eum sepeliit; & cum tand
suz finem instare animadverteret, filiu
ad liberalitatem quoque adhortatus est, i
*De facultatibus tuis, fili, da elemosynam, no
tas faciem à paupere, & Deus faciem suam
avertet, pro facultate & copiâ benignè faci
si tibi parum fuerit, ne verearis exiguum alia
cium largiri. Deposuim enim quasi thesauru
paras tibi in diem necessitatis; quoniam benefi
berat à morte. Donum quoque egregium est bene
bera coram Altissimo, coram omnibus iis qui ea
Sed ne exemplis V. Testamenti longius
rari videar, te ne hîc, Ecclesia Macadonica,
clesia Antiockena, te, Corinthiaca, silentio pra
quæ tanta liberalitate ac beneficentiâ ce
sunt fideles egenos, ut eam Apostolus m
tis & deprædicare non potuerit? Te tace
tha, te Doreas, quam divitem bonorum
& elemosynarum fuisse Sacra Scriptura
Te denique, Corneli Centurio, cujus preces
mosynæ pervenerunt ad Deum? Nec, mi
les, injuriâ: Hæc enim virtus illa est, quâ a
Opt. Max. proximè accedimus. Rectè
Mortales tum maxime iniunguntur Deos (more
lium loquitur) cum benefici sunt: & Nazianz
hil æque Divinum habet homo, ut beneficentiam
gna hæc encomia sunt liberalitatis, Auc
sed non sola. Liberalitate qui utuntur, ineq
ro, B. nevolentiam sibi conciliant, nec ulla res pe
rit gaudium, ut beneficentia. addo & gl
nam multum occurrere, habere invidiam potest
tribuere & elargiri, gloriâ carere non potest.
ringeris Eulio? Majus est, certèque gratius
omnibus, quam opes magnas habere. Cur
tui rivulos obstruis, Philosophè, :
ad alios eruditio dimanet? Fratres
& virtutis omnisque præstantia tum*

capitur, cum in alterum confertur: Naturam exuis cum hoc non facis, *qua impellimur ut prodesse velimus quam plurimis, imprimis docendo, rationibusque prudentia tradendis.* Nihil enim tam secundum naturam quàm juvare consortem naturæ, & libera'is etiam dandi causas quærit. Ubicumque homo est, ibi beneficio locus est. Sed de nostris benefaciendum facultatibus. Nam ut præclare Seneca: *Non est liberalis, qui de alieno est liberalis; sed ille, qui quod alteri donat sibi detrahit.* Benefaciendum autem aliis de iis bonis quæ communicari possunt, qualia sunt bona fortunæ, & bona animi. Quicumque igitur scientiâ rerum spiritualium excellunt, aliis viam salutis præmonstrent. Qui liberalium artium cognitione imbuti sunt, eam aliis impertiantur. Qui bonis fortunæ abundant, ex iis largiter beneficia sua conferant; ita tamen ne major sit benignitas quàm facultas; deinde, ut pro dignitate cuiusque tribuatur. Benefaciendum quoque animo non tristi, sed prompto, sed amore flagranti: *Hilarem enim datorem diligit Deus.* Adhæc, benefaciendum non cunctanter, non tardè, sed cito. Nam bonarum rerum sollicita est expectatio, & major est muneris gratia, quo minus diu pependit: omnis benignitas properat, & proprium est libenter facientis, cito facere: contra tardè velle, nolentis est.

Gratia quæ tarda est, ingrata est gratia; namque

Quæ fieri properat, gratia grata magis.

Bene & præclare Scaliger:

Qui dat libenter & cito bis obligat:

Sed qui moratur, est neganti proximus.

Ideo

Si bene quod facias, facias cito; nam cito factum

Gratum erit, ingratum gratia tarda facit.

ἀκτῖας γὰρ, ut non ineleganter Græci, χρίτης γλυκυρότεραι

Gratissima sunt beneficia parata & facile occurrentia, ubi nulla mora fuit nisi in accipientis ve-

recundiâ. Nam cui in beneficio jucundissima sit tribuentis Voluntas, qui nolentem se tribuisse ipsa cunctatione testatus est; non dedit, sed tergiversando male retinuit; tantumque gratiæ demit, quantum moræ adjicit; cum in tædium adductus animus, incipit beneficium odisse, dum expectat. Benefaciendum quoque non jactanter & ad ostentationem, ut *Pharisæi* olim, sed clam; ut *sinistra manus* (sic loquitur Scriptura) *nesciat quod dextra facit*. Nam liberalitas nec laudem ab alio, nec fructum beneficii reposcit: sed maximum sibi met ipsi est præmium: nihil etiam æquè in beneficio dando vitandum est, quàm superbia, quid opus arrogantia vultus, quid tumore verborum? ipsa res te extollit, detrahenda est inanis jactantia, res loquentur nobis tacentibus: non tantum ingratum est beneficium, sed invisum superbè datum. Omnis denique à beneficiis abesse debet exprobratio: odiosum enim est genus hominum, Officia exprobrantium, quæ meminisse debet is in quem collata, non commemorare qui contulit.

Vos itaque qui bona Mundi possidetis, vos, inquam, compello. Utamini illis, ne abutamini; pauperum tenuitatem sublevate; operam date, ut inculpati sitis Dispensatores bonorum quæ Deus abunde & liberaliter in vos contulit. Nihil enim honestius est quàm facultates quas habemus, ad beneficentiam liberalitatemque convertere. Non minus graviter, quam eximie *Doctor ille Hipponensis*: *Da quod non potes retinere, ut recipias quod non potes amittere. Quæ illa, sodes, stultiitia est, illic relinquere unde exiturus es, & illic non præmittere quo iturus es? hic ergo substantiam illam colloca ubi patriam habes. Qui collocat thesauros in terram, habet quæ speret in cælo. Et quid respiciat cælum, ubi nihil habet repositum?*

Ne patiamini vos, Christiani, ne patiamini, inquam, vos hac in parte à Gentilibus superari. Cimonis nomen nostis, Auditores? ergo & liberalitatem ejus Historiarum monumentis tantopere ce
le

lebratam imitare. Familiares ille semper Adoleſcentes habebat comites, qui nummos ferebant cumulatè, quos in inopes ſi qui honeſti erant, distribuiebant. Non poterat hic Cimon de gratitudine omnium eſſe ſollicitus, de liberalitate ſua poterat. Nec vero *Titus Imperator* non laudandus in eo quod diem perdidiffe ſe opinabatur illum quo non illuſtre aliquod liberalitatis ſpecimen edidiſſet: unde *amor & delicia generis humani* fuit appellatus. Nimirum ex ipſa liberalitate, liberale illi quotidie gaudium naſcebatur. *Ageſilaus* vero quid? ipſam liberalitatem ſuam argenteis in vasis præferebat. Itaque ingreſſus aliquando ad Creſibium graviter laborantem, videntiſque eum nummariâ difficultate & rerum inopiâ anguſtari, plenum nummis ſacculum clam ejus pulvillo ſubjecit. Qui & hoc nos docuit; nonnunquam in ignorantes etiam beneficia eiſe conferenda. Ignoscite *Romani*, quod cum aliorum liberalitatem prædicem, veſtram quodammodo tacitus præteream Munificentiam; quam expertus eſt Attalus, is qui captam bello Aſiam, muneris loco poſſidendam à vobis accepit. Veniam & tu mihi dabis, *Gillia*, quod poſtremum reſervarim liberalitati tuæ locum; cujus gloria & celebritas nullo unquam tempore apud poſteros exoleſcet. Quam ſuavia dolorum delinimenta ex benigno tuo ſinu inopes hauriebant & egeni! Erant quæ paupertate premerentur Virgines, dotem illis Gillias conſiciebat: Erant qui in Agrigentinâ civitate peregrinarentur? hoſpitium illis liberale in Gilliæ paratum erat ædibus. Erant qui tempeſtatum fluctibus Agrigentum compellerentur? à Gillia hi alimenta, à Gillia veſtes non dico petebant, ſed invitati auſerebant; ut non malè ſenſerit, qui *Gilliam ipſa liberalitatis præcordia habuiſſe* dixit. Plura dicerem, Auditores, ſed ne attentione veſtra & patientiâ abuti videar, finio, & quam vobis liberalitatem hac meâ oratiunculâ deprædicavi, eam

JACOBI CRUCII

is officiose precor & animitus opto. Dixi.

ORATIO LIV.

In

SENTENTIAM,

γινῶσι σεαυτὸν,

Nosce te ipsum:

habita ab

EWALDO van der DUSSEN.

*Venerande Patens, Amplissimi viri D. D. Curatores, Ministri ac Pastores reverendi, Praeceptores, omni ob-
servantia colendi, Auditores humanissimi, Vosque
quotquot hic adestis Commilitones mei amantissimi.*

Vulgus ritu pecudum sequitur antecedentem gregem; pergens non quā eundum, sed quā itur; magisque ad similitudinem, quam ad rationem componitur. Ita profecto est. Per enim pauca, veritate, opinione quam plurima astringuntur. Sed re ad rectæ rationis lancem diligentius exacta, quis non videt, multa in pretio haberi hodie, quæ tanquam si ex tripode & intimæ Sapientiz penetranti deprompta essent, homines suspiciunt, arripiunt, exosculantur; rati nihil verius posse dici, nihil dignius, nihil præstantius à quoquam excogitari. Non ibo per ambages, Quid ore multorum tritum magis hoc dictorio γινῶσι σεαυτὸν; quid in Scholis, quid in Academicis, & doctorum subselliis decantatum magis? quid in ædium frontispiciis, quid in parietibus, quid in tabulis ubique obvium magis & in usu? quod vel Pythagoram authorem habeat, aut Thaletem ex Græciæ Sapientibus unum, aut, ut quidam volunt, ipsum Apollinem. Tantum scilicet potest in multis præjudicata opinio: quam ut seme' imbi

berunt, nullis rationum momentis, nullis argumentis, etiam validissimis, ab ea se dimoveri patiuntur. Apud quos etsi parum aut nihil me profuturum certo, mihi persuadeam, veritatis tamen vindicandæ causa cathedram hanc conscendere non dubitavi; ut quam graviter hallucinentur, luce meridiana clarius ostendam; cum non ex Sapientibus unum, non *Pythagoram*, non alium magni nominis Virum authorem habeat, sed ignobile & imperitum vulgus. Favete modo, & quandoquidem illa in medium adferre in animum induxi quæ non uni aut alteri, sed omnibus profutura sunt, audientiam mihi largiri haud dedignemini.

Ecquis enim datur in hoc Universo, qui si dictum hoc perpetuo ad animum & ad praxin revocet, qui vel minimo temporis puncto, expertus curarum ac sollicitudinum tranquille vivere posset? Non singula hic ætatum incommoda recensere mihi est animus, quod si facerem dies me citius quam materia deficeret. Nec cum cæteris animalibus hominem conferre decrevi, quæ eum in multis longè superant: magnitudine & vasta mole corporis Elephanti, celeritate Cervi, Canes odoratu, lynces visu, impetu Tauri. Etiam ista prudens prætereo, Hominis vitæ nihil esse calamitosius, nihil miserius. Quot enim eum cottidie pericula circumstant: Imo, *quid quisque vitet, nunquam satis homini cautum est in horas, domi, foris, stans, sedens, dormiens, vigilans nusquam; & nunquam, vitæ suæ certus est.* Nec mirum:

Sua funera secum

Circumfert moriturus homo; suspiria, tusses

Et luctus, fomenta malis, & pravia præbens

Instantis documenta regi.

Sed hoc affirmare nullus dubito, Munere suo neminem alacri erectoque animo unquam defuncturum, si proverbio huic morem gerens *senosse* ipsum coeperit. Quid? *Athenienses* se ipsos si nosse voluissent, cum tantum decem millia militum

haberent , numerosumne *Darii* exercitum ; sexcentis hominum millibus constantem , adoriri intrepidè ausi fuissent , tam impari congressu , tamque ancipiti Martis alea ? *Alexander* ille *Macedo* , si in se descendisset , exiguâne quam habebat militum manu *Hellepontum* trajicere , & expeditionem laboris & periculi plenam parare in *Asiam* , adversus *Persas* , illi unquam fuisset animus , cum tantum triginta millia peditum , equitum quatuor , septuaginta solum talenta , triginta dierum comitum haberet ? Intuemini mihi , quæso , *Scipionem* , qui tanta alacritate transfretavit in *Africam* , qui bellum ibi tanto animi ardore gessit , tanta prudentia & animi magnitudine , ut tandem hostes *Romanorum* acerrimos attriverit , castris exuerit , intra moenia compulerit , arces , castella , munimenta eorum expugnaverit ; Carthaginem denique ipsam urbem regiam , ambitu spatiosissimam , situ munitissimam , toto terrarum orbe celeberrimam , vicerit , funditus everterit , solo æquaverit : Qui Annibalem antè petulantius exultantem , & assiduus incursionibus , dimicationibus , præliis *Italiam* infestantem , deferere eam & terga vertere coegit . At si heroica hæc anima , in congressu imparitatem & virium Romanorum , quæ diuturno in *Italia* bello à Carthaginensium copiis attritæ erant , imbecillitatem , æqua judicii lance apud se ponderasset , memor dicti illius , *Nosce te ipsum* , idemne in eo fuisset vigor , eadem animi constantia , fortitudo , vigilantia ? negatis , scio , Auditores .

Sed ut ad Sacra quoque nostra se convertat oratio , quis *Davidi* , homuncioni rei militaris plane imperito , magnum illum gigantem *Goliathum* adoriendi fuisset animus , quæ triumpho ac victoriæ spes , si se nosse , & pede suo ac modulo metiri voluisset ? Ille enim adolescens , hic Gigas ; ille invalidus , hic validus & monstrosa corporis statura toti populo *Israëlitico* formidabilis ; ille *custos ovium* , hic exercitatus belli Dux ; hic

inex-

inermis, funda ac lapillis tantum aliquot instructus, hic armis ad terrorem non unius aut alterius sed omnium *Israëuitarum*. Quis vero imponendi ac in alios dominandi, leges ferendi, Rempublicam administrandi sibi onus imponi pateretur, aut impositum ilico non subterfugeret, si secum ipse habitare & *quid ferre recussent, quid valeant humeri* animo suo volutare coeperit. Quam sit sibi curta supellex, quam intolerabilis negotiorum magnitudo, quantæ in muneribus publicis devorandæ molestiæ, quot & quanta subeunda pericula? Quis *Aulas* sectaretur, quis turbidum hoc vitæ genus amplecti in animum induceret? Quis *Regibus* ac *Principibus* se totum manciparet, cum quos ad tempus favore suo complexi sunt, mox odio habeant, destituant, in exilium mittant, & dignitatibus, imo ipsa nonnunquam lucis usura innoxios & incautos priverent? Quid mirum? Nam ut oculos minima festuca læditur; sic *Principum* gratia, vel minima offensa cadit & perit. Testes hic appello *Aulicorum* ad tempus fortunatissimos, *Harpagos, Prexaspes, Clytos, Parmeniones, Sejaneos*; addo & *Aratum* optimum Principem, qui cum sanguinem exspueret hausto veneno à *Philippe Macedone* sibi propinato, in has erupit voces, *Hæc sunt regia amicis præclara premia!* verumque illud esse suo exemplo comprobavit, quod nimirum ut *Arithmetico* calculi aliquando valent multa millia, aliquando nihil, modo talentum, modo obulum æneum: sic *Regum* amicis, aliquando quidvis possunt, rursus mutata in fastidium gratia, nihil. O splendidam miseriam! O miseram vitam, imo, ut verius loquar, vitam non vitam! Quid mirum? dominatur ibi maxime invidia, locum ibi calumniæ atque obrektionis habent, facile ac subito iram gravem *Principes* concipiunt, & conceptam semel diu retinent, moneri se aut reprehendi ægre admodum ferunt. Unde *Callistheni* propinquo suo consuluisse *Aristotelem* legimus,

mus, ut cum *Alexandro* Rege suo, quam rarissime aut suavissime loqueretur, utpote eo qui vitæ necisque in eum haberet potestatem. Vultis adhuc exemplum, *Auditores*? ἐκ τῶν ὀυχαῶν τὸν λεόντα. Erat olim non de Imperatore solum *Iustiniāno*, sed & de universo Imperio Romano præclarè meritis *Belisarius*; hic tamen qui *Persis*, *Vandalis*, *Gothisque* superatis triumphans redierat, ab invidorum calumniis liber esse non potuit, sed de fastigio honorum ac dignitatum suarum, fulminis velut ictu dejectus, orbatus oculis, facultatibus omnibus exutus, triste spectaculum humanæ vicissitudinis præbuit, & in summa rerum angustia mendicare coactis, his verbis prætereuntes, in bivio collocatus, ad misericordiam commovit: *Date olulum Be'isario, quem virtus extulit, invidia depresso.* Non minus ergo eximie quam vere Poëta,

Paucos beavit Aula, plures perdidit;

Sed & hos ipsos quos beavit perdidit.

Jam de aura Populari quid dicam? Quis, si tritum illud *Nosce te ipsum* serio apud se expendat, de eâ captanda erit sollicitus? Quid enim populo inconstantius, ne dicam ingratius. Videtis id, *Auditores*, in vicis olim magnis, *Aristide*, *Demosthene*, *Phocione*, *Manlio*, *Cicerone*, qui pro innumeris suis in Rempublicam meritis, nihil aliud quam civium suorum invidiam, ingratitude, odium reportarunt; illudque experti sunt quod de *Samus Pericles* olim affirmavit. Eos infantibus similes esse, qui cibum à nutricibus quidem accipiunt, sed tamen vagire & plorare non desinunt eisque quod platano accidere solet, ad quam homines, cum pluit, confugiunt, sereno autem & sudo cœlo, folia decerpunt & ingrati discedunt.

Amplius: Quis arma caperet? quis militiæ nomen daret, si se ipsum probe nosset, hocque serio perpenderet, se non aliter ad hostium carnificinam quàm victimam ad lanienam duci?

Sed ut, missis aliis, ad nostri ordinis homines

nos

nos convertamus, quis, obsecro vos, artium & disciplinarum studia capefferet, quis litteris discendis se fatigaret, *se ipsum si nosceret?* Quot enim & quantæ in studiorum cyclopædia devorandæ molestiæ, quot lucubrationibus, quot vigiliis noctes extrahendæ, quot replicandi authores, quot evolvendi libri? & in hac consequenda rerum scientia, quam dubia omnia, & incerta! Sunt enim qui à sensibus omnem derivant scientiam; unde tritum illud & omnium ore decantatum; *Nihil est in intellectu quod non prius fuerit in sensu*: At quam languidi sunt, quam hebetes, quam parum sibi constant, quam sæpe fallunt & falluntur? Ad hæc, quanta mentis humanæ est cæcitas, quanta caligine, quanta ignorantia laborat, quanta rerum, ad quarum cognitionem adspiramus, incertitudo? perinde atque ignium illorum, quos fatuos & erraticos naturæ speculatores appellant, qui noctu iter facientes à via in præcipitia deducunt. Hinc crebra & calida inter eos qui eruditionis laude unquam claruerunt dissidia, contentiones & logomachiz. Solem *Epicurus* bipedalem esse dixit, alii centies sexagies magnitudine terram superare; stare Cælum, Terram moveri, nonnulli asserere manibus pedibusque conati sunt, & sententiam suam tueri *ὅν δοξῇ ὅν ἀσπείδι*. *Stoici* summum hominis bonum in habitu virtutis, *Peripatetici* in praxi, *Platonici* in unione hominis cum Deo collocarunt. Inter Medicos *Empyrici* sola nituntur experientia; *Galenista* iudicio magis nitentes quam experientia, signa prognostica, diagnostica, symptomata, causas curiosius exquirunt; sed quot interim, & quam dissidentes, de morborum causis & ægrorum temperamentis in schola *Medicorum* sententiæ? In Jure quis, *Auditores*, tricarum forensium finis, quam parum inter se conveniunt! *Jurisconsultis* in legum interpretatione aliis aliud sentientibus, ut nescias quibus fidem sis habiturus, & quæ via in tanto

pugnantium opinionum labyrintho tutior sit incunda; ut nihil nunc dicam de iis qui specie recti venales habent linguas, manus, animas; qui jura cauponantur, & leges ut ceram habent in turpis sui lucri aucupio sequacem; qui aut favore aut odio ad gratiam, aut ad poenam consilia flectunt, lites dolose & captioso verborum circuitu sufflaminant, causas involvunt, leges pro arbitrio torquent, Judicia prolatant, terram mari miscent, ut illi à quibus unctius referunt caput & manus, in causa triumphent, aut saltem gratia elabantur, cum alii vel sumptibus attriti, vel moras pertæsi, damnosis & iniquis conditionibus pacisci coguntur. A quibus profecto omnibus, ut & laboribus atque molestiis, liberi & immunes jucundè ac tranquillè vivere homines possent, si quod proverbium hoc jubet, *Sese nosse vellent*: Quoties enim (ut rem verbo absolvam) caput Philosophiæ Studioso scalpendum esset, quoties rodendi ungues si vel de *Platone* solum cogitare vellet, cujus quinquaginta quinque libri legendi; vel in mentem *Aristotelis* veniret, cujus præter problematum sectiones duas de quadraginta, centum & viginti quatuor extant: In juris studio quoties mordenda labra illud si cujus animum ejus subeat, cognoscenda sibi esse plurima quæ diversis in voluminibus traduntur: tum verò maxime Institutionum libros evolvendos quatuor, Pandectarum quinquaginta titulos ultra quadringentos. Codicis libros duodecim, leges quater mille quingentas & quod excedit: Et sic de reliquis: nam omnia hic ad amussim enumerare non est animus. Itaque & ego (ut finem dicendi faciam) abunde mihi conscius, quanta ingenii mei sit infantia, quam curta mihi domi supellex, pluribus his immorari supersedeo; & ut meo me pede ac modulo metiri didici, ita non possum quin *Menandro* hac in parte assentiar, cum non *Nos*, sed *Alios nosse* jubet: Plura in medium allaturus, nisi hoc

hoc ipsum γῆθι σεαυτὸν silentium mihi imponeret, deque tabula manum, quod ajunt, tollere juberet. Dixi.

O R A T I O LV.

Pro

S E N T E N T I A

γῆθι σεαυτὸν,

Nosce te ipsum :

Habita ab

H I E R O N Y M O K E S S E L I O.

CONDiscipulorum communia studia, communis educatio, communis institutio, commune denique literarum commercium, totidem illis ad concordiam, pacem & mutuum animi affectum sunt, & esse debent auctoramenta. Quicum enim illi conveniet, cui cum commilitone suo non convenit? Cujus is curam geret, qui nullam condiscipuli sui, aut certe exiguam habet? Nihil turpius habet veneranda *Antiquitas Persei & Demetrii* diffidiis, nihil odiis *Atrei & Thyeste* contentionibus, *Aristobuli & Antigoni*, nihil *Bassiani & Geta* inimicitiis atrocius legitur. Sed veritatis interim summa habenda est ratio, & ad animum revocanda semper aurea illa *Philosophi* sententia, *Amicus Socrates, amicus Plato; sed magis amica veritas.* Hæc causa est, Auditores, cur condiscipuli mei, qui ante me ex hoc loco ad vos verba fecit, sententiam quam oratione sua defendit, quia veritati dissentanea est, hac declamatiunculâ mea refellere, & erroris ejus nebulam abstergere in animum induxi. Quid? illiusne memoria exciderunt, quæ à magnis olim Viris, *Chrysippo, Cleanthe, Aristotele, Plutarcho* scripta aliquando legit, excerpfit, didici-
cist

cit? Hæc à *Platone*, *Seneca*, *Cicerone* adhiberi sæpe, non animadvertit, tanquam gemmulas & flosculos orationis, ut non ornatum modo, sed & testimoniorum vim habeant, & pendus ad persuadendum, & movendum, *Auditores*, si dextre, si judiciose usurpentur? Et hoc ipsum *Nosce te ipsum*, ut ad rem veniam, quam eximium, quam præclarum, quam generi humano salutare, dignum quod omnium animis scalp pro adamantino insculpatur, ut & olim *Apollinis* templo aureis literis consignatum fuit. Nec, me hercule, de nihilo. Se ipsum enim qui nosse cœperit, aperiuntur oculi, pollet prudentia, incautus non opprimitur; nocitura cavet, fugienda prævidet, sectanda optat, desiderat, amat; gravia nimis & onerosa declinat, suo se pede ac modulo metiri solet, alta nimie & quæ captum longè mentis humanæ superant non affectat, memor versiculi illius *Horatiani*.

————— *Videndum quid ferre rēnsent,*

Quid valeant humeri.

Quod si factum ab *Alexandro*, eò ne unquam processisset superbiæ, ne dicam audaciæ, ut se *Jovis* filium appellari voluisset? & assumpta veste Persica non morem *Persarum* tantum, sed & Divinos honores æmulari vel per somnium unquam cogitasset? Quid *Sapor*? qui ad *Constantium* Imperatorem scribens dum se *Solis* ac *Luna* fratrem indigitat, si mortalitatis suæ memor ad animum probè revocasset quis & qualis esset, pulvis nempe & in pulverem reversurus, tam cellos unquam gessisset animos, se ipsum si nosse didicisset? *Caligulam* ea nunquam cepisset dementia, ut in *Deorum* numerum referri voluisset, ad hæc coli religiose, statuas sibi erigi, imagines hic illic collocari in sui memoriam, si fragilitatis suæ, & vicissitudinis rerum humanarum probè conscius, nihil in terris diuturnum, nedum Divinum dari, serio perpendisset? Et hodierno die, quanta passim *arrogantia*, quanto animi fastu laboratur à multi:

qui cristas superbè erigunt, supercilia attollunt, re-
torto alios oculo despiciunt, immemores & se ho-
mines esse, & si homines, revera nihil aliud esse
quam fortunæ ludibria, calamitatis & miseræ ta-
bulam, spoliū temporis, & post obitum ver-
mium escam & *Averni* pabula? Quid enim ho-
mine, qui tantopere insolescit, miserius, quid
calamitosius, quid fortunæ telis magis obnoxium,
quot quantisque indies conflictatur incommodis,
quot morbis, ut ne quidem unius horæ spatio, vi-
tæ hujus usuram polliceri sibi possit. Quot homi-
num millia conservata fuissent, si nostrum illud
Nosce te ipsum probè ab ipsis fuisset observatum?
Jam quod perierint, quæ causa alia quam eorum
temeritas & inconsiderantia? Certe non decies
septies centena millia hominum *Xerxes* in Græcia
perdidisset, si *Artabani* consilium secutus se nosse
ipsum voluisset, non *Neptuno* compedes & *Cale*
tenebras minatus fuisset, tantique exercitus cla-
dem, ruinam & interitum declinasset, si animum
ejus hæc non minus vera quam seria subiisset co-
gitatio, alta montium cacumina, & celsas tur-
res, fulminum telis ventorumque procellis magis
exponi, nihilque verius dici illo Poëtæ versu,

Sequitur Superbos ultor à tergo Deus.

Magnisque negatum

Stare diu, nimioque gravis sub pondere lapsus.

Quæ causa, Auditores, cladis *Cresi*, suscepto te-
merario bello adversus *Perfas*? non alia quam sui
ipsius ignorantia. Quid *Perfas* ipsos perdidit, quid
Cyrum, potentissimum illum *Monarcham* & toti
pœne orbi terrarum formidabilem, cujus, acce-
pta clade à *Massagets*, jussu Reginae *Scytharum*, ca-
put in dolium sanguinis plenum coniectum fuit,
cum hoc sarcasmo: *Satis te nunc sanguine, quam
semper fuisti.* Causam vultis adducam? Se ipsum
non novit. Res strenue gestas à Magno illo *Pom-
pejo* quis dignè satis laudet, quis deprædicet? Quan-
tam enim bello famam, quantam nominis cele-
brita-

itatem sibi comparavit! adeo ut, teste *Cicerone*, iura bella gesserit quam ceteri legerint, plures provincias debellaverit quam alii concupiverint. sed deserta, turpiter *Italia*, in campis Pharsalicis, cum *Cæsare* dimicaturus, hoste si quisquam exercitatissimo, vigilantissimo, veterano, in prælio ne unquam succubisset, si animo hoc suo volutasset, Ancipitem esse *Martis* aleam, & neminem citius opprimi quam qui nihil timet; bellique eventus esse dubios, eoque non temere incundum certamen? *Flaminius* ad lacum *Thrasimenum* si cecidit, si *Terentius Varro* ad Cannas, *Philippus Macedo* apud *Melitæos*, apud *Sangarim* *Constantinus* Imperator; non aliis quam sibi acceptum ferant; nempe quod nimium suis fiderint viribus, immemores veteris illius dicti, Eriam pilum suam umbram habere, nihilque tam validum esse cui periculum non sit ab invalido.

Sed, ut altius provehar, de turpi habendi cupiditate & αἰσχροπρεπείᾳ quid dicam, Auditores? è rebus sordidis lucrum aucupatus est sordidissimum *Vespasianus*, ipsamque urinam (honus sit auribus) tributariam esse voluit, & tanquam re bene gesta, reprehensus eo nomine à purpuratis, pecuniam naribus eorum adnotam rogavit, Num male oleret? egregiam vero laudem! Hoccine est *Cæsaream* tueri dignitatem? Certe, Si quis erat, quem in imperio locum tenebat, quæ sceptri ejus erat majestas, ad animum revocasset, tam vili unquam inhiasset lucro? Quid enim *Cæsarea* dignitate indignius quam ad turpia ista lucra se demittere & ea sectari, quos munificos esse oportet, non cumini sectatores, non subditorum æruscatores sordidos. Sic *Pertinax* Imperator mercaturam exercere non erubuit. Sed quid Nobili, ne dicam Principi probrosum magis ac inglorium? fecit tamen & facturum creditis, Auditores si se probe novisset? Quid *Commodus*? Leges, Jura venalia habuit, auri & argenti cupidus; sed hæc quam parum conveniunt, quam

quàm parum decent Principem æquitatis amantem, & cui una cura, una sollicitudo est administrare Justitiam?

Plura dicerem, Auditores, si mihi per omnes hominum ordines esset exspatiandi animus. Sed ut rem paucis complectar, Quam aliam creditis esse causam, cur multi tantopere curiosi sint, ne dicam πολυπράγμονες: Non alia quam quod moniti illius Poëtæ parum memores sunt,

Crede mihi bene qui latuit, bene vixit: & intra

Fortunam debet quisque manere suam.

Qui probè se novit *Lamias* non imitabitur, quas domi cæcas esse fabulatur *Antiquitas*; ita quidem ut oculos suos fronti exemptos in arcula quadam recondant, foras egressuræ capiti inserunt, ut quæ alibi geruntur videant & speculentur: Tales curiosi: qui neglecto munere suo, alienis se immiscant negotiis, nullumque non movent lapidem ut minutissima vicinorum delicta rimari queant aut sciscitari. Muscis haud absimiles, quæ lavia, nitida & polita loca prætervolant, & scabris ac sordidis adhærescunt: aut gallis gallinaceis, qui aræ suæ neglecto semine & sterquilinio, hordei granum unum atque alterum eradere malunt curiosa indagine in fundo alieno, quam largiter & ubertim de suo pasci. Quid? aliorumne vitiis tam strenue scrutandis, carpendis, eliminandis operam darent, si se nossent, & quæ domi corrigenda sunt vitia, quæ horto suo extirpanda zizania serio cogitarent? Curiositati suæ credo repudium mitterent. Pergo: Quis cum *Xerxe* novæ voluptatis inventori præmium constitueret, si se hominem esse serio perpenderet, & in se descendens animum erigeret ad altiora & origine sua digna? Quis exemplo mollis & effœminati illius *Sardanapali* luxui se totum devoveret, & Epicureum illud ore usurpare non erubesceret, *Ede, bibe, lude, post mortem nulla voluptas*. O, si cogitaret Homo sum, & veniet aliquando illa dies, qua vitæ meæ actionumque

mearum Deo reddenda erit ratio? Quis cum *Pit-loxeno* gruis collum sibi optaret, quo diutius cibi & potus suavitatem perciperet ac degustaret? Nemo; Cogitaret Homo sum, non pecudum numero habendus quas natura ad pastum abiecit.

Sed ut, missis iis quæ omnes ex æquo spectant, ad vos me convertam, *Studiosi*, literarum commercio mihi conjunctissimi, Quis vestrum est qui mecum in castris *Musarum* stipendia facitis, qui pedibus in sententiam meam non eat, & cui aureum hoc *Nescis te ipsum* non allubescat, certo statuens non aliam cum ad gloriam consequendam, tum ad studia feliciter instituenda, moresque reformandos, paratiorem esse viam? Agat hic, Auditores, lixam aut calonem in exercitu, ita squalidum, ita deformem ut in *Trophonii* antro educatus esse videatur; ille circulatorem aut agyrtam in foro, ille histrionem & mimum in theatro; pugnet hic penicillo, ille scalpro, hic fibula, ille acu, hic radio textoris, ille cuneo, securi aut dolabra: Nos qui in Scholis versamur ad vitæ genus longe nobilius, nempe literarium adhibemur, sumptibus magnis & impensis aut parentum aut Mæcenatum alimur: Nos suggestus in templis, nos cathedræ in Scholis, nos curiæ & cancelli Regum ac Principum, nos insula, nos purpura exspectant: Nec desunt nobis ad artium liberalium studia capeffenda naturæ dotes, ingenium, judicium, memoria, non deest institutio; sed tamen ita concessa ut iis utamur, non abutamur. Fiet, si nosmet ipsi noscere discamus, multa nobis deficere; quædam sciri, plura ignorari. Vitanda hic imprimis nimia *φιλαυτία*, qua nulla in cursu studiorum capitalior pestis, nec Juventuti perniciosior:

Οἱ σεις γὰρ ἐς κατὰ τῆς ἀποκοπῆς.

Et *Puto multos*, ut bene olim *Romanus* ille *Sapiens*, ad *Sapientiam* potuisse pervenire, nisi putassent se pervenisse. Quid, quod nihil est quod æque literaturæ

turæ dignitatem devenustat quam fatalis illa ignorantia pedissequa, *Animi elatio*, qua quod videri quis vult, hoc & esse se credit, & fidem aliis facit. Hunc tamen affectum, seu potius animi morbum, ægrè multi adduci possunt ut ejurent; ita fere melioribus ingeniis suaviter obrepere solet amabilis hæc insania: Quam ridere vos scio. Quid enim scire nostrum, nisi scientiæ deliquium & umbra? Quid Studia nostra, nisi ea bona mens fulciat? quæ si desit desit Colosso basis, ædificio fundamentum; & omnis doctrinæ moles arrogantia & fastus turbine tanto cædius corrui, quanto celsius se attollit. At contra, humilitati & modestiæ superstructa perennat: quia fundus illa & fundamentum omnis veræ literaturæ, quæ non quid adsit, sed quid desit attendit: nec tam de quaesito secura est, quam de quaerendo sollicita. Dixi.

O R A T I O LVI.

D E

A M B I T I O N E,

Habita à

C H R I S T I A N O A V O L E N.

MEmor Sententiæ illius Græcæ,*Τόλμα δίκαια καὶ Θεὸς συλλαμβάνει.*

hodierno die & hoc de loco ad vos verba facere in animum induxi; non, ut à nonnullis fieri solet, ostentandæ alicujus vel eruditionis vel eloquentiæ gratia, quam nullam in me esse ingenue agnosco; sed quia laudabilis à multis retro annis Scholæ hujus consuetudo hoc postulare videtur: Cui morem gerendum esse non æquum solum judico, sed honestum: quia exempla eorum qui me antecesserunt non ingloria, me ad hanc dicendi provinciam accendunt; quia artis Oratoriæ me haud

in-

◦ JACOBI CRUCII

tum hortatur exercitatio, quam ego ut utilitate
 auctuosam, oblectatione non injucundam, usu
 necessariam & probo vehementer, & quantum
 quidem mea feret tenuitas servare constitui. Scio,
 si oculos in nobilissimam hanc Auditorum coro-
 nam converto, nihil nisi eximium, perpolitum &
 elaboratum ab iis expectari; & quod ingenium,
 quod judicium, quod artem spiret, eloquentiam
 redoleat: Sed meo me pede metiri didici, venit-
 que in mentem mihi Persarum illud institutum,
 qui ab ineunte ætate liberos suos non apud natu-
 modo grandiores verecundari, verum etiam eo-
 rundem dictis audientes esse voluerunt: Non alio
 quoque animo hanc cathedram conscendere mul-
 to ante constitui, quam ut bene recteque & sen-
 tiendi & dicendi facultatem mihi compararem.
 Cogitantj autem mihi, ecquod potissimum tra-
 ctandum in manus sumerem argumentum, occur-
 rit vitiorum non è minimis **AMBITIO**; quam
 dum oratione persequi, & quam in Imperiis, Re-
 gnis, Rebuspublicis perniciofa sit, dicendo ex-
 plicare conor, Vos ego rogo, Auditores, ut quam
 aliis hoc de loco ad vos verba facientibus, atten-
 tionem dilargiri voluistis, eam & mihi concedere
 haud dedignemini.

Ambitio, ut paucis mentem meam circumscri-
 bam; est perturbatio animi hominibus insita, ceteris an-
 tecedendi, in aliis maior, in aliis minor, pro in-
 geniorum varietate. Ita enim fere natura com-
 paratum est, ut qui magno sunt & excelso animi
 & ad sublimia suscipienda parato, ad ambitu-
 nem aliis longe propensiores sint. Qualis *Thes-
 socles*, qui ambulando in publico noctes extra
 quod somnum capere non posset, causam pere-
 rantibus, *Miltiadis*, inquit, *trophais se è somno s-
 tari*. *Alexander* nullam è rebus à patre Phil-
 feliciter & præclare gestis voluptatem ce-
 fertur; quod timeret, nihil sibi relictum i
 quod virtutem suam animique fortitudiner

periri posset, & viam sibi hac ratione ad gloriam comparandam intercludi. *Julius Caesar* in templo *Herculis* apud *Gades*, *Alexandri* statuam contemplatus, non tenuit lacrymas; quod ea ætate qua tunc erat (agebat enim annum trigesimum) *Alexander* totam penè *Asiam*, debellato *Dario*, sub potestatem suam rede-gisset; ille contra ad hunc usque diem, nihil laude dignum præstitisset.

Hi tres omnium quorum meminerunt *Historiæ*, maximis animis fuere; qui non solum verbis, sed etiam actionibus ipsis, quanta essent ambitione, palam fecere, quod nec superiore, nec parem ferre potuerunt. *Themistocles* enim cum *Aristide* in eadem urbe commorari non potuit; nec *Romæ Caesar* cum *Pompejo*; *Alexander* vero cum oblata sibi in uxorem filia *Darii*, *Orientis Imperium* cum socero partiri potuisset, utrumque recusavit, inquit, *Mundum à duobus Solibus non regi*. Ita agnatum, imo fere innatum hoc vitium generosis animis, haud aliter quàm delicatioribus lignis caries, quæ ideo teredini magis obnoxia quàm viliora: Sic quo altius eveſti, & quo major eorum est potentia in quos dominatur ambitio, eo periculofior, addo & perniciofior. Quot enim bella incendit illa infatiabilis & infinita dominandi libido: Grassatur in *Asia Alexander*, *Cyrus* in *Ionía*. At neque *Alexander* *Asiam*, neque *Cyrus* unquam *Ioniam* fuisset populatus, nisi ad id utrumque compulisset *Ambitio*. Hæc *Lacedæmonios* cum *Atheniensibus* commisit, hæc *Athenienses* contra *Corinthios* instigavit, hæc eadem *Carthaginenses* in *Romanos*, *Romanos* in nationes omnes, & his subactis, sua ipsorum in viscera bellis Civilibus favire jussit. Ad hæc, quis superbas ædes everſas, urbes florentissimas solo æquatas, regiones fertilissimas devaſtatas, munimenta, castella, ab hac perturbatione expugnata, incensa, diruta enumeret? Nempe, hæc illa est quæ nihil intentatum, nihil inausum relinquit; & ut in *Diluvio*,
X per-

2 JACOBI CRUCII

eruptis aggeribus & cataractis violenta aquarum
 inundatio sternit sata lata, ut cum Poëta loquar,
 ioumque labores, & cum stabulis armenta trahit: Ita
 hæc animi perturbatio obvia quæque perrumpit,
 pessundat, dejicit, sacra profanis miscet, profa-
 na sacris. Postquam enim in Ecclesiam irrepsit,
 non minus turbarum, seditionum, tumultuum in
 eam intulit quam in Rempublicam. *Ariani, Donati*
 & *Novati ambitio* quas non peperit Hæreses? quibus
 non ita multo post, cum Pastorum tum Princi-
 pum negligentia janua aperta est *Alcorano* & *Ma-*
humeticis blasphemis, quæ proh dolor! duas Or-
 bis terrarum partes occupant, atque etiamnum
 tristissimo Christianorum experimento, tenent *Hie-*
rosolymam, Alexandriam, Antiochiam & Constantin-
opolin florentissimas olim Ecclesias. Mitto proba,
 contumelias, calumnias, investivas acres & den-
 tatas quas Principibus alii in alios offerebant. Si-
 lentio prætereo & alias gravissimas contentiones,
 quæ inter Episcopos Romanum & Constantino-
 politanum interceperunt de primatu in Ecclesia,
 conjunctas cum cadibus utrinque perpetratis, o-
 dia plus quam Vatiniana & internecina, schisma
 ta & dissensiones Reipublicæ Christianæ.

Sed ut ad ea quæ Sacra nobis pagina suppedit
 exempla, nostra se convertat oratio, Potui
 quid non dicam audacius sed sceleratius exco-
 tari à filio degeneri *Absalomo*, quam ejus in-
 trem conspiratio? sed quæ alia tam horren-
 noris causa fuit quàm ejus *ambitio* & furio-
 minandi libido, ut necem Patris moliri, e-
 folio deturbare Regno ejicere, armata mar-
 sequi non dubitaverit? Quid *Sancharibum*
 ut redactis sub potestatem vicinis gentibus
 ris, pomœriis, Hierosolymam ipsam hosti-
 oriri, arctissima obsidione cinctam opp-
 igue, flamma, ferro infestare, dictis P-
 & blasphemis intolerandis non Reg-
 Hiskiam sed & Deum ipsum insectari?

ambitio. Quid *Heziam*, ut arrepto thur-
doris munere fungi voluerit? impu-
- Quid *Amanem*, ut de extirpandis Ju-
- it? *Ambitio.* Quid *Herodem* ut divi-
- s, medio in applausu populi, oratio-
- abita, sibi arrogaret? *Ambitio.* Vi-
- tores, actiones ambitionis, quam pe-
- m generi humano perniciosæ sint. Sed
- c omnia impune? Immane quantum
- equitur ambitiosos,

itur *superbos* n' *tor à tergo Deus.*

ini: *Ἀλαζονείας τις ἐκφύγει δίκην.*

Annales, *Sacræ* & *profanæ* replicen-
-, tota excutiat *Antiquitas*: Quid
- memoriz prodiderunt quàm tragicos,
- ndos, quàm inauditos ambitiosorum
-, *Dathan* & *Abyram*, cum ambitiosè
- nsurrexissent, nonne justo Dei judicio
- horrendo terræ hiatu vivi absorpti
- lis universi populi? *Ozias Rex* non con-
- tate sua Regia, cum suffimentum te-
- olendum, lepra incurabili correptus est.
- l tumulum usque comitata est. *Senas*
- is ab *Angelo*, cæsis *Assyriorum* centum
- uinque millibus, obsidionem solvere
- reversus in Patriam, à filiis in tem-
- ni crudeliter est interfectus.

illo ipso patibulo quod *Mardocheus* e-
-, supensus est. *Nebucadnezar* cum post
- ue reportatas victorias, tot urbium,
- rrarum spolia, tot populorum debel-
- ivias, plus nimio se efferret, de solio
- est, & more pecudum ad pastum ab-
- ennii spatio, aëris injurias & incom-
- ivit, donec pili ejus excreverint ut plu-
- & ungues ejus ut aquilarum. Magna
- ūperbia, magna ejus *ambitio*, adeo ut
- ntibus, Mari, ac Diis, ad subjugandam
- um *Exercitu* proficiscens, minitaretur;

tur; sed accepta clade, vix ac ne vix scapham invenit qua rediturus in Asiam, Hellespontum transiiceret; adeo ut in exiguo latentem viderint Graeci navigio, quem paulo ante vix æquor omne cœpiēbat; carentem etiam omni fervorum ministerio, cujus exercitus propter multitudinem terræ graves erant. *Herodes* ab angelo percussus, & à vermibus erosus impiam efflavit animam. Tanti sper dum *Alexander Magnus* intra modestæ limitis se continuit, nullum sibi fortitudine, consilio, vigilantia, & rerum gestarum gloria, nullum vimine bellica parem habuit. At cum partim ab adulatoribus seductus, partim bona fortuna ebrius, cum veste Persica superbiam Persicam induit, se ex Diis oriundum credidit, & tanquam Deum se adorari voluit, haud multo post, dubio ac vacillanti imperio suis relicto, è medio sublatus est. *Julius Caesar* in Curia Pompeja, quàm cruentæ ambitionis & superbiz pœnas luit, tribus & viginti vulneribus confossus à Bruto, Sempronio, Casca? Quid hic tria illa Orbis portenta commorem, *Caligulam*, *Domitianum*, *Heliogabalum*? Deum se esse finxerunt, edicta divina in Aulis suis cœderunt, imagines suas Romano populo adorandas dederunt. Sed venit qui *Caligulam* è medio sustulit *Charea*, venit qui *Domitiani* suffodit inguina, *Stephanus*: illuxitque optata Romanis die qua novi Dei *Heliogabali*, tantique numinis, per totam diu urbem raptatum ac dilaniatum cæce ver, in putidas cloacas abjectum fuit.

Exempla hæc, Auditores, & alia infinita, quibus scatent Historiæ, dictum Chilonis Lacedæmonii abundè comprobant, qui interrogatus Quid in Cœlo ageret Deus, *Alta*, inquit, *deprimat & humilia extollit*. Ita profecto est: Et, o uti nam hæc serio perpenderent quotquot in hoc Universis, præ aliis in celsis dignitatis fastigio collocati! Utinam, inquam, tristes hos *ambitiosorum* eventus ad animum revocarent & quam fragili

: loco, quos fortuna longè supra alios exexit,
 n lubrica & dubia hæc personata felicitas! Si
 am descenderent cogitationem, per mortem
 tra ligonibus æquari, & Regum palatia non
 us ab ea pulsari quàm pauperum tabernas; eó-
 nullum in hac rerum humanarum vicissitudine,
 ntacunque etiam polleat potentia, ante obi-
 i supremaque funera posse dici nec haberi bea-
 . *Hora enim momentum est, ut benè Romanus*
Sapiens, inter solium, & aliena genua, & ut pro-
e omnia iis & ex voto fluant,

Quis scit an adjiciant hodierna crastina summa

Tempora Dii superi?

hæc, dico, si serio animo perpenderent tam cel-
 non gererent animos; sed misso superbiæ &
 ntioni repudio, se ad modestiam & humilita-
 i componerent, memores inconstantia & fra-
 tatis rerum humanarum: exemplo *Philippi*
ædonis, qui cum forte aliquando in palæstra
 r luctandum prolapsus surrexisset, & corporis
 igium in arena vidisset, *Quàm parvam*, inquit,
a partem sortiti, Orbem appetimus. *Severus Imper-*
or diu in *ambitione*, & ob eam bellis, senio
 lectus ac moriturus urnam ad se deferri jussit,
 qua cineres (prisco illo more) erant reconden-
 & diu contrectans ac contemplatus, in has
 res erupit: *Tu Virum capies quem Orbis terra non*
it: *Severus* hoc sub mortem: Diu ante eam *Ma-*
nilianus primus Imperator *Austriacus*. Nam
 memor fragilitatis hujus, triennio (aliis bien-
) ante morbum, non solum mortem, capulum
 iebrem è querno ligno, arcæ viatoris inclusum,
 cum ferri secum jussit; cavique testamento,
 exanimum corpus suum, rudi linteo involu-
 n, sine ulla exenteratione, illi imponeretur,
 ribus, ore, auribusque viva calce oppletis. Quid
 i voluit magnus Vir? nisi monumentum illud
 idue in oculis habere, quod diceret, *Cogita mori*:
 od amplius diceret, *Quid te dilatas & exten-*

dis, quid multa possides, plura appetis? Quem tot Provinciae & Regna non capiunt, locus iste capiet. Cur autem & calcem cavis illis partium immisit, non aromata quibus condiretur? nempe hoc spectavit, ut corpus putredini natum, ea quoque exedente & consumente materia citius consumeretur, & iret in suam terram. Sed amplius ille idem. Pluribus diebus ante mortem nil nisi Maximilianus appellari voluit: quod imitatus nepos ejus Carolus ejus nominis V. raro & miris exemplis. Imperio enim cum se ultro abdicasset, & in filium Philippum jam validum ævi, sceptri & animi curas contulisset, secessit in Hispaniam, & in divi Justini monasterio se abdidit, cum duodecim duntaxat familiaribus Deo & quieti vacaturus, nec aliter se quam Catolum appellari voluit, Cæsaris atque Augusti illa nomina, cum rebus animo exuens, & totum hoc honorati contemnens. Imitare quisquis es, quem *ambitio*, quem superbia delectat, & si homo es, id quod es, semper te esse cogita. Dixi.

ORATIO LVII.

IN

LAUDEM HUMILITATIS,

Habita à

STEPHANO STEINIO.

Quæ plerisque ad dicendum paratis, timorem haud exiguum in frequentissima Auditorum corona incurere solent, ea mihi impræsentiarum animum addunt universa. Sive enim ipsa Orationis materia, quam tractandam suscepi, ponderis aliquid habet & momenti; de Humilitate dicendum est; sive Auditorum conditio; apud Viros prudentia, doctrina & humanitate conspicuos di-

dicendum; five denique dicentis qualitas; Adolescenti dicendum. De Humilitate virtutum omnium pararia verba ex hoc loco facere, si quis difficile putat aut operosum, cum illo quidem non contendo; mihi tamen gratulor tale oblatum hodie dicendi argumentum, in quo materia nemini deesse potest: Quæ enim ad dicendum uberior, ad meditandum salutarior, ad studia nostra accommodatior, huic vero loco convenientior, in quo ab ineunte ætate hæc virtus præ aliis Juventuti instillari solet? De illa porro apud vos dicentem extimescere, esset id hominis parum humanitatem vestram experti, & eximie illius benevolentia, qua dicentes ex hoc loco complecti consuevistis, prorsus ignari. Adolescentem denique me apud vos dicere, ideo me minus sollicitum habet, quod videam ad optima quæque & præstantissima, honorificam præsentiam vestram & applausu, Juventutem hujus Scholæ haud parum concitari; in qua non ad ostentationem & jactantiam institui solent publica hæc exercitia, sed ad stilum & oratoriam in dicendo libertatem. Quamobrem consuetudine magis, quàm quod expediat, Auditores humanissimi, à vobis, qua possum animi demissione contendo, ut mihi de nobilissimâ virtutum dissertanti exigui temporis usuram & attentionem largiri haud dedignemini.

De *Humilitate* (ut ad id quod institui mea decurrat oratio) multa copiosè ac prolixè scripserunt Philosophi, & certatim eam encomiis suis extulerunt. Sed cui tanta est dicendi vis, tantaque copia, cui tantum ingenii flumen, quis tanta præditus est eloquentia, ut eam pro meritis deprædicare possit, aut laudes ejus digne satis emeriri? Videtis enim ipsi quàm placidè, quàm decorè Domina illa & Regina virtutum incedat, quàm frons, oculi, vultus, quàm universus corporis cultus, insigni verecundia temperatus. Quamobrem

se apud omnes demittat; quàm modestè de se sentiat, de se loquatur; quanta cum mansuetudine ac humanitate cum aliis versetur; quàm nulli se præferat, nil sibi arroget. Videtis quàm eximio stipata sit comitatu: agglomerant se lateri ejus Candor, Æquanimitas, Concordia, aliæque virtutes, quæ præstantiam ejus ac dignitatem nobis spectandam proponunt, & ad cujus venerationem & cultum nos passim adhortantur divina *Prophetarum*, & *Apostolorum* oracula. Quoties enim eam nobis inculcant & ad eam invitant? *Humiliamini*, inquiunt, *sub manu DEI: Per Humilitatem quisque alium se præstantiorem existimet; Humilitatem in vobis fixam habete.* Christus ipse *Prophetarum* omnium & *Apostolorum* Princeps, *Discite a me quoniam humilis sum & mansuetus animo: Eterni enim ille Dei æternus filius, ἀπαύγασμα τῆς δόξης, καὶ χαρακτὴρ τῆς ὑποστάσεως αὐτῆς, τοσούτο Κρείττον γενόμενος τῶν ἀγγέλων ὡς διαφωρότεροι παρ' αὐτὸς κεκληρονόμηκεν ὄνομα* nequaquam rapinam arbitratus Deo æqualem esse ita se exinanivit; ut forma Servi assumpta, ad mortem usque ignominiosam crucis, obedientiam Deo Patri præstiterit plenariam & numeris omnibus absolutam. Ab Anna enim ad Cajapham, à Cajapha ad Pilatum, à Pilato ad Herodem, ab Herode rursus ad Pilatum deducitur. Accusatus à falsis & subornatis testibus, obmutuit; cujus vox in nubibus auditur, & cujus tonitru horrendo fragore mentes hominum movent, percellunt & in stuporem rapiunt. Hic omnium rerum Dominus stat egenus & inops inter omnia, quæ possidet; victus, qui omnes liberat; vulneratus, qui omnibus medetur; nudus ut minimum corporis vulnus videri possit visum, ut moveat spectatorem ad Humilitatem. Quam adeo acceptam Deo esse testatur sacra pagina, ut nulli suam *nisi humilibus dei gratiam*. Exempla vultis adducam, Auditores? Sapientem illum Hebræum *Salomonem*, miraculum illud doctrinæ, intuenti, intuemini ho-

honores ejus & dignitates. Unde, obsecro vos, ad tantum sapientiæ gradum evectus est, ad tantum honoris apicem, ut nec in sapientia, nec Regiæ majestatis fastigio parem unquam habuerit, nedum superiorem? Certe non aliam Sacræ Literæ horum omnium assignant causam, quàm insignem Regis Humilitatem ac demissionem animi, qua se & diadema suum Deo humillime submisit. Intuemini *Iosephum* virum castitate & sanctimonia morum conspicuum, quam sibi stravit viam ad honores ut Pharaoni proximus haberetur? non aliam quam Humilitatem. Intuemini *Danilem*, magnum illum Prophetam, quem humilitas in Regno Chaldaico ad rerum gubernacula evexit. Quid *Esteram* loquar, quam ex captiva Reginam fecit Humilitas? Quid *Mariam Virginem*, quam supra omnes mulieres extulit insignis animi demissio, matremque esse voluit Filii Dei & Servatoris Mundi. Hæc illa est, Auditores, quæ humili & obscuro loco natos è pulvere erigit, destitutos restituit, afflictis solatium præbet, captivos liberat, & conclamatos penè ad incitas redactos reponit in pristinum dignitatis ac honoris statum: ut inter alios *Manassæm*, qui manus suas paricidas innoxio multorum sanguine cruentarat, Regno jam & bonis omnibus exutus, victus catenis ferreis, tenebroso carceri inclusus, ad Humilitatem confugit, tanquam ad sacram in tempestate anchoram, & naufragii tabulam, ejusque beneficio vinculis, & compedibus liberatus redux in patriam Regio suo solio restitutus est.

Hæc per innumera pericula ac vitæ discrimina cultores suos ducit, tuetur, protegit: Hæc hostes dejicit, profligat, cædit. Quid enim olim superbum illum *Sennacherib* dictæis procacibus & minis plusquam hostilibus Hierosolymæ insultantem attrivit & in fugam conjecit? Fecit Humilitas *Hiskia* Regis & subditorum ejus. Quid immanem illum gigantem *Goliathum*, monstrum magis

hominis quàm hominẽ , cades & sanguinem spirantem , & populo Israëlitico ruinam minitantem , prostrigavit ? quid illi caput abstulit , quid vitam ? *Davidis* humilitas ; qui fretus DEI præsidio , non virium suarum , armis contemptis penè ac ridiculis , lapillis nempe aliquot & funda , incircumcisum illum Polyphemum nanus adortus est. Tanta scilicet vis est Humilitatis , ut etiam superbissima quæque dejiciat , vincat , frangat ; contra , dejecta surrigat , fulciat , tueatur. Fulsit hæc olim florentissimam urbem *Niniven* ne interiret , interitura certo intra dies quadraginta , nisi precibus , suspiriis , lamentis , jejuniis , summaque animi demissione interitum suum deprecanti ad aram clementiæ Divinæ confugissent incolæ. Muniit *Hierosolymam* , ut immota staret adversus hostium vim & invicta triumpharet. Muniit *Bethuliam* , adversus impetum *Holofernis* , ne in manus ejus incidere. Ad hæc quid Homine in hac valle lacrymarum calamitosius , quid eo miserius , quid morbis & ægitudinibus magis obnoxium , ut cum Philosophus *ludibrium fortune* , *spolium temporis* , *miseria trutinam* , & *calamitatis tabulam* appellare non dubitaverit ? Ut enim unda undam trudit , ita in homine dolor dolorem , luctus luctum , morbus morbum. At præsentissimum horum omnium remedium est Humilitas , quæ homini afflicto lacrymas , gemitus , suspiria suggerit , preces ardentes ad Deum dictat , dolores mitigat , solatia præbet , & tandem in pristinam valetudinem restituit depositos penè ac conclamatos. Sic *seruum Centurionis* in Evangelio sanatum accepimus , sic Regem *Hiskiam* lue pestifera correptum , sic *filiam* mulierculæ *Cananae* à diabolo obsessam. Nec malis Corporis tantum averruncandis idonea est , sed & Animi ; illa enim est quæ curas , sollicitudines , anxietates diluit , moeroris & tristitiæ nebulas dissipat , turbas affectuum sedat , motus animi violentos componit , iras , odia , simulates compescit ,

offen-

offensos conciliat, dissidentes & alienatos reducit. Exemplum si vultis, Auditores, in quo luculentius, quàm in *Jacobo Patriarcha* ? qui fratrem suum *Esavum* armata manu sibi occurrentem, humilitate placavit, eumque adeo immutavit, ut qui jam eadem fratris spirare ac moliri videbatur, humanissime sit amplexatus, & inoffensum osculo dimiserit. Sic *Davidem Sauli* internecina odia inhibuisse, & irarum ejus flammæ humilitate tanquam suffusa frigida restinxisse legimus. Quid nobilissima illa matrona *Abigail*, an non Humilitate sua & insigni animi demissione furem jam penè Regis animum ita leniit, ut à domo & familia *Nabalis*, quam ad internecionem delere in animum induxerat, abstineret. Magna sunt, Auditores, & eximia quæ loquor; sed longè his palam præripiunt, quæ in ANIMAM confert & cumulat beneficia. Hæc enim illa est quæ hominem divina sapientia imbuat, quæ nos templa Dei facit, quæ actiones nostras Deo gratas reddit, quæ nisi sale Humilitatis condiantur Deo displicent: Hæc gratiam Dei nobis conciliat, remissionem peccatorum à Deo impetratam nobis applicat, conscientiz remorsus mitigat, componit, sedat, fiduciam alit, preces nostras, lacrymas, suspiria, gemitus Deo offert, misericordiam ejus vera fide implorantes justificat, & tandem vita defunctos transfert in eam beatitudinis sedem, quæ nullis temporum spatiis circumscribi, & quam nemo mente assequi, nemo cogitatione complecti potest.

Quid restat, Auditores ? nisi ut virtutem hanc nobilem amplectamur; & fiet, si in nos descendentes, quæ in nos contulit naturæ dona summus ille rerum Arbitrator, Deo in solidum deferamus. Quid enim habes, o Homo, quod non acceperis, & si acceperis quid gloriaris, quasi non accepisses ? Quid est quod tantos geras animos, quæ sodes, superbiæ tuæ causa ? Generisne tui & prosapiæ nobilitas ? sed quis Rex, ut bene Plato, non ex servis aliquan-

do oriundus? Honores? sed quis honoratior Sejanus? at quo die illum Senatus deduxit, populus in frustra divisit. Horæ momentum est inter solium, & aliena genua: Forma? at quam fluxa illa & labilis. Ætas tibi florida est & vernans? flos iste dum loquimur arefcit: Divitiæ & opes? at illis quid inconstantius, quid incertius, quibus non casibus fortunæ & mutationibus obnoxia sunt?

Valet ima summis

Mutare, & insignem attenuat Deus

Obscura promens.

Longævitatē tibi polliceris? sed, ô stulta nimis mortalitatis oblivio! *Vita summa brevis spem nos vetat inchoare longam.* Vidit & ad animum revocavit *Saladinus*, Christianorum olim ille terror, qui Syriam, Ægyptum, & Africæ bonam partem subegit, mortis jam vicinus, in cogitationem hanc serio descendit, & solam interiorem tunicam pro omni pompa funebri in hasta sublimem ferri iussit, cum acclamatione, *Hoc unum ex domitore Orientis restare.* Vidit *Alexander*, qui aperto tumulo *Cyri* potentissimi Persarum Regis, & conspectis vermiculosis ejus, putridis & exilis ossibus, non tenuit lacrymas. Quid *Antiochus* Siciliæ Rex, qui ex figuli filio ad Regiam dignitatem evectus, ne originis suæ oblitus plus nimio se efferret, & intra Humilitatis terminos se contineret, vasa figulina cum aureis & argenteis mensæ suæ apponi voluit: Et *Moguntinus* ille olim *Archiepiscopus* plaustrarii filius, ne cristas ex tanta fortunæ mutatione insolentius erigeret, rotam Insignibus suis insculpi iussit, ut generis sui obscuritatis memor, animum ad modestiam, & Humilitatem componeret. O prudentem verè qui hic prudens! Nam beatum quemquam dicere qui in his vitæ fluctibus jactatur, quis audeat, donec sit in portu? Hodie magnus es? Cras alius, aut nullus: Ferenne sub polo nihil. Quam levi enim momento deturbantur de solio, privantur sceptro, exuuntur imperio,

perio, rapiuntur ex hac vitæ statione ad Plutonia regna, & ut pondera ab alto lapsa, in præceps eunt? Eodem die, ubi suserunt navigia, sorbentur. Firmam celsitudinis suæ fabricam constituere qui vult, de fundamento prius cogitet HUMILITATIS: quæ virtutum omnium basis, prora & puppis, præsidium & decus & quasi TÔTUM hominis. Dixi.

O R A T I O LVIII.

DE

E L O Q U E N T I A ,

habita à

J O H A N N E D O R P M A N S .

IN rebus humanis nihil esse Mente acratione divinius, unanimi semper consensu *Sapientissimi* iudicarunt; usque eo ut Veterum nonnulli cum expressam in ea Divinitatis imaginem animadvertèrent, & admirandam humanæ mentis præstantiam, nihil ea sublimius in toto Universo dari aut reperiri posse statuerint. Cujus ut variæ sunt doctes ita non minima earum est ELOQUENTIA, quæ conceptas animo rerum imagines grandibus verbis & splendido dicendi genere efferre apta est & idonea; ornata eximio ingenuarum artium ac disciplinarum comitatu, quibus oratio tanquam modicè adperso sale suavissimè condiri solet. Hac via Veteres illi quos admiramur Sapientiz proceres, Vulgo se exemerunt; hac se supra cæteros mortales extulerunt; hac gradientes, non modo floruerunt inter æquales suos; sed & in omnem posteritatem nomen sibi ac decus immortale pepere-
runt. Nec, me hercule, de nihilo. Si enim artis alicujus, si disciplinæ pretium, si dignitas, ex præstantia qua inter alias eminet, metienda

est, quis adeo ab omni ratione alienus est, & ab omni sensu derelictus, qui artem Oratoriam longè aliis palmam præripere non videat, & tantum inter nobiliores animi dotes efferre caput

Quantum lenta solent inter viburna cressi?

Eximie olim summus ille dicendi magister Tullius, *Pudeat, inquit, illos qui ita se in literis abdididerunt, ut nihil habeant quod in communem usum preferant.* Docti hodie multi audiunt, pauci disertī ac eloquentes; Sine qua *Eloquentia*, quid eruditio nostra, quid literatura? nisi inerudita loquacitas, imo mera balbuties, mera infantia. Puerilis quippe illa est, & muta rerum cognitio, quæ *Eloquentia* destituta, pauca vix commata sine titubatione ac hæsitantia profari potest. Ita est, Auditores. Totam ætatem nisi exerceas, balbuties occupat; & nisi loqui puer orsus sit, etiam in senectute puer erit. Irrito voto scientias discimus priusquam linguas, & animi squalorem exuimus, priusquam oris. Ut sermonis ille thyrsus sine prudentia non penetrat; sic nec absque sermone prudentia: illa civitatum domina atque imperatrix obmutescit & torpet. Non alia de causa inviolabili & sacro quasi nexu, in unum velut Numen coalescere *Mercurium Minervamque* Antiquitas voluit; rata sine facundia Sapientiam prudentiamque nullam esse. Ut enim ferrum trahitur à magnete, heliotropium à Sole; sic ab illa ingenia discendi cupida. Crescit eruditio? & ejus augendæ magis ardor: ut vel hoc ipso Palladia hæc *SUADÆ* fercula ab aliis differant quæ ventris & gulæ propria sunt, quod illorum nos capiat non satietas solum, sed nausea interdum & fastidium. Hæc desiderium sui quo magis frueris, acuunt: novamque semper inducunt famem, nunquam satietatem. Adeo ut quot alibi de *Erisichthone* olim fabulatus est Ingeniosissimus vates, verius huc flecti possit, qui pleno querens jejunia ventre epulas quasivit in epulis, nos *Eloquentiam in eloquentia*: In cujus penetrare adyta ut voti
magis

magis est quàm spei, ita mentis nostræ famem intrata, magis acuit & irritat: quæ quo longius progredimur, eo impensius placet, & minus molesta est,
Studio fallente laborem.

Viderunt hoc olim *Romani*, qui cum artes omnes summè excolerent, nihil se egisse penè existimabant nisi de re qualibet ornate, splendide & copiose dicere didicissent. *Aristoteles* Philosophorum princeps eam horis pomeridianis docuit in Peripato. *Cicero*, eloquentiæ illud *miraculum*, licet Romanæ dictionis elegantiam simul cum lacte materno, purissimo seculo ex ipso Latinitatis penu hauserit, aliunde tamen divinum illum suum sermonem posteris omnibus tam admirabilem deprompsit, & alia longe quam Latinâ exercitatione auxit & aluit. Ille enim quo inter alios excelluit sermo, non in Italia natus, sed è Græcorum scholis in Italiam translatus, & Atticarum venerum succo plene ac plane delibutus, fecit, ut tantum inter summos illius temporis Oratores emineret, quantum

————— *inter ignes*

Luna minores.

Sed quid Ciceronem loquor? tantus consequendæ *Eloquentiæ ardor* doctissimorum virorum animos incescit, ut non paucas eos lustrasse terras, novos adiisse populos, maria transfretasse, neminem latere posset, qui vel à limine Historias salutavit, ut eos qui hac in parte præ aliis excellebant, coram quoque audirent. Sic *Pythagoras* Memphis vates adiit, *Plato* Ægyptum eamque Italiæ partem quæ Græcia major dicebatur, avidissime peragravit; ut cujus Athenis *Eloquentiam* publica subsellia personabant, foris à peregrinis disceret quæ sibi deesse arbitrabatur. Videtis, Auditores, quid illa possit quæ unica sermonem nostrum à Barbarie tanquam à ferrugine ferrum vindicat, ut etiam longe diffitos potenter ad se trahat, non e trivio, non ex infima plebe homines, sed & sapientissimos. Non de nihilo. Hæc enim illa est, Audito-

res, quæ omnium studia allicit, aures occupat, animos mulcet. Hæc illa est, quæ vagos initio homines & ferarum more in montibus, silvis, antris latitantes, sine lege, sine Rege, sine Deo, blanda olim Orationis suæ suada, barbaria, squaloribus exutos ad melioris vitæ cultum traduxit, Religionem erga Deum, pietatem erga parentes, erga omnes Justitiam & humanitatem invexit: illa quæ domos primum & familias, postea pagos & vicos, mox etiam urbes, postremo Regna ipsa & Imperia arctissimis animorum vinculis & concordia stabilivit. Hæc Urbium ac Rerumpublicarum conservatrix, hæc Legum anima, hæc propagatrix. Hæc ubi dominatur, non tubarum clangores, non litui, non tympana, non strepitus armorum, non tumultuantium clamores inconditi audiuntur; sed concordia, & amica animorum conspiratio omni armorum vi potentior. Qua qui armati sunt, hominum animis blanda vi imperitant, errorum monstra, tanquam *Hercules* rediivi, domant, dejiciunt, necant; vitia proscribunt, virtutem inculcant, & aberrantes reducunt in viam rectam. *Fulmina* illa, *Auditores*; & *flumina eloquentiæ* ponite vobis ob oculos. *Ambrosios, Lactantios, Chrysostomos, Hieronymos, Cyprianos*, quam disertè illi, quam facundè ad populum conciones habuerunt? quot *eloquentia* animas Christo lucrati sunt, quanto studio & ardore pietatem omnibus inculcarunt? Intuemini magnum illum Doctorem gentium *Paulum*, quis hoc Apostolo disertior? quis eo in dicendo gravior, quis in movendis affectibus acrior? adeo ut *Agrippa* ipse Rex audito Paulo in has voces erumpere non dubitaverit, *Propermodum persuades mihi, Paule, ut sim Christianus*. Quàm graviter, quàm cordate doctrinam quam profitetur asserit! pseudapostolorum fraudes detegit, muneris sui dignitatem tuetur ac defendit, quanta cum parrhesia & orationis acrimoniâ iram Dei delinquentibus denunciât, ut *Elyma mago, Hymenæ, Philato*,

Phileto, *Dema*, quanta libertate *Antiochia Petrum* Apostolum non recto satis pede incedentem reprehendit? Quanta animi mansuetudine promissiones de Christo & ejus Regno, de delictorum venia, de vita æterna, & animarum beatitudine proponit, fractos, consternatosque erigit, aberrantes reducit, torpentes excitat, currentibus calcar addit, ignorantibus Scripturam enodat, non privatim in angulo aliquo Judææ, aut urbis Hierosolymæ, sed nusquam non gentium. Docuit enim in *Macedonia*, *Achaia*, *Pamphilia*, *Syria*, *Cilicia*, *Galatia*, *Phrygia* & in locis aliis quam plurimis. Adeo admiranda quædam ac prope divina vis est *Eloquentia* in Ecclesia, nec minor ejus vis, Auditores, in Republica, Regno, Imperio. Nam ut in Regno satis non est, folio Regem aut sceptro conspicuum esse ac formidabilem: ita firmissimum est linguæ purpuræque præsidium. Hac *Cicero* fretus *Castilina* conspirationem in patriam detexit, repressit, retudit, & nefaria ejus in Rempublicam molimina dissipavit. Hæc illa est, quæ in foro, in curia, pro tribunali legum tuetur majestatem, hæc clientium, hæc pupillorum, hæc oppressorum causas agit, afflictorum innocentiam defendit, tuetur, protegit. Hæc acri ac vehementi concione animos militum accendit, ut ardua quæque tentare & summa experiri non detrectent. Non sic tubarum clangores, equorum hinnitus, armorum rutilantium splendor, non sic litui & tympana masculum militis animum ad pugnam acuunt; ut illa hortatrix ad virtutem & gloriam oratio martiales animos adversus pericula erigit & accendit. Illa strages generosè solatur, vulnera obligat, cicatricibus callum obducit, pulverem non indecorum ostentat, sudores detergit, vires reparat, instillat, alit. Unde *Agamemnonem*, unum pluris fecisse *Nestorem* testantur Annales quam multos belli duces, quia disertus erat & eloquens: Et *Darius* Persarum rex potentissimus, dissecto malo punico,

totidem sibi optabat *Zopyros* quot grana erant in malo punico. Est enim illud omnium opinione & consensu verissimum, rem arduam & difficultatis plenam esse, Rempublicam gubernare: quia nullum animal morosius est, nullum majori arte tractandum, quam *Homo*. Natura enim contumax est animus humanus, & ipse *Populus* bellua est multorum capitum. Itaque magnis ingeniis sapius ars defuit qua civem regerent, quam qua hostem superarent. Vires enim armis constant, & saepenumero hic plus hominis fortuna quam ratio valet, & rei bene gestae laudem cum *victore* dividit. At vero ea maxima gloria est, facunda hominis lingua, multorum vincat manus; & quae natura impedita sunt, consilio expediât. Hoc autem praestât *Eloquentia*, cujus vis in movendis & impellendis hominum animis tanta est, ut omnis Reipublicae dignitas, hominum salus, bona fortunae, domicilia, vitae commoda ab ea pendere videantur, eoque ut animâ pedes, manus, oculi, negotia gerunt: sic hæc immensa multitudo, *Eloquentiae* quasi spiritu regitur; nec arma, legiones, classes æque firma Imperii sunt munimenta, quam hæc ipsa. Vera non minus quam eximia est Græcorum sententia, Τὸ πολὺ δεινὸν κακόν. Quid enim excitata plebe furiosius, quid seditio-
ne gravius, & populo tumultuante formidabilius? cum *faces*, ut cum poëta loquar, cum *saxa volant*, furor arma ministrat, cristisque in audaciam erectis in Principem, in Magistratum insurgit, nullâ majestatis Imperii, nullâ Reipublicae dignitatis habitâ ratione: Arma hic armis retundere, vim vi repellere, furentes armata manu adoriri ut redeant ad obsequium, quid est nisi crabrones irritare, fodicare ignem, & oleum addere camino? *Eloquentia* hic opus. Nam tali in casu

pietate ac meritis si forte Virum quem
 Conspexere silent, arreptisque auribus adstant;
 Ille regit dictis animos & pectora mulcet:

Ne

Ne miramini, Auditores: Quod enim Magnes est ferro, hoc homini est *Eloquentia*. Monet, trahit, percellit, rapit audientium animos in quamcumque vult partem, efficacius quam ulla armorum vis: quia duci malunt ingenia ad libertatem nata, quàm cogi. Adhæc, *Eloquentia* paces ineuntur, fœdera feriuntur: amicitia, quæ vitæ est condimentum, nullo magis adminiculo, nullo ferrumine validius quam eloquentia inter dissidentes consolidatur ac coalescit. In comitiis, foro, curia, tribunali causas agere, cathedram conscendere, & ad populum verba facere, sententiam de publicis negotiis dicere, legationibus apud externos defungi, totum est *Eloquentia*. Nullam vitæ humanæ partem sui immunem esse patitur. In Aulis Principum locum habet, & in castris, & ubicunque consilio regitur: domi, foris triumphat *Eloquentia*. Sagum sibi & togam vendicat, lauros & trabeas, sceptrâ, diademata, fasces; & in rebus arduis Regni aut Regis, militiæ aut pacis lingua loquitur, & cum armis non potest, verbis pugnat, & sine tumultu pacem, sine sanguine victoriam, sine cæde trophæa molitur.

Sed laudibus *Eloquentia* diutius persequendis superfedeo, Auditores, quis enim eam satis deprædicet? non ille,

— Cui centum lingua sint oraque centum,

Ferrea vox.

Mihi qui hac in parte tenuitatem meam, ac infantiam agnosco, eam levi ac rudi orationis penicillo adumbrasse, erit satis. Audivistis *Eloquentia* præstantiam & dignitatem: audivistis effecta ejus nobilissima in Republica, in Ecclesia, publice, privatim, domi, foris: nihil in rebus humanis dari, nihil ab hominibus desiderari, nihil excogitari quod pretio cum illa comparari possit aut debeat. Quid restat? hoc unum (ut tandem ad vos, Studiosi, mea se convertat oratio) ut in ea serio desudetis. Olim trophæa Miltiadis excitabant è somno magnum illum belli ducem *Themistoclem*, vos *Eloquentia* studium & amor.

Ἄλλα γὰρ ἐπιμελεία καὶ πόνος πάντα.

Demosthenem summum illum dicendi Magistrum vobis imitandum proponite: quis eo unquam laboriosius, quis per plura reluctantis naturæ obstacula ad culmen reptavit Eloquentiæ, sed plus olei virum quàm vini consumpsisse ferunt, omnesque artifices manuarios antelucana industria longe superasse. Nemo difficultatem mihi hic regerat. Quid enim usquam terrarum pulchrum est, quod citra laborem comparatur? quidquid obvium est, evilescit: ardua in honore sunt ac pretio. Sudandum hic, Studiosi, & quæ se offerunt devorandæ molestiæ. Reipublicæ & Patriæ vos ingenium debere cogitate, nec prodesse nisi exerceatur. Et quando opportunius quam hoc ætatis vere? in quo omne perit tempus quod studiis non impenditur: In iis vitæ vestræ præsidium ponite ac decus. Divitias alii conquirant. Vos eruditionem, & cum eruditione *Eloquentiam*, quam si possideatis, habetis quod vis aut casus non eripiet.

Ἀναφάρετον γὰρ κατὰ τὴν ἑστὴν παιδείαν βροτοῖς. Dixi.

ORATIO LIX.

DE

TRIPLICI VOTO AUGUSTINI,

Quæ optasse dicitur,

Videre Christum in carne, Romam in flore,
Paulum in Cathedra,

habita ab

ALBERTO WODEWARD.

Vere dixit quicumque dixit,

Velle summum cuique est, nec voto vivitur uno.

Ut

Ut enim varia sunt hominum ingenia, ita aliò atque aliò feruntur, aliò propendent. Avari ad opes quo jure, qua injuria corradendas, ut animo suo & votis satisfiat: Ambitiosi ad honores & dignitates, quas dies noctesque affectant, captant, venantur, ambiunt: Libidinosi ad voluptates, carnis illecebras ac lenocinia: Iracundi, biliosi, vindictæ cupidi: ut animum proximi ruina ac interitu expleant. Sic olim Caligulam, monstrum illud hominis ac naturæ propudium, cædes identidem, lanienas, famem, pestem, incendia, depopulationes urbium & agrorum optasse, testantur Annales, queri etiam haud rarò solitum fuisse, quod non horrenda aliqua atque inaudita calamitate, temporum suorum memoria ad posteros transmitti posset. Sed laudabiliora longe Augusti & Tiberii Imperatoris vota extiterunt: quorum ille Scipionis fortitudinem, benevolentiam Pompeii, Cæsaris fortunam à Diis more Gentium petiit, hic tantisper ut viveret, optavit, dum utilem Reip. Romanæ operam navare posset. At vero hosce post se omnes longo intervallo reliquisse videtur Augustinus, magnus ille Ecclesiæ Hippo-nensis Antistes, quem tria in votis habuisse ferunt, *Videre Christum in carne, Romam in flore, & Paulum in Cathedra*: De quo Sanctissimi Viri voto, cum mihi demandatum sit, in docta hac ac literata Auditorum corona verba facere, à vobis sum-moperè contendo, Viri humanissimi, ut tenuitatem meam favore vestro ac silentio sublevare dignemini, quo Oratiuncula mea his veluti secundis subvecta ventis, quem sibi proposuit portum facilius consequatur.

Et quidem de *CHRISTO* primum *in carne*, ut dicam: quis obsecro mortalium tam ab omni pietate est alienus aut irreligiosus, qui cum cui suam & aliorum salutem acceptam fert, & in quo SOLO spem omnem fixam ac repositam habet, humana indutum carne & in terris versantem

coram

coram intueri, ejusdemque dulcissimo in hac vita consortio frui non exoptaret. Nihil ego jam de corporis ejus constitutione decora, nihil de membrorum apta figuratione, singularem præ se majestatem ferente, dico: Venerabilem oris gravitatem, vultus ejus virginalis raram pulchritudinem & venustatem silentio hic prætereo: Taceo frontem non contractam, non rugis, non lentigine deformatam, sed liberalem, amicam, hilarem, oculos acres & igneos, summam animi magnitudinem ingenique solertiam indicantes, & alia innumera, quæ ab Eusebio, Nicephoro, aliisque Scriptoribus Ecclesiasticis hac de re literis sunt consignata: Neque enim ulli dubium esse debet, quin ejusmodi ea extiterint omnia, ut vel ex ipsa corporis venustate, animus cujusmodi esset, facile possit animadverti: ne scilicet non haberet pulcherrimum domicilium animus pulcherrimus, nec pulchra domus non pulchrum hospitem. Adeo videlicet cognatæ res sunt corpus atque anima, ut alterius habitum altera sequatur, ac mentis quidem bonitas in ipsa corporis specie renideat. Sicut enim sub Auroræ adventum fulgor quidam tremulus in montium cacuminibus ludit, qui venturum jam Solem prænunciat: ita formæ venustatem esse veræ pulchritudinis in anima emicantis indicium, quis non videt?

Jam dotes animi ejus quales? non aliæ, Auditores, quam quæ supra humanæ conditionis sortem longè se attollunt: Ea enim fuit prudentia, ut in eo omnes cœlestis Sapientiæ thesauri reconditi fuerint. Puer adhuc quanta excelsæ & diviniore indolis dedit specimina? quanta sapientiæ supra ætatem & subactioris judicii signa? Annorum factus duodecim, quanta cum *πᾶσιν*, quanta animi præsentia, quanta omnium admiratione, cum doctissimis sui temporis triduum integrum collationem instituit? de Justitia vero quid dicam? *qui non solum ipse fuit justissimus, omnisque iustitiæ*

stitit fons & autor, sed qui iustitiam suam etiam nobis liberaliter impertit. Quid humanitatem ejus & *φιλανθρωπίαν*, qui è cœlo, calamitosissimi nostri status misertus, abjecta & contemptibili forma servi assumpta, in hanc lacrymarum vallem descendere non dubitavit, ut nos cœli ci-ves & æternæ hæreditatis participes faceret. Quam insuper blandæ ejus ad poenitentiam invitationes? quam paterna & salutaria de vita piè & religiosè instituenda præcepta & monita, quam splendida ejus promissa! Animi porro ejus magnitudo ac constantia quanta fuit? Quis enim eo fortior, quis potentior? qui mari, qui ventis, qui tempestatibus imperitavit, dzmonia eiecit, cæcos, claudos, mancos, ægros restituit, inortuos suscitavit, miracula edidit supra naturam exsurgentia: Satanam æternis tenebrarum vinculis illigatum domuit, prostravit, devicit: Et hæc omnia solus, solus, inquam, præstitit, laudis hujus consortem habes neminem. Nihil sibi ex hoc triumpho Apostolorum quisquam, nihil Martyres, nihil Patriarchæ, nihil Prophetæ, imo ne quidem Angeli, nobiles illæ creaturæ, vindicare possunt: *Solus* enim, ut cum Scriptura loquar, *ira Divina torcular calcavit, & qui cum eo esset habuit neminem.* Totum illud quantumcunque est, quod certè magnum atque eximium est totum ipsius unius est.

Plura dicerem, Auditores, nisi vererer, ne, si plura dixerò longe tamen plura omisisse videar. Cui enim tanta dicendi vis, tantum ingenii flumen tantaque copia, qui universas Christi virtutes non dicam exornare sed eloqui & recensere possit. Quid igitur hoc Servatore nostro majus, quid sublimius, quid Augustius excogitari potest? & quid optatius cuiquam accidere, quam Divinum illud caput, fontem illum Sapientiæ, perfectissimum illud virtutum exemplar coram intueri? Quis non Pastorum & Magorum felicitatem hic prædices? quis Apostolorum, quis Mariæ, Lazari,
Nico-

ad Sauromatas, ad
mam Thulen excurreret, hunc ut
quem olim Patriarchæ, Reges, Prophe
tice habuerunt in votis: sed frustra.
simus omnium, quos Sol unquam vidi
lomon fuisse creditur: hunc Sabæon
ut videret, magnis itineribus Hierosoly
tendit. At quanto sapientior Salomon
Merito, merito itaque Augustinus ist
longe in votis habuit, non ut Salome
Christum omnis Sapientiæ fontem
contemplari posset.

Sed ut ad alteram Augustiniani
nostra decurrat oratio, qua *flurentem* a
videre Vir sanctissimus, nec male, u
ptavit. Animis enim vestris, Audi
dite & seriò apud vos ponderate, c
Urbis splendor fuerit, quanta dig
majestas, in qua qui ad clavum Re
singuli Reges Legato Regis Pyrrhi
eximiam qua pollebant prudentiam
morum gravitatem, fortitudinem
lem, rerum denique gestarum
Mirro Scipiones, duo illa belli fuln
Coriolanos, C

lacus, exquisitorum piscium numero & celeberrimos, lucos circa urbem umbrosissimos religioni & Deorum cultui consecratos, aliaejuscemodi silentio hic involvo. Quæ tot aque tamque eximia hic fuerunt, ut quidquid in celsum & magnificum unquam extiterit, non post se intervallo hæc relinquat,

Es tantum reliquas inter caput efferat urbes,

Quantum lenta solent inter viburna cupressi.

tantum hic paucis attingam, sine quibus a civitas, nulla urbs, nulla Resp. beata esse potest.

quo, Auditores, Reip. bene constitutæ columna esse solent ac stabilimenta, *Consilium domi, mores foris*. Quid vero ex his dici potest, quomodo dum floruit Resp. destituta fuerit? Præstantissima Atheniensium civitas extitisse fertur, ac eam potissimum ob causam, quod bonis à lege legibus instructa fuit. Sed longè hanc a floruit Resp. Romana superavit. Nam & hæc Solonis leges Romam translata diutius ibi viguerunt; & melioribus auctoritatibus fuerunt; quas tanta cum cura, tanta diligentia observarunt ut exteris etiam gentibus ac oculis fuerint admirationi. Erant enim Prætores, jura tuebantur: Erant Consules, quibus fasces æcures ad poenam delinquentium præferebantur: Erant Proconsules, qui consulari defuncti in provinciis Reip. munia obibant: Erant Censores, in vitam, mores, actiones omnium animadvertebant.

Idcirco porro militaris tanta fuit apud Romanos utilitas, ut nomen Urbi æternum & gloriam sibi mortalem compararint. Ita enim à puero armis capessere disci jactu, cursu, luctu, sagittis, discis, lapidibus uti, ictus cum inferre tum excipere docebant, ut his quasi pugnae tyrociniis, ad maxima contra hostes gerenda parati in-
tæque proficiscerentur. Quid mirum? Apud
eos

eos enim ab ipsa adolescentia vita omnis in armis, honos omnis ab armis erat. Nemo honestiorum ad Remp. accedere, aut magistratus capere poterat, nisi decem annos militasset. In ipsa pace nulla illis quies. Exercitia assidua erant vel in campo Martio, vel in ipsis alibi castris. Hinc factum, ut nihil formidabilius cum vicinis tum longè remotis gentibus Romano exercitu esset: Quas enim urbes, quas provincias, populos, gentes locis infinitas, multitudine innumerabiles, immanitate barbaras imperio suo non adjecerunt? Ubi Colonias suas non habuerunt? unde tritum illud apud eos, *Ubi vincit Romanus, ibi habitat, Onere si sumus Munda, ubique domus: ubique populus*: In Italia sola leguntur fuisse centum & quinquaginta, in Africa circiter sexaginta, in Hispania triginta, in Gallia totidem. Opibus vero quantoperè hæc urbs floruerit ex Annalibus constat. Tributa enim annua immensa pene fuerunt. Nam si solæ Ægyptus & Gallia ad triginta, aut circiter, Milliones pependerint, quid totus Orbis reliquus? An non Syria & Asia tantum? Africa & Hispania? Græcia & Illyricum? Insulæ omnes simul? Ita ut supra centum quinquaginta Milliones fuerint. Erant & proventus annui ex *Portoriis*, *investione* & *evectione* mercium, *Decumatione*, *Capitatione*, *Fodinis* metallaribus, aureis, argenteis, *ærariis*, *ferrariis*, *stanneis*, *cretaceis*: Etiam pecunia è *Triumphis*, id est, è præda & manubiis per triumphos inferbatur. Sub Tarquinio Superbo victa Sueffa *Pometia* & capta, reportata in triumpho quater millia *Talentorum*, id est, vicies quater centena millia *Philippicorum*: Pompejus in Triumpho quem de *Mithridate* & *Oriente* duxit, viginti millia *Talentorum* in *ærarium* intulit, id est, centies vicies centena millia *Philippicorum*: Julius Cæsar quater triumphavit, intulitque sexaginta quinque millia *Talentorum*, id est, triginta novem *Milliones*.

Hæc cum ita sint, quis vestrum est, Auditores,

qui

qui non idem cum Augustino optaret ? qui non eam urbem, in qua summa legum fuit observatio, summa Judicium religio, summa integritas, summa Magistratus majestas, summa rei Militaris cura, summæ opes, videre desideraret.

Restat tertia voti Augustiniani pars, quam, ne longius quam par est attentione vestra abuti videar, paucis percurram. Nihil ego hic de *Pauli Apostoli* pietate, nihil de Religione & Evangelicæ veritatis promovendæ studio, nihil de ejus constantia, nihil de laboribus quos excelsa & infracto animo sustinuit in munere suo obeundo, nihil de innumeris & summis periculis quæ Christi causa subivit, in medium adducam: Sed paululum mecum expendite, Auditores, quantum Ecclesiæ nascentis lumen, quam rarum & eximium Spiritus Sancti organum fuerit ad Gentilium conversionem & Doctrinæ Salutis propagationem ? quanta ejus eloquentia fuerit, sive dicendi libertatem & parresiam, sive nativam sermonis puritatem, sive splendorem & copiam, verborum pondera, rationum momenta, argumentorum vim intueri sit animus, vel duæ ejus solummodo Epistolæ id luculenter ostendunt ac commonstrant, quarum alteram Romanis, alteram Galatis inscripsit. In his enim quam ordinatè omnia, quam nervosè, quam solidè sua proponit, asserit, probat, quam concludit acutè, quam argutè refellit adversariorum errores! Summa olim apud Athenienses eloquentiæ Pericleæ laus fuit, magna per universam Græciam nominis ejus fama, quod fulminare, tonare & Græciam pro concione universam commovere diceretur. Hanc etiam eloquentiam in Divi Pauli scriptis quis non animadvertit? quam enim intrepidè, quanta animi constantia coram Agrippa, Festo, Felice causam suam egit, adeo ut etiam Regi Agrippæ vehementer ejus concione commoto hanc vocem expresserit, *Paulo, propemodum mihi persuades ut fiam Christianus.*

Quanta orationis acrimonia doctrinam Evangelicam tuetur ac defendit, iram Dei delinquentibus denunciat? quanta animi lenitate poenitentibus delictorum veniam proponit, lapsos erigit, consternatos reficit, errantes reducit? quam breviter, perspicuè tamen, abdita Religionis mysteria, & difficillimas quaestiones enodat? quanta dexteritate Pseudapostolorum fraudes & imposturas detegit, muneris sui Apostoloci auctoritatem adversus omnes maledicorum & Sycophantarum calumnias & diſteria fortiter astruit? Quo tempore cum Æschine decertavit Demosthenes, ad iudicium istud concursus è tota Græcia factus esse dicitur: nihil enim tam aut spectandum aut audiendum esse iudicabatur, quàm duorum summorum Oratorum inter se contentio. At vero quis non potius cum Augustino optet accurrere, ut hunc summum Oratorem non de re levicula, utpotè Corona aurea, de qua cum Demosthene Æschini lis fuit ac contentio, sed longè gravissimis & ad Salutem pertinentibus rebus dicentem audiret? Sed istud quidem, Auditores, ut & cætera optare cum Sanctissimo Viro, sperare vera aut consequi, quod optamus, non possumus.

Quid restat, nisi ut Christum, quem in carne coram oculis præsentem intueri non licet, oculis fidei intueamur, sedentem ad dextram Dei patris, eum in verbo ejus audiamus, & præsentem in Sacramentis habeamus. Romam olim florentem in Rep. hac nostra bene constituta spectandam nobis proponamus: si non iis opibus, ea imperii magnitudine, nec pari potentia, ea saltem qua Dei Optimi Maximi præsidio, benignitate, providentia hætenus invicti stetimus adversus insensissimos hostium nostrorum impetus. Paulum vero si non in ore, in scriptis videamus; & quæ salutaria nobis dedit doctrinæ fidei & pietatis monita, ea animi veneratione amplectamur ut non doctiores modo sed & meliores facti æterna aliquando, hinc cum

cum nobis erit commigrandum, beatitudine fruamur: in qua ut nihil felicitati nostræ deficiet, ira nullus amplius votis ibidem erit locus. Dixi.

ORATIO LX.

DE

Endis & recreationibus Adolescentum: Ciceronis in Officiis loco, exercitii gratia explicato,

Habita à

DANIELE RADÆO.

Cum hunc ego doctissimorum virtuteque præstantium virorum consessum intueor, Theodorus ille Platonius in mentem mihi venit, qui in Secretis magni illius Philosophi præsentia, disputationis aleam se subiturum olim negavit. Eodem plane modo me & hunc quoque animatum esse sentio; quod nihil huc nisi ingenio & industria elaboratum, politum arte & tinctum doctrina afferri oporteat. Sed cum non ostentandæ aliqujus aut eruditionis aut eloquentiæ, quo Platonius ille discipulus respexisse videtur, sed exercitii gratia hæc in Scholis declamationes institui haud raro soleant; & apud vos verba mihi faciendæ sint, qui qua præditi estis humanitate, hæc quæliacunque dicendi tyrocinia Juventuti & fructuosa & necessaria indicatis, facit hæc cogitatio ut ad me redeam, & hanc dicendi provinciam suscipere haud dubitaverim: Eo magis quod in hac doctissimorum Auditorum corona, ad tractandum tale mihi oblatum sit argumentum, quod nec sterile & jejunum; nec injucundum vobis futurum esse confido, sed novitate sua abunde compensaturum, quod & ingenio meo & dicendi facultati deesse non invi-

quæ vel in Principum Aulis tractari, vel Rerum-publicarum consiliis agitari solent, non de bellis Civilibus, & quas in genus humanum important calamitates, clades, lanienas, urbium & agrorum depopulationes, nec tragicos Principum exitus, non Regicidia quæ viris justitiam, pacem & Reip. tranquillitatem amantibus horrenda solent esse & exosa, in scenam hic producere est animus; sed eximium Oratoris locum exercitii gratia explicare conabor, & quidem eum qui neque hoc indignus loco, nec auribus vestris ingratus esse possit.

Etenim cum omnium Doctorum consensu præclara sunt & vere aurea, quæ de Officiis sunt à magno illo *Cicerone* tradita; tum illud certe egregium, quod de *Adolescentum* ille ludis, & recreationibus, ad posteritatem transmisit; quales scilicet illi sunt, quo & modo & tempore instituendi, ut honestatis & decori ratio habeatur. Unum à vobis, Auditores, officiosè contendo, ne me de ludis agentem, ludos faciatis, aut in novo hoc dicendi argumento, operam me ludere patiamini.

Ac primum quidem, quibus magni illius Oratoris perspecta est prudentia, dubium esse non potest, unicam duntaxat tanti viri sententiam omnis rationis loco esse habendam.

Verum si rem altius & ab origine sua repetere, & præcorum temporum memoriam curiosius replicare nobis sit animus, plus liquido constabit, Oratores, Philosophos, Medicos, Poëtas, & quidem inter primos, extitisse qui non recreationes modo ludosque amarunt, sed etiam de iis recte instituendis doctrinam tradiderunt. *Plato* Philosophorum ille Princeps, ludorum in scriptis suis meminit, eorumque utilitatem commendat, leges præscribit, condiciones statuit. *Quintilianus* optimus, si quisquam, dicendi magister, Juventuti per ludos, laxamenta aliqua concedenda esse serio contendit: non solum quia nihil est quod perferre possit continuum laborem, sed quod studia,
discen-

discendi voluntate potissimum, quæ cogi non potest nec debet, constare dicuntur. *Aristoteles* auctor gravissimus, *ludum, remissionem animorum* appellare solebat. Ita enim natura comparatum est, ut quemadmodum diei nox, sic negotio succedat otium, quies operæ; tota adeo vita nostra, nil nisi labor, & remissio, alternisque hæc eunt vicibus. Sed ludo perinde ut convenit ut medicina, ut somno, ad necessitatem, ad sanam corporis constitutionem, & ad voluptatem. Quemadmodum enim nemo nisi qui æger est opem medicam implorat, nec quisquam se ad somnum componit nisi defatigatus: ita non nisi studiis delassatus animus, ad lulum jocumque se conferet. Arcum & nervos cur remittimus, cur detendimus, nisi ut major fiat intentio? Animum curis cur relaxamus nisi ut relaxatus acrior sit & attentior. Qua de causâ non vigiliæ modo, sed & somnus à natura datus est; nec feria tantum, sed & feriæ; nec justitiæ tantum administratio, sed & *Justitium*. Vultis causam, Auditores?

Quod caret æterna requie durabile non est.

In ea sententia olim magni nominis Medici, *Hippocrates, Asclepiades, Galenus*, qui inter alias, unam hanc tuendæ & conservandæ valetudinis causam esse, unanimi consensu statuerunt, *corporis Exercitia*; quæ calorem nativum in homine non retinent solum, sed augent; spiritus vitales & animales excitant, torporem avertunt, lassitudinem tollunt, morbos præveniunt, materiam ægritudinum per sudores tanquam per sentinam exhauriunt, vires deficientes reficiunt, instaurant, furrigunt. Legite, si placet, in Epidemiis *Hippocratem*, consulite de tuenda valetudine *Galenum*, non aliter reperietis: nempe quia in hoc omnes conspirant, *Ludos & exercitia* vitæ humanæ fulcra esse & statumina non poenitenda.

Ac, ut de reliquis taceam, de *Gleno* tam est manifestum, ut si quis probationem desideret, lu-

cer. Soli (quod ajunt) foenerari velle. vide: cum *De usu & usu pile* tractatum elegantiffi edere non dubitaverit. Quæ omnia, Audito. hujus generis exercitationum necessitatem probant, quid ad eam insuper probandam plius adferri possit, plane non video.

Sed & ad voluptatem honestam animique lectionem non injucundam haud parum ferunt. Quis enim adeo natura caudex aut cus, cui tanta est vis animi, tantum corporis, qui laboribus, curis, vigiliis ac lucubrationibus defatigari non possit aut frangi? Quis sine muneris sui intermissione, molestius perpetuo stinendis par esse queat, nisi forte ei similis quo Poëta,

—— duru genuit quem cautibus horrens

Caucasus, Hyrcanaque admorant ubera tigre

Sed nobis, nobis dico, quos natura non solos, rupes, petras, non pecudes, sed hoc esse voluit, quibus, inquam illud à natura intum ut quietem, ut tranquillitatem amemus recreationibus honestis, feriis & ludis delecte quis adeo omnem humanitatem exuit, ut iis offerat occasio, interdum & ad tempus indudum neget? Cum & ipsa quæ anima, quæ carent, vim suam si quiescant interdum, reti. Fertilibus agris non est imperandum, cito exauriet illos nunquam intermissa foecund quieti aliquando, cessationem fertilitate si bunde remunerant. Ita animus hominis ubi lulum otio indulserit, ad labores redit alac. Nempe ut *pictores* oculos suos nimia intensi hebetatos, ad virides colores reficiunt: ita à vioribus studiis, ad molliorem mitioremque sam transire licet. *Luscinis* tantum est canendum, tanta inter se contentio, ut certantes riantur, spiritu citius deficiente quam cantu nonnulli literarum immodico amore valetud: non lædunt solum, sed vim naturæ suæ infe

adeo ut dum à nullo superari volunt, in ipso conatu pereant. Male, si quid iudico: Nam ut bene *Orator ἀπάντων πλησμονή; & λήγει πόνων, ἔτι ποτιῖν δυνάμει*®. *Sisyphus* ipse, in fabulis, perpetui laboris damnatus, suspendit tamen *Orpheo* cantante suum saxum. Nec mirum.

— *Vires instillat alitque*

Tempestiva quies.

Contrà, intentus nimis animus languescit, & ex assidua mentis occupatione hebetatio quædam nascitur. Hinc est quod apud Veteres, non adolēcentes modo, verum etiam Viros magnos & graves, lusus suos ac recreationes habuisse, memoriz proditum est. *Sapientissimus* olim vel *Apollinis Oraculo*, quamvis reprehensus ab *Alcibiade*, cum pueris ludere non erubuit. *Marcus Cato*, magnus ille morum censor & illustre cum gravitatis tum severitatis exemplum, cum vernis suis joculari solitus, animum curis publicis defatigatum laxare aliquando non dubitavit. *Scævolam* pilea luisse, & calculis, uno ore restantur Historici, sic dulci diversione à belli tædiis.

— *Cantata Briseide venit Achilles*

Acrior, & posuū erupit in Hæctora plectris;

ferturque idem *Achilles* inter lituos, tubas & tympana,

Amonia curas attenuasse lyra.

Laelium, & *Scipionem* post gravissima Reip. negotia, vagas litoribus conchas, & umbilicos lætasse ajunt, *Augustum Cæsarem* nucibus, talis, pilea animum recreasse, *Alexandrum* animi ægritudines cithara leniisse, *Epaminondam* magnum illum belli ducem luisse fidibus: unde etiam *Themistocles* cum in epulis lyram recusasset, habitus fuit indoctior. Ita homini innata pœne & agnata illa: ad recreationem propensio, & dulcia laborum intervalla.

Sed cum non leviter hac in parte peccetur, præsertim ab Adolescentibus, qui in ludis sæpe nec

rationem tenent nec modum, & quinam præ aliis diligendi sint, ignorant, Ciceronem audiamus: *Suppeditat, inquit, Campus noster Martius & studia venandi, & honesta exercitiorum ac ludorum exempla.* Quæritis quæ, Auditores, fuerunt? si Romanis Historiis fides, trans Tiberim *nataiones, equitationes, cursus, saltus, pugilatus, lucta, quadrigarum certamina*, tanquam belli præludia. Unde & *Augustum Caesarem, & Catonem* liberos suos, nepotes, consanguineos, aliosque sibi caros *artem natandi* docuisse legitur. Viderunt homines prudentissimi, quanta natandi non recreatio tantum esset & voluptas, sed quanta utilitas, ne dicam necessitas. Nam quis obsecro hac arte destitutus, periculosis navigationibus & turbantibus æquora ventis, aut navali prælio se committere auderet? Quis navi in brevia, syrtes & scopulos illisa, vel vi tempestatum disjecta, aut à piratis, bellicis confossa machinis, præsentissimum vitæ discrimen aut ipse effugere, aut aliis periclitantibus succurrere posset?

Equestria vero certamina ut homine libero digna, præ aliis commendat *Plato & Socrates* apud *Xenophontem*. Alii *Cursus*, adeo ut non de nihilo magnus ille belli dux, vix aliter à principe Poëtarum *Homero* describatur quam *πῆδας ὠκὺς Ἀχιλλεύς*. & *Alexander Magnus* puer adhuc cum mira pedum celeritate valeret, invitatus ad Stadium Olympicum, *Non desistere*, inquit, *si Reges tecum cursu decertantes haberem, aut Regum pueros.* Opportuna occupare loca, & hostibus præripere paras? frustra tentabis, cursu nisi te exercueris. Hostem in fugam datum, insequi? ad pabulationes, & lignationes excurrere, adverso Marte si pugnatum, fuga salutis tuæ consulere cogitas? frustra? cursu nisi te exercueris. De *Venatione* non aliter judicandum, Auditores; quam ideo *Plato* commendat; & omnium exercitationum optimam, pronuntiare non dubitavit olim *Xenophon*: laudat & eam Latino-rum Poëtarum princeps *Virgilius*, cum inquit,

—— *Venatus invigilant pueri, sylvasque fatiunt :
Electere ludus equos, & spicula tendere cornu.*

& de Ascanio verba faciens,

—— *Mediis, inquit, in vallibus acri*

Gaudet equo, nuncque hos cursu, nunc præterit illos,

Spumantemque dari pecora inertia votis

Optat aprum, aut fulvum descendere monte leonem.

Sed ne longius attentione vestra abuti videar, unum restat, nempe quem modum in *recreationibus* observandum esse *Cicero* statuatur. Res tota (si mentem modo Auctoris probe capio) in tribus potissimum posita, primum *tempore*, deinde *genere*, tum *moderatione*. Ut enim somno, sic ludo utendum esse monet, nempe cum gravioribus, seriisque negotiis satisfactum: Eam deinde ludendi licentiam concedit, quæ ab honestis actionibus non est aliena. *Ludos* probat, sed *ingenuos, liberales, licitos*; viles contra, inhonestos, scurriles, sordidos vetat, improbat, damnat. In licitis denique & honestis modum præscribit; intemperantiam, & abusum proscribit. Quæ omnia eo nobis commendata magis esse debent, quod hisce nostris (quod profecto deplorandum) corruptissimis temporibus non pauci reperiuntur, qui vel seducti ab aliis, aut male educati, adversus hæc Auctoris monita ac præcepta delinquant & sæpe & graviter. Videas enim nonnullos ita natura comparatos, ut recreationes, ludos, exercitia ament, sed nulla delectus habita ratione, nulla temporis, nulla modi. Sunt in quibus tantus est poculorum amor, ut ad ea nati & facti videantur; qui in immoderata vini ingurgitatione palmam statuunt, nec hilares ante se fuisse arbitrantur, quam æquo largius aspersi flore Liberi Patris, vinum avidius haustum, vomitu remetiantur. Nonnulli mero titubantes, clamoribus inconditis, lymphatorum instar, nocte intempesta, & scintillante attritu gladiatorum, grassantur per strata platearum, tanquam si *Anibal* esset ad portas. Quidam chartis lusoriis, aut aleæ

sic delectantur, ut non dies solum, sed noctes ludendo extrahant tenebriones lucifugi, donec, ut Poëta ait,

Nequicquam fundo suspiret nummus in imo.

Hujusmodi ludos non inhonestos solum, sed & noxios, ac Juventuti perniciosos esse, eoque ad extremos Garamantas & ultra glaciale Oceanum relegandos esse quis non videt? contra, illa quæ ex sententia *Ciceronis* modo allata sunt, tum quæ Scholis præ aliis maxime accommodata sunt, in pretio habenda. Illa quæ sunt si quæritis, Auditores, dicam: *Musica* est artium liberalium una, & ingeniis bene natis ac liberalibus digna: qua quid amœnius, quid suavius dari aut excogitari possit non video. Illa enim est quæ dulci suæ harmonia, animum curis & studiis delassatum recreat, reficit, exhilarat; mœrorem dispellit, melancholiam diluit, vitæ tædia discutit, & hominem concentus hujus dulcedine abreptum, non Cœlo solum sed & ipsi choro Angelorum inferre videtur. His adde (nam

Trahit sua quemque voluptas)

Poëtarum & Historicorum lectiones ita suaves, ut magnetis instar Lectorem suum ad se trahant. Sunt & deambulationes in viis Philosophicis, *pila lusus* in aperta area. Sunt *conversaciones*, colloquia, confabulationes de Studiis, de moribus. Sunt denique exercitia quibus ita se oblectare possunt Adolescentes, ut nec Deum iis offendant, nec contra mores bonos delinquant, nec temporis jacturam patiantur, nec quæ muneris sui & officii sunt, negligant. Quæ sane si locum apud nos inveniant, ut invenire debent, & honeste nos oblectare, & valetudini consulere, & verecundiæ conservare laudem, & parentum, præceptorum, ac Bonorum omnium conciliare nobis gratiam, quin & Dei ipsius promptam paratamque benevolentiam consequi & in nos pertrahere poterimus. Dixi.

ORATIO LXI.

In

Laudem Historiarum,

*habita ab*HENRICO DUYSTIO à VOOR-
HOUT.

QUod apud Herodotum antiquissimum Scriptorem quidam affirmat, κύκλον εἶναι τῶν ἀνθρώπων πραγμάτων ὃς περιφερόμενος, ἐκ ἑᾶ τὰς αὐτὰς δὲ εὐτυχεῖν. idem cum de aliis, tum vero de Rebuspublicis magnis amplisque dici potest: in quibus circuli ejuscemodi crebro deprehenduntur, nihilque in iis firmum, constans, perpetuum. Quanta enim cum felicitate tum potentia excidit olim florentissima Chaldæorum metropolis Babylon? Quàm Carthago illa in Africa, quæ animo totius prope terrarum Orbis Imperium sibi destinarat, eademque de causâ bellum etiam contra Romanos susceperat, miserum sortita est exitum! Quoties Hierosolyma urbs illa munitissima expugnata, direpta sæpe ac everfa fuit, sub Pompejo, Vespasiano & Tiro filio? Inest quippe rebus humanis facilis quædam meta, & inevitabilis catastrophe; qua fit ut rapidissimi torrentis instar, florentissimæ Respublicæ, Regna, Imperia & cellissima quæque, quæ in hoc Universo multorum opinione æternitatem minari videntur, ad interitum properent. Nec, me Hercule, de Nihilo. Nam ut ferro rubigo agnata est, & ligno teredo sua & caries: ita Regnis & Rebuspublicis internæ sui pereundi causæ. Oriuntur, crescunt, florent, stant, & hoc ipsum ut cadant:

————— *Valet ima summis*
Mutare, & Insignem attenuas Deus
Obscura promens.

At vero tantæ rerum in Mundo vicissitudines, jam inde ab Orbe nato, unde nobis distinctius ac luculentius innotescunt quam ab HISTORIA! quam ideo summus ille dicendi magister Cicero, *Testem temporum, nunciam vetustatis, magistrum vitæ & matrem memoriam* appellare non dubitavit. Et certe si rei alicujus præstantia ab ejus autore haud raro æstimari soleat ac ponderari, qui olim Ejus autores fuere? non è trivio, non de plebe homines, sed Viri magni, viri honoribus amplissimi, qui ætate in Reipublicæ administratione contrita, *Historicam illam provinciam* tantum abest ut erubuerint, ut eam contra conscribere summæ laudi duxerint, & rerum gestarum gloriam, generis sui splendorem, nominis claritudinem tot victoriis, tot triumphis partam, longe posthabuerint historiarum monumentis. Quales olim fuere *Porcius, Cato Censorius, Posthumus, Albinus, Casar Dictator, Sempronius, Sallustius, Tranquillus, Tacitus*, aliique innumeri, quos Consulatu, Prætura, Tribunatu & id genus in Republica summis honoribus perfunctos accepimus. Quin & ipsi Principes Romani, neutiquam sua Majestate indignam hanc occupationem censuere. Quos inter *Augustum, Tiberium, Trajanum, Alexandrum Severum*, aliosque, res gestas literis consignasse, nemo nescit: Imo nec Reges à sceptro suo ac diademate provinciam hanc alienam judicarunt. *Dionysius Siciliz, Ptolomæus Lagi, Ptolomæus Evergetes Ægypti Reges*, atque alii, quibus recensendis longius non immoror.

Jam quæ *lectionis Historiarum* sint emolumenta in omni litterarum genere, tam publicè quam privatim, si scire vobis est animus, dicam: Nihil est, Auditores, quod animis nostris magis agnatum, nihil quod grata magis diversione laborum

ac lucubrationum nostrarum tædia dispellit, & curarum amaritudinem dulcedine sua magis temperat, quam varia rerum gestarum narratio; quas non legere, & audire solum, sed oculis coram intueri & in rem præsentem manu quasi deduci videmur. *Miltiadem* enim cum *Dario* congregientem cernimus, *Xerxem* mari compedes & vincula minitantem, *Annibalem* Alpes penetrantem, *Scipionem* Carthaginem expugnantem, *Cæsarem* Rubiconem trajicientem & *Pompeji* in campis Pharsalicis victorem, tribus postea & viginti vulneribus in *Capitolio* in medio Senatu confossum, inter alios à *Bruto*, quem filii loco semper habuerat. Quæ omnia tantâ legentium animos voluptate perfundunt, ut iis satiari nequeant,

————— *studio fallente laborem.* —————

Sed quid voluptatem loquor? non minor earum est utilitas, quam ex lectione rerum gestarum capimus. Peregrinantibus haud absimiles, qui dum oculos vario terrarum, Regionum, Urbium adspectu pascunt, multa quoque in usum vitæ, multa in usum Patriæ & Reipublicæ diligenter observata, in animum recondunt: quæ quid faciendum sit, factum ostendunt prius, idemque tentandi animum cunctantibus injiciunt: & dum viam præmonstrant exempla, tritam ab aliis viam sequimur, ut vel virtutibus eorum alacriores, vel flagitiis timidiore, vel periculis & dubio rerum eventu reddamur cautiore, & vitæ nostræ actiones ad earum rerum imagines quæ Annalibus consignantur, tanquam ad speculum componamus: fortunæ alienæ arbitri, nostræ fabri, sed & correctores. Exemplo celeberrimi illius *Pictoris Zenxis*, qui *Junonem* graphice & suis coloribus ad vivum effigiaturus, virgines *Agrigentinarum* formæ præ aliis insignes conduxit, in singulis quod pulcherrimum imitaturus. Scio multa ex *Philosophis* salutaria depromi, multa contineri præcepta, multa monita, quæ vitæ recte instituendæ haud

parum serviunt? sed longum per ea iter; at breve & efficax per exempla, in utroque fortunæ vultu. Rebus quippe secundis & ex voto fluentibus, moderationem nobis inculcat *Historia*, fastum exculcat: dum velut in *Theatro* spectandas proponit tot Regnorum depopulationes, Rerumpublicarum everfiones, urbium florentissimarum rudera; tragicos Principum exitus: cum *Cyrum* clade accepta, *Scytarum* Reginz ludibrium fuisse memoriz prodit, *Valerianum* Imperatorem *Sapori* regi *Persarum* equum consensuro, tanquam scabellum substernit: *Dionysium* magnum illum *Sicilia* regnatorem, à sceptro ad ferulam dejicit: *Crosum* rogo imponit: *Annibalem* flagellum diu *Italia* hausto veneno, quod annulo inclusum gestabat, extinctum: *Antonium* αὐτόχαιρα, *Cleopatram* morfu aspidis, ne in *Romanorum* manus incideret, oppetentem, *Polycratem* in crucem actum, *Bajazatum* caveæ ferreæ inclusum, *Antiochum* Syria à latronibus, *Pyrrham* à foemina, *Henricum* tertium *Galliarum* Regem à Monacho, & quartum ejus nominis à *Ravaillacco* sicario occisum, commemorat. Contra reflante fortunâ, cum rebus afflictissimis ad incitas præne redacti videmur, & hostem non intra fines solum armis sævientem, sed in ipso Patriæ meditullio omnia depopulantem, urbes, agros, oppida, ferro, flammâque devastantem, cædibus, lanienis in Reipublicæ viscera grassantem adspectamus; ne tunc quidem desperandum esse nos monet *Historia*, sed forti, & interrito obnitendum animo, quidquid evenerit: Cum *Themistoclem* exigua militum manu, navali prælio victorem, *Xerxem*, tot millibus suorum cæsis, scaphâ quâ Hellepontum trajecit, profugum, *Manlium* in arce *Tarpejâ*, captâ jam & incensâ *Româ*, adversus *Gallos* intrepidum, *Romanos* post cladem *Flaminii* ad lacum *Trafimenum*, & *Pauli Æmilii* ad funestas Imperio *Carnas*, rebus prope conelamatis, impavidos & invictos adversus hostem.

tot

et præliis, tot victoriis exultantem & extrema
 inantem, spectandos exhibet. Quæ profecto,
 que alia id genus exempla, quantam animis
 virtutinem ingerant & rebus desperatis fidu-
 am, quam acres victis addant stimulos, quam
 ilide jacentes erigant, & dejectos in gradum re-
 onant. *Hypsa* cæcior est qui non videt.

Quid? quod omnium rerum gerendarum alie-
 o hic periculo experimentum capere liceat, &
 abios rerum eventus secure intueri; dum quæ ab
 iis feliciter gesta sunt, nobis imitanda proponi-
 us; aut si male, ut alieno damno cautiores red-
 amur, & tanquam è speculâ, conspecto aliorum
 aufragio, medias inter rupes, Syrtes, brevia,
Cyllam inter & *Charibdim*, rectum teneamus cur-
 um, in procelloso hoc Mundi salo:

———— *Felix quicumque dolore*

Alterius didicit posse carere suo.

Ad hæc quid suavius, quam nullo sumptu, la-
 ore, periculo, citra itinerum molestias, naviga-
 onis tædia, corporis lassitudinem, aliena non di-
 o tempora sed loca lustrare, & celeri lectionis
 lâ totum pervolare *Univerſum*, & musæi sui can-
 ellis terras, maria, lacus, flumina, imo Orbem i-
 ſum includere? quid utilius, quam in amplo hoc
historiarum theatro, hominum ingenia, mores,
 iſta, facta, consilia, eventus, Rerumpublicarum
 rtus & occaſus, fatales *Imperiorum* & *Regnorum*
 rminos & viciffitudines tanquam in tabula con-
 emplari: hic bella, pugnas, prælia, hic clades &
 inienas, in præliis ancipitem fortunæ aleam, bel-
 orum dubios eventus, hic victorias & triumphos:
 libi pactas inducias, initam pacem, iſta fœdera,
 on aliquot ab hinc annis, sed jam inde ab *Orbe*
 ato. Secula omnia percurrit, qui *Historiam*; nus-
 uam peregrinus, ubique præſens: In ea quot ge-
 eroſo & excelſo animo, ad gloriæ, & nominis
 nmortalitatem incitamenta? quoties legenti oc-
 urrunt nomina ſeculis haud inſicianda? Vix
 magni,

magni, viri rebus strenuè gestis, consilio & prudentiâ clari, literatura & eloquentiâ eximii, quos sola æternitatis custos ab oblivione vindicat, *Historia*. Vitam *Ciceronis* rapuit *Antonius*? reddidit *Historia*. Rapuit illi lucem sollicitam & atatem senilem, inquit *Paterculus*, famam vero, gloriamque factorum & dictorum adeo non abstulit, ut auxerit: vivit vivatque illo etiam invito, per omnium seculorum memoriam: dumque hoc rerum natura corpus, quod ille pene solum Romanorum animo lustravit, ingenio complexus est, eloquentia illuminavit, manebis incolumis, comitem ævi sui laudem *Ciceronis* trahet perpetuam. Vivunt, vivunt quoque nominis sui nunquam interituri famâ, magnæ illæ animæ, *Miltiades*, *Themistocles*, Orientis terror *Alexander*, libertatis vindex *Brutus*, *Cædrus*, *Curtius*, *Decii* &

————— Duo fulmina belli

Scipiada.

Quandiu fasti, quandiu Annales, & in iis magna illa inscripta nomina. Quantum vero *Historiarum* lectio iis conducatur qui primis literarum studiis æruncati, ad Jurisprudentiarum animum appulerunt, neminem credo esse qui ambigat. Si enim quid est, quod prudentiam acuit, judicium format, *Historia* est: quia non unius ævi, aut urbis exempla, sed omnium temporum, omnium gentium, quasi in amplo Theatro res gestæ spectantur. Adeo ut jam inde ab Orbe nato tot seculorum rebus gestis interesse legentibus contingat, tot Regnorum, tot Rerumpublicarum Archiva introspicere; à quibus omnibus eum qui *Historiarum* imperitus, exclusissimum esse necessum est. Nec minor ejus in Divinis quam humanis usus. Sacra tractantur? quot in iis occurrunt, quæ aliunde illustrari nequeunt quàm ab *Historia*? Facem illa præfert ubique, si quid in Dei populo alibi gestum, ab ipsis Mundi primordiis. Vaticii Prophetarum recludit, in abditissima temporum penetrat, & levato Oraculorum velo, abstrus-

fac

veritatem eruit & spectandam proponit. c quis Ecclesiæ nunc jactationes, nunc lites inopinas, recte & ad amussim inteluis Monarchias Mundi, à Prophetâ prædictis impletionem Prophetiarum in Christo & Messia, contra Judæos, pertinaciâ ipsâ iores, nisi *Historia* gnarus & ævi prioris? ræ Urbis excidium a Romanis. Vespasiane ac Tito Imperatoribus, quis denique prædicationis Euangelii in omnes gentes, innumera, ut quanto sanguine initio Ecceperit ac succreverit, quam varia ejusdem modo succumbentis, modo emergentis, migrantis? qui Martyres, qui Patres, quovixerint, quid scripserint, qui hæretici, quando exorti, quæ Concilia & quando quid in illis decretum? quando & quibus annis simul ac superstitio Ecclesiam invasio tempore & quibus artibus Antichristus quæ origines Monachorum, Eremitarum, n, Jejuniorum, & mille superstitionum ū, & id genus alia populo pro concione ris repræsentet? *Historia* vere dicam hic & puppis. At contra historiarum ignari, igitur, quàm jejune Scripturam interprede maximis illi mysteriis haud aliter sãant, quam cæci de coloribus, & numeris is. Obscuriora illis sunt, quæ sine Anagnitione & temporum memoria intelligiari nequeunt. Sed quid longius fœcem Soli? Res ipsa loquitur, Auditores, & sententiæ meæ suffragari video, cum exie vestrâ, tum silentio, unum hoc Orâolenne addam. Dixi.

ON

de

PATIENTIA

habita à

NICOLA O van der DUSSEN.

Crates Philosophorum non è minimis, sed
tatem ponebat olim, eamque summam,
non nascendo, proximam, in denascendo.
cabat quippe vir altæ mentis, vitam per se
miseram, etiam brevissimam, & abortivam
miseriarum tum demum omnes numeros in
si longæva ea sit & multorum annorum.
me hercule, de nihilo. Quid enim vita
itra aliud (si modo vita dicenda, ac non
vitæ umbra) quam spoliū temporis, ludib-
tuna, calamitatus tabula, inconstans imago
rutina, peregrinatio molesta, navigatio per-
qua nulla statio nec portus, nisi mortis,
vitæ cursu, larga ubique flendi & afflid-
sit, & in qua lacrymæ prius defuturæ
sæ dolendi, cum malorum occurrenti-
dus sit nec finis. Cui enim Mortaliur-
tam exactæ felicitatis gaudia unqu-
relictum sit quod genti-
fallimur?

est infantiam hac in parte meam eo major
 tio sublevare ac favore complecti, quo
 impulsus causa hanc dicendi provinciam su
 ac ne de vestra in me benevolentia vel tan
 dubitare videar, utar hac apud vos liberta
 quidquid animo conceperim, in medium
 re non reformidem.

Institutæ meæ Orationis materiam cū
 examinis trutina serio mecum expendo,
 rem mihi gloriam reportate videntur illi q
 mum suum, quam qui hostem devicerint
 ut est in veteri verbo, *Bis vincit, qui se vin*
 lebrantur quidem in antiquis historiarum
 mentis, fortissimorum Ducum atque Imj
 rum laudes bellicæ; sed cum ejusmodi res
 tunæ arbitrio pendeant & misitum obsequ
 nulla tanta sit vis quæ non ferro debilitar
 gique possit; quis animi constantis, ac gener
 tientiam in adversis, fortitudini militari ne
 ge præferat? quam qui habet non eum cun
 mis Viris Tullius comparat, sed simillimur
 judicat. Neque enim majorem fortitudinem
 dicemus in *Alexandro* quam in *Diogene*, q
 flores gessit animos in dolio suo, quam
 ille juvenis in Orbis universi imperio. Neq
 tior æstimandus *Hercules*, qui leonem, qui
 Erymanthæum & Hydram domuit, quam
 tes, cujus patientia Herculis fortitudinem
 superavit, qui fortunæ novercant i
 vit, semper sibi similis, & incurrentium m
 vim solo animi robore sustinuit, vicit, subj
 & ea tanta constantia tulit, ut nihil à statu
 ræ discedens, nihil à ratione deflectens,
 dignitate Sapientis declinans, luculenta n
 mel, sed toto vitæ suæ cursu robusti animi
 rit specimina. Ex quo facile intelligi potest
 e Patientia sit statuendum, eam nempe fo
 is partem esse non ultimam: Nam quid ei
 fortitudo quam considerata periculorum

rio, ac laborum & molestiarum perpeffio. Et quemadmodum fortitudinis proprium cenfetur, patienter adire, fortiter fuffinere pericula; ita Patientia proprium videtur, periculorum labores constantiter ferre, quod nec timidi nec molles poffunt. Unde nonnulli Patientiam haud infcite, fi quid iudico, mihi definire videntur, verum quacumque lemini aliunde accidunt, aut incidunt, voluntariam, & fine querela perpeffionem. Philosophos serio de bono Patientia philosophari, ex fcriptis eorum didici; fed cum dicta fape factis deficientibus erubescant, ipsi praeceptis fuis detrahunt pondus, & male de ea differere mihi videntur, dum malorum perique impatientes fuerunt: Socratem, quem honoris causa nomino, prae aliis patientiffimum hic excipio, per omnia afpera iactatum, & in hac palaftra exercitatiffimum, cujus constantia locum pro verbo dedit, Callus Socrati, quod ad omnem Patientiam obduffiffe, & quafi callum animo fuo obduffiffe videretur. Talem deprædicat Plato fub persona Alcibiadis, quod nempe contemptis afperioris brumæ frigoribus, nullis affumptis adverfus vim frigoris endromidibus, in publicum prodierit, nives folita constantia calcaverit, vix pruinis albicantes nudis pedibus confecerit. Memoriam quoque de eo proditum (altior fi quavis inciderat cogitatio) quod erectus faret perditus atque pernox, à fummo lucis ortu ad Solem iterum orientem, immobilis iifdem in veftigiis ore atque oculis in eundem locum deiectis. Haec abfimili constantia, publica & privata mala & incommoda; injurias atque ignominiam pertulit domesticam in primis. Nam cum in eum procciter debacchata uxor diu efferet, deficientibus quæ evomeret maledictis, mox repente adhuc loci caput ejus perfunderet, nihil commotus, citabilem dixiffe fertur. Non mirum fibi nec insolens videri, fi fragorem tonitruï imber fequeretur: & rogante aliquando Alcibiade Socratem;

Cui foeminam tam protervam, maledicam, furentem, domo non prohiberet, *Ad profectum, & exercitium patientia, domesticam disciplinam facere*, respondit. Calce impetitus ab adolescente aliquo impuro, cæteris indignantibus ac monentibus, ut in jus traheret. *Quid* (inquit) *si me asinus calce ferisset, enim etiam in jus vocandum censeretis?* Idem ab *Aristophane* publice in Theatro, verborum laceratus contumeliis, non modo non zgrè molestèque hoc tulit, sed & obvium sibi factum adversarium humaniter compellavit, *An se: rursus opus haberet ad similem contumeliam?* Denique ut convitia, calumnias, sycophantias, vincula, carcerem, atque adeo cæteræ vitæ mala patienter tulit: sic malorum omnium finem, mortem. Nam posteaquam in carcere potionem illam ex cicuta mixtam, non aliter quam medicamentum immortalitatis sumpisset, de Libertate, de Morte disputavit intrepidus, ad mortem usque; ut duarum rerum gravissimarum hominibus metum adimeret Mortis, & Servitutis. *O. fortem Patientia Athletam* immortalitatis corona decorandum!

Jam si hæc in ipso Gentilismo eximia dantur patientiæ exempla, quanto magis in Christianis, qui in meliori longe Schola instituti, nihil in hac vita casu & fortuito fieri, jam pridem didicerunt, eoque constanti animo ferenda, quæcunque nobis à Deo immittuntur, exilia, belli pericula, naufragia, inundationes, pestes, mortalitates, & quæ his graviora sunt. Neque enim vivendi nobis optio data, aut nostri arbitrii malorum perpeffio est; sed necesse omnino habemus omnia tolerare, quidquid de nobis statuerit malorum Arbiter Deus, Deus enim quos probat, quos amat, indurat, & exercet, & quem diligit Dominus corripit, & castigat omnem filium quem recipit. Non alius, me hercule, Deo finis cum nos affligit. Quid? irascine eum credis? male. Nunquam impenitus a-

mat,

mat, quam cum cadit; nunquam hic minus par-
cit, quam cum in æternum illi parcere decretum.
Amoris hæc sunt indicia: Et ô beatum illum cu-
jus emendationi Deus instat, cui dignatur irasci!
Aliter longe patres, aliter matres indulgent. Illi
exercitari mature jubent liberos in studiis, sudo-
rem illis & interdum lacrymas excutiunt. At ma-
tres fovere in sinu, continere in umbra vultunt,
nunquam flere, nunquam tristitia, nunquam mœ-
rore affici: Paternum contra Deus habet adversus
suos animum, & illos fortius amat; quos ut ve-
rum colligant robur, doloribus ac damnis durius
exagitat. Languent enim per inertiam saginata,
nec labore tantum, sed mole & ipso sui onere de-
ficiunt; languet animus, languent preces & quid-
quid in nobis est pietatis & fidei; ut opus sit hunc
ignem sopitum & extinctum penè excitari non-
nunquam morborum & adversitatum flabris.
Hac fide imbutus, hac spe subnixus *patientia cultor*,
quidvis feret animo non tantum obvio & invi-
cto, sed grato, cum gratiarum actione, quasvis mo-
lestias; atque inter ipsas afflictionum angustias,
erumpet in laudes affligentis & sanantis Dei; nec
aliter excipiet sævientis fortunæ ictus, quam no-
vaculam Chirurgi, aut pharmaca Medici propi-
nantis amaros succos, sed salubres. Corpus de-
venustant, offendunt, lædunt? at animam ornant,
curant, medicantur: & ut ferrum attritu, sic illa
ab his nitescit. Cucurbitulis medicorum similes
sunt, quæ corpori affixæ, non nisi pravam vitio-
sumque sanguinem educunt. Vires deſciant ac
peſſundant? animæ vim addunt & robur, ut alta
ſtet & erecta adverſus omnem caſum. Et ut à ven-
to triticum non rapitur, ſed paleæ: ſic adverſa i-
ſta leves tantum animos auferunt, bonos & in
virtute firmos non evertunt, ſed magis firmant.
Quid multa? Homini vere Chriſtiano afflictiones
virtutum ſunt officinæ, humilitatis Schola, patientiæ
gymnaſia, probitatis magiſtræ, Zeliſomites &
fidei;

; quæ verba nobis non in labris nata, sed in ad Deum extorquent; & securitatem stultæ vitæ longioris fiduciam exculcant, mortem inculcant, & cum mortalitatis sensu, non vitæ antea actæ censum, ac poenitudinem. nunc cælum nubes suas habet, sic & vitæ, & ita omnis ætas: Vegetam illam qualis est in inscientia, immunem credis malorum atque ædinum? Erras: communia hæc naturæ delicta sunt, & in quolibet ævo, à quibus nulli longior, vix induciæ sunt. Timere ea potes, non te fugere, non vitare. Nam ut omnia sub leuias vocat *Mors*, & unius horæ momento

————— *Æqua tellus pauperi recluditur*

Regumque pueri: —————

: illius satellites & lictores *morbi* nullam huius vitæ partem, nullam ætatem, sui expertem patiuntur: sed ibit hic malorum in omnem orbem remeantium orbis, quamdiu erit ipse *Orbis*. inter felices inter tot ac tantas quibus indies iactamur miseras hoc uno *Christiani*, quod nobis per hæc ad aliam vitam, cuius nec modum capimus nec finem. Tristitia, fateor, hæc enim sunt & acerba; sed Medicum cum laquei theriacæ suæ viperam admiscet docta mater saluberrimo effectu temperatam; in Deo curat obes, si pharmaco huic morborum & mortis poculo, noxas corporis intemperat, sine noxa? Nimis alias insolescat, nimis lasciviat, nisi vinculis istis & compedibus teneatur. Seniores è mari veniunt, qui nausea gravem iachum exonerant: ita è procellis huius vitæ, corporis languore animi faeces eluunt. Nihil sperare ad quod exerciteris, ad quod te concites, sed in incursu firmitatem animi tui tentes, sed in inconcusso jacere, non est tranquillitas; molis est. Segetem vides plus nimio luxuriantem? non acrior pruina, si opportuna obvenierit, non adit solum, sed injecta velut mora, ad maiorem

tum illic
sic nos concussit uncis suis pul-
pulisculos vanitatum, quæ nos plus
gunt huic glebæ, & inelatos mundi
nent ut piscator esca pisces, auceps gra-
adeo ut cum *Themistocle* haud raro ex-
bis liceat, perieram nisi periissem. Qui-
litæ nostræ & *Christianismi* hæc sunt
patientie exercitia; quæ quo magis i-
mala, eo est erectior, omnesque for-
victa excipit, & conculcata, alacrie
ut arbores altius radice terram con-
quo sæpius ventorum furis agitant
ta quo magis lacessita, hoc est ro-
das vires animo dolor.
attentione vestra

Sed, ne longius attentione vestra
finio, Auditores, & Orationis meae
hoc Audivistis quae de patientia in a
habui, ejus nempe praestantiam, i
efficit, Specimina, exempla omni
Audivistis et quae in hac vita sta
munt, non temere, non fortuito
sed immitti à Deo, qui patientia
est, non uno sed mille modis,
gloriam, & suorum salutem. Q
diximus hoc unum, ut nes ab
vix vestra, qui actionum
de nobis, & de illis

nisi quod bonum ac salutare nobis procernit, vult. Et ubi iustitia, & æquitas, lamare audeat, quis obniti? Ubi veritate illa nostra quoque conjuncta est & salus, cujus ingratiitudinis foret, non on moderato animo suscipere, quidquid huic Patri nostro placuerit, quem sequi, ui prima sapientia est. Dixi.

R A T I O LXIII.

in

DEM M E D I C I N Æ,

Habita à

I A N N E van der S A E G H.

na quæ Oratione tractari solent præstantia, iunde quàm ex ejus qui de iis differit in- imanda sit, magnopere mihi metuendum materix dignitatem, de qua mihi nunc idum est, ingenii mei culpâ haud parum n: Dicturus enim de M E D I C I N A , tos sui non admiratores solum, sed cul- et. Optarem equidem dum laudes ejus prædicandas propono, ut provinciâ hac mihi impositâ probè defungi possem, ut cætationi vestræ, tum rei quam laudandam ærito satisfieri queat: sed cum in his di- ociniis optari quidvis facilius, quam vobis possit. Vos rogo, Auditores, & um animi demissione à vobis contendo, bilissima materia, in ornatissima hac qui estis corona, non minori benevolentia s qui ante ex hoc loco declamarunt, me i dignemini.

si artis, si disciplinæ alicujus præstantia, si si necessitas qua inter alias eminet suis
Z 2 prætiis

Hippocrates summus ille *Medicorum* pri-
nobilissimam esse, affirmare nullus
artium omnium antiquissimam, & c
nè hominibus natam, cæteras vel ac
vel ad ornatum, vel ad contemplat
quam ad vitæ necessitatem esse exc
quæ major artis necessitas esse. pote
quæ mentem sanam in corpore sa
hominem à morborum & ægritudin
nâ vindicare potest? Vitam, fateor
infundere solius *Dei* est; at vitam c
jam fugientem ferè animam sistere,
penè Divinitati proximum cenferi d
præsidio nondum nati, nondum ge
Natis vero & in lucem editis quid
fruimur optabilius, quid vitâ hac
dulcius? contra, quid iis in vitâ di
culi torturâ vexantur, & quorum la
gra, fatali bonis ingeniis contubern
tur articuli, haud aliter quam equi
Quis mori non optet, non desideret
misere vivere? At hisce malis, ut inn
eam, modetur illa vitæ illa solutio

ircis & argenteis mensam instructam videat ?
 tum absque sanitate , nec vita ipsa vitalis sit , aut
 icunda ; nec adeo ipsum vivere , quam valere ,
 era vita . Quid , quod non corpori solum sed &
 nimo salutaris sit M E D I C I N A , eoque tan-
 dignior , quod utrumque regat , moderetur ,
 onservet : Corpus enim & anima tam arcto in-
 er se vinculo copulata sunt , ut vitia corporis in-
 nimam , ut & animæ in corpus facillime tran-
 eant ac penetrent . Epilepsia , apoplexia , carus , le-
 hargus , aliique id genus morbi , quam pericolosè
 erebrum rationis arcem & mentis palladium
 uatiunt , turbant , infestant ? In phreneticis , ma-
 iaciis , aliisque atrabile laborantibus , quanta ani-
 næ , quanta mentis alienatio , à morbido corpore
 & dominante in eo melancholia ? Quæ animum in
 onsensum trahit

Atque affigit humo divina particulam aure.

Si *Cambyſi* herculeo morbo laboranti , indeque
 oxato cerebro , dexter fidusque præsto fuisset
ſedicus , manus suas sanguine fratris , sororis , con-
 gis & aliorum non cruentasset . Si *Caligula* cor-
 ore & mente valetudinario , cerebrum purgatum
 iſſet helleboro , longè melius conſuluisset & vi-
 ſuz & nomini . Illa quippe est quæ furibun-
 s , & insanos ad bonam mentem revocat , de-
 itos restituit , tûetur ac defendit : Et cujus o-
 tanta ſalus , niſi *Medici* ? Theologus quidem
 ntum in ſe eſt efficit , ut homines à vitiis re-
 cant : At *Medicus* , ut ſit qui poſſit reſiſcere .
 ra enim ille *Medicus* eſt animæ , ſi jam ſugerit
 a , cui paratur *Medicina* : fruſtra lethargico
 at , ſi ſuadentem non audiat : fruſtra phre-
 um moneat , niſi primum atra bile , ipſa furo-
 iſa , à *Medico* ſit liberatus . Philoſophiæ ſum-
 in hoc verti cardine ſtatuunt *Plato* & alii . Si
 rationi pareant affectus ; qui quandiu reni-
 , fruſtra tenet habenas animus ; ſed equum
 utem in præcipitia ſequi coguntur : at ut

auscultent rationi, egregius ad hanc re est *Medicus*, hoc agens, ut ea pars homi sapiatque, cujus arbitrio honesta ac ma- tur. Quis enim æque pertinax vitæ ab sobrietatis suasor? Quis fidelior iræ me tristitiæ fugiendæ, vitandæ crapulæ, te- veneris, auctor, quam *Medicus*? Quis i-

— fastidita *Machaon*

Ecce parat, dubiasque docet dedis-

Aut Curis præscribit ovis?

Accedit quod quidquid in homine est, artes, scientiæ, disciplinæ; quidq virtutis aut eruditionis, id omne nobili cultati nos debere, quis non videt? qu servat sine quo ne reliqua quidem quæ- ratur. Certe vivere dici non possunt, i tuam hic vitam trahunt: Quam si voti dat & incolumem *Medicus*, quid æquit consentaneum, quam eum proxime De- tæ tuæ autorem agnoscere, à quo vitam valetudinem acceperis? Imo, si parenti- tiam habemus quod vitam semel dedêre to majorem iis qui dant sapius? Non- tē nomine Antiquitas olim *Æsculapium* cavit, & choro Divorum adscripsit: I de causa quoque eam summo studio c *Hebraei, Chaldaei, Assyrii, Egyptii*: medic- tis fama celebres tanto numero in *Eg- ruerunt*, ut *Plutarchus* dicere non dubit- mnes *Egyptios* penè Medicos haberi. C- rum? cum & brutis insitum sit à natura camentis sanitatem tueri: Ita canes æg- suæ remedium petunt à gramine, cervi- mno, feles à calamintha, ciconia à cly- hæc bruta, quid mirum si homines? I ab omni ævo in pretio haberi & exerc- ruit hæc disciplina non ab hominibus è sed magni nominis viris & sapien- gistro, imo & à Principibus, R-

Imperatoribus: inter quos *Achillem*, *Mithridatem*, *Salomonem*, *Antonios* Imperatores, & alios huic Studio incubuisse testantur Annalium monumenta: usque eo, ut summis etiam honoribus, præmiis, donisque profecuti sint *Medicos*. Ex quorum numero fuit *Persarum* ille Rex potentissimus *Darius*, qui *Democedem* Medicum *Sasis* basilicis donavit splendidissimis, & ὁμοτρίπεζον suum honoris causa esse voluit. Sic *Coi*, *Thessali*, *Argivi*, *Athenienses*, *Hippocratem* Eleusinis Sacris, secundum ab *Hercule* solenniter initiarunt, coronam eidem auream in Theatro publicè decreverunt, civem scripserunt, & in *Prytameo* alimenta tum ipsi, tum posteris ejus subministrarunt.

Cæterarum artium non ubique paratus est questus: *Rhetor* apud *Sarmatas* friget, *Juris peritus* apud *Britannos*, subtilioris *Philosophiæ* monita, apud *Tartaros* & *Garamantas*. At *Medicum* quoque terrarum abierit, vel ad ultimam *Thulen* suus comitatur honos, sua sequuntur vitæ commoda; ut in nullam disciplinam verius quadret illud *Γοῦρα*,

Τὸ τέχνην πᾶσα γαῖα τρέφει.

Certè, si res dicenda, Auditores, scientiam in hac arte eminentem, quotiescunque arcana illa Naturæ in homine, extra hominem, in toto hoc Universo impensius apud me volvo, non possum non admirari Medicæque hujus facultatis dignitatem, usum, necessitatem. Si quis enim secum reputet, quam diversa corporis sit temperatura, quanta hominum ex ætate, sexu, loco, cœlo, educatione, studiis varietas: quam infinita in tot millibus plantarum discrimina: quot, & contraria ex contrariis & pugnantis causis, morborum genera, febrium species, oculorum symptomata, quæ tenerimum hoc membrum infestant: tanta homini à venenis pericula, quorum quot sunt species tot sunt mortis genera: quot in corpusculo hoc nostro quod circumferimus quotidiani casus,

ique improvifi, quot ingruentium malorum undique, in hunc amplum fragilitatis scopum, tela quot ruinæ, contusiones, luxationes, vulnera quæ non conferto minus agmine quam morbi hominem æciciunt, atterunt, frangunt, necant. Atque in his ipsis morbis, quam dubiæ sæpè & fallaces eorum notæ, si ve vultum intuearis ægri, si ve observes oculos, verba, motum, excrementorum signa, pulsus discrimina: tantum undique offert difficultatum, ut abdita illa rimari & ingenii acumine emetiri, ac penetrato terræ marisque sinu, excussisque undique *Naturæ* fibris, & tot plantis, fruticibus, herbis, animantibus gemmis, metallis, ex ipsis denique venenis optima expiscari remedia, atque eorum non usum modo sed delectum, ex tot *Autorum* scriptis, tot disciplinis, imo & ab ipsis *Astrorum* influentiis petere, homine majus ac planè Divinum quid esse videatur. Multorum enim ea morborum vis est ut certam homini mortem intentent nisi pericrantanti præsto sit *Medicus*, ut gangræna, syncopæ profunda, lethargus, pleuritis, angina, hydrops, apoplexia: Quibus omnibus qui medentur mali qui mortem imminentem solertia sua ac industu propulsant, & animas ad *Orcum* spectantes rednant valetudini, sine qua vita mors est, Dii per in terris habendi sunt; quorum ope Magnus rerum arbiter DEUS humano generi benè prospectum esse voluit.

Sed quo *Medicina* nobilior est, eo diligenter sectanda est ejus scientia; hoc enim est *Medicæ* esse; & in eo scivisse ægritudinem ejusque causam, prope superasse est; contra perimi ignorat: & è levibus morbis ignoratis, sæpè nata. Ideo ut tironi & inexperto nemo eum committat, Oceani fluctuumque ignarum: sic nemo valetudinis curationem nisi imperitis; Qui quantamcunque jactant extiam, si morborum causas, si signa, si sym-

ta, si eorum ἀρίστην & διδύστην, si pulsum discrimina, ægrorum temperamenta, si criseos tempora, si medendi methodum, medicamento-
rum vires, & simplicium compositiones ignorent, quid nisi operosa sedulitate ægros officiosè necant? Hoc nomine felices cum peccant, quod aliorum delicta Sol videat, horum terra tegat: barbâ solâ, pallio, togâ vestiumque splendore commendabiles, dum foris ab his externis mutantur doctrinæ opinionem, quam domi non habent. Vos, Studiosi, qui sedulam huic arti operam aliquando estis navaturi, quidquid difficultatum & molestiarum sese offert superate, perumpite, devorate. Doctrina enim in *Medico* requiritur non vulgaris, non superficialia quæ cutem, quæ corticem tantum stringat, sed quæ in artis medullam & in viscera penetret. Linguarum quoque cognitio & præ aliis Græcæ hic necessaria, qua artis illius principes *Hippocrates* & *Galenus* docta ingenii sui monumenta consignarunt, & ad posteritatem transmiserunt. Quid quod, & plantarum, morborum, remediorum, instrumentorum, ponderum, mensurarum innumera penè vocabula Græca sunt: quæ ab Agyrtis & circumforaneis ut intelligi nequeunt: ita rudes & indocti portiones pro cataplasmate, venena pro medicamentis, injuriosè seduli, in ægrorum perniciem haud raro adhibent, carnificum potius (quomodo aliter appellem) quam *Medicorum* nomine digni. Sed verborum desino, & ne lucem Soli longius fœnerari videar, abrumpo. Dixi.

fos & vitæ licentia efferatos ad vitæ mansuetionis cultum reduxit, pietatis Scholam aperuit: sed fame grassante in terra *Canaan Egyptios* adiit, & rudēs adhuc omni disciplinarum genere. ita instruxit, ut *Aegyptum* disciplinarum nutricem non immerito Veteres nominarint. *Moses* quoque omni doctrinarum genere instructus, viros in populo Dei constituit, qui docendo literis præessent. Sic Prophetas olim, Divinæ & humanæ sapientiæ Professores fuisse, multis comprobare supervacaneum arbitror; cum *filii Prophetarum*, qui sub Scholastica eorum disciplina, toties in Scriptura legantur. *Levitas* quoque Sacris præfuisse Scholis, neminem credo esse qui ambigat: quibus oppida aliquot assignata, inter quæ *Ramos Gilead* omnium fuit celeberrimum.

Postquam autem Prophetiæ desierunt, in Synagogis publice apud Judæos doceri coeptum est; hinc dissentientium Judæorum variz sectæ, *Phariseorum*, *Saduceorum*, *Essenorum*, de Religione dissertantium; perinde ac Philosophorum variz opiniones fuerunt, de Summo bono, qui non in Italia tantum docuere & in *Gracia*, sed & ubivis fere terrarum. Si enim omnes mundi plagas percurramus, nullam Orbis partem habitabilem, Scholis aut disciplinis vacuum reperiemus. Apud *Persas* sapientiam profitebantur olim *Magi*, quorum auctor *Zoroastres*, apud *Babylonios* & *Affyrios* *Chaldei*, apud *Indos* *Gymnosophystæ*, in *Gallia* *Druides*, in *Italia* *Aboriginum Sacerdotes*, principia Philosophiæ tradidere: in *Gracia* solæ *Athenæ* Ἐλλάδος μουσείον olim appellatæ, ex quo tanquam ex equo Trojano, Philosophorum & Oratorum principes Græci prodierunt: ne quid hic referam de *Cynsargi* & *Prytanéo Atheniensium*, de *Corinthiorum Cræneo*, de Schola *Byzantina* in *Gracia*, *Antiochena* & *Laodicea* in *Asia*, de *Carthaginensi* in *Africa*, de *Bononiensi* in *Hetruria* à *Theodosio Junio* instituta, de *Patavina* in *Italia*, de *Massiliensi* in

in *Gallia* & celeberrima illa *Parisiensi*, *Caroli Magni* auspiciis nata, de *Salamantica* in *Hispania*, in qua *Studioforum* septem millia aliquando fuisse uno eodemque tempore, testantur *Historiæ*, aliisque innumeris, à maximis etiam *Viris* in *Reipublicæ* usum & decus erectis; qualis in *Mauritania Cordubensis*, in *Germania Rostochiensis*, *Heydelbergensis*, in *Helvetia Basileensis*, in *Anglia Cantabrigiensis*, & *Oxonienfis*, sic in *Ægypto* olim *Sais* & *Helio-
polis*: *Homerus* Poëtarum princeps eo discendi causa, *Solon*, *Thales*, *Plato* & alii ierunt; & *Sacræ* literæ palam *Mosem* institutum fuisse in omni disciplina, *Ægyptiorum* memoriæ prodiderunt. *Memphis* ipsa non solum religionis & Regum cultu, sed & studiis florentissima fuit. *Alexandria* Christianorum Academia prima fuit, in qua Religionis Christianæ dogmata *Polycarpus*, *origenes*, & alii publicè professi sunt.

Habetis, Auditores, Scholarum antiquitatem; quas magno studio & cura propagatas videmus, & Regum privilegiis ornatas, Principumque filiis frequentatas. Exemplum vultis adducam? Multa sunt, sed illustre est *Julii Caesaris*; qui cum post *Pompeji* necem, in *Ægyptum* venisset, urbem *Alexandriam* (ut inquit *Appianus*) obambulans, Philosophos stans cum multitudine audivit in publicis Auditoriis & Gymnasiis. *Pompejus* cum ex *Asia* reversus omnes bonarum artium Professores audivisset, singulis auri talentum obtulit; & *Possidonium* Philosophum graviter laborantem invisisse testatur *Cicero*, & fasces Imperii literis submisit, cui se *Oriens* Occidensque submiserat. *Tiberius Rhodi* salubritate delectatus, circa Scholas tam fuit assiduus ut illi hoc à multis vitio verteretur. Idem videre est in *Aragonum* & *Siciliæ* Rege *Alphonso*, artium ingeniorumque amantissimo, teste *Panormitano*.

Qua alia de causa, quam quod Scholas doctrinæ & virtutum officinas esse judicarunt, Musarum

domos, sedes honoris, bonæ mentis palæstras & feracia artium & disciplinarum seminaria? ubi non tam corpus formatur quam animus, & vacua mortis humanæ tabula castis purioris sapientiæ monitis imbuatur: queis adversus Chimæras, & Circes pocula præmunita, eas doceatur artes, qua adolescentiam (Tullii verba profero) agunt, senectutem oblectant, secundas res ornant, adversis perfuginum, ac solatium præbent, delectant domi, non impediunt foris, pernoctant nobiscum & peregrinantur. Multa sunt, fateor, & magna Civitatum, & Rerum-publicarum columina, multa quibus stant, florent, vigent regna, populi, gentes; sed si rem recto iudicii oculo æstimemus, quid, sodes, Respublicæ, quid Civitates sine Scholis, quid Imperia, quid Regna sine litterario hoc regno? & nisi sint, qui ad omnium virtutum exempla nati, tanquam surculi succrescant, in veterum arborum concidentium locum aliquando depangendi? Has si tollas ex hominum medio, cyclopicam necesse est oriri ἀταξίαν & horrendam in rebus Barbariem: nempe

Hoc civitatum stat salus fundamine,

Ex hoc adulta seminario virum

Surgit propago, qui scientia graves

Olim capebant publica clavum rei.

Ut speculum, sic ingenium est; & ut argilla, sic juvenus, quam capit imaginem, reddit: & dum ætas hæc mollis, & quali cerea, signa melioris doctrinæ & institutionis monita facile admittit. Quare, ut membra infantis statim ab ipsis incunabulis ita sunt componenda ut recta adolescant, non distorta: ita etiam vel ab ipsis primordiis indoles serio formanda, primisque tirociniis omni cura invigilandum, à quibus tanquam fundamentis universa educationis fabrica penderet. Quod cum Macedonum Regi exploratissimum esset, Diis immortalibus gratias egisse dicitur, non tam quod filium genuisset Regni sui hæredem, quam quod filio suo de præceptore feliciter prospectum esset:

esset: sperabat enim fore, ut tanto ductore, & doctore, nec Majestate sua inferior, nec tanti Imperii successionem indignus evaderet. Non alia de causa *Plato*, nullam deliberationem magis Divinam divinus ipse prædicabat, quam eam qua quis de recta sui suorumque institutione, consilia caperet. Et *Socrates* pro more suo dicendi docendique familiari, in hunc modum parentes hortatus legitur, oportere eos vel non gignere filios, vel si genuissent primam ipsis educationis curam, proximam institutionis esse debere; addita hac similitudine, Nequicquam homines terram colere, sementem facere, stirpium plantas tenellas nutrire, si eas ortas demum, aut crura deserat aut cultura, ita profecto est. Nam quantum ad rempublicam tum constituendam, tum exornandam, Scholarum honos & Institutio publica faciat, vel hinc facile intelligi potest, quod ne virum quidem bonum, aut utilem patriæ civem, sine ea esse posse *Cicero* contendat. Nec ullum munus *Reipublicæ* afferri majus meliusve posse: quam si doceamus, inquit, atque erudiamus juventutem, iis præsertim moribus atque temporibus quibus ita prolapsa est ut omnium ope refrananda ea sit atque coercenda. Nec est aliud quicquam; quod majori studio & contentione inculcat *Aristoteles* in suis Politicis, nec quod ad Rerumpublicarum stabilimentum magis faciat, quam ut statim ab ineunte ætate pueri instituantur & literis & moribus. Nam ut à Surculo salus arboris dependet, sic à Scholis *Reipublicæ*: effera quippe atque effrænis natura hominis institutione quali cicuratur ac mitescit, ut eleganter observatum ab *Ingeniosissimo Poëta*, hoc versu:

————— Didicisse fideliter artes

Emollit mores, nec finit esse feros.

Sed ut Orationis meæ vela contraham, monet me tum humanitas vestra, tum patientia, qua ne nimia prolixitate abuti videar, finio. Audivistis Scholarum antiquitatem, necessitatem & utilitatem:

adeo

adeò ut Solem è medio tollere videantur qui Scholarum usum è medio sublatum voluere, quem profunda ignorantia caligo & rerum omnium foeda confusio tandem subsecutura esset. Quid enim homo, disciplinae omnis rudis, quam stipes, caudex, truncus, imo, si *Aristoteli* credimus, omnium animalium deterrimus? quid neglecta institutione vita hominis aliud quam mera Barbaries, mera servitus Mundo & diabolo mancipata? Institutio contra quid? Religionis fidissima nutrix, virtutum alitrix & propagatrix. Hujus beneficio salvam ac florentem adhuc hodie habemus Rempublicam, atque adeo totam vitam moralem, in qua vera virtus & summa hominis beatitudo consistit, quae proxima ad immortalitatem est via. Dixi.

ORATIO LXV.

In

Laudem Peregrinationis,

Habita à

THEODORO GOUDA.

PRaeclarè Philosophorum quidam inquit, Non alia de causa hominem à Deo conditum esse, & in has ablegatum terras, quam ut Spectator & ipsius Dei & operum divinorum esset; nec spectator solum, sed & Interpres, *ὁ μόνον Διατῆς, ἀλλὰ καὶ ἑξηγήτης*. Vidit nimirum, vidit homo prudentissimus, ut ad cursum equum, ad arandum bovem, ad indagandum canem, sic hominum ab illo sapientissimo mundi Architecto ad duas potissimum res, ut ait *Aristoteles*, intelligendum nempe, & agendum, factum esse. Etenim hac ille de causa non eandem nobis quam exteris a-

ni-

nimantibus corporis figuram tibiuit, sed cum illas prono corpore ad pastum abjecisset, nos tanquam spectatores in amplo & augusto hoc Theatro ad pulcherrimæ Mundi machinæ conspectum excitavit, & ad suspiciendum splendidissimum hunc ornatum, ut in tantarum rerum admirationem rapti, ipsius Numen investigare, investigatum vero non solum *κατ' ιδίαν* privatimque adorare, publice quoque celebrare assuesceremus. Quid enim est quo tandem cunque oculos quis suos converterit, quid est, inquam, quod non singularem Dei clementiam, potentiam, & in condendis servandisque rebus cum bonitatem tum providentiam clamet, canat, prædicet? Quid quod non universum genus humanum ad laudem & assiduam gratiarum actionem alliciat, impellat, provocet? Sed opera Dei admiranda cum ubique &

— *quæ patet Orbis*

se conspicienda oculis nostris, ac menti meditando ubertim & copiosè proponant; nulla, si quid judico, luculentior ac proluxior ea sciscitandi & perquirendi sese offert occasio, quam per sedulam ac indefessam terrâ marique *Peregrinationem*; nobili, me hercule, ac generosa indole dignam, quæ ad alta pleno gradu contendit, & per insolita viam sibi sternit ad honores. Plebeja contrà ingenia & humi repentina otium quærunt & umbram; & semper ille puer qui domi est, & qui extra paterni agelli ambitum, Solem non vidit: Sed sublimioribus agnatum moveri, patriamque non soli & fundi sui finibus includere, sed Mundi: Nihil longinquum illis, nihil invium, nihil inaccessum: Et in hac sententia fere prisco & nostro ævo Viri magni,

Non Ithacum tenere lares, geminosque Mycenæ

Æridas; abiit Latio dimissa juventus;

Cecropidumque stetit tandem novus advena portis.

Sed peregrinari cuicumque illa mens, vere &
cum

hominem comitari, & suos in famæ Theatro collocatos alumnos procul nonnunquam à gentili suo solo amandare, ut inter alios tanquam Soles emineant &

— *Velut inter ignes*

Lama minores.

Hos adeat, hos audiat, in horum familiaritatem se insinuet, favorem ambiat, amicitiam exposcat. Quod si fecerit (ut id. haud difficile apud tam humanos,) bone Deus! quæ occasio hic discendi indies, & rem faciendi in tam opulento Musarum mercatu, & doctorum literato commercio? Et si non aliud, ipse vultus & brevis etiam sermo aliquid ipsum juvet: imo est & aliquid quod ex magno viro vel tacente proficiat. *Sicut nautas in tenebris, levis intermicantis sideris illustratio dirigit: sic nos in hac vita vel inspecti illi viri.* Non alia Platonis, Pythagoræ, Democriti, & aliorum Sapientum mens fuit, qui relictâ fœcunda illa scientiarum parente & artium penu G R ÆC I A, non ad cultos solum, sed & ad Barbaros peregrinati sunt, ut & ab exteris discerent quæ sibi deesse arbitrabantur, quæque ad penitiorem sapientiam consequendam essent adminicula. *Socratem, fatëor, Athenis nunquam pedem extulisse, Ælium Italia, Pomponium Latum Roma;* sed si affixi patrio suo solo tantam consequuti sunt rerum scientiam, quanto majorem, quanto pleniorrem, Auditores, si iis patriâ suâ relictâ exteros quoque adeundi, invisendi, compellandi, fuisset animus? nam ut

— *Non omnis fert omnia tellus;*

Hic segetes, illic veniunt felicius uva:

Ita non uno Orbis angulo, non uno terræ aut regionis ambitu Docti quotquot sunt commorantur. Jam quæ & ab oculis utilitas? qui hic peregrinanti veri & individui ad scientiam comites imo duces.

Galliam adiit? illam dico, elegantæ & doctrinæ

na sedem, sapientiæ palæstram, ferax ingeniorum seminarium, Musarum domicilium, Palladis officinam, comitatus omnis & morum magistram, illam fecundo glebarum cultu, montium, vallium, agrorum fertilitate: leni fluminum murmure, insigni aëris & coeli temperie celebratam. In ea vix pedem figet, vix oculum flectet, quin monumentum aliquod videat aut premat belli olim à *Cæsare* gesti, victoriarum Trophæa, Statuas, Aedium, Palatiorum, Templorum rudera, Theatra, Circos, Arcus, Sepulchra, Lapidés, & in his ipsis Antiquitatis vestigiis latentes thesauros morum & doctrinæ, & reliquias quasdam melioris ævi. Illic *Aquitaniæ* medullam omnium *Gallicarum* oculis subjiciet, tot annos ab *Anglis* occupatam: hic *Aureliam*, & in ea *Jana* virginis, libertatis *Gallia* sub *Carolo VII* assertricis fortissimæ, statuam æterno ejus nomini dicatam: alibi Regum centenis aliquot retro annis defunctorum superba monumenta: alibi *Gallica Tempa* & delicias Regni *Fontem Bellaquenm*, & in nobilissimâ Urbium *Luætia* τῆς οὐκ ἐκείνης ἐπιτομῇ augustam illam Principis aulam L U P A R A M: alibi Tempa, Scholas, Collegia, Academies, Bibliothecas, id est, fora quædam & πανηγύρεις artium bonarum, Parlamenta, & augustas illas J U S T I T I Æ sedes, togati honoris fastigio insignes: Vineta passim uvarum copia ac fertilitate luxuriantia; Fluviorum principes *Rhodanum*, *Sequanam*, *Ligurin*, *Garumnæ*: sexcentaque alia quæ non delectant solum, sed mirificè peregrinantem docent, exercent, formant, mentique ejus ingenerant cupidinem veræ virtutis & gloriæ, aspectu tot sublimium & grandium rerum.

Restant *Mores*; qui postremus mihi locus, sed peregrinanti si quid sapit, primus. *Ab hoc enim scopo si aberrat, aberrat ab aliis & inutilis scientia omnis & prudentia; inutiles dignitates & honores, imo noxii secreti à probitate morum.* Cætera quæ vulgus
no-

hominum miratur, apices, prætextas, trabeas, am-
pullas sesquipedalium titulorum, speciosa putet,
hanc necessariam; illa ad ornatum adhibeat, hanc
ad salutem. Scientiam quidem cum amare volo
& sectari; sed per tot peregrinationis ejus incom-
moda, tot labores, non scire tantum velit, sed fa-
pere & facere. Habet campum in quo virtus ejus
decurrat, palæstram in qua exercita gliscat magis
ac magis, & masculum colligat robur ex conspe-
ctu, auditione, & alloquio tot virorum à quibus
non potest non redire doctior & melior. Nam ut
ille qui aromata tractat aut unguenta, odorem
trahit: ira qui frequentat B O N O S, virtutem.

Italiam adiit? illam frugibus, viris, oppidis
cultam, illam famâ inclytam. In eâ rursus vix
usquam vestigium ponet, vix oculos circumferet,
quin monumentum aliquod inveniet Historiæ
Romanæ: illic *Thrasimenum lacum* tristi oculo in-
tuebitur, hic deplorandam Romanorum cladem
ad *Cannas*, hic latiori *Albanum*, aut *Tibur*, nobiles
Bajas: *Plinii*, magni illius naturæ speculatoris, *de-*
miculium: *Virgilii*, aut *Propertii*, patriam; alibi rude-
ra *Varroniana*, aut *Tulliana villa*. Taceo Colonias
illas veteres, Tempia, Theatra, Arcus, Sepulchra,
Lapides, nomina urbium non ingloria nec sæcu-
lo inficianda, *Romam*, *Neapolin*, *Genuam*, *Florentiam*,
Bononiam, *Mediolanum*, illamque maris dominam
urbem *Venetias*; quæ quanta non solum voluptate
sed & luce mentem peregrinantis perfundant,
unicuique vestrum judicandum relinquo.

Videat igitur ut vidisse se olim meminerit, id
est, quæ bona & in usum suum excerpatur; cætera
ne tangat quidem, aut delibet. Nam & rosas sunt
suar spinæ & aculei, atque illas legere licet, & ab
his non lædi. Sed & pectus clausum habeat, lin-
guam parcam, frontem hilarem: quædam videat,
& transeat; audiat, & toleret. Mala eorum con-
fortia fugiat, qui vitæ morumque abjecta omni
cura, & infecti vitio licentiæ, luxuriosè vivunt,
Massilia

Massilia digni vel *Tarento*, liberalium ingeniorum pestes, sapientiæ remoræ, virtutis maculæ ac propudia. Serpentum hîc imitetur prudentiam, qui ad incantamenta ne capiantur, tacito naturæ instinctu obturare dicuntur aures : *Peregrinator* noster non aures modo, & oculos, sed & mentem ad hæc blandimenta, quæ etiam cum rejiciuntur, placent, & sæpe exclusa novissime recipiuntur. Aperta ubique pericula, & operta : nam ubi iter ad virtutes, iter etiam ad vitia. *Sirenas* illic esse cogitet, vias devias; & esse quæ videat, sed & vitet.

Quid dicam, Auditores? magni hîc animi est inter tot prava ac depravantia rectum stare, & manere in æqua Judicii lance. Nam facilis est in proclive vitiorum decursus: & ut cœlo obscuro difficilis est navigatio, sic rectum tenere iter perquam molestum inter tot vitiorum scopulos & vada. Hæc ut declinet, opus ipsi non prudentia solum, & *Argi* oculis, sed dicam fortuna. Ita ubique insidiæ & laquei longius à patria strui & tendi solent incautæ juventuti. Mille eam periculi modi, mille artificia: Deliciæ loci, largior passim vini usus, diversoria parum honesta, venerei nepotuli ubique, parasiti, ganeones & lenones; expugnatores alienæ pudicitia, negligentes suæ: illæ non dicam foemina, sed *Veneres* lepōrum omnium & elegantiarum magistræ, quæ capillorum cirris, pigmentis, auro, bysso, purpura, quæ cultu, vultu, ore & blanditiarum philtro, quovis melle dulciori, ætatem illam juvenilem, quæ in ipso æstu facile inescant, & ut aspides venenum suum inspirant, sopiente quodam & fallente morfu. Adversus hæc fallaci mundi tela quæ eo diligentius teguntur, quo propius accedunt, & acrius feriunt, nullo alio scuto & scito eum munio, & moneo, quam ut *DEUM* timeat & probitatem suam servet, ab omni vitiorum contagio, & ab ea quæ Mundo huic imperat vanitate. In quo voto finio. Dixi.

ORATIO LXVI.

De

Vitæ Termino,

Habita ab

GERARDO SEVENHUYSSIO.

Quamquam conspectus vester multo jucundissimus me excitare, animare locus ad dicendum ornatissimus debeat; unum tamen est quod ita me sollicitum reddit, ut nisi singulari vestra humanitate niterer, tacendum potius quam dicendum mihi esse judicarem. Exploratum enim perspectumque habeo, quanti laboris sit, quantique periculi apud viros prudentia ac eruditione insignes verba facere, & experientia non semel didici, eloquentissimos disertissimosque viros, cum ad dicendum venissent ita fuisse conturbatos ut obmutuerint. Quæ si in viros & quidem eximios cadant, quid mihi tandem animi esse oportet? Forsitan ergo mirabimini cur in tantâ doctissimorum virorum coronâ locum hunc publicum conscendere non dubitaverim, quem tot ante me, quibus longe inferior sum, haud parum reformidarunt. Sed causam, si placet, adducam: *Agésilæum* Spartanorum Regem dixisse ferunt, tunc cum ex cursu rerum fortiter gestarum in Asia, ab Ephoris revocatus esset, *Omnibus se victoriis ac triumphis longe anteponeere obedientiam patriæ debitam.* Aurea profecto vox, ac tanto Principe digna! ita mihi, Auditores, arbitror esse honestum, si eorum voluntati hac quoque in parte haud invitus obtemperem, quorum obsequio me totum jam pridem devovi, & quos æquos esse scio studiorum juventutis scholæ suæ æstimatores: in qua non ac ostentationem & jactantiam instituta sunt public

ha

hæc exercitia, sed ad stylum & oratoriam in dicendo libertatem. Vos igitur, Auditores, quâ possum animi demissione rogatos obnixè volo, ut mihi de VITÆ TERMINO impræsentiarum differenti aurem præbere, & quâ alios ante hac benevolentia ex hoc loco dicentes audivistis, eâ me quoque nunc audire haud dedignemini. Quæri hic solet à nonnullis, An adeo *fatalis* sit hic *terminus* ut nulla medendi arte, nullis bene vivendi legibus extendi, aut pravâ victus intemperantiâ, vel fortuitis, ut vocant, causis vel casibus contrahi queat? Ut paucis mentem meam circumscribam, *Fatalem* esse constanter asseverat Sacra pagina, *Jobi* cap. 14. *Psal.* 31. & 39 & quotquot ejus se profitentur Interpretes orthodoxi; dicit experientia, clamat Natura. Ivit enim hic hominum nascentium ac morientium orbis quamdiu fuit ipse Orbis: & rerum humanarum alternæ vices, ut in Oceano æstus, quamdiu stetit Natura, ac ne quis vitæ suæ quotidie vota protollat, tanquam æternus. Funus suum quisque à natali orditur, & jam mori cœpit ubi natus est. Ut enim clepsydram non extremum stillicidium exhaurit, sed quidquid ante defluxit: sic mortem non ultimus dies facit, sed solus consummat. Bullas videmus à pueris per ludum è conchâ eductas, sed ad eandemne omnes altitudinem assurgunt? minimè. Quædam ab ipso labro nascentes percuti, quædam in sublimi; diverso omnes spatio & modo: sic homo quasi bulla ex utero prodiens sæpe in vitæ limine vitam ponit, imo vix bene infuso spiritu, spiritus eripitur. Sed cum *fatalem* dico, non illam statuo violentam Stoicorum necessitatem, jam pridem omnium recte sentientium unanimi suffragio antiquatam, & Christianorum Scholis exterminatam: nec Anus illas recoquodiu extinctas. Sed eam intelligo, quæ Deo subicitur, non cui Deus: Quem liberum omnium rerum auctorem esse volumus, & transcendere

illic *venire ad metam*, hic præveniri à nullo modo. Divina enim dispositio non fallitur. Unde fieri non potest ut homo vel diutius vel minus vivat quam Divina Dei providentia fert in vitæ cujusque termino immutabiliter præfixo, respectu Dei præscientiæ & præordinationis; sed qui Divinæ providentiæ parum gnari, quos vegeta ætate mori vident diutius vivere debuisse statuunt, quia poterant: vitam hanc numerantes calculo semper naturæ, id est suo, non Dei, ac propterea præmaturâ morte creptos, & in vitæ cursu, non meta: vel quod ipsi diutius vivere speraverint, vel quod natura roboris & sanguinis plena, longiorem ipsis vitam indulgere potuisset, non præpedita: quamquam illum vitæ terminum attigerint qui illis à Deo præstitutus, & qui nec unius momenti interusurio prolongari potest. Longa vitæ digni non sunt, qui in vitæ suæ Auctorem insurgunt, & in Conditorem calces jaciunt. Sed ut hortulani aut jam orta aut in ortu zizania extirpant, & quidquid veprium est & tribulorum: ita Deus malos sæpe tanquam inutiles & noxias plantas, imo plerumque nihil tale cogitantes, quasi inopinato, & clam invadit, ut non vitam modo sed & spes eorum & insaniam votorum, in medio quasi cursu abrumpat.

Exemplum *Hiskia Regis* quod adducunt majorem videtur habere scrupulum, cui à Deo per Prophetam indicta fuit mors, & non ita multo post addita vitæ ad annos 15. prolongatio. Sed qui non videt denuntiationem illam Prophetæ, sententiam Dei continere non decretum: Sententiarum vero suam Deus nonnunquam mutat, decretum nunquam: adhuc prophetiam esse comminativam, non prædestinationis aut præscientiæ, non a solutam, sed conditionalem, absolute quidem propositam, sed conditionaliter intelligendam. illam ad Ninivitas excidio perituros, nisi repuerissent. Sic moriturum Regem, nisi seriâ pe-

tudine se ad Deum convertat: quæ cum subsequen-
tâ sit, revaluit & vitâ longiore potitus est, invio-
lato tamen Dei decreto, qui quam ei ab æterno
vitæ longinquitatem designarat, hac ratione pa-
lam fecit in Rege moribundo Bene *Doctor* ille *Hip-
ponensis*, *Secundum aliquas causas inferiores jam vitam
finiverat; secundum illas autem quæ sunt in voluntate
& præscientia Dei, qui ab æterno noverat quid in illo
tempore facturus erat & quid vere futurum, tunc erat
finiturus vitam quando eam finivit, quia etsi oranti con-
cessum est; etiam sic oraturum, ut tali oratione oportere-
ret, ille utique præsciebat, cujus præscientia falli non po-
terat: & ideo quod præsciebat necessario futurum erat.*
Miramini, Auditores? quotidie fit: Sic malefici
vita prorogari dicitur si damnatus capitis, poenam
à Judice deprecetur, quæ indicta illi quidem, sed
non decreta, quia hoc mortis nuncio reum per-
celli vult, & ad scelerum poenitudinem adigi, ut
vivat. Sic patres filios si deliquerint, castigare se
velle interdum simulant, quos tamen castigare
non est animus, sed ficto hoc ac personato vir-
garum apparatu extorquere lacrymas, ne casti-
gentur.

Unum adhuc, Auditores, & manum de tabulâ.
Si, inquiunt, vita & mors, prospera & adversa
valetudo, à Dei decreto pendent, quorsum Me-
dici? ad quid remedia? frustra illa si illum mori
decretum est, hunc revalescere: sed Philosophum
hic audiant hi tales. Quid ille? *Subordinata*, in-
quit, non *pugnant*. Summa quidem & prima o-
mnium causa est Deus, sed hanc agere credunt si-
ne mediâ & auxiliante causâ? non facit. Qui di-
sponit de fine, sapienter quoque de mediis, quæ
ad finem ducunt; & per causas medias varie ne-
xas, prima illa causa omnia temperat suaviter,
prudenter, utiliter. Exemplum: Deus vivere nos
vult, & vitæ hujus edurare stationem, sed sine ci-
bo & potu, sine victu & amictu? nunquam. Qui
vitam indulget, indulget & media, quæ nos in vi-

tâ conservant. Illa negligere aut aspernari temeritas est, imo crimen. Nam qui decreto & providentia Dei nixi & nexi, pertinacem inediam exercerent, quod ante diem mori nemo possit, non impii solum tales audirent in Deum, & ingrati, qui tam paterne nobis suppeditat ad vitam sustentandam necessaria, sed & in se ipsos injurii & destructores naturæ, cujus sacra aliter constare nequeunt: imo quos illico concidere oportet & ruere sine hoc statumine & pedamento. Sed frustra hæc, inquires, si quem *Æsculapius* curat, *Parca* necat: importunè nimis, ô Homo, & curiosè. *Euclides* olim interroganti multa de Diis, haud inscite respondit, *cetera quidem nescio, illud scio quod odere curiosos*; idem censendum de fatali illo vita humanæ termino, qui aspici vult, non inspicere, credi, non cognosci. *Dædalus* hic esse malo quam *Icarus*, & terræ legere confinia, quam Cœli: & cum me lateant aterni illius Dei aterna decreta, nec in Curiam illam cœlestem perumpere cuiquam fas sit, viam quam inire me vult insistam, & mediis semper tendam ad finem aut morbi, aut mei: certus ire quâ eundum: & quia in futuris caligamus, specto & expecto & Deum sequor, *nec aternis minorem consiliis animum fatigo*. In corpore fieri cogito, quod in domo solet; facile vitium aliquod obrepit, nunc tegula aliqua frangitur aut imbrex, nunc murus hiat, nunc trabs fatiscit, nunc tigna perpluunt, nunc tectum sidit, aut tabulatum, sed utitur fabri opera pater familias, & laceras tempestivè sarcit ædes, ne majus illi aut periculum impendeat, aut damnum ex mora, paria vero mala nostra sunt: nunc caput hemicrania aut vertigo, nunc fauces angina, nunc renes calculus, nunc ventrem dolor colicus, aut pertinax diarrhæa, nunc aut nervos spasmus, aut pedes podagra infestat. Sarcendum semper hic aliquid, & vix unquam huic corpusculo à dolore feriz, in ancipiti hac alea rerum humanarum. Nostrum hic

hic quid? succidere mala, cum succreverunt, & ferre morbos ut tollamus. Primum pharmacum, constantem animum censeo, tum temperantiam, & rationem quandam alimenti, si Medicus accedit, is incolumitatis faber esse potest, & dissutæ per morbum valetudinis sartor. Minus quid arte suâ & industriâ possit; neque enim si periculose aliquem laborantem videat illico est desperandum, quasi *extremus vita terminus* ægrotanti immineat. Quoties enim emergunt, qui conclamati videbantur & jam propediem apud *Inferos* coenaturi? & quis scit an concussiuncula hæc vel illa castigatio tantum paterna sit & paucorum dierum, an ad interitum morbus? Altius, Auditores, non feror; quia ut benè Poëta,

Prudens futuri temporis exitum

Caliginosâ nocte premit Deus;

Ridetque si mortalis ultra

Fas trepidat; quod adest memento

Componere æquus.

D I X I.

O R A T I O LXVII.

In

LAUDEM ERUDITIONIS,

habita à

J A C O B O van der G R A E F F.

Solon ille relatus olim in numerum totius Græciæ Sapientum, gloriari solebat, *se aliquid quotidie addiscentem, senem fieri.* Tanta enim homini inerat infatiabilis discendi cupiditas atque alacritas, ut senio jam pene fractus, non minus acriter philosophiæ studiis incumberet, quam cum adulescens atque juvenis esset. Noverat enim vir altæ mentis, nihil esse in rebus humanis præclarius, nihil antiquius, quam ad doctrinæ & Eruditionis

falsi.

fastigium eniti: illa enim est quæ mentem perficit & adornat, judicium format, ingenium acuit: & quanto brutis longe præstat animalium nobilissimum homo, tanto hominem homine præstantiorem facit. *Aristoteles* Philosophorum ille princeps, crasso cuidam homini sciscitanti, Quid esset discriminis inter doctos, & indoctos, haud inscite respondit, Quod inter viventes & mortuos; innuens non minus eximie quam sapienter, eos qui corporum solum vita fruerentur, quam habemus cum pecore Arcadio communem, & externis solum oculis Solem intuerentur, quem longe acutius cernunt Aquilæ; animis vero, quibus lucem ac vitam donat *Eruditio*, nihil omnino cernerent, vix ac ne vix Hominis appellatione dignos, sed mortuos verius esse quam vivos; & aura, omnis doctrinæ vacuos ætherea solum vesci, qua & asini; tantumque (si res dicenda) differre degeneres animas, quantum, à videntibus cæci. Ita profecto est, Auditores. Quid enim vana hæc, quæ tantopere miramur; quid patria, quid genus, quid forma, quid honores, quid dignitates, quid alia fortunæ ludibria, si ad rectæ rationis lancem exigantur? Nihil: Quia si abeunt, nihil auferunt, nisi semet ipsa, & in hoc fluxu & refluxu, rerum humanarum, malorum irritamenta sunt, non remedia, nisi mentem humanam natura cæcam, Sapientia *Eruditione* comitata regat & moderetur: quam qui possident, cum magno illo BIANTE in urbis patriæ captura, & excidio, inter micantes ubique gladios, rapinas militum, civium strages ac lanienas, nihil de rebus suis asportantes, omnia tamen sua secum portant, & plus satis sibi relictum putant, si eos doctrina, si *Eruditio* comitetur. Hæ enim veræ sunt opes, quæ supra omnem inconstantiam & mutationis aleam collocatæ, nudum, naufragum, exilem ubique terrarum sequuntur, vel ad ultimam *Thulen* aut extremos Garamantas: in
quas

quas imber nihil potest ingruentium malorum, quæ nec eripi possunt unquam, aut temporum injuria tolli, interverti, mutari. Illæ sunt, Auditores, quæ adolescentiam agunt, juventutem gubernant, senectutem oblectant, secundas res ornant, adversis solatium, & perfugium præbent, quæ delectant domi, non impediunt foris, nobiscum peregrinantur, rusticantur, & ad omnem sapientiam adhortantur, & incitant: verbo, faciunt ut *homo* (qui à reliquis animantibus tribus hisce, nempe *loquendi facultate, voluntatis libertate, ac intellectu* separatur) hominis appellatione dignus censi queat. Contra (ut *Romani* illius *Sapientis* verba, mea faciam) *nihil est, quo à statuis lapideis, & inanimatis homines differunt, qui vera disciplina rudes, & expertes audiunt.* Quemadmodum enim statux nihil aliud nisi nudam figuram ac formam illorum quos repræsentant, exprimunt: ita quoque homo nulla doctrinæ literatura excultus, nulla *Eruditione* instructus, nihil præter solam hominis formam habere putandus est. Unde *Diogenes* interrogatus olim, Quodnam onus inter alia plurima, quæ portat, gravissimum sustineret Terra; Hominem, inquit, indoctum, nulla disciplina, nulla rerum cognitione imbutum ac perpolitum. Alius item interrogatus, Quid sibi conferret doctrinæ, quid *Eruditio*? Ne, inquit, in Theatro tanquam lapis lapidi insideam: & *Socrates* cum *Gorgiam* percontaretur, An Persarum Regem felicem esse arbitraretur? *Nescio*, inquit, quantum virtutis habent ac disciplina. Innuens, nullam sine sapientia & *Eruditione* felicitatem dari de qua quis jure gloriari possit.

Jam quæ & quanta doctrinæ, quanta *Eruditionis* utilitas? nulla major quam quod literarum cultores non dubiis, non suspensis, sed grandibus, ut sic loquar, passibus ac concitatis gradibus ad honores & purpuram comitatur. Hac instructi, tanquam patriæ lumina, Reipublicæ clavo haud raro admoventur, gratiam Principum, & amorem
populi

populi demerentur , arduis negotiis præfunt , & nominis sui famam ,

qua patet Orbis ,

diffundunt , ut iisdem , quibus Mundi finibus contineatur , celebretur. Quid *Alexandri Magni* voto in summa fortuna defuit , præter *Homeri* ingenium ? quo enim alio nomine felicem prædicat *Achillem* , cum in *Sigæo* ad tumulum ejus adstaret ; nisi quod talem laudum suarum præconem habere meruerit : quot etenim ante eum Imperatorum & belli ducum ignota nunc nomina , & æterno oblivionis tumultu recondita ! Quid divitiarum , quid facultates ? Brevissima ad eas per literaturam est via. *Scipio Africanus* tam insignis liberalium studiorum , omnisque doctrinæ & admirator fuit & fautor , ut *Polybium* ac *Panætium* excellentes ingenio viros , domi militariæque secum habuerit , *Vespasianus* etsi cætera parcus , ingenia artesque fovit maxime , & primus à fisco , Latinis Græcisque Rhetoribus annuos bis mille & quingentos Philippicos constituit. *Augustus* Imperator ætatis suæ doctissimos in summo honore habuit , ut *Marcum Varronem* , qui & unice amavit *Ciceronem* , *Sallustium* & *Livium* coluit , *Virgilium* & *Horatium* , aliosque quam plurimos , summa benevolentia complexus est. *Adrianus* Imperator , cum audivisset quosdam qui *Rome* docuissent , ob decrepitam senectutem muneri suo obeundo non satis idoneos , emeritos per ætatem magnis beneficiis cumulavit. *Alexander Xenocrati* Philosopho quinquaginta talenta dono misit , ea cum ille recusasset accipere , dicens , Sibi non esse opus , interrogavit , Amicumne ullum haberet , cui esset opus : Nam mihi , inquit , vix *Darii opes* in amicos suffiunt : & , ut verbo absolvam , unus instar omnium sit ille (quem Antiquitas invidendo encomio eruditionis principem indigitat) *SENECA* , qui quamvis natione non Romanus esset , non Italus , sed Hispanus , admiranda sua eloquentia , subactaque Eruditione , nec non

Im-

atoris munificentia, tantam æris, tantam
 iæ vim contraxit, ut non *Crassum* solum Ro-
 rum opulentissimum, facultatibus, hortorum
 itate & prædiorum numero longe superave-
 d & *Italiam* ipsam ac provincias foenore suo
 e diceretur: possedit enim quinque, & se-
 nta millia Philippicorum, teste magno illo
 ium scriptore *Tacito*. Splendida, me hercule,
 uditæ doctrinæ auctoramenta, acres ad *E-*
nerem stimuli! quid enim ingenuos, quid ge-
 : indolis Adolescentes in Patriæ & gloriæ
 natos moveat, nisi hæc moveant?
 um restat, *Studiosi* (ut tandem ad vos mea
 vertat oratio,) unum, inquam, ut eam quam
 vere vobis commendavi *Eruditionem* ac do-
 : præstantiam, serio ad animum revocetis,
 tiæ hic omnes, si quæ se offerunt, alacri &
 nti animo devorandæ; nihil enim est quod
 xpugnat pertinax opera: & ut

in via virtuti nulla est via;

nulla diligentia, & labori, qui *omnia* (ut cum
 loquar) *vincit improbus*. Non de nihilo *Musas*
 : in celsissimo montis apice sedem suam fi-
 fabulati sunt; & Sudores ac Vigiliæ ad ea-
 trium excubare voluit *Antiquitas*, sapientiæ
 tra. Sciebant enim Viri prudentissimi, non
 atione *Eruditionem* parari, non alia *hæc* ac
 tione obtineri. *Eruditionem* autem amare, i-
 : venerari vos scio: quæ nulli præclusa est,
 bus patet, omnes invitat, omnes admittit.
 t natura gemmas altissime recondidit; vilia
 a passim obvia sunt: ita quæ optima, non
 immo studio eruuntur, & animi assiduo, ut
 quar, vomere proscindendi & obserendi ad
 rem frugem. Non alia, *Studiosi*, ad *Eruditio-*
 ia est. Laudis Herculeæ fundamentum, labor

Nec ad alium finem prudentissimis *Licurgii*
 liis instituta olim gymnica *Spartanorum* cer-
 ia, palæstræ, currus Achaici, labores Isthmici.

Nulla

Nulla quoque re magis *Ulysses* quam labore cognoscitur. Si otiosus fuisset latuisset. Labor Romuleos Duces, *Scipiadas*, *Camillos*, *Fabios*, *Curios*, *Fabritios*, *Minellos*, aliaque periculis nota nomina, in excelsum *Romæ* theatrum extulit. *Ætatem* vestram si intuemini, in flore vitæ estis: non alii anni commodi magis & opportuni. Nisi ad alta nunc itis, nunquam postmodum perventuri. Occasio captanda, imo arripienda cum sese offert, arrepta semel ac serio, in luculentissimos progressus tandem erumpet; neglecta, tarditatem nostram & ignaviam non expectat. Dum enim differtur vita, transcurrit; & sero nimis vos subitura poenitudo transacti desidia temporis; hæc, hæc, inquam, ut pestis fugiatur. Alacritate hic opus est & industria. Imperus dilatione & mora extinguitur, diligentia & labore augefcit; & nihil tam arduum, nihil tam excelsum à natura constitutum, quo non penetret studiosa & fervida vis animi: ista vires aluntur & gliscunt si quis vel tantillum de solita contentione remiserit pessum it quidquid partum erat,

longique perit labor irritus anni.

Simulque ut progredi desierit, regrediatur necesse est. Dignus vere, quem irata *Minerva* casside sua & cuspide arceat ab adytis Sapientiæ, dum turpi marcescens otio, non tam vitam agit quam pratervehitur, nec vivit sed in vita moratur, inutile terræ pondus & fruges consumere natus. Dixi.

O R A T I O L X V I I I .

in

L A U D E M E R U D I T I O N I S ,

altera habita

A B .

H U G O N E B L E I S W Y C K I O .

NON me fugit in novo hoc exercitii genere, nova mihi parata judicia; sive illorum, quos percellet inopinata hæc in publicum prodeundi libertas, qui tenuitatis meæ conscientia retentus, hætenus latui; sive aliorum, quibus vilescit quidquid in hac doctissimorum virorum corona profertur non satis elaboratum. Sed ut infirmitatis meæ sensu, quam non invitus agnosco, & superciliosorum hominum præmaturis judiciis, quos infantia suæ cepit oblivio, & qui non nisi quæ docta sunt admirari solent, haud parum commoveor: ita contra mihi subdit animum, tum humanitatis vestræ recordatio, tum instituti mei ratio. Liberalis enim & ingenui Adolescentis officium esse arbitror, studia sua protrudere, & generoso conatu ad laudum fastigia eniti: Adeo ut non in audaciæ crimen meo iudicio trahi debere videntur, sed laudari, qui profectus sui qualiscunque specimina exhibere, & latinæ studium publica aliqua Oratione profiteri non erubescunt. Hanc viam insistens, statui & ego pro ingenii mei modulo, materiam ante me auspicatam, declamatiuncula mea persequi; obnixè & qua possum animi demissione à vobis contendens, ut tenuitatem meam, & in dicendo infan-

tiam, vestro favore ac benevolentia sublevare dignemini, quo Oratio mea his veluti secundis subvecta ventis, quem sibi proposuit portum facilius consequatur.

Laudanda olim *Augusti & Tiberii* Imperatoris vota fuerunt, quorum ille *Scipionis* fortitudinem, & *Cæsaris* fortunam à Diis contendit; hic ventantisper ut viveret optavit, donec Reipublicæ ac Patriæ suæ prodesse posset. Sed cum rem ad rectæ rationis lancem, ut par est, exigo, longe hos omnes mihi à tergo relinquere videntur illi, qui vota sua altius protrudunt, & quibus nihil prius, nihil antiquius est, nihil magis in animo quam ut in studiorum suorum cursu, ad doctrinæ & *Eruditionis* apicem enitantur, quâ nihil ego in rebus humanis optabilius esse arbitror, nihil præclarior. Nam cum ea literarum dignitas sit, ea præstantia, ut sine iis, quid homo sit, & quid in homine Divinæ illa particula auræ, quid *Dei* imago, intelligi nullo modo possit; non equidem video, quæ ratione Mortalium quisquam iis carere queat, quæ faciem vitæ, lucem Artibus, & rebus omnibus humanis, præferunt. Hæc vera mihi & solida videntur bona, τὰ δὲ λοιπὰ πάντα προσθήκαι, quæ gloriæ ac dignitatis quidem speciem habent, sed fugacia sunt, caduca & vicissitudini rerum humanarum haud parum obnoxia. At ERUDITIO iis omnibus longè antistat. Hæc enim illa est supellex, quæ non ante dominum quàm vita destituit: cui prætextam ego nullam, nullam purpuram antepono. Hanc qui possidet Mundo ipso major est, supraque instabilem longè Mundi aleam evectus, magno erectoque animo despicit hæc inania & vana terrarum; quibus non aliter homines plerique alligantur quàm stulti straminis vel exigui fili nodo, aut pueri astragalus suis & crepundiis. Certe inter alia quæ cœlitus dona accepimus, illustria imprimis illa, & quasi Divina sunt, quæ in litteris & disciplinis consistunt; qua-

rum ope homines non tantum brutis præstant, sed à rudi etiam & ignobili vulgo ita discernuntur, ut tanquam Dii in terris præ aliis longe eminere videantur. Non omne metallum magnes, non omne itidem ingenium genius Musarum trahit: lucrum alios & sagina inutilis insatiabilis avaritiæ, fastus alios & ambitio, alios vota profana vulgi transversos rapiunt: At qui Musarum cultores sunt, vanas istas & insipidas mentes magno iudicio, pari animo fastidiunt. Quam enim in lubrico totum hoc blandientis fortunæ opus, quam fallax, & anceps alea splendentis luti! Et quid hæc omnia quæ admirantur stulti, & suspiciunt in turbido hoc rerum humanarum pelago? stant, cadunt, veniunt, abeunt, & cum affluxisse tibi credis æternum mansura, quàm repentina sæpe calamitas & miserranda inopinanter vicissitudo subsequitur. Opes etiam supra omnium *Crassarum* & *Lucullorum*, nisi virtute partæ & sapientia nixæ, quàm levi momento (ut res sunt humanæ) dissipantur ac pereunt! fulciri debent: & quo alio fulcro quam *Eruditione* ac literatura unica prudentiæ magistra? Annibali magno illi belli duci deridendum se præbuit *Phormio*, quod cum nunquam hostem, nunquam castra vidisset, de militari tamen disciplina & belli muniis, tanto coram Imperatore disserere non dubitaret: At vero quanto majori risu, imo reprehensione digni sunt illi, qui cum ad reipublicæ administrationem & imperium in alios, nati sunt, tamen propemodum nihil retinentes præter umbram Magni Nominis & inania dignitatis, quid imperare sit, nesciunt. Qua enim ratione in ferendis sententiis quid æquum, quid iniquum, quid legibus consentaneum, quid ab iis alienum sit videre poterunt, nisi litteris ipsi tincti imbutique fuerint? ad quas hi tales cæcutiunt tanquam noctuæ, & talpæ ad Solis faciem. Contra, doctrina & virtus, arctissimo inter se vinculo junctæ, hominem non doctiorem mo-

do, sed meliorem reddunt; adeo ut quod in agri cultura confert, hoc animis hominum *Eruditio*; quæ si oculis corporeis cerni posset, incredibiles sui amores excitaret. Præclare *Romanus* ille *Sapiens*: *Certi sunt* (inquit) *domitores ferarum, qui ferissimæ animalia, & ad occursum exterrentia hominam, docui pati jugum; nec asperitatem excussisse contenti, usque in contubernium mitigant. Leonibus magister manum insertat; osculatur Tigrim suus custos; Elephantem minimus Æthiops jubet subsidere in genua, & ambulare per funem; Sic doctrina, sic Eruditio est artifex domandi mala; & in quo magis quam in homine? aut minus disciplina in ingeniis poterit quam in feris industria.*

Vultis exempla, Auditores? Magnos sæpe viros perdita penè ac desperata adolescentia, in Patriæ salutem natos accepimus; ut verum nimis sit & longo rerum usu comprobatum illud Poëtæ,

— Didicisse fideliter artes,
Emollit mores, nec sinit esse feros.

Nimirum ut ager ex se infertilis, cultura tamen emendatus ad fertilitatem provocatur: sic ingenium virtutis expers, disciplina ad bonam frugem potest demutari. *Marcum Torquatum* ingenii tarditas in agrum tanquam in exilium ablegaverat; hic tamen amœnioribus imbutus litteris, periclitantem Latino tumultu Patriam, insigni triumpho restituit. *Valerium Flaccum*, quem *Roma* projectæ libidinis juvenem, virum postea omnis modestiæ ac probitatis exemplum vidit. Quid *Fabii Maximi* adolescentia turpius? quid vero illo sene per literaturam ornatius, quid augustius *Roma* tulit? *Themistoclis* quoque adolescentia quid licentius? at is inde juventæ suæ maculas insigni suæ doctrina, rebusque strenue gestis ita eluit, ut *Græcorum* clarissimus extiterit, & prælio navali *Persis* ad *Salaminem* victis, libertatis & Patriæ assertor fuerit fortissimus. Quid *Polemo*, perditissimis moribus adolescens? ingressus Auditorium magni illius Philosophi *Xenocratis*, cum cum non minus

minus graviter quam doctè de temperantia disertantem audivisset, adeo doctrina ejus commotus fuit, ut omnem ab eo tempore incontinentiam, ingluviem, crapulam exuerit, & ex homine luxurioso factus sit temperantissimus. Tantum scilicet potest magistra illa vitæ *Eruditio*, tantum institutio, quæ nos ad eam ducit. Neque est quod miremini, Auditores: Fœcundissimi haud raro sterilescunt & silvescunt sine cultura agri: adde illam, etiam resqua frugum copia luxuriant, & quis dubitet in animis culturam posse, quod in terra? Sic tamen, ut quod in terris evenit, validiori aratro, ligone, marra, rastro, ad fœcunditatem provocanda sit una, mollior altera: quædam ultro fœcunda, levi manu colenda; durius illa, ac non nisi per sudorem magna promittat. Idem in ingeniis, felix ille, qui nihil negotii secum habet; at hic de se melius dici potest meruisse qui malignitatem naturæ suæ vicit, & ad *Eruditionem* se non perduxit, sed extraxit: ut nulla malignitas tanta sit, quam non assidua exercitatio corrigat. Plura dicerem, Auditores; sed ne parientia vestra & attentione abuti videar, finem dicendi facio, pedemque hic figo. Illud prius à vobis, *Studenti*, contendens, ut mea non in aures solum vestras, sed & in animos descendat Oratio; cumque vos ad omnem laudis cumulum natura genuerit, ratio formarit, voluntas accenderit, ne patiamini tantas dotes ulla desidiz labe in vobis deformari. Expendite mecum, quæso, Quid valeat *Eruditio*, quem præbeat usum. Sed citra laborem eam parari, si quis existimet, disciplinas oscitantibus in ora delabi, & venire in sinum dormientibus, errat; Πάντα νόον ὄντα, &

————— *nil sine magno*

Ut præclare *Venusinus*,

Vita labore dedit mortalibus.

Adhæc, quis vestrum adeo à *Musis* aversus est qui literarum decus non admiretur? quis ad fa-

pientiam *Socratis*, sublimitatem *Platonis*, ingenium
Aristotelis, eloquentiam *Demosthenis* non obstupe-
 scat? Quis denique scientiæ & cognitionis studio
 non ducitur, atque doctrinam, *Eruditionem*, artes
 non magnificiat? cum nulla instituendæ vitæ ra-
 tio & via animo & cogitatione concipi queat, quæ
 literarum auxilio non indigeat; ut eas si quis su-
 stulerit, *Solem* ipsum de *Mundo* sustulisse videatur.
Themistoclem olim cum somnum capere adolescens
 non posset, dicere solitum tradunt, *se* *Miltiadis*
trophæis quiescere volentem, *identidem* excitari. At
 quanto eos acrius accendi ac inflammari par est,
 qui quotidie non unius, sed innumerabilium ho-
 minum eruditione præstantium trophæa, non è
 marmore & lapide peregrino constituta, ad exigui
 temporis memoriam, sed ad omnem æternitatem
 consignata literis, intuentur? Ubi enim, quæso,
 istam egregiam indolem, quam in plerisque ve-
 strum video, ubi istud ingenium, ad omnia sum-
 ma natum, ubi istam ætatis partem, ad concipi-
 enda doctrinæ semina omnium aptissimam, aut
 honestius aut suavius aut fructuosius collocare po-
 teritis? Cogitate quantum assiduitas prolit,
 quantum intermissio noceat: & venatores
 intuemini, nihil illis arduum est, nihil inpervium,
 sub dio pernoctant, nives, grandines, nimbos,
 procellas, famem, sitim, frigus, vigilias ferunt;
 cum apris, lupis, ursis, aliisque indomitæ feri-
 tatis animantibus de vita sæpenumero decertant
 ac dimicant. Vos, si quanto illi ad prædam, tanto
 ad *Eruditionem* ardore feramini, ullam vobis, ne
 ad eam perveniatis, difficultatem obstare patiemi-
 ni? Absit, absit, Studiosi: Contra, fruimini oc-
 casione, quæ sese nunc offert, & aures vestras sæ-
 pe feriat, imo mentem, laudata illa vox, *πλου-*
τελέστατον ἀνέλωμα χρόνου. Dixi.

VIRGO BATAVA.

Sive

ENCOMIA CLARISSIMÆ
doctissimæque

ANNÆ Mariæ SCHURMANS,

à

*Nobilissimo, Amplissimoque viro Dno. JA-
COBO CATSIO nuper edita, nunc
verò carmine expressa à*

J. C. S. C. Q. D. R.

Doctissimis, Clarissimisque viris,

Dnis. THEODORO SCHREVELIO,

ET

AUGUSTINO SCHREVELIO,

Illi Patri, & Scholæ Lugduno Batavæ Re-
ctori; huic filio, Delphensis Conrectori,

Collegis suis conjunctissimis

J. CRUCIUS S. D.

*C*Armen quod in mediis Scholæ turbis, in laudem VIR-
GINIS, ad animi diversionem, ex intervallo, scripsi,
& horis penè suffuratis, dare vobis, & dedicare mihi
visum, Viri ornatissimi, Humanitas vestra huc me im-
pulsit, & propensio in bonos, & eruditos. Nec arbitror,
ingratum vobis erit munus, qui non tam quod offertur
astimare didicistis, quam offerenti animum. Pondus si
non à me, a Virgine saltem accipiat. Cujus ut verbis
nunquam exaquari potest virtutum magnitudo: ita qui
eam laudat, errore non peccat, aut affectu. Merentur,
rem dicam, ingenii dotes, non supra sexum solum, sed
fidei. Meretur eruditio, quæ varia est, in Latinis,

Bb 4

Gra-

Græcis, Hebraeis, Arabicis, aliisque linguis, & stilus in scriptione, vel ad veterem elegantiam. Quid mores? ipsa suavitas, ipsa probitas. Quid pietas? supra vulgus. Religio? strenua ejus assertrix, & Veritatis propugnatrix. Certus sum, quicumque propius tam novit, plura haud dubie, & distinctiora, quam dixerim inventurum. Quo sit, ut etiam gloriam (ex animo fateor) in eo ponam, inter admiratores ejus numerari. Si supra laudes nostras, ut facis, assurgat, dabitur veniam tenuitati meae, quæ facile inveniet locum (ita ominor, & voce) apud tam æquos arbitros rerum & ingeniorum. Nempe ut olim ferunt AUGUSTUM ex fortuito & tenui apparatu collegisse, quam esset familiaris sibi bonus quidam civis, apud quem sequestrata Majestatis pompa canare dignatus fuerat: idem ego judicium de vobis faciam, si hoc quaecunque vena mea (si tamen vena) ferculum gratum vobis esse intelligam. Quaeso apud vos, Viri humanissimi, ita sit. Placeat; quia simplex, inaffectatum, sine fuce. De ceteris non laboro. Omnia vobis detrahantur, doctrinae nomen & politioris literaturæ elegantia. Studium & amor utriusque mancant; quæ mecum feram in sepulchrum. Eodem & vestri amorem. Parum sollicitus, quid morosi hic aliqui & fastidientis palati homines clam insusurrent, qui alios deprimunt ut se attollant. Nati (liberè dicam) in dedecus literarum, & censuram etiam eorum quæ optima sunt. Tales videre ego soleo, & contemptum eorum majore contemptu ulcisci. Nec ante mihi aut bonis ullis placituri, quam sibi ipsis displicere didicerint. Valete, Viri amicissimi, & diu, Reipublicæ litterariæ bono. Plura non addo. Quia ut in vita parsimoniam: sic in verbis amo. Delphis, ex musæo nostro XIV. Febr. M. DC. XXXIX.

573

VIRGO BATAVA.

Musa sibi pretium semper, meritisque superbis
 Doctrinæ debetur honos. Quid vivere longum
 Fert homini, si vita procul melioribus ausis
 Desidia, ac turpi nimium correpta veterno
 Torpeat, & dubii tempus breve prodigat ævi?
 Explorant AUGUSTA viros. Quid foeta triumphis
 Gloria? quid saturæ cocco, vel murice vestes?
 Quid Regum tabulata, & celsis fulta columnis
 Atria? barbaricoque auro radiantia circum
 Tecta juvant, Tyriis intus decorata tapetis? (bit,
 Cuncta cadunt, pereuntq; & queis Fortuna super-
 Tempus edax rerum, in cineres, & tristitia vertit
 Funera. Tuque olim toti spectabilis Orbi
 ROMA, triumphatis quæ gentibus aspera cunctis
 Jura dabas, legesque ignotis effera terris,
 Quæ fractos didicere tuo submittere fasces
 Imperio, quid tanta tibi molimina rerum,
 Victricesque Aquilæ? quid tot comitata trophæis
 Bella dedere? truces quid debellasse Tyrannos
 Profuit? atque armis populos domuisse potentes
 Victa jaces ignota tuis.

*Quàm nescit eodem
 Stare diu Fortuna loco! quàm quidquid in alto est,
 Labitur, ingentemque trahit fors magna ruinam!* (nat

DOCTRINÆ stat fixus honos: Musisq; peren-
 Gloria, Picfidumq; decus, dum transvolat annos,
 Æternum sibi longa parat post secula nomen.
 Captet Avarus opes, petat Ambitiosus honores,
 Et trabeas votis ardentibus ambiat. At tu (rum
 Rectius ô quanto Aonidum SCHURMANNA foro-
 Deliciæ, quæ desidias, & marcida luxu
 Otia, degenerumque nimis contagia morum
 A cunis exosa tuis, pietatis amorem
 Materno cum lacte bibis? pia semina laudum
 Virtutumque exempla dabant, generosa parentum
 Nomina. Mox tacito paulum provectior ævo
 Doctrinæ (neque enim piguit subiisse labores)
 Fundamenta jacis, studiisque intenta, tenellam
 Ætatem antevenis meritis, progressibus ornas:

Impe.

Inpatiensque moræ, doctas prætexta Camœnas
 Aspicit, & primis Pallas se ostentat in annis,
 Ingenii præfaga tui, laudisque futuræ
 Entheus ardor agit, docilemque per ardua ducit
 Mascula vis, haud tarda sequi, quacunque patenti
 Ad Musas datur ire via. Nox omnis in usu est,
 Et lucis pars nulla vacat: pretiumque labori
 Ponis, & Aonias meditaris pectore lauros,
 Doctrinæ secuta tuz: generosa calorem
 Mens stimulat, vireque acuit: velut intus aquæ vis
 Cū furit, & magno oppositâ premit agmine molē,
 Perrumpit discenda labor, stant præmia cœptis,
 Virtutemque rependit honos: non invia rerum
 Culmina deterrent animum; sed ut altus Olympi
 Celsior exurgit vertex, cum nubibus actos
 Præcipitat nimbos, & rauca tonitrua cælo:
 Libera sic tibi mens, per tanta negotia victrix
 Emergit, similisque sui. Tu conscia rerum
 Dic mihi Calliope (nec enim sine Numine tantus
 Virgineus se prodit apex, & gloria Nymphæ)
 Dic linguas quas una tenet, quas ore rotundo (tis
 Prompta loqui, doctisq; simul committere char-
 Audet ovans. Te savus Iber, te Teuto, Britannus,
 Nympha, stupent, teq; Hebrææ, Lariæq; Camœnæ
 Suspiciunt, te Celta colit, te solibus uestus
 Laudat Arabs: atque una inter ditissima linguis
 Græcia, miratur tantas in Virgine dotes. (quam
 Rarus honos! Quid enim potuit sublimius un-
 Fo mineo prodire sinu? quid dignius? At nec
 Hoc durus stat sine labor. Præconia poscit
 Ingenitus majora pudor: juvenilibus annis,
 In linguis sudasse parum. mentemque animumq;
 Nobilior jam cura coquit, nec sufficit uno
 Eminuisse modo. Magni præcepta Platonis,
 Doctæque scrutari Stagiræi scripta Magistri,
 Est animus, dum fata sinunt, Sophiæque latentis
 Arcanas penetrare vias, Academia, nec non
 Jam Latium, jam Stoa placent, jam Cecropis arces,
 Brachmanūq; Scholæ: dū non nisi splendida spiras,
 Æternumque struis ventura in secula nomen,
Dum-

Dumque artes ex arte trahis. Quis mente repositas
 Virgineæ virtutis opes, quæ Musa labores
 Digna canat? seu vasta juvat confinia celsi
 Ingenio lustrare Poli, gelidumque Booten
 Eridanumque, lyramque, aquilam: tum quidquid
 Naturæ miratur honos: seu viscera terræ (ab alto
 Rimari sit cura, tibi, pecudesque, ferasque,
 Aut plantas quas foeta parit, pictasque volucres,
 Indigenasque maris, medioque natantia ponto
 Monstra: tui totidem sunt argumenta laboris.

Sed terris me Sacra vocant. Sat maxima VIRGO
 Sat Musis, studiisque datum. Quid scita, quid artes
 Humanas didicisse juvat, si nulla salutis,
 Nulla DEI nos cura tenet? Sed quantus avitæ
 Relligionis amor! quanta à puerilibus annis
 Numinis æterni reverentia! quantus in ore
 Virgineo pietatis honos! seu te ardua cerno
 Eloquio insigni pandentem Oracula Verbi,
 Et divinarum trutinando cacumina rerum
 Coelestes tentare vias: seu te igneus ardor
 Accensam rapit in nodosa Sophismata. Quis te
 Acrius errori insultat? Tu fraude latentes
 Argutosque dolos, & quæ Mendacia Mundo
 Intulit, & stygio dæmon revocavit ab Orco,
 Docta necas, cæcasque pia face discutis umbras.
 Plena animi, velut in pugnam volat incola Ponti
 Sarmata, Amazonio vel Thrax bellator amictu.
 Nempe DEO devota semel, non claudicat unquam
 Relligio, sed bella malis erroribus infert,
 Inviictasque acuit jurata in prælia vires,
 Nixa Deo, egregiæque intus sibi conscia causæ,
 NIL MEDIUM HIC, stant arma armis. Cōcordia sūma
 Discordes habuisse animos, & strage calentes. (est
 Pergis adhæc, neq; enim veterū satiata laborum
 Is curis SCHURMANNA comes sublimibus. Alta
 Ingenium sublime decent. Quid prisca revolvam
 Sanctorū monumenta Patrū? quid docta Rabinūm
 Scripta? quid arguti subtilia dōgmata Thomæ?
 Quid Floros, Tacitosque, & Grajis credita fastis?
 Eximiosque olim natos ab Apolline Vates

Occultum nihil esse finis, i
Intrat, & abstrusos perrum
Nec minor interea moru
Æmula cura tibi. Patrios j
Quid juvat, & proavos? quid
Dedecorant culpæ, aut casto
Non ita. Sed mediis celsus
Virgineæ virtutis apex. Non
Non Circe innocuam potuit
Aut scelerum suadere modos.
Quantus in ore lepos, vultuq
Quanta fides, pietasque animo
Gratia. Præclaris, neque eni
Artibus emicuisse satis, nec de
Aonidumque, virûmque simul
In partem venêre manus. Ven
Posteritas, cum Lyſippos in VI
Parrhasiosque Orco reduces, rec
Ingenii monumenta, vagus mir
Omnigenisque elementa suis exp
Excusis certare typis, nec cedere
Tantus amor calami

ea pulsare manu, citharaque, chelyque
 sam resonare tuas Amaryllida musas.
 semper scrutanda placent. Distincta jocosu
 ur decori virtus, mentisque benigna
 eries, doctique sales. Alterna Camœnas
 landa juvant. Non intermissa colonis
 as exhaurit agros; studiisque negatum,
 liu si fessa sui sub mole fatiscant.

quies animo. Magnus sic fertur Achilles
 um strepitus inter, lituosque, tubasque
 fle jocos. Non si Parnassia Musæ
 mihi, sacrosque aditus, atque aurea pandant
 a, commemorare tuæ præconia laudis
 im, nostroque amplecti singula versu.
 d mihi foeminei quondam miracula sexus,
 lum immortale decus) doctasque Sibyllas,
 am, Telephillam, & Graccham cana Vetustas
 s? ingenio claram quid Græcia mendax
 am, & quæ sacra tuis sunt nomina fastis?
 ajor se prodit honos: supereminet omnes
 MANNÆ Aonio prolutum nectare pectus,
 so mens nata Polo. Te Fama nepotum
 i mirata decus, vitæque labores,
 tras, pelagusque vehat, lauroque superbum
 n eat, quæ se Thracum Mavortia tellus
 , & argentem Rhodope procurrit in Æmum:
 acedum per saxa fremit, spumantibus undis
 , herbosæque tegunt Alcymona ripæ.
 uni libasse satis. Quas mobile vulgus
 imio miratur opes, sublimis ab alto
 is, & vani rides ludibria Mundi.
 li servire DEO sententia: quæque
 rahunt, retrahuntq; sequi; licet ima dehiscat
 loco, montesque ruant compage soluta
 vites, quatiatq; amplum timor hosticus Or-
 sis infracta manes, & conscia cœli (bem,
 speras, meditaris opes, castæque decorus
 utatis honos, pietasque infixæ medullis,
 idum præbent rebus solamen in artibus.
 so donec tandem feliciter ævo

Emeritam terris animam, saturamque dierum,
Mundi MENS ÆTERNA, & inenarrabile NUMEN
Suscipiat, vastoque olim te inscribat Olympo.

Eidem.

DUM fronti fucum indulget, pedibusq; choreas
Fœmina deliciis dedita tota suis.

Dumq; vagos hæc culta nimis meditatur amores:
Illa rotat pictæ firmata longa togæ.

Hæc patrias ostentat opes: illa inter Amantum
Basia, spem thalami desidiosa foveat.

Quàm benè tot VIRGO pene inter millia, sola,
Et sapis ipsa aliis, & sapis ipsa tibi.

Dum magno devota DEO, pellacia Mundi
Gaudia, & illecebras intemerata fugis.

Et genio suffulta tuo, sublimibus ausis
Ingenii, celsum nomen ad astra vehis.

Scilicet hic studiis labor est, ea cura perennis
Nobilia intus pectora sollicitat.

Obscuros pessundat apex: fastigia laudum
Sola suo merito mens generosa petit.

Perge modò, & doctas didicisse fideliter artes,
Sit præ or ingenii sedula cura tui.

Quo tandem seros diductum nomen in annos
Laudibus extolli posteritatis amet.

Fœmineumque decus mirentur secula. Nam si
Innocuus puræ Religionis amor,

Et laudem pietas ullam sincera meretur;
Et sua non fictus præmia candor habet.

Eximia siqua est DOCTRINÆ gloria, & almis
Virgineum musis excoluisse animum:

Si doctis placuisse viris: si gloria, linguis
Innumeris doctos sit superasse viros:

Hic meritis tibi surgit honos, hæc gloria soli
Competit, hæc famæ laurea digna tuæ.

Nam quod Luna ignes inter præclara minores;
Hoc inter doctos ANNA MARIA viros.

FINIS.



